




BIBLIOTECA NAZ.  
Vittorio Emanuele III

XXIII

E

60

APOLI





C1BB.12.





XXIII

E

60

INTERPRETATIO . NATURÆ,  
SEU  
PHILOSOPHIA  
NEWTONIANA METHODO  
EXPOSITA,  
ATQUE  
ACADEMICIS USIBUS  
ADCOMMODATA

A  
JACOBO ZALLINGER  
PHILOSOPHIÆ ANTEA PROFESSORE  
ET SS. THEOLOGIÆ DOCTORE.

TOMUS III.  
COMPLECTENS  
PHYSICAM SPECIALEM.




PERMISSU SUPERIORUM.

AUGUSTÆ VINDELICORUM  
SUMPTIBUS JOSEPHI WOLFF  
M DCC LXXV.







## P R Æ F A T I O.

*Siquis principia Mechanices terrestris, ac cælestis priore a me tomo exposita cum iis conferat, ac contendat rebus, quas hoc præsentè completi adlaboravi, fortassis iniqua me partitione usum iudicabit. Illa enim paucioribus verbis explicari: hæc plurimis vix enumerari videntur posse. Equidem, si id agendum est, ut tractatio-*

tionis modus sola multitudine, & varietate rerum definiatur, haud refragabor huic iudicio, meumque ipse propositum condemnabo. At enim sic existimo, in omni constitutione scientiarum, artiumque, & interpretationis vel doctrinae genere quocunque non tam numerum, quam momenta rerum exponendarum esse considerata; ita, ut, quæ plusculum obscuritatis, ac difficultatis habent, quæque aliis deinceps declarandis & percipiendis aptiora, magisque necessaria sunt: ea plus temporis operæque iure exposcant: quæ vero planiora, & ab expositis ante principiis levi brachio a quovis deducenda videntur, hæc verbis paucioribus confici, atque intento digito potius monstrari, quam fuse explicari debeant.

• Ex tot solertissimis, doctissimisque viris, qui disciplinarum institutiones dedere in lucem, nemo unus est, qui-

qui res singulas & universas facultatis suæ ambitu comprehensas pro dignitate diducere , & intra præfixas institutionum angustias constringere aut potuit , aut unquam in animo habuit. Ac si de operibus celeberrimorum virorum iudicium ferendum est ex rebus iis , quas prætermiserunt omnino , vel paucis verbis attigerunt magis , quam explicarunt ; nihil est , quod contemni , & exhiberi non possit.

Sunt hoc ævo nonnulli scientiarum maxime Physicarum amatores , qui regna naturæ præ cæteris Phylosophorum tractationibus plurimum extollunt , ea dico , regna , quæ fossibilibus , vegetabilium & animalium diversas species , classesque , ordines , operationes , commoda & fines exhibent. Recte hi quidem sentiunt , & præclare pro colenda eruditione , salu-


lubriter pro commodis Rei publicæ ,  
adcommodate pro gloria Summi Con-  
ditoris illustranda. At enim ad-  
curata , & philosophica earum re-  
rum expositio multas requirit præ-  
vias tractationes , quas si præter-  
miserit Philosophus , vel obiter ar-  
ripuerit , cum optato fructu , hone-  
staque voluptate in iis regnis versa-  
ri minime possit. Qui naturæ le-  
ges , solitasque operandi vias , qui  
vires rerum corporearum ad certas  
leges reductas , qui operationes che-  
micas , qui elementorum maxime vul-  
garium , ignis , aeris , aquæ & ter-  
ræ proprietates , effecta , concursus ,  
pugnas &c. parum perspecta habet ;  
næ is , opinione quidem mea ad na-  
turæ regna tot difficultatibus obsepta ,  
tot occultis munita præfidiis totque  
obstaculis ex omni parte circumvalla-  
ta repente expugnanda inermis acce-  
dit ! De iis autem legibus , ac viis  
naturæ , de corporum virilus , ope-  
ra-



rationibus , proprietatibus , effectis , pugnis , concursibus quid distincte percipere , quid ad generalem usum adcommodare potest is , qui Mechanices principiis non modo tinctus , sed penitus imbutus haud est ? Hæc sunt arma illa , quæ si tractare didiceris , naturæ regna tentes invadere : Hæc unica prope , tutaque via est , qua si progrediaris , ad maximarum rerum atque utilissimarum cognitionem pervenire queas : hæc sunt præviæ illæ tractationes , quæ institutione atque interpretatione egent maxime ; Cæteras deinde res , si generatim , & summorum capitum delineatione quadam primo perceperis , tutemet excoles , si res poscat , & suppetat otium.

Verum utcunque ista ab aliis aliter diiudicentur , Ego quidem , cum in omni re philosophica , atque etiam in publica earum artium institutione longis gravibusque studiis versatus essem ;

*sem; non dubitavi, ut in Republica  
literaria, quid maxime sentirem, li-  
bere, aperteque pronunciare. Scri-  
psi etiam de naturæ regnis, si copi-  
am rerum, & varietatem spectes,  
pauca: si institutionum rationem, fi-  
nemque, sat multa. Benevoli lecto-  
ris est, libere uti suo iudicio, atque  
optimam semper philosophandi, scien-  
tiasque tractandi methodum  
perquirere.*





# SERIES TRACTATIONUM

TOMI III.

## INTRODUCTIO IN PHYSICAM SPECIALEM.

### SECTIO I. DE SPECIALIBUS CORPORUM VIRIBUS.

	<i>Pag.</i>
C. I. Cohæſio corporum ſolidorum. - - -	19
C. II. Cohæſio partium Fluidi inter ſe. - - -	31
C. III. Natura fluiditatis. - - -	49
C. IV. Adhæſio fluidorum ad ſolida. - - -	55
C. V. Operationes chemicæ. - - -	73
C. VI. Vis repulſiva Corporum. - - -	95
C. VII. Lex virium in natura exiſtentium. - - -	101
Scholion de Principiis corporum. - - -	122

### SECTIO II. DE IGNE, ET CONNEXIS PRO- PRIETATIBUS.

C. I. Calor, & inflammatio Corporum. - - -	131
C. II.	

	<i>Pag.</i>
C. II. Proprietates lucis.	142
C. III. Observationes de Phosphoris.	153
C. IV. Natura luminis.	160
C. V. Colores.	172
C. VI. Principia optices.	184
C. VII. Principia Dioptrices.	202
C. VIII. Principia Captotrices.	221
C. IX. Electricitas generatim.	232
C. X. Electricitas Naturalis.	266

### SECTIO III. DE ELEMENTO AERIS.

C. I. Proprietates aeris.	273
C. II. Aequilibrium aeris generatim.	282
C. III. Venti.	287
C. IV. Tubus Torricellianus, eiusque ufus in altitudine locorum definenda	294
C. V. Experimenta quædam aeris.	304
C. VI. Sonus.	306

### SECTIO IV. DE ELEMENTO AQUÆ ET TERRÆ.

C. I. Proprietates aquæ.	324
C. II. Origo fontium, & fluminum.	330
C. III. Curfus fluminum.	338
C. IV. Proprietates terræ elementaris.	345

### SECTIO V. DE REGNIS NATURÆ.

C. I. Regnum minerale.	348
Terræ facies interna, & externa.	Ter-

Terræ fossiles.  
Lapides.  
Salia.  
Bitumina.  
Metalla.  
Semimetalla.  
Magnes.

C. II. Regnum Vegetabile. - - - 372

Definitio, & generalis divisio plantarum.  
Partes plantarum.  
Semen plantarum.  
Classe plantarum.  
Vegetatio feminis, & plantæ nutritio.  
Cultura plantarum.

C. III. Regnum animale. - - - 390

Anima brutorum.  
Classe brutorum.  
Animalia terrestria.  
Volatilia.  
Aquatilia.  
Insecta.

C. IV. Regnum Atmosphæræ terrestria. - - - 410

Ascensus vaporum.  
Nebulæ.  
Nubes.  
Pluviz.  
Grando & nix.  
Ros & pruina.  
Iris solaris & lunaris.  
Halo.  
Parhelius & Parasolene.

## C. V. Atmosphæræ corporum cælestium. 495

Maculæ solares.

Lumen zodiacale.

Atmosphæra lunæ.

Atmosphæræ aliorum planetarum.

Caudæ cometarum.






# INTRODUCTIO

IN

## PHYSICAM

SPECIALEM.

 **P**hysicam in binas partes vulgo distraxerunt Auctores, præsertim ii, qui ante Newtonum philosophati sunt, aut qui præclara eius inventa contemfere postea ex ignorantia, vel *experimental* philosophiam nomine magis, quam re sunt secuti. Alteram partem Physices vocarunt *generalem*, quæ generales corporum proprietates, & affectiones explicaret: alteram *specialem*, quæ de specialibus proprietatibus corporum ad certas classes reductorum ageret. Nec vero ista divisio reprehendi potest. Verum cum ex methodo, quam quisque in natura investiganda tenet, maxime intelligi debeat, quid ad quamvis istarum partium referri oporteat, nonnulla hoc loco præmittenda sunt, quæ ad faciliorem universæ tractationis progressum, rerumque ad Physicam pertinentium clariorem expositionem conducere visa sunt.

### §. I.

QUIBUS DE REBUS AGAT UTRAQUE PARS  
PHYSICES.

Physica generatim est facultas ex observationibus  
& experimentis eruendi naturæ leges, & causas na-  
tu-  
A

J. Zallinger, T. III.

turalium rerum, tum ex iisdem erutis inventisque reddendi rationem phaenomenorum passim occurrentium. Ut naturæ leges, & causæ naturalium rerum eruantur, maxime necessaria est cognitio motuum, quæ & terrestria & cælestia corpora generatim aguntur; ignorato enim motu naturam ignorari necesse est. Quapropter Mechanica, quæ scientia generalis motuum est, primam sibi in naturæ investigatione atque interpretatione partem vendicat, quæ proinde generalibus, certisque motus principiis ac legibus a vi inertiae & gravitate universali ac mutua pendentibus tota continetur. Neque enim corporum vires, a quibus plurimæ eorundem, ac diversæ tum proprietates, tum mutationes profiscuntur, recte inquiri, satisque confirmari possunt, nisi exploratum sit antea, quid inertiae ope, ac per leges mechanicas effici possit, debeatque. Innumerabiles hypothesès, quas Philosophi invita natura protulere de corporum firmorum cohæsione, de elasticitate, de causis operationum chemicarum, de ascensu fluidorum in vasa capillaria, & maxime de gravitate corporum terrestrium, aliisque similibus argumentis nunquam in philosophia locum occupassent, nec discentium ingenia irritò labore occupassent, si mechanices principia diligenter demonstrata, & posita ob oculos fuissent. Newtonus quidem, a quo non solum cognitionem summarum philosophiæ veritatum, quæ inaccessible videbantur humano ingenio, verum etiam recte philosophandi methodum accepimus, verbis, & re docuit, mechanicarum legum cognitionem, & calculi laborem præmitti debere physicis disquisitionibus. Nam initio L. III. Principiorum in hunc modum præfatur: *in libris præcedentibus principia Philosophiæ (naturalis) tradidi non tam philosophica, sed mathematica, ex quibus videlicet in rebus philosophicis disputari possit: hæc autem sunt motuum, & virium leges & conditiones, quæ ad philosophiam maxime spectant.* Prima igitur Physices pars physico-mathematica est; neque Physices generalis nomine aliud designo, quam principia Mechanices & terrestris & cælestis a viribus inertiae, ac mutuae & generalis corporum attractionis pendentia; quæ quidem adcurate exponere adlaboravi superiore operis mei par-



parte. At enim præter hasce vires inertiae, & universalis attractionis, quæ totum planetarium systema ceu fundamentalibus, ut aiunt, legibus gubernatur, alia præterea attrahentium, imo & repellentium virium species, seu potius diversa earundem virium lex in natura extat, a qua in diversis corporum classibus diversæ proprietates, atque adfectiones derivantur. Hanc virium speciem, seu legem ab inertia & gravitate universali haud parum discrepantem diligenti observationum atque experimentorum studio, faciliq; ratiocinio discimus, & generatim pari firmitate, ac perspicuitate intelligimus, qua generalis & mutua corporum attractio intelligi omnino, ac demonstrari potest. Eadem virium lex, cum in exiguis duntaxat elementorum, & partium corporis distantis vigeat, & a generali attrahendi lege, quæ majoribus corporum distantis respondet, non parum, uti diximus, recedat, passim *virium specialium* nomine denotatur. Quamobrem altera Physices pars, quam *specialem* nuncupant, primo speculum istiusmodi virium phænomena & velut specimina colligit; dein quia innumerabilis corporum varietas & copia occurrit, ea ad certas classes reducit, ac de vulgaribus quatuor elementis, igne, aere, aqua, & terra agit, quæque a singulis pendent, vel cum iis connexa sunt, una contemplatur. Hisce expensis in naturam corporum totalium intimius penetrare nititur, atque in primis in tellure nostra triplex regnum, animale, vegetabile, & minerale pervadit, cui regnum atmosphæricum nonnulli prudenti consilio adiungere. Cæterum tractationi de primis corporum elementis seu principiis, eorumque natura, etli quidam Philosophi plurimum operis, temporisque impendant; tamen perarum fere tribuunt illi, qui cognitione naturæ progressuque philosophiæ præ incertis & obscuris disputationibus delectantur. Res enim ista nec ad informandam, perficiendamque humanam mentem, nec, ut progressum quendam in Physica faciamus, omnino conducere videtur, atque ad ancipites præterea & interminatas controversias ac metaphysicas, & arbitrarias notiones deducit.

## §. II.

## I. QUA METHODO UTATUR PHYSICA SPECIALIS.

In definienda superius Physica satis aperte indicavi methodum, qua ea generatim, ac proinde utraque eiusdem pars pertractanda sit. Hæc methodus & synthetica est, & analytica, sed primas semper tenet analysis; quia observationum, atque experimentorum ope in primis investigandæ atque eruendæ sunt naturæ leges, & causæ proximæ naturalium rerum (quod analyse munus est) dein ex iisdem legibus, causisque proximis inventis atque erutis aliorum phænomenorum passim occurrentium reddenda est ratio; quæ quidem res ad synthefin pertinet. Nimirum duplicis generis phænomena in contemplatione naturæ occurrunt; alia satis aperta sunt, & simplicia, atque inductionis & matheos ope ita exposita ac confirmata, ut ex iis lex quædam naturæ & causæ proxima certarum mutationum ac motuum colligi ac concludi possit: alia haud paullo occultiora, magisque complicata, tantumque involuta, ut si se solis considerentur, difficillimum explicatum habeant; sed quorum ratio ex priore conclusione, & naturæ lege analytice inventa, & instar principii postmodum assumpta haud ægre derivari queat. Quemadmodum igitur in Mechanica generalem mutuamque corporum attractionem ex observationibus & phænomenis cælestium motuum analytica methodo primo investigavimus; eandemque attractionem, cum satis confirmata iam videbatur, instar principii assumptam synthetico ordine explicandis aliis phænomenis adhibuimus; sic eandem deinceps in Physica speciali tenentes rationem a Newtono præscriptam, alia quidem phænomena, eaque aperta & extra controversiam posita ad stabiliendas speciales corporum vires referemus; certisque propositionibus complectemur: alia vero magis complicata, & quorum occultior origo est, ex iisdem propositionibus conabimur explicare; ut hoc quidem modo in pervestiganda natura primo semper loco analysis retineatur tanquam tutissima veritatis inveniendæ via: eadem autem instar principii, ac veræ legis assumpta,

&

& in synthefin redacta postmodum ufui fit rebus obscuris declarandis, incertis confirmandis, atque iis, quæ penitus involuta sunt, quaqua fieri potest ratione, evolvendis. Ex his colliges, definitionem Physices, quam supra dedimus, cum modum exprimat, quo ea scientia acquiri possit, realem esse, ac veritati consentaneam; Qui porro Physicam volunt esse scientiam, quæ *ex rerum naturalium essentia atque natura* rationem reddere debet eorum, quæ in natura rerum contingunt, viderint sane, quid definitione sua, & grandibus promissis dignum adferant in suis lucubrationibus; certe ex rerum naturalium *essentia, atque natura* nequit ratio reddi phaenomenorum, nisi eadem natura, atque essentia naturalium rerum antea perspecta sit, fatisque explorata; quis est autem philosophus, qui, cum veritati intentus naturam contemplatur, neque hypotheses, & cogitata sua cum veritate & operibus naturæ miscet, non manifesto intelligat, circa naturas, atque essentias rerum naturalium penitus nos cæcutire in hoc mortali statu? Idearum omnium expertes hunc mundum ingredimur, & velut peregrini, ac hospites accedimus ad contemplandam naturam, haud secus, ac si quis hospes in rem publicam aut civitatem bene ordinatam veniret, nec ejus leges, quibus regitur, ex archivo extrahere & videre, nec ab aliis, qui eas leges constituere, vel tabulas inspexere, addiscere posset; qui quidem nulla alia via in earum notitiam perveniet, nisi diligente eorum, quæ in dies accidunt, observatione; ex qua demum colligeret, quæ leges sint, qui mores, quæ criminibus statuta poenæ, virtutibus præmia? quæ rebus pretia sint præfixa, quæque sunt generis itius. Simili prorsus modo observationum, atque experimentorum subsidio naturæ leges comperimus, iisque compertis phaenomenorum deinceps occurrentium rationes explicamus; quæ autem intima sit rerum constitutio, *natura, essentia, vel substantia, minime cognoscimus*, uti & Newtonus animadvertit ult. Scholio generali L. III. Princip. *videmus tantum corporum figuras, & colores, audimus tantum sonos, tangimus tantum superficies externas: olfacimus odores solos, & gustamus*

*scimus sapores : intimas substantias nullo sensu , nulla actione reflexa cognoscimus.*

### §. III.

#### EXPLICATIONES MECHANICÆ QUÆNAM SINT.

Duo hic exponenda sunt , *primo* quænam causæ , & explicationes phænomenorum mechanicæ vulgo adpellentur : *secundo* quænam adpellari possint , vel debeant. Ad *mechanismum* igitur *vulgarem* pertinent adfectiones mechanicæ corporum , vel exiguarum partium eorundem , & motus productus secundum leges inertie per impulsionem. Adfectiones mechanicæ corporum , vel exiguarum partium censentur impenetrabilitas , unde unde oriatur , certa extensio , & magnitudo tum particularum tum pororum , qui inter particulas corporum intercedunt , determinata figura e. g. cuspidata , cuneiformis , sphærica , applicatio unius corporis ad aliud , vel particularum corporis , durities earundem , quæque sunt istius generis in instrumentis artium mechanicarum passim occurrentia. Ad motum productum secundum leges inertie per impulsionem etiam pertinet pressio orta a gravitate tum fluidorum , tum solidorum corporum , mutationes per calorem & motum intestinum effectæ. Quisquis ex hisce rebus rationem reddit phænomeni cuiusdam , explicationem illius mechanicam adferre vulgo creditur. Philosophi nonnulli eliminatis Veterum Peripateticorum qualitativis occultis instar legis , aut axiomatis sumere : *mechanice philosophandum est*. Cum enim *plurimas* corporum mutationes ab adfectionibus mechanicis particularum , & ab impulsu pendere cernerent , præcipiti conclusione statuerunt , *omnia* demum naturæ opera , ac phænomena hoc modo peragi ; & quoniam attractionis nullam explicationem mechanicam adfercbant plerique Newtoniani , eandem ex philosophia instar qualitatis occultæ eliminandam esse a multis creditum est. Ex hac philosophandi lege temere assumpta , incredibile dictu est , quot hypotheses , quamque inter se & cum genuinis mechanice principijs pugnantes , velut ex equo troiano profi-

lierint. Quære ex Philosophicis hisce mechanicis, unde lapsus corporum terrestrium versus centrum telluris oriatur; a materia subtili, respondebunt, sursum, vel deorsum premente, vel motu vorticoso acta, vel elastica & oscillante, vel non elastica. Quære, unde proveniat elasticitas corporum; ab eadem materia subtili irruente in poros corporum, vel compressa intra poros, aut vorticulos, nescio quos, efficiente. Unde lux? a materia subtili corpori lucido circumfusa, & impulsiva versus oculum per vibrationes elasticas, aut seriem rectilineam globulorum penitus durarum, & compressionis incapacium. Unde phænomena electrica? ex materia subtili affluente & refluente; unde calor? ex eadem materia subtili motu perturbato agitata. Unde corporum fluiditas? nempe ex materia subtili inter exiguas moleculas corporum fluidorum interlabente; unde cohæsiō corporum firmitas? ex materia subtili partes minimas corporum comprimente, & coniunctas tenente. Hæc igitur est philosophia mechanica, quæ tantis laudibus in cælum fertur, quæ ad captum, ut aiunt, & intelligibili modo, quidvis explicat, & Newtonianæ attractioni longe præferenda est, in qua nempe quidlibet audendi, fingendique, semper fuit æqua potestas, ut eadem materia subtilis deorsum, sursum, in omnem partem simul moveatur: ut ob incredibilem subtilitatem omnium corporum meatus pervadat, simul partes earundem summa vi comprimat, & coniunctas teneat: ut contrariorum adfectionum, quales sunt firmitas corporum, & fluiditas, eadem causa existat; ut particulas corporum levissime cohærentes (ceu in vegetatione chemica) non disiciat motu perturbato & intestino, simul aliorum corporum, ceu metallorum, partes firmissime cohærentes impellat, ac dissolvat, uti fit in chemicis solutionibus. Hactenus exposui, quid per mechanicas explicationes vulgo denotent Philosophi, maxime Cartesiani, & Semi - Cartesiani, qui se *Edesicos* non raro vocitant. Restat, ut declarem, quænam explicatio re ipsa possit, debeatque mechanica adpellari. Mechanice philosophari aliud non est, quam operam dare, ut phænomena explicentur secundum leges in Mechanica demonstratas. Quo quidem modo omnis doctrina

na motuum a vi inertiae & gravitate universali pendendum, omnisque phaenomenorum explicatio ei doctrinae conformis ad mechanicam pertinet. Quae ARCHIMEDES de æquilibrio tradidit, & liquido insidentibus, GALILÆUS de libero descensu gravium, HUGENIUS de viribus centralibus, & centro oscillationis, NEWTONUS de motu in trajectoriis; certe ad mechanicam referenda sunt, etsi explicatio phaenomenorum istiusmodi minime ab adfectionibus mechanicis particularum, aut impulsu petita sit. Quidquid igitur prima Physices parte a nobis expositum est, penitus *mechanicum* censei debet. Sed quaestio relinquitur, solane mechanices principia, ac solae vires inertiae & gravitatis universalis extent in natura, & phaenomenis quibuscunque explicandis sufficient. Si observationum atque experimentorum ope, & legitima inductione contrarium ostendatur in altera parte Physices, frustra oggeretur arbitrarium axioma: *mechanice philosophandum est*.

## §. IV.

### QUID NOMINE ATTRACTIONIS VENIAT?

*Attractio* nobis est determinatio ad accessum; eaque voce utemur, quotiescunque corpora vel particularas corporum ad sese accedere, aut firmitus, quam ut proprio pondere separentur, inter se cohærere observamus sine impulsu causae externae adhuc cognitae, vel alterius cuiuscunque assumptae, quae secundum notas mechanices leges agat. Sic plurima corpora ad se mutuo accedere, & sibi met mutuo adhærescere videmus, quin ulla causa exterius premens aut comprimens detegi, aut salvis mechanicæ legibus adsignari possit. Si ea determinatio ad accessum sit secundum legem gravitatis generalis decrescientis reciproce, uti quadrata distantiarum crescunt, attractio dicetur *generalis*: si vero contingat lege quadam diversa, erit *specialis*. Quisquis corporum motus, quos attractioni tribuimus, ab impulsione externa provenire statuit, is causam ignotam, & temere confictam noto effectui adsignat. Si vi externa corpora ad se accedere novimus

mus

mus, ea non attrahi, sed impelli dicimus. Qui igitur attractionem ex philosophia eliminandam putant, iis demonstrandi onus incumbit, omnia corpora semper impulsione externa ad se ferri, non hypothesin assu-  
mendo, aut fingendo quidvis pro libitu; sed observa-  
tionum atque experimentorum in sensus incurrentium  
ope eam probando, & confirmando; quod, cum nemo  
mortalium adhuc præstiterit, interea voce attractionis  
utemur. Phænomena & observationes non nisi mu-  
tuos corporum accessus, motusque nobis exhibent:  
Porro evidens est, & extra omnem controversiam,  
eos motus pendere a potentia quadam activa; five a  
principio, quod illos producere valeat; tale principi-  
um vel externum est, vel internum. Externum nul-  
lo modo detegimus (nisi ad DEUM velimus recurrere)  
imo eiusmodi deprehendimus phænomena, quæ a prin-  
cipio externo secundum cognitæ leges mechanices agen-  
te provenire omnino haud possint. Quid igitur conclu-  
demus? nullum re ipsa extare principium externum,  
a quo illi motus oriantur? haud sane. Nec enim igno-  
rantia nostra rem tollit, nec opera conditoris angustis  
limitibus nostræ mentis arctanda sunt. Forsitan, ait  
MUSSCHENBROEK in Elem. Phys. pendent nonnullæ at-  
tractiones ab aliis præterea causis singularibus, qua-  
rum ideam formare nondum potuimus propter penu-  
riam adcuratarum observationum, aut subtilitatem ad-  
paritionum, quas forte detegit posteritas, cum Physica  
experimentalis ardentius exulta erit: idcirco pluri-  
ma phænomena recte explicari, & demonstrari non  
poterunt, priusquam hæ causæ erutæ erunt. Illud igi-  
tur hoc primo statuamus: Mala est, & inepta hujus-  
modi conclusio: *nullum a nobis deprehenditur principium  
externum, a quo mutui corporum accessus proveniant;  
ergo nullum re ipsa tale principium extat in natura.* Se-  
cundo. E contrario legitima est conclusio istiusmodi:  
*Phænomena naturæ a vulgari mechanismo & principio  
externo secundum notas leges mechanices agente minime  
proveniunt: igitur admittendæ sunt vires a vulgari me-  
chanismo, & principio quovis externo secundum notas le-  
ges mechanices agente distinctæ.* Eiusmodi vires, si sint  
determinationes ad accessum, vocantur *attractivæ*: &

ad recessum, *repulsivæ*. *Tertio* duplex in hac re quæstio moveri potest, quarum altera ab altera diligentissime, ac perpetuo segreganda est: 1. *An extent* in natura potentiae activæ, a quibus vires attractivæ & repulsivæ, sive determinationes ad accessum, aut recessum corporum proveniant: 2. *Quid sint*, & cuiusmodi naturam habeant istiusmodi potentiae activæ. Primæ quæstioni legitime ac manifesto satisfieri potest, etsi altera penitus occulta sit, & remota ab intelligentia nostra. Ac reipsa priorem ita dissolvemus, nihil ut dubii relinquatur. Altera non magis Newtonianos, quam omnes omnium temporum philosophos (exceptis Cartesianis rigidis omnes motus Dei actioni adscribentibus) cum omnes principia motuum, & potentias activas agnoscant, etsi nemo illorum intimas earum naturas, atque essentias perspexerit. Torquet: hac quæstionum diversitate intellecta porro oggeri non potest ab adversariis Newtonianæ philosophiæ: *attractio est qualitas occulta: explicari non potest, quid sit vis attractiva, & repulsiva &c.* quæque istis similia sunt, de quibus infra disseremus.

## §. V.

### DE MACHINIS AD EXPERIMENTA NECESSARIIS.

Rerum physicarum studiosis nihil commodius accidit, quam si instrumenta & machinas ad experimenta capienda maxime necessarias habeant præ oculis, earumque totam structuram, atque usum comprehendant. Eiusmodi machinæ sunt *Antlia pneumatica* ab Ottone Guericchio consule Magdeburgensi inventa: a Boylio perfectior reddita; a quibus *hemisphæria Guericckiana*, & *vacuum Boylianum* nomen habent: tubus aut machina phænomenis *electricis* serviens: tubus *Torricellianus* aut barometrum: *thermometrum* tum florentinum seu Reaumurianum, tum Fahrenheitianum: *specula caustica: microscopium* & *telescopium*. Horum enim in physicis institutionibus fere perpetuus usus est, ac primis ideis principiisque philosophiæ experimentalis ingerendis maxime adcommo-  
 Ex Antlia & vacuo Boyliano,  
 ubi omnia corpora, etsi pondere differant, æquali celer-



leritate decidunt, discunt vim acceleratricem gravitatis a motrice, & massam a volumine distinguere; ac diversam porositatem corporum; & gravitatem specificam concipient. Phœnomena electrica manifesto indicio sunt, fieri posse, ut materiæ fluidæ occupent & pervadant corporum meatus, quæ solis effectibus deprehendantur. Tubus Torricellianus de fluidorum pressione, & perpetuis mutationibus atmosphæræ ideam ingerit. Thermometrum non obscure docet, calore omnia corpora rarefieri, & manente eadem massa in maius volumen redigi secundum omnem dimensionem: contra autem frigore constringi: eundem calorem in motu intestino partium minimarum situm esse, dumque ex uno corpore in aliud demigrat, semper versus loca frigidiora ferri. Observationes microscopicæ de immensa subtilitate materiæ, & incredibili exilitate molecularum corpora componentium fidem facient; quæ res tum in natura, tum in naturæ explicatione maximi momenti est. Omnis enim corruptio corporum, & generatio, qua prior status sensibilis penitus tollitur, & introducitur novus, non nisi disiunctione & combinatione exilissimarum particularum peragitur; ob eandem subtilitatem fit, ut nihil purum, ac homogeneous in natura reperiatur, sed omnia, quæ limpidissima videntur, innúmeris consent particulis heterogeneis. Hoc igitur modo experimentorum ope generalia Physices specialis principia exponentur, quæ deinceps in omni perveſtigatione naturæ permagni usus sunt. Cæterum in describendis ac delineandis istiusmodi machinis, quæ ingenti numero & varietate occurrunt in hac Physices parte, multum operæ collocare, supervacaneum duxi; propterea, quod id præstitum sit accurate a compluribus rerum physicarum cultoribus, eædemque in museis physicis passim nunc extent. Præstat igitur oculis discantium eas subicere, quam multis verbis aut delineationibus fatigare vim imaginandi.

---

## §. VI.

## DE CHEMICA CORPORUM RESOLUTIONE.

*Chemia* docet per varias operationes & instrumenta dissolvere corpora in minimas partes, ex quibus componuntur, & dissoluta componere & combinare diversis modis. In resolutione corporum denique pervenitur ad exilissimas moleculas, quæ, etli compositæ sint ex minoribus partibus, tamen nulla arte resolvi in plures heterogeneous possunt, sed utcunque divisæ semper homogeneæ permanent. Hæ moleculæ adpellantur *materiæ primigeniæ*, ac *principia corporum mixtorum*, & quinque numero censentur hac ætate, ignis elementaris, s. acidus & alcalinus, aer, phlegma, terra damnata. Addunt nonnulli *sulfur primigenium*, seu materiam, quæ aliis commixta corporibus, ea inflammabilia reddit, & vulgo *phlogiston* dicitur, ut adeo sulfur primigenium seu principium sulfureum, aut phlogiston sit id, quod in corporibus ratio est, cur inflammari, aut flammam queant concipere. Verum si fuligo, quæ ex fumo corporum accensorum aliis vicinis corporibus adhæret, rite exurit, terra *pura*, quam idcirco *virgineam* vocant, obtinetur, quæ nulla ratione deinceps inflammari potest, propterea quod omni phlogisto spoliata sit; hinc alii aiunt, sulfur primigenium corrumpi posse, ac proinde etiam generari debere, quia alias perpetua corporum plurimorum accensione denique inflammabilia deficerent in mundo; negant igitur, sulfur primigenium elementis chemicis adnumerandum esse. Verum quænam reipsa sint elementa, & materiæ primigeniæ, sive tales, quæ in principia heterogenea resolvi nequeant, Chemicis disputent, si operæ pretium iudicant, interea de elementis quinque supra recensitis adnotabimus quædam ad physicam propius pertinentia. I. Idea ignis elementaris non ex flamma candelæ accensæ aut foco lignorum ardentium concipienda est. Nam flamma, ac focus plurimis constant heterogeneis particulis, uti fumus ac fuligo manifestat, sed potius ex radiis lucis puræ solaris in focum collectis ope speculi caustici. Corpora sulfurea  
in

in omni naturæ regno reperiuntur, in *minerali* sulfur vulgare, succinum, ambra &c. in *vegetabili* olea vegetabilia seu destillata, seu expressa, balsama fluentia, resinæ, gummata &c. in *animali* butyrum, lac, adeps &c. Ex vegetabilibus iterata operatione denique obtinetur oleum tenuissimum, *Alcohol* dictum chemicis, quod pura flamma sine fumo ac fæce sensibili deflagrat. Atque hoc oleum purum, sive Alcohol est phlogiston, sive ratio inflammabilitatis. Eo enim detracto nihil ineest in corporibus, quod phlogisti rationem habeat. Idem tamen secundum experimenta Boerhaavii verisimiliter componitur ex aqua, subtilissimo acido, & æque subtili terra magnam ignis elementaris copiam continente. Accenso sulfure minerali non nisi phlogiston tenue conflagrat: acidum non immutatum dissipatur in fumum, qui campana vitrea exceptus guttatim destillat, & genuinum acidum reddit, quod *spiritus sulfuris per campanam* nuncupatur. II. *Sal nobis vocatur corpus*, inquit Boerhaave, quod aqua potest dilui (seu dissolvi in minutissimas partes) igne autem fundi, si non avolet prius in auras, quodque gustum humanum adficere valet eo sensu, quem saporem adpellant. Sal acidum est, quod in lingua saporem, quem vulgo acidum dicimus; *alcalinum*, quod saporem urentem seu urinosum producit; estque id *volatile*, quod levi igne & calore per auras diffunditur, & narium papillas, in quas incurrit, odore urinæ proprio vellicat: aut *fixum*, quod maximum ignem sustinet, ut colliquescat quidem, at nec evaporet, nec odorem spargat. Utrumque ita implicatur aliis materiis heterogeneis, ut solo ferme gustu & odore, aliisque effectibus constanter propriis sensibile fiat. Cæterum diversitas odoris in salibus acidis diversum etiam sulfur commixtum prodit. Censent recentiores chemici, utriusque salis acidi & alcalici idem esse principium, ac diversitatem non nisi ex varia partium subtilitate, & materialium extranearum mixtione provenire. De Mercurio multa prodita sunt a veteribus chemicis, in quibus non pauca fabulosa, omnia prope modum incerta sunt, ac nullius usus. Denotabant plerique eo nomine argentum vivum, seu hydrargyrum, ex quo una cum alio principio, quod sulfur parum

vocabant, componi aurum, & argentum volebant. Sed nulla adhuc resolutio chemica, nulla compositio asserto fidem fecit. Recentiores quidam chemici per mercurium designant terram metallicam a virginea diversam, hydrargyro simpliciore, sed illo maxime abundantem, quæ admodum volatilis sit, & metalla efficiat fluida, uti fit in hydrargyro; aut mollia, aut malleabilia. Sed aliam præter virgineam terram inesse metallis ignobilioribus, aut etiam nobilioribus, necdum experimentis est comprobatum.

## §.VII.

### DE INSTRUMENTIS CHEMICIS.

Instrumenta, quorum ope resolutio chemica vel compositio peragitur, duplicis generis sunt; alia vocantur *activa*, ceu ignis, aer, aqua, menstrua varia, quibus vis agendi, & corpora mutandi inest. Alia *passiva*, ceu vasa, furni &c. *Menstruum* vocat Boerhaave *corpus*, quod lege artis alteri adplicatum illud in minutas partes dividit, ita, ut particulae solventis inter partes divisas soluti corporis sint penitus intermixtae. Nomen ab antiquis Chemicis inditum est, qui suas operationes fere in longius tempus protrahentes mensem, seu potius operationem unam 40 dierum spatio definierunt. Aqua quorumvis salium commune menstruum est: *Spiritus* sunt menstrua fluida ex aqua mixta subtilissimis particulis sulfuris aut salium; hinc alii spiritus vocantur *sulfurei*, qui plerumque ex vinosis materiis extrahuntur, ceu spiritus vini; alii *salini*, iique vel acidi, vel alcalini urinosi, aut *compositi*, qui ex salibus acidis & urinosis cum portione quadam sulfuris componuntur. Quando operatio quædam vi ignis peragitur, is vel immediate adplicatur corporibus, vel mediate, nempe intercedente alio corpore e.g. aqua, cinere &c. Pro varietate igitur medii chemici vocant balneum aqueum, seu maris, balneum cinerum, balneum arenæ &c. Determinatio requisiti gradus caloris *regimen ignis* vocatur a chemicis. Boerhaave fere Thermometro Fahrenheitiano usus est. At sæpe commodius accidit, alios gradus distinguere, ac procurare modis diversis, quos usus  
&

& diuturna observatio docuit. *Primus* igitur *gradus* censetur calor, quo præsente actiones vegetantium & animalium commode peraguntur; qui & ovis gallinarum excludendis servit. Obtinetur is applicatione corporum sub æstivo sole maxime meridiano; pro quo ignis lampadum corporibus in furno suppositus nonnunquam adhibetur. *Secundus gradus* est, quo tam plantæ, quam animalia ad putredinem disponuntur, quique fermentationi ac lentæ digestionis plurimorum corporum servit. Obtinetur is, siqua cista recentiore equorum stercore aqua humectato oppleatur, eoque defodiantur corpora putrefacienda. *Tertius gradus* balnei vaporis est. *Quartus* balnei maris. *Quintus* balnei cinerum. *Sextus* balnei arenæ. *Septimus* balnei limaturæ ferri. Nempe vapor, aqua, cineres, arena, limatura ferri, uti ob diversam densitatem diversos gradus caloris a supposito igne concipiunt; ita etiam varios gradus cum corpore immerso communicant. *Octavus gradus* est *ignis suppressionis*, cum retortæ vitreæ integræ in arena defodiuntur, simulque vivis undique prunis cinguntur, ut calor, ne qua elabi possit, intra retortam quodam modo supprimatur. *Nonus gradus* est ignis apertus, ut ajunt, quando nimirum aëre libere admisso flamma carbonum corporibus ubique applicatur. *Decimus gradus* est calor, qui a radiis solaribus in focus concentratis per specula, vel Lentas dioptricas exoritur. Porro corpora, quæ nec aeris, nec ignis motu, ac vi in vapores aut halitus abeunt, *fixa* dicuntur: contra *volatilia*, quæ sola aeris agitatione, aut ignis vi sursum elevantur. Sunt autem alia corpora magis, alia minus fixa aut volatilia; nec reperiri potest corpus absolute fixum, aut volatile; cum etiam ipsum aurum maxime densum additione alienæ materiæ volatile reddatur; hinc quod respectu unius corporis aut in uno statu censetur fixum, relate ad corpus aliud, aliumve statum est volatile. Ad instrumenta passiva referuntur imprimis furni tam *immobiles* ex cæmento, lateribus & argilla parati, quam *portatiles* ex ferro, aut argilla, suntque alii *fusorii*, alii *probatorii*, alii *destillatorii*, prout corporibus fundendis, aut examinandis, ac separandis metallis nobilioribus, aut materiis diversis destil-

stillandis & sublimandis destinantur. Partes furnuli sunt *cinerarium*, seu receptaculum cinerum, *focus*, ubi ignis alitur, *venter*, in quo collocantur vasa continentia corpus operationi subiectum, & *caminus*. His partibus aliquando ad latus additur turrícula 5 circiter pedes alta, quæ *athanor* dicitur. In vasis, queis chemici utuntur, materia spectanda est, & imprimis forma, & usus; ab his enim trahunt nomina sua, uti 1. *catilli* terrei fusorii, catilli cinerei, alias cupellæ, *cineritia parva* dicti, quia cineribus & ossium confusorum reliquiis implentur relicta circa medium cavitate, ad fundenda metalla, ac separanda &c. utiles. 2. *Crucibulum* est vas ex argilla confectum formæ triangularis aut rotundæ, angustius parte inferiore, amplius superiore, mineris in igne fundendis maxime destinatum. 3. *Cucurbita* est vas vitreum, aut si ipsi foco immediate imponendum sit, argillaceum, in quo corpora destillanda, vel sublimanda reponuntur. Ei imponitur *capitellum*, quod est quasi vitreus pileus oblongo tubulo instructus, per quem vapores elati & in guttulas concreti defluunt in *excipulum*. Cucurbita cum suo capitello vulgo dicitur *alembicus*. 4. *Retorta* est vas vitreum, argillaceum aut ferreum ventro rotundo, & oblongo collo ad latus recurvo instructum, servit destillandis materiis, quarum vapores alte attolli non possunt. 5. *Aludela* vocantur urnæ rotundæ argillaceæ, inferius ac superius apertæ, ita ut collum inferioris fundo superioris immitti queat. Servit potissimum sublimationi corporum; de qua, aliisque operationibus chemicis necessarias notiones mox subjungemus. Si phialæ vitreæ collum angustius ita clauditur, ut omnis aeri aditus obstruatur, ea dicitur *hermetice claudi*, aut sigillum *Hermetis* ei apponi.

## §. VIII.

### NOTIONES OPERATIONUM CHEMICARUM.

I. *Destillatio* est evaporatio ope ignis & aeris in vasis clausis, quorum ea forma est, ut vapores primum elati, dein frigore in guttulas concreti colligi queant. Eius finis est, ut purissimæ quæque, aut certæ duntaxat

xat speciei partes præ aliis ex corpore mixto extrahantur, ceu ex aqua pluvia partes solum aqueæ sine aliis heterogeneis, ex mercurio peregrinis sæcibus commixto solæ partes mercurii puræ. Huius operationis quædam species sunt *rectificatio*, qua vapores primæ destillatione collecti iterum, ac tertio destillantur, ut partes omnium subtilissimæ, & maxime volatiles segregentur ab aliis crassioribus magisque fixis. Quo modo iterata operatione ex spiritu vini obtinetur spiritus vini *rectificatus*, denique *rectificatissimus*, dictus *Alcohol vini*. *Cohobatio*, qua spiritus iam destillati, & novo apposito corpori affusi iterato destillantur, ut cum alterius speciei partibus iungantur. *Abstractio menstrui*, qua non solum moleculæ homogeneæ corporis soluti, sed etiam ipsius menstrui particulæ ab illis denuo segregatæ obtinentur, similibus usibus deinceps servituræ. Denique ad destillationem referri potest *concentratio per frigus*, dum liquorum pars præstantior, magisque spiritosa a reliquis partibus frigore induratis versus medium valis compelluntur. Unde spiritus *rectificatissimi*, & *concentratissimi* obtinentur. II. *Solutio* est corporis in partis minutissimas divisio facta ope menstrui, quod cum particulis corporis soluti intime atque ex omni parte commiscetur. Solutiones, quæ vi ignis duntaxat peraguntur, *ignæ* vocantur, uti fusio corporum firiorum ceu metalli, aut coctio vel ebullitio liquidorum. Siqua menstrua non nisi ope ignis sensibili flamma se prodentis fluida evadant, & solutioni idonea, ea vocantur *ficca*, secus *fluida*. Unde solutio duplex est, una *formæ fluidæ*, uti cum aqua solvuntur salia; altera *formæ ficcæ*, cuius exemplum præbent quæcunque species terræ, quæ si omni sale alcalico spoliatæ fiat, ab igne utcumque valido non funduntur; at quamprimum sal fixus alcalicus eis apponitur, igne validiore fusæ vitrescunt. Ad solutiones referri potest *deliquium chemicum*, quando corpus in loco humido positum sensim in oleum, vel alium liquorem abit. Quo modo obtinetur oleum tartari per deliquium.

III. *Præcipitatio* est, qua corpora in mensuris soluta


B

in

in præceps aguntur, & ab iisdem, quibus intime commixta erant antea, iterum separantur. Sic resinæ in spiritu vini solutæ instillata aqua aguntur in fundum. Salia præcipitata sub specie pellucidarum molecularum, certaque figura præditarum, vocantur *chryſtalli*; unde & chryſtallificatio operationibus chemicis accensetur. Metalla præcipitata sub specie pulverum, dicuntur *calces*, & si colore aliquo imbutæ sint, *croces*. Argentum ex aqua forti præcipitatum ope salis communis vocatur *luna cornea*, eoquod in crucibulo supra ignem fufum exhibeat massam cornu fimillimam. Ea, quæ in forma sicca prius soluta postmodum præcipitantur, *reguli* vulgo a chemicis dicuntur. IV. *Sublimatio* seu *exaltatio* est exhalatio, qua partes ope ignis separatæ & ab aere sursum elevatæ in corpus solidum concreſcunt, eiusmodi partes concretæ si leviores sunt & quasi molles, vocantur *flores*, uti sunt flores seu partes sulfureæ metallorum, ceu ex ferro flores ferri, ex cupro flores veneris &c. V. *Calcinatio* est mutatio corporis mixti in minutos pulveres aut massas friabiles calci vulgari non multum abſimiles. VI. *Vitrificatio*, qua corpora abeunt in vitrum, seu formam vitro analogam, hoc est, in corpus pellucidum, durum, fragile coloris expers, in igne fusile. Vitrum vulgo conſlatur ex arena lapidea, quæ *glarea* dicitur, & sale alcalico fixo perparum sulfuris admixtum habente. VII. *Coagulatio* fit, quando ex mixtura non nullorum fluidorum fit massa firma. Sic ovi albumen in coagulum abit affuso spiritu acido salis marini, nitri, sulfuris, oleo vitrioli.







# PHYSICES SPECIALIS

## SECTIO I.

### *De specialibus corporum viribus*

ab

*Inertia & gravitate universali distinctis*

## CAPUT I.

### *De cohæſione corporum solidorum.*

Omnia corpora eius indolis sunt, ut eorum partes aliquam inter se, vel ad alia corpora cohæſionem exerant, etsi gradu perquam differente. Ipsa fluida, quorum exiles moleculæ facile ab se separantur, levique impressioni cedunt; secundum minores Portiones accepta, vel tenacia sunt, & in guttas rotundas abeunt, uti fluida aquosa, & mercurius; vel corporibus solidis saltem certæ speciei adhærent, uti eadem fluida aquosa, atque ipse etiam aer, cuius partes propria inter se repulsionem videntur exerere. Agemus igitur primo de cohæſione partium in corporibus solidis: secundo de cohæſione partium in fluidis: tertio de adhæſione corporum fluidorum ad solida, & solidorum ad fluida: triplex istud cohæſionis genus a viribus specialibus pendere haud agere perspiciet, qui phænomenorum causam veram & sufficientem investigat ex Regula I. Newtoni.

B 2

§. IX.

## §. IX.

Definitio. Cohæſio eſt ea corporum adfectio, qua reſiſtunt ſeparationi partium, ſeu vi aut determinationi tendenti ad reſeſſum particularum; uti ſi partes corporis cuiusdam ad motum in oppoſitas plagas ſtimulentur, aut ſi una parte immota, altera trahatur, vel tendatur.

## §. X.

Corollarium. Cohæſio partium a *vi poſitiva* pendet; nam vires potentiarum corpora rumpentium, tendentium, comprimantium, vel ad rupturam, tensionem, compressionem urgentium certe *poſitivæ* ſunt; vires autem poſitivæ non niſi contrariis & oppoſitis viribus æque poſitivis eliduntur; & quoniam vis diſtrahens eſt determinatio ad ſeparationem, vel reſeſſum partium inter ſe, neceſſario concipienda eſt vis aut determinatio contraria ad acceſſum; & viciffim quoniam vis comprimens eſt determinatio ad acceſſum partium; ſi huic vi reſiſtitur, concipienda videtur determinatio contraria ad reſeſſum, ſiquidem corpus magis adhuc comprimi poteſt. Si inter bina corpuscula cohærentia nullam concipias vim poſitivam, a qua pendeat eorum inter ſe cohæſio, non maiore vi opus erit ad eadem ſeparanda, quam movenda; nec maior a cohæſione, quam inertia oriatur reſiſtentia; quod a phænomenis longiſſime abeſt.

## §. XI.

Obſervatio I. Gradus cohæſionis in variis corporibus varii ſunt, imo & in eodem corpore, ceu in trabe pro varia ſiccitate, aut ævo. 2. Cohæſio univerſe non eſt proportionalis corporum denſitati; eſt enim maior in adamante. quam auro ſpecificè graviore, ſeu denſiore: 3. nec eſt in ratione ſuperficierum; nam æquales laminæ plumbi & ferri non cohærent æqualiter. 4. Globi plumbei, quorum ſinguli ultra libram non appendebant, reſciſſo ſegmento tali,  
ut

ut superficies unam decimam partem pollicis quadrati non superaret, eademque esset admodum plana ac lævis, arcte compressi, & cum frictione quadam & percussione coniuncti ultra ducentas libras tulerunt; facile autem ultra octoginta libras ferunt. 5. Specula vitrea plana ac munda, item laminæ planæ lapideæ, lateritiæ, metallicæ sibi impositæ cohærent etiam siccæ, multoque magis interposita aqua, oleo, pinguedine soluta, pice; eo itidem magis, quo magis politæ, minusque asperæ sunt, nec impeditur cohæsiō ab interposito tenuissimo corpore, uti si filum bombycinum alteri speculo circumligetur: minuitur tamen cohæsiō pro crassitie fili.

## §. XII.

Observatio II. Modi, quibus cohæsiō corporum eiusdem, vel diversæ speciei efficitur a natura vel arte, a MUSECHENBRØCKIO sequentes recensentur: I. *Vis externa comprimens*, uti hemisphæria Gaerickiana cava extracto aere ab incumbente columna exteriorē ita comprimuntur, ac si unum corpus constituerent. II. *Frigus*, quo multa corpora, quæ calore liquefcunt, in massam valde firmam concrefcunt, ceu metalla, femimetalla, salia, resinæ, cera, adeps, vitrum, & aquosi liquores. III. *Calor*, quo induratur molle lutum, & si igne recte coquitur, in lateres abit, qui firmitate sua, & duritie non nulla saxa superant. Similiter calore & igne indurantur creta mollis, corium, charta pergamena, ac levi ustulatione cuspidēs telorum ligneorum. Corallia educta ex mari mollia sunt: igni vel aeri exposita instar lapidis durescunt: pariter molle est succinum flavum in litōra eiectum: aeri expositum evadit durum. IV. *Clavi*. Corpora enim compaginantur clavis ferreis, ligneis; ac sunt, qui putant, particulas in aere natantes præsertim salinæ ac nitrosæ indolis, instar clavorum aquam configere in glaciem. V. *Vis magnetica* naturalis, uti ferrum aut magnes cum magnete cohæret; eodem referunt cohæsiōnem corporis symperielectrici

cum alio, quod actu electricum eſt. VI. *Mixtura*, qua ex non nullis fluidis fit maſſa firma.

*Animadvertit cit. Auctor in Introductione ad cohærentiam corporum firmorum, hiſce modis uti quidem naturam & artem ad corpora coniungenda; non tamen adfirmare ſe, plures non dari; cum præter cognitos procul dubio alios ſint detecturæ ſedulæ nepotum obſervationes. Idem inito calculo oſtendit, cohæſionem laminarum ſibi impoſitarum, aut globorum plumbeorum inter ſe compreſſorum longe maiorem eſſe, quam quæ ab aere incumbente proficiſci queat, uti id fit in hemiſphæriis capis.*

### §. XIII.

Propoſitio I. *Cohæſio naturalis corporum & particularum cuiuſcunque ordinis, quæ in eiſdem obſervatur, non pendet a cauſſis, quæ vulgo mechanicæ dicuntur. Prob. Ad cauſſas mechanicas pertinent particularum quies vel motus, figura, ſitus; actio corporis alterius præſertim fluidi ab ipſo corpore cohærente diſtincti; a nulla autem iſtiusmodi cauſſa corporum naturalis hohæſio pendet. Nam*

I. *In quiete partium nulla ineſt vis poſitiva, qua ſeparationi, & motui, quo fit ſeparatio, reſiſtunt, præterquam vis inertię: cohæſio autem a viribus poſitivis pendet (§. X.) ſimiliter ſolus partium contactus, cum non nili in æerto ſitu, & relatione conſiſtat, nullam vim continet: igitur cohæſio non pendet a contactu, nec a quiete partium, quemadmodum CARTESIUS videtur ſenſiſſe.*

II. *Ex motu partium quocunque non intelligitur ea, quæ in corporibus obſervatur, cohæſio; ac ne quidem ex motu earum conſpirante, uti LEIBNITIUS voluit, utens exemplo venæ aqueæ ex canali erumpentis, & velum quoddam formantis, quod diſſiciliter perrumpitur digito; nam eiſusmodi velum, ac diſſiciliter perrumpendi oritur ex celeritate, qua continuo aliæ atque aliæ partes ſuccedunt, & in digitum feruntur, cui is motus communis haud eſt. Dein ecquod in natura iudicium obſervatur huius motus? quæ*

quæ caussa? forte communis telluris motus? atqui bini globi in plano iacentes, etsi communi ferantur motu a tellure orto; tamen haud ægre separantur: corpora autem quam plurima, etsi respectu nostri omni careant motu, vi maxima cohærent.

III. *Figura & implexio*, atque, ut aiunt, *incuneatio particularum* non sufficit phænomenis cohæsionis explicandis. Sunt non pauci, qui ita inquirunt, sicut dentes ferrarum se mutuo excipiunt, sibi que intricantur, ut alteram ferram ab altera trahendo separare haud possis, nisi abruptis dentibus: aut sicut filum longum, & crassum ex Filamentis brevibus, & asperis inter se contortis constat, & maximam firmitatem acquirit; ita ex mutuo plexu & ingressu particularum diversis figuris præditarum earundem cohæsiō & corporum firmitas oritur; nam, ut aiunt, *uti in magnis, ita in minimis est natura*; At enim hoc effatum in primis non est generale; nunquid enim proprietates relativæ, ceu asperitas, lævitas, figura hamata, uncinata &c. quæ ex sola partium minorum textura oriuntur, ipsis partibus minimis tribui possunt? Sumuntur hic particulæ ordinis superioris, quæ cum diversas figuras intricationi aptas habeant, sola coniunctione cohæsionem efficiant; at hæc quidem particulæ aliis constant minoribus, ordinisque inferioris, hæc iterum ex ordine inferiorum componuntur, donec cogitando ad elementa veniatur, quæ simplicia sint, & dividi nequeant; quomodo igitur hæc elementa inter se cohærent? Respondent: Deus elementa in moleculas compegit, quæ naturaliter dissolvi nequeunt? sit ita fane? nam & plerique Newtoniani opinantur, divisionem corporum usque ad elementa simplicia nulla arte, nulla vi naturali effici posse; sed tamen illæ moleculæ & compositæ sunt, & elementa earundem vi summa cohærent; quæ est ista vis? quæ caussa cohæsionis? certe non est figura & intricatio elementorum. Sed alia huic sententiæ præterea obsunt; nam corpora lævia, si coniunguntur interpolito fluido, arctius cohærent, quam si sicca sibi incumbunt; augetur hoc modo cohæsiō: non augetur inutua partium implexio; nam partes fluidorum non

hamatæ, non uncinatæ ſunt conſeſſu omnium Philoſophorum; ſed potius ad figuram ſphæricam accedunt; quomodo autem a ſphæruſis poros ingreſſis, per quas mutuus affrictus, partiumque in alias partes ingreſſus minuitur, ſimul intricatio augeri poteſt? Aiunt: moleculæ primæ circumpoſito vinculo, aut interpoſito glutine cohærent; R. vinculum ſine partibus intelligi nequit; qua igitur vi partes vinculi iſtius cohærent? Si bina ligna glutine viſcido iunguntur, cohærent ſane; ſed iſta cohæſio phænomenon eſt, cuius cauſa reddi debet, non quæ ipſa ſit cauſa? Nam ipſa illa tenacitas, & viſcolitas glutinis eſt quædam cohæſio, cuius ratio ſufficiens explicanda eſt; nec aliud hic quaeritur, niſi *cur*, & *qua vi* partes eiſdem, vel diverſorum corporum cohæreant? Unde gluten, uligo, viſcoſitas denique oriatur? Cur corpora viſcida, glutinoſa adhæreant certis corporibus, eaque vi magna coniungant? Qui corpora, eorumque partes aiunt *concreſcere*, voce latina, ſed termino inani utuntur, & in vitium ſubreptionis incurrunt, quia effectum pro cauſa adſignant.

IV. *Adiō corporis alterius præſertim fluidi* a corpore cohærente diſtincti per hypothefin fingitur; proinde nec cauſa vera eſt cohæſionis! nec vero explicandis phænomenis ſufficiens. Nam *primo* aer omnia quidem corpora ambit, & quodam modo comprimit; at manente eadem aeris preſſione cylindri læves inter ſe coniuncti pro diverſitate fluidi interpoſiti diverſos cohæſionis gradus exhibent: iidem, uti & laminæ cohærent etiam in vacuo, remoto aere; in ipſo vero aere multo maiore vi, quam ſit vis columnæ aeris incumbentiſ; quod ſupra memoravi, & facili calculo inveniri poteſt; tanta enim aeris in laminas preſſio eſt, quanta foret a columna mercuriali cum aeris columna æquiponderante, cuius baſis æquat ſuperficiem laminarum ſe contingentium; inde adparet, pondus iſtiusmodi columnæ mercurialis longe minus eſſe, quam quod requiritur ad tollendam cohæſionem laminarum; quamebrem preſſio aeris ſufficiens haud eſt  
phæ-

phænomenis explicandis. *Secundo* quia particulæ corporum coherentium aliis constant minoribus pariter coherentibus; si earum cohæsiō a fluido oritur, summa istius erit subtilitas, ob quam omnia corpora, eorumque meatus liberrime pervaderet; & quoniam fluidorum pressio est æqualis in omnem partem, fluidum internum necessario eadem vi resistet, qua externum premit; hac autem æquali & opposita pressione nulla cohæsiō existit. *Tertio* fluidorum pressio crescit pro ratione basis; igitur cohæsiō, si a fluido oritur, tanto maior erit, quo maior est densitas corporum, aut maius volumen; atqui teste experientia certa, nulla est utrinque proportio. *Quarto* ipsæ particulæ solidæ, quarum congeries fluidum efficit; qua vi coherent? Alione iterum subtiliore fluido? *Quinto*: Istiusmodi fluidum, quod tanta vi, quantam observamus, corporum particulas coniungit, summæ densitatis esset, & argenti vivi densitatem millies ac millies superaret, ut eius pressio vi cohæsiōis responderet: idem vero in intimis corporum recessibus latitaret; quo posito diversa gravitas specifica corporum porro intelligi non potest.

#### §. XIV.

Propositio II. *Cohæsiō corporum oritur a mutua particularum in minimis distantiiis inter se attractione; ac videtur ea attractio particularum, & corporum cohæsiō crescere pro magnitudine contactuum, ita, ut eo maior sit, quo plures sese particulæ, & quo maiore superficie se contingant.* Prob. Posito solo contactu particularum corporis, eoque aucto, aut contra imminuto vel sublato ponitur, augetur, vel contra minuitur aut tollitur corporum cohæsiō; cum igitur omnis cohæsiō a vi positiva pendeat, qua separationi vel determinationi ad recessum particularum resistitur, necesse est, inter particulas se contingentes vim contrariam attractivam dari. Antecedens ex phænomenis ostenditur; nam

I. Laminæ eo fortius coherent sibi impostæ, quo magis politæ sunt, ut plures particulæ unius contin-

gant plures particulas alterius; e contrario corpora aſpera utcunque compreſſa & coniuncta non cohærent, tum ipſa partium aſperitate & prominentia contactum impediende, tum obſtante vi elatiſtica particularum prominentium, quæ adiunctione comprimuntur, ſeſeque reſtituere nituntur. Si laminæ utcunque politæ, ſed quibusdam locis perforatæ iunguntur, earum cohæſio minuitur; quia partium contactus minor eſt, & quia difficilius excluditur aer intermedius, qui ſeſe expandere, & laminas ſeparare nititur. Interpoſita fluida ex-  
 plent cavitates laminarum, & neceſſario plures contactus creant, ac fortassis propiores ( ſumitur enim hoc loco contactus pro tali coniunctione aut vicinitate corporum ſeu particularum, ut ſenſus nullum intervallum medium deprehendant, etſi fortassis aliquod perexiguum intercedat, de quo ex teſtimonio ſenſuum nil definiri poteſt ) Porro pro diverſa denſitate, & raritate fluidorum, & pro maiore vel minore congruentia figuræ & magnitudinis, qua eorundem particulæ præditæ ſunt, cum aſperitatibus & cavitatibus corporum coniunctorum, non perinde erit, quænam fluida interponantur, ſed alia efficient aliam atque aliam cohæſionem. Pix, & ſebum, quæ in igne liqueſcunt, non iisdem donata ſunt figuris, ſed quæ magis, vel minus congruant cum inæqualitatibus, & meatibus corporum: horum autem meatus, & inæqualitates non eodem in omnibus corporibus modo ſunt conſtitutæ; ſed in aliis pyramidales, ovales, angulares, parallelopipedæ, alteriusve figuræ ſunt irregularis conſenſu Philoſoporum omnium ex obſervationibus microſcopicis, & aliis phænomenis obtento; hinc particulæ interpoſitæ inter laminas non eodem contactus nec eandem attractionem, cohæſionemque efficiunt, vel admittunt. Si nimis magna copia ſebi, alteriusve fluidi aut ſemiſfluidi inter laminas illinitur, non erit maior earundem cohæſio, quam attractionis vis inter ipſas particulas ſebi aut fluidi alterius. Quoniam calor partes minimas corporum agit, & a ſeſe identidem removel, facile intelligitur, eundem contactui, adeoque etiam attractioni, quæ non niſi in minimis diſtantiis exeritur, obſeſſe; hinc cylindri interpoſita pi-



ce vix tres libras ferebant *calidi* ; at frigefacti vi 1400 tt cohæfere ; nempe uti per calorem dilatantur & augentur meatus corporum agitatæ & remotis eorum particulis ; ita frigore illi constringuntur , & istæ coniunguntur ; unde arctius coniunctæ , & ampliore superficie se contingentes vi maiore sese mutuo trahent. Quia denique calore partes a se removentur & meatus aperiantur , ut fluidum laminis vel cylindris antea calefactis inunctum in cavitates profundius penetrare , easque exactius explere queat ; hinc isto modo augetur cohæfio corporum , quia partium contactus , proindeque vis mutua augetur. Secundum experimenta MUSSCHENBRÖCKII cylindri vitrei 1,916 pollicis Rhenolandici calefacti ad gradum , quem ebulliens aqua habet , ope fusi sebi leviter interpositi , ut omnis aer intermedius excluderetur , cohæserunt vi 130 tt. At quoniam calor aquæ ebullientis exiguus est , ut proin partes solidæ non satis removeantur , nec aperiantur meatus ; idcirco iidem cylindri ita calefacti , ut sebum , dum inungitur , quasi ebulliat , vi multo maiore nempe 300 tt cohæfere. Similia circa cylindros alios , & alterius materiæ deprehensa sunt.

II. Corpora maxime cohærentia , uti adamas , gemmæ , silices &c. si diffingantur , superficiem splendentem exhibent , quæ ex particulis planissimæ superficiæ constat contactum plurimorum elementorum admittentibus. Contra corpora minoris firmitatis , cum diffinguntur , superficiem habent asperam , & inæqualem , nempe constantem particulis , quarum superficies asperiores etiam minores contactus admittunt ; & quoniam superficies molecularum corpora componentium infinitis gradibus differre possunt quoad lævitatem , & asperitatem , & figuram ; idcirco posita vi mutua particularum pro magnitudine contactus sese trahentium necessario diversa est in diversis corporibus vel pro diversis fluidis interpositis corporum cohæfio , nec a densitate pendens ; cum figura molecularum maxime spectanda sit , & una præ altera plures , paucioresve contactus capiat. Hinc ipsa varietas cohælionis , quæ summa deprehenditur in corporibus , ad vim hanc

mutuam admittendam nos adigunt ; plures enim vel pauciores , tum fortalliſſi etiam propiores aut minus propinqui contactus a diverſa compoſitione tum elementorum in moleculas primitivas , tum primitivarum in derivativas neceſſario oriuntur ; & quoniam hæ vires ſpeciales etiam a diſtantiis elementorum inter ſe , & molecularum pendent , non poteſt non ſumma varietas virium , & cohæſionis conſequi.

*Reiectis Propoſ. I. Cauſſis extraneis , quæ vulgo mechanicæ nuncupantur , & laminarum cohæſione , tum ſuperficie corporum , ipſaque varietate cohærentiæ ſpectata , mutua viſ particularum haud ægre concluditur , accedente præſertim inductione aliorum phænomenorum , quæ ſequentibus capitibus commemoraturi ſumus : neque enim omnia in cumulum coniici poſſunt ; & conſuſio ex inductione pendens , præſertim ſi ſingula inductionis membra diſceptatione quadam , & probatione egent , paucis verbis abſolvi non poteſt niſi ſingula membra antea demonſtrata & percepta ſint. De vi cohærentiæ , qua corpora compreſſioni reſiſtunt , cum ea repulſiva videatur , dein de glacie , in quam aqua & liquores aquoſi concreſcunt , alio agendum eſt loco. Vires hæſce mutuas , quæ corporum particule cohærent , diverſas eſſe , ſive aliam habere legem , quam ſit lex gravitatis univerſalis , vel ex eo perſpicuum , atque indubitatum eſt , quod viſ cohærentiæ corporum pluribus librarum centenariis ferendis par ſit , cum eorum viſ gravitatis modico ſæpe pondere ſuperetur. Legem iſtarum virium ſpecialium , quam in magnitudine contactuum poſuimus , pro demonſtrata non habemus ; hinc potius coniecturæ inſtar , & cuiuſdam conſecutionis formæ eandem adiecimus ; ſi enim particule contingentes ſeſe vim mutuam exerunt , plures particule , vel maiore ſuperficie ſe contingentes vim exerent maiorem ; certe ſi a corpore firmo tenuem admodum particulam arripere , eamque ſat firmiter cohibere poſſemus ; tanta non foret ſeparandi difficultas , quanta obſervatur , ſi maiori partium ſeriei , quarum ſingulæ ſeſe attrahunt , eodem tempore viſ inferitur ; ſed ſenſus noſtri , & inſtrumenta , quæ uti poſſumus , craſſiora ſunt , quam ut minimas particulas , quæ ex innumeris conſtant elementis ,*

*tis, capiat. Cæterum ex hac propositione ex phænomenis & ratiocinio analytice probata deducitur explicatio aliorum phænomenorum, aliis præterea certis principiis assumtis, unaque confirmatur ipsa propositio.*

## §. XV.

### EXPLICANTUR PHÆNOMENA QUÆDAM COHÆSIONIS.

I. Corpora igne liquata, ceu metalla, postmodum frigefacta abeunt in massas solidas, nempe ignis, cuius vis summa est, meatus cum impetu ingressus, & partium tremore excitato eas a se, & mutuis contactibus removet, earumque attractionem superat; partes solutæ cum exiles sint, & præterea agitentur a fluidissimo igne, cuivis impulsui facile cedunt, hoc est, massam fluidam efficiunt: igne dein paulatim avolante minuitur causa removens partes, earumque contactus impediens; hinc mutua attractione eadem coibunt, eoque magis, quo magis frigesunt corpora, hoc est, quo maior copia ignis avolat.

II. Quædam corpora fiunt duriora igne, & firmiora, ceu creta mollis; eiecta enim aqua, quam copiose concludit, propius ad se vi attractrice partes accedunt, & arctius sibi adhærent; quæ ratio etiam in corio & pergameni obtinet. Lignum ustulatione levi indurescit tum ob hanc ipsam causam; tum quia refina calore fusa, & inter solidas ligni partes distributa attractionem & duritiem auget, uti fluida laminis interposita. Pariter corallia & succinum aeri exposita durescunt abstractis partibus aqueis, aliisque volatilibus, & relictis solidioribus, quæ fortius sese trahunt. Similiter salia concrefcunt evaporante aqua.

III. Uti in non nullis corporibus partes aqueæ, & volatiles cohæfioni obfunt; ita in aliis pro varia istorum constitutione eandem promovent; calx cum arena & aqua in pastam semifluidam subacta & inter binos lapides interposita in massam cohærentem abit; aqua enim cum subtilissimis salibus calcis, & terreis par-

particulis maxime attenuatis a lapidibus attrahitur, & interſtitia ingreſſa hæſce particulas lateribus adplicat; hinc inter particulas calcis, & lapidum fit attrahctio, quæ augetur aqua cum igne poſtmodum avolante. Illud etiam ſpectandum, calcis pulveriſatæ particulas fatiſ craſſas & aſperas vix ſe contingere; aliūſa autem aqua fieri efferveſcentiam, qua partes calcis attenuantur, & craſſiora ſalia ſolvuntur in partes ſubtiliſſimas, queis cavitates explentur, & partium contactus, atque attrahctio augetur.

IV. Corpora ſoluta, & in tenues partes natura, vel arte redacta cohæſionem, quam amiſere, non recuperant, niſi mediante quodam tertio; cuius particule intermiſtæ partibus corporis ſoluti faciliores contactus præbent; exemplo eſt calx, paullo ante memorata: vitrum in tenuiſſimam farinam albam teritur: igne iterum in maſſam ſolidam diaphanam conſtat: ligna, & oſſa eiectis plurimis partibus non niſi ſubtiliſſes cineres relinquunt flatu diſſipandos: at iidem aqua ſubacti patellas docimaſticas præbent maximo igni ſuſtinendo pares.

V. Reſiſtentia reſpectiva corporum haud paullo minor eſt, quam abſoluta, uti in Mechanica oſtendimus; quando enim corpus ſecundum directionem, & longitudinem fibrarum trahitur, vel tenditur; ſuperanda eſt ſimul attrahctio omnium particularum unius ſectionis; at ſi vis agens, aut potentia rumpens angulum efficit cum fibrarum Directione, attrahctio partium aliarum poſt alias non niſi paulatim & ſeorſim vinci debet.

VI. Dum clavi corporibus immiſſi tam firmiter inhærent; id non oritur a ſola attrahctione mutua, ſed vel maxime ab aſperitate clavorum & corporum, quibus ii immiſſi ſunt; immiſſione enim clavorum comprimuntur utrinque partes, eædemque vi elatiſtica adverſus ſe mutuo agunt; quo modo partes prominentes unius neceſſario in cavitates alterius immerguntur, ut ſeparari non poſſint, niſi abraſiſ iis partibus.

## C A P U T II.

### *De Cohæsione partium fluidi inter se.*

*Fluida prope omnia quandam cohæsionem partium, quibus constant, exhibent, pleraque etiam posito certo frigoris gradu in massas firmas & cohærentes abeunt; utriusque cohærentiæ ratio si exposita fuerit; de ipsa fluiditatis natura percommode differetur, præsertim cum de natura soliditatis in corporibus firmis superiore capite tractatum sit.*

### §. XVI.

Observatio. I. Omnia fluida (aere & igne excepto) secundum minores portiones quandam partium minimarum, quibus ex portiones constant, cohærentiam habent; ac guttæ liquorum ceu aquæ, in plano positæ segmentum sphaerulæ exhibent, nempe superius sphaericam convexitatem, infra autem, qua plano insistant, basin paullum, complanatam. Magnitudo huius baseos pro diversitate fluidorum, ac plani, cui incumbunt, varia est. Guttæ aqueæ frondium lanugini vel corpori pingui impositæ instar globulorum sunt: quæ vitro, metallo, ligno insistant, basin latius explicant. Eadem mercurii gutta in charta polita & munda admodum sphaerica est: in vitro & metallo latior.

II. Si tubulus gracilis extrahitur e liquore, hic una cum tubulo paulisper attollitur, & columnam, vel pyramidem format, cuius basis superficiei tubuli, aut fluidi stagnantis inhæret.

III. Acus sicca innatat aquæ, etsi ferri gravitas octuplo maior sit gravitate aquæ.

IV. Binæ vel plures guttæ munda in superficie positæ, sibi que satis propinquæ celerrime concurrunt, & in unam sphaerulam, aut segmentum conglomerantur, ita, ut motum eo magis accelerent, quo sibi propinquiores evadunt; uti observari potest in guttibus mercurii speculo plano impositis, aut roris, quæ plantis insistant; ac talia in vacuo quoque Boyliano contin-

tingunt, aut in bullis ſibi vicinis, quæ liquidis innant.

V. Fluida etiam heterogenea ſeſe attrahere obſervantur. Aer, qui omnium fluidorum, quæ adhuc cognita ſunt ( excepto igne ) minimam habet gravitatem ſpecificam, & proin vi legum hydroſtatices ſupra alia enatare deberet, a plurimis fluidis copioſe, vehementerque attrahitur, & quodam modo abſorbetur, imo ut MUSSCHENBRÖECKIUS ait, a fluidis forte omnibus, nempe ab aquis, vñis, ſpiritibus, oleis expreſſis, & ſtillatitiis, & naturalibus, a ſpiritibus ſalinis acidis & alcalicis, a mercurio. Cum his aer ita miſcetur, & cohæret, ut non niſi difficillime extricari poſſit vi ignis, quo fluida ebulliunt, aut longiore in recipiente evacuato mora; ac tum quoque, ut ſatis expellatur, necelſe eſt, fluida incaleſcere aliquantum.

## §. XVII.

Propoſitio I. *Phænomena cohæſionis; quæ inter partes corporum fluidorum, a cauſſis mechanicis non oriuntur, ſed mutuæ ſarundem partium attractioni adſcribenda ſunt.* Quæ eſt enim cauſſa mechanica illorum phænomenorum? *Aer?* At idem phænomenon guttarum, & bullarum citra diſcrimen habetur in vacuo? nec ſi guttæ ob aerem undique comprimentem conglobantur, intelligitur, cūr ex diverſitate plani, in quo poſitæ ſunt, ulla varietas exiſtat. *Æther?* At ſatentibus patronis ætheris tanta eſt huius ſubtilitas, ut omnia alia fluida libere permeet; unde fieri neceſſe eſt, ut, quantum æther externus premit, & comprimit moleculas guttæ, vel bullæ, tantum internus reſiſtat; nequit igitur certam in eas figuram inducere; uti aer externus ſi cum interno communicet, figuram corporum etiam maxime mollium, & fluidorum non mutat, nec eorum partes comprimit. Certum eſt præterea, ab igne in corporibus latente ( alium enim ætherem nemo facile norit in natura ) potius ſeparationem partium, ac fluiditatem, uti dicemus paullo poſt quam cohæſionem effici. *Viſcoſitas, & tenacitas fluidorum?* atqui hæc ipſa, unde oriatur, in præſenti quaeritur; neque ea rationem conglobatio-

tionis continet, & unius figuræ præ alia; sed effectus est virium attrahentium, quæ inter minimas fluidorum moleculas intercedit. Qui eandem pro causa istorum phænomenorum reddit, in vitium subreptionis incurrit. *Implicatio partium fluidi?* Cur igitur guttæ eiusdem fluidi in diversis planis positæ diversas bases obtinent? Pulveres lapidum tusorum, aut vitri aptiore figura pollent ad eiusmodi implicationem, quam aqua; nec tamen in sphæulas aut segmenta sphæularum coeunt. Cæterum moleculis fluidorum plerique figuram sphæricam tribuunt: alii sphæricæ proximam, non nulli polygonam, sed hamatam & uncinatam nemo. Reiectis huic causis, quæ pro mechanicis passim habentur, effectus, quos supra recensui vi internæ ac mutue partium fluidi quivis facile adscribet; omnis enim cohæsiō, qua separationi earum partium resistitur, vim quandam polcit (§. X.) cum igitur guttæ non diffuant proprio pondere, & motu etiam intestino inter moleculasposito ratione fluiditatis, uti infra ostendemus, necesse est, ut partes guttam constituentes mutuis viribus a generali gravitate discrepantibus sese trahant.

## §. XVIII.

Corollaria. II. Minimæ igitur moleculæ liquorum in guttas conglobantur vi mutua tractiva; æquilibrium enim virium, quas aliæ in alias exerunt, non intelligitur, nisi radii a peripheria versus centrum ducti, in quibus particulæ consistunt, sint æquales; fere uti in globo homogeneo qui fluido pariter homogeneo esset immersus, spectata gravitate generali id fieri debere in Mechanica §. CCI. ostendimus. II. Si fluidum ex vase leniter effundatur, eius particulæ tum sibi ipsis, tum oræ vasis adhærescunt instar pisi cum oblongo collo, donec aucta guttæ massula vis gravitatis vim mutuam vincat; magnitudo eiusmodi guttarum non decidentium, aut in plano non diffluentium diversa est pro diversitate virium, quas mutuo exerunt, aut caloris, quo particulæ agitantur, & a sese remonentur. III. Cum tamen guttæ, etsi

C

R

*J. Zallinger, T. III.*

34 C. II. Cohæſio fluidorum inter ſe

liquores non nihil incaluerint, & partes ſegregentur, rotundæ maneat, neceſſe eſt, ut ea attractio ad ali- quod ſpatium pertingat. IV. Planities & baſis gutta- rum tum a gravitate tum maxime a tractiōne plani oritur; & quia minores guttæ minus gravitant, hinc propius ad formam pilæ accedunt. V. Acus ſuperfi- cie aquæ dextre impoſita descendere nequit, nili di- viſis eius partibus: diviſioni autem obſtat mutua iſta- rum tractio.

§. XIX.

Definitio. I. *Congelatio* eſt corporum, quæ per ſe, & naturali conſtitutione fluida dicuntur, converſio in maſſas ſolidas facta poſt amiſſum certum caloris gra- dum. Eiuſmodi ſolidæ maſſæ dicuntur *glacies*.

§. XX.

Obſervatio I. In glaciem abit potiffimum aqua, omnes dein liquores aquoſi ceu aceta, cereviſiæ, tum vina & ſpiritus varii generis ſaltem in regioni- bus polo vicinioribus. Olea poſtea quam certo gradu caloris ſpoliata ſunt, primo in maſſam ſpiſſiorem ver- tuntur aucto frigore inſtar ceræ dureſcunt. De Mer- curii congelatione diu dubitatum eſt; Sed Cl. BRAU- NIUS (Acad. Petrop.) cum anno 1759 thermometri bulbum intra nives compreſſas condidillet, tum affu- ſa ad eas aqua forti ita auxiſſet frigus, ut mercurius in thermometro contentus longa infra punctum glaciei & frigoris ſoliti descenderet, obſervavit, eundem ita immobilem demum hæſiſſe, ut non modo diffractis vitris non difflueret, ſed & leni mallei tuſione in laminas extendi, ſcindi ſe &c. pateretur, ac in locum mitioris temperiei delatus non niſi poſt aliquam tem- poris moram ad priorem fluiditatem rediret.

§. XXI.

Obſervatio II. Congelatio aquæ, ſi lenta ſit ob frigus medioere, hoc fere modo peragitur in libe- ro



ro aere. Primo quidem superficies obducitur tenuissima pellicula initio circa vasis circumferentiam ducto. Inde subtilissima filamenta versus medium emittuntur alia atque alia, quæ tum ipsa per sese, tum mutua associatione paulatim latitudinem acquirunt absque notabili crassitie, & in lamellas evadunt diverso situ iacentes. Harum numerus & crassitudo dum perpetuo augetur, dumque eædem sibi iunguntur, & deorsum aliæ infra alias supponuntur, ut sæpe aquam intermediam instar arearum intercipient, demum tota aqua in unam massam indurescit. Durities autem glaciei diversa observatur; aquæ puræ glacies durissima est, & densissima, eaque ipsa pro frigoris diverso gradu diversa; hinc glacies in Lapponia locisque polo vicinioribus firmitate & duritie nostrarum regionum glaciem longe superat. In Russia ex frustis palatium vastæ molis extractum fuit, diversis conclavibus distinctum, in quo ipsa imperatrix cum præcipua nobilitate diem sollemnem egit collucentibus innumeris facibus. Glacies aquæ salis minus dura est, & fragilior præ cæteris. In glacie ex vino rubro superius stratum durius observatur inferioribus: in medio colligitur liquor valde spirituosus, qui a particulis aquosis in vino contentis, atque in glaciem versis illuc protruditur. Spiritus vini rectificatus frigore intensiore instar ceræ molli aut olei semi-conglaciati consistit: olea autem sulfurea instar ceræ durioris.

Opus non est, plura glaciei, multo etiam minus omnia frigoris phænomena hoc loco recensere; quia illud duntaxat hic quæritur, quænam vis, & causis fluida corpora in massas solidas & cohærentes, certo frigore inducto coniungat.

## §. XXII.

Propositio II. *Causa congelationis non est sola imminutio caloris neque ulla ex causis iis, quæ vulgo præ mechanicis habentur, sed mutua attractio particularum fluidi, quæ non nisi post amissum certum caloris gradum effectum glaciei obtinet.* Prob. calor, uti obviis experimentis constat, in motu vehementi, & pertur-

bato materiæ igneæ conſiſtit: igitur imminutio caloris non niſi negativum quid eſt, nec vim poſitivam continet; & quoniam omnis cohæſio & firmitas corporum, quâ partium ſeparationi reſiſtitur, a vi poſitiva oritur, perſpicuum eſt, converſionis fluidorum in maſſas ſolidas, & cohærentiæ, quam fluidorum partes acquirunt, cauſſam haud eſſe imminutionem caloris. Eſt tamen ea congelationis *conditio*, ſine qua non formatur glacies, quia materia caloris inter particulas fluidorum vehementer agitata eaſdem a ſeſe continuo removet, mutuiſque viribus, queis ad coniunctionem tendunt, obſiſtit. Pro cauſſis mechanicis concretionis fluidorum vulgo ſtatuitur vel implicatio particularum quæcunque demum, vel preſſio atmophæræ aut fluidi alterius, vel ingreſſus particularum extranearum, quæ aquoſas partes inſtar ſpiculorum configant, aut inſtar glutinis coniungant. Sed iſtarum cauſſarum genuina eſt nulla; ac de implicatione particularum, de preſſione atmophæræ, alteriusve fluidi dictum eſt abunde pro infirmitate eiſmodi hypotheſium, vel opinionum §. XIII. Reſtat, ut de particulis extraneis diſſeramus; MUSSCHENBRØEKIUS eas ſalinas & potiſſimum nitroſas eſſe voluit, quæ ſi liquores ingrediantur, eiſdem moleculas quodammodo configant, & in maſſam cohærentem iungant. At enim liquores ceu aqua etiam intra recipiens, & vaſa hermetice clauſa, per quorum meatus nemo Phyſicorum facile aditum concedet ſalibus & nitro, congelascunt. Si igitur glacies ſine eiſmodi corpusculis exiſtit, ea cauſſa eiſdem generalis eſſe nequeunt. Dein teſte NOLLETO Præl. P. IV. Sect. 3. quævis ſalia nobis cognita ſi fluidis commiſcentur, eorum concretioni non parum obſtant; & uniſerſe aqua ſalfa ad congelationem, maiorem frigoris gradum requirit, quam pura; unde aquis pro incendio forte reſtinguendo aſſervari ſolitis ſupra tacta, ne congelantur in hyeme, ſalis communis portionem miſceri ſuadent. Remotis hypotheſibus genuinam glaciei cauſſam haud ægre quis deprehendet; conſiſtit ea in mutua particularum fluidi attractione; nam eorum quidem fluidorum, quæ in glaciem abire notata ſunt aliquando, moleculas mutuo ſe trahere oſtendit

coalitio eorum in guttas, levisque cohæsió, quam in ipso fluiditatis statu exhibent; expulso igitur igne vel imminuto, qui inter eas perpetuo interlabens effectum mutuarum virium haud parum imminuebat, eædem suis viribus relictæ fortius sese attrahent ob propiores contactus, quos tum obtinent, & in massam solidam ceu glaciem coalescent. Accedit analogia corporum fusorum, uti enim metalla, resinæ, sulfura primo fusa, id est, per calorem soluta & ad statum fluiditatis reducta, postmodum frigefacta paulatim sola vi mutua particularum cohærentiam recuperant, & conservant (quemadmodum de firmis corporibus superiore capite ostendimus) ita idem de corporibus, quæ vulgo fluida adpellantur, discessione autem igniculorum abeunt in glaciem, concludendum est; & sicut aqua, olea, vina, spiritus vini &c. quæ posito certo gradu frigoris in corpora firma vertuntur, glacies adpellantur: ita cera dura, resinæ ac sulfura, butyrum, vitrum, atque ipsa metalla solida, quædam glaciei species censerí possunt; eo solum discrimine, quod una præ aliis maiorem caloris gradum ad obtinendam fluiditatem, minorem contra ad congelationem poscat; sed in vulgari sermone istuc discrimen differentibus vocabulis, perinde ac si essentiale esset, distinguimus, quæ enim leni calore solvuntur, *liquefcere*, quæ non nisi magno igne, *fundi* dicimus.

*Causa glaciei assignata secundum Newtoni legem genuina censerí debet; nam & vera est, non per hypothesin conficta; vim enim mutuan tum guttarum, & bullarum tum alia phænomena prope innumerabilia ostendunt: eadem & effectibus glaciei ceu soliditati, & duritie explicandis est sufficiens, cum multo maior cohærentia per easdem vires in corporibus firmis efficiatur. Nihilominus dissimulanda non sunt argumenta adversantium.*

## §. XXIII.

DECLARANTUR DUBIA, ET OBIECTA ADVERSANTIUM, TUM ET PHÆNOMENA HUC PERTINENTIA.

I. Qui glaciem non nisi ope materiæ frigorificæ

ſeu corpusculorum extraneorum formari putant, in hunc modum diſſerunt, *ubique præſens eſt iugens ſalium copia, aquæ facile obrigeſcunt glaciæ; hunc in ſpecubus ſubterraneis, in quibus plurimum latet nutri, annoſæ glaciæ reperiuntur.* R. 1. ubi nullus aditus patet nitro & ſalibus ceu in vacuo Boyliano, aquæ nihilominus obrigeſcunt glaciæ: Igitur eæ particulæ ad formandam glaciem penitus neceſſariæ haud ſunt. 2. Salia *fluidis immiſſa* eorum concretionem magis impediunt, quam adiuvant teſte experientia, ut ſupra indicavimus; at eadem ſalia & maxime nitrum fluidis congelandis, & valis, ubi continentur, *circumpoſita* formationem glaciæ adiuvant, & & accelerare poſſunt, quatenus corpora, quæ fluidum contingunt, vel continent, refrigerant, & igni exitum pateſciunt, vel quatenus aerem condenſando plures eius particulas adplicant fluido, eique plus caloris, vel citius eripiunt, vel quatenus glaciem aliarum particularum, quæ vaſi & ipſo fluido congelando vicinæ ſunt, ſolvunt atque hoc modo ampliorem partium ſolutarum ſuperficiem ipſi vaſi & fluido congelando admovent, atque iſtius congelationem illarum regulatione efficiunt. Exemplo eſt glaciæ artificialis; ſi enim nivibus, vel rafæ glaciæ circa lagenam aquæ per artem congelandæ circumpoſitis inſperguntur ſalia, aquæ in lagena congelatio miris modis adiuvatur, non ob eam cauſam, quod particulæ ſalium lagenæ poros ingreſſæ aquam inſtar ſpiculorum configant, & in maſſam cohærentem redigant; (quis enim, uti ſupra dictum, ſalibus & nitro per poros vitri aut metallorum aditum conceſſerit?) ſed quia ſalia nives & glaciem rafam lagenæ circumpoſitas magis refrigerant, atque ideo maiorem igniculorum copiam ex fluido in lagena contento eliciunt. Sed quæres: quomodo ſalia nives & glaciem, quibus inſperguntur, refrigerant? R. quatenus ſalia nives & glaciem ſolvunt, & liqueſcere faciunt; teſte enim experientia ſi glaciæ comminutæ inſperguntur ſalia, & nulla eius liquatio fiat, non augetur frigus: contra augetur, quamprimum ſal & glaciæ inter ſe confunduntur penitus, atque iſtius ſolutio, & liquatio contingit. Paradoxum eſt, inquit, quod, ubi aquæ congelatæ ſua reſtituitur fluiditas,

ſi-

simul eiusdem augeatur frigus. R. Ea fluiditas non ingressui igniculorum, & calori in glaciem inducto, sed chemicæ cuidam solutioni adscribenda est. Nempe siquis in superficie glaciei hæret humor, is salia in minutissimas particulas redigit (uti paullo post de solutione omnium salium per aquam, & humores aqueos ostendemus) salium dein particulæ ita extenuatæ facilius glaciem penetrant, atque attractione, quæ in eiusmodi solutionibus exeritur, glaciem pariter solve- re incipiunt, postea autem, quam partes salium & glaciei penitus se penetrarunt, reliquæ igniculorum ex interstitiis eiiciuntur; cuius indicio est densus vapor, qui extra superficiem huius mixti conspicuus est, quique ab igne avolante, & particulas aqueas secum abripiente oritur; Hoc igitur modo nivium & glaciei comminutæ solutio, & frigoris augmentum fit; massa ita frigefacta, cum præsertim maiore iam superficie post solutionem lagenæ adplicetur, quam inæquales & ramosæ nivium, & glaciei rasæ particulæ ante adplicabantur, necessario maiorem caloris partem in aqua extinguunt, adeoque eius congelationem adiuvant, & accelerant.

II. *Sæpe aqua non congelatur, etsi thermometrum maiorem in atmosphæra frigoris gradum notet, quam vulgo requirit congelatio: sæpe in minore gradu frigoris inducitur glacies: igitur præter caloris defectum aliud quidquam, nempe aliena salium corpuscula fluidis supervenire debent, ut in glaciem abeant.* R. Id non a salinis particulis, sed a communicatione caloris aut frigoris, aliisque causis accidentariis pendet. Scilicet frigus non momento, sed paulatim corpora pervadit; & quidem rariora, qualis est atmosphæra, citius frigescunt, ac certo caloris gradu spoliantur, densiora, ceu aqua tardius; etsi igitur thermometron gradum glaciei notet, fieri tamen potest, ut aqua illo frigoris gradu nondum sit prædita, præsertim si heterogeneis partibus, & maxime salinis imbuta est, quæ congelationi ob- itant. Quemadmodum vero teste certa experientia corpora rariora citius frigescunt præ densioribus: ita eadem præ his incalescunt celerius: si igitur calor citi-

us communicatur rariori atmophææ, quam glaciæ; hæc ſolvi non debet illico, etiamſi thermometer auctum atmophæra calorem prodat. Præterea firmitas, & durities glaciæ ſuos gradus habet, & ob varios in atmophæro inteſtinos motus, aut ob ventos congelatio nunc accelerari; nunc liquatio retardari poteſt.

III. *Aqua aperto in vaſe citius in glaciem vertitur, quam clauſa phialis; quia phialæ impediunt, quo minus corpuscula extranea fluidum ingrediantur, aut ſatis magna copia ingrediantur.* R. N. Rationem additam. Vera eventus cauſa hæc eſt: quod vaſe aperto novus identidem aer ad aquam adfluat, eique citius ſuum calorem adimat; quoque quidem modo a ventis congelatio accelerari poteſt.

IV. *Aquæ ad 33 caloris gradum thermometri fahrenheitiani redactæ affundatur eiſdem caloris ſpiritus nitri, pari quantitate: excitabitur illico calor, & liquor ad gradum 40 aſcendet. Affundatur idem ſpiritus nitri raſæ glaciæ ad 32 gradum calenti; nullus iam calor, ſed ingens frigus producit. Hoc experimento evidenter evinci aiunt, glaciæ corpuscula extranea eſſe admixta; cum enim perexigua ſit inter aquam illam, & glaciem caloris differentia, nulla eſt ratio, cur ſpiritus nitri in priore caſu calorem, in altero frigus efficiat, niſi ſtatuatur, eundem cum extraneis corpusculis in glaciæ latentibus efferveſcere, atque ita omnem ex mixto ignem eiicere.* R. Veriſimilior experimenti ratio in hunc modum videtur, explicanda. Calor ſpiritu nitri aquæ aſuſo oritur a fermentatione, quæ inter ſpiritum nitri, & heterogenea corpuscula, quæ aqua vix unquam caret, aut inter aquam, & corpuscula heterogenea nitri ab eadem ſoluti exiſtit. Frigus vero altero caſu inde conſequitur, quod partes ſpirituosæ nitri penetrando glaciem, eamque ſolvendo reliquos ex mixto igniculos magnam partem eiiciant, eo penitus modo, quo ſimilia contingere diximus n. I. huius §.

V. *Si congelatio fluidorum, & firmitas glaciæ a vi mutua oritur, qua partes inminuto calore ſeſe trahunt, & ad ſeſe propius accedunt. volumen fluidi in glaciem iam converſi minus foret, quam in priore fluiditatis*

ſis

tis statu tum ob propiores contactus & accessum mutuum particularum, tum quod frigore omnia corpora constringantur, atque in minus volumen redigantur secundum omnem dimensionem. At vero contraria est experientia; dum enim aqua in glaciem concrevit, ad maius volumen sese expandere constanter observatur, ita ut frustra glaciei aquæ homogeneæ innatent eo modo, quo solida specificè leviora in fluidis gravioribus natare solent. R. Concedo equidem, volumen ipsa congelatione augeri, frigore autem minore, quam ut glacies inducatur, constringi. Notarunt enim Florentini, in globo longiore collo instructo, aquam crescente frigore semper in volumen minus contractam initio descendere, donec aliquantulum subsistens celerrimo dein saltu simul expansa, simul glaciata consistat. Imo observatione compertum est, incrementum frigore crescere expansionem, & posteaquam omnis aqua instar massæ solidæ consistere iam videtur, nihilominus tum quoque augeri volumen. Vis autem expansiva glaciei tanta est, ut vasa vitrea, terrea, metallica, si penitus clausa sint, disrumpantur, & in regionibus polo vicinioribus arbores ingenti cum fragore tormentorum explosionem imitante findantur. Unde coniecturam faciunt, quantum damni pati ab id genus congelatione possint aquæductus frigido aeri exposti, atque ædificia fero autumno & hieme iam ingruente constructa, nec ante ingruens frigus intensum satis exsiccata. Ut porro huius phænomeni, quod facile præcipuum est in hac re, sufficiens ratio, quantum fieri potest, explicetur, Dico primo Aer inter particulas aquæ contentus, earumque propiore congressu in maiores massulas collectus violentam glaciei expansionem adiuvere potest; solus eandem efficere instar unius causæ non potest. Constat enim Halesii experimentis, aerem ex interstitiis corporum quacunque ratione collectum, in quibus antea divisus nullam sensibilem vim exerebat, miris viribus sese expandere, & volumem augere; at enim aqua ab omni etiam purgata acre, si in glaciem vertitur, volumen auget, & vasa vitrea, ac metallica disrumpit; nec sane tanta vis, quantam aqua glaciata exerit, aeri collecto competit. Boyleus ae-

rem intra ſclopum pneumaticum decies & ter abſque ruptura metalli denſiorem reddidit; plus igitur aer intra glaciem collectus, ſit condensatus neceſſe eſt, ut vaſa tam firma diffingat; quis vero iſtud ulla veriſimili ratione comprobavit; dein ſi aqua ſuperne iam firmius congelaciatur, eidem pares aut maiores, quam aeri vires tribuendæ ſunt, ut eundem continendo & comprimendo egreſſum impedian; fruſtra igitur vires ab ipſa glacie in aerem transferuntur; nec id omnino difficultatem tollit; cum de vi glaciei maneat quæſtio. *Secundo Materiæ frigorificæ multo etiam minus ea expansio tribui poteſt*; nam aqua in valis hermetice clauſis, aut in vacuo pari eventu congelaciatur. Et quoniam volumen aquæ glaciatae ad  $\frac{1}{10}$  vel omnino ad  $\frac{1}{15}$  partem augetur, plane incredibili ſalium portione; ut tantum voluminis augmentum exiſtat, opus foret; denique ſal in aquam gelantem iniectum circa medium concentratur, concretioni obſtat, totamque glaciem minus duram, & æquabilem efficit: *Tertio Augmentum voluminis & expansio glaciei a viribus mutuis particularum oritur*; nam phænomena guttarum ac bullarum, & ipſa formatio glaciei ab iis viribus provenit, nec cauſis, quæ vulgo mechanicæ putantur, ullo pacto adſcribi poſſunt: præterea eædem vires augendo volumini & huic expansioni efficiendæ pares ſunt, quia in minimis diſtantiis ſunt admodum intenſæ, uti ex cohærentia corporum firmorum conſtat: ergo ab iisdem viribus augmentum voluminis, & expansio glaciei repetenda eſt; ſic enim cauſa habetur vera, de cuius exiſtentia conſtat, & phænomenis explicandis ſufficiens.

VI. *Vires mutuæ, ſi admittantur ſane, ad propiores particularum contactus, & contractionem voluminis tendunt*: ergo augmentum voluminis, & glaciei expansio ab iisdem oriri minime poteſt; cum ſit effectus contrarius earundem actioni; tota igitur manet difficultas in explicando hoc phænomeno glaciei. R. Sine dubio explicandum eſt, quomodo eæ vires operentur, quidve in particulis fluidorum, aut glaciei contingat, ut ex vi ad coniunctionem partium & contractionem volumi-



minis tendente contrarius effectus expansionis consequatur. In systemate eorum, qui reiectis hypothesebus attractiones speciales ex phaenomenis colligunt, duo spectanda sunt ad hunc locum pertinentia; *primo*, quid de fluiditate corporum liquidorum ceu aquae, statuunt: *secundo* quomodo hanc glaciei expansionem declarant. Aquae particulas proxime sphaericas esse aiunt, & ita constitutas, ut aliae in alias exerant vim in omnem partem aequalem & aequabilem, non magis directe, quam ad latera & oblique trahendo, nec aliter agendo, sive hanc, sive illam partem aut superficiem aliis obvertant, hoc enim, & nullo alio modo intelligitur secundum hos auctores corporum fluiditas, & status eorum talis, ut particula altera circa alteram facillime moveatur, quin is motus propagetur ad partes remotiores, aut communicetur toti massae; qui quidem status ad fluiditatem requiritur. Cum deinde glaciei expansionem declarant, eandem a viribus pendere statuunt, quae aquae particulae ad se invicem accedendo, non nisi determinatam inter se positionem, certosque angulos adfectant; quo posito necessario consequi debeat, ut in totam massam alius inducatur situs partium integrantium, maius requirens spatium, ac antea; & plura relinquuntur vacua intervalla. Sed enim, si particulae fluidorum vires exerunt in omnem partem aequales, & aequabiles, intelligi iam non potest, quomodo hanc praeter alia positionem, & hos praeter aliis angulos adfectent; quod, puto, admodum perspicuum est attendenti. Illud duntaxat dari potest in ista hypotesi, particulas fluidorum in filamenta coire, longamque seriem sphaerularum inter se coniunctarum, per quarum centra illa quodammodo fila pertranseant; quamquam cum inter sphaerulas perexigui contactus sint, plurimaque phaenomena cohaesionem magnitudini contactuum respondere indicent, ipsa illa coniunctio particularum in filamenta firma & solida aegre percipitur. Addunt, iuncturas eiusmodi filorum fere sub certis angulis acutis orae vasorum, & inter se sub angulo 60° adhærescere, & si in fenestrarum tabulis humor aqueus concreseat, eius fila angulos 60 grad. satis adcurate exhibere. Alii contra aiunt, filamenta glaciei

## 44 C. II. Cohæſio fluidorum inter ſe

glaciei ſub diverſis, minime conſtantibus angulis ad vaſis latera inclinari, eandemque angulorum infinitam varietatem etiam in figuris, quas aquei vapores in fenestrarum tabulis congelati efformant, obſervari poſſe. Patet, rem hanc difficiles habere exitus, citius, citiusque refelli opiniones falſas, quam veram inveniri. A priori, ut aiunt, & ſynthetico ordine ex figura, & magnitudine particularum fluidi, & ex directione atque intenſitate virium, cum hæc omnia penitus incognita ſint, definiri nil poteſt; ſed potius ex ipſis phœnomenis, quid de iis rebus apte ſtatui debeat, videndum eſt.

### §. XXIV.

Propoſitio III. *Fluidorum quorumcunque moleculæ, ſi in maſſas ſolidas coeunt, certas inter ſe poſitiones, & figuras certosque angulos adſeſtant. 2. Ex hoc ipſo autem de figura & magnitudine molecularum alicuius fluidi, deque directione & intenſitate virium, quas eadem inter ſe exerunt, veriſimiles coniecturæ fieri poſſunt. 3. Ex utroque augmentum voluminis & expansio glaciæ probabili ratione intelligitur. Hæc igitur tria ſunt, quæ peculiari probatione nunc egent.*

I. *Moleculæ quorumcunque fluidorum, ſi in maſſas ſolidas coeunt, certas figuras & angulos adſeſtant.* Nam id in chryſtallis ex ſalium diverſis ſpeciebus ortis omnino manifeſtum eſt: id in vegetationibus chemicis patet ad oculum: id in nivibus ſeu vaporibus aqueis congelatis obſervamus, qui plerumque in floccos admodum regularis figuræ abeunt, quique nunc effigiem ſtellarum, quarum tenues radii conſtantes angulos 60 grad. comprehendunt, nunc liliorum formam, hexangulam tamen exhibent: id in corporibus fuſis e. g. cera, metallis &c. colligi poteſt ex conſtantibus pariter proprietatibus, quas cum firmitate & partium cohærentia recuperant; nam eæ proprietates ceu duri- ties, mollities; ductilitas, friabilitas &c. ex certo plexu, quem minimæ moleculæ inter ſe obtinent, conſequuntur; ut proinde conſtantem plexum & texturam requirant: conſequenter minimæ moleculæ non te-

temere, & quavis ratione, sed certa lege, certo inter se situ, certis positionibus & angulis coeunt, ut massam efforment certis pariter proprietatibus præditam. Admissis viribus mutuis, earum actio a proprietate & magnitudine contactuum, & numero maiore elementorum pendet, nulla, ut arbitror, obscuritas & difficultas in hac re magnopere inesse potest.

II. *Ex hoc ipso de figura & magnitudine molecularum, de directione, & intensitate virium, quas exerunt, verisimiles coniecturæ fieri possunt.* Aqua enim, dum in glaciem paulatim abit, primo filamenta sonnat in longum producta sine angulis, eaque firmitate quadam prædita, tum lamellas, & massam glaciei admodum coherentem. Hinc colligi potest, eius particulas a sphaerica figura haud parum abludere, sed potius lateribus planis constare, quæ ampliores contactus admittant; plurima enim phaenomena suadent, vim cohaesionis magnitudini contactus respondere: inter sphaerulas autem non nisi minimi contactus habent locum; aut fortassis ponendum est, aquæ moleculas valde inæqualis magnitudinis esse, ut interstitia a maioribus relicta ab aliis minoribus novos contactus ambientibus expleantur; æt, si avolante igne particulæ maiores vi mutua arctius ad sese accedunt, minores ex interstitiis excludi, separatoque loco collocari debent; qua quidem ratione voluminis augmentum consequi intelligitur. Certe & luminis particulæ a Newtonianis plerisque, & a multis aeris quoque moleculæ inæquali magnitudine censentur præditæ; Neque eadem omnium particularum aquæ magnitudo ex mera hypothese sumenda est, sed illud maxime considerandum est, quid ipsa phaenomena præ cæteris suadeant. Etsi autem figura particularum aquæ vel a sphaerica recedat, vel earum magnitudo inæqualis sit; tamen id non obstat, quo minus vires mutuae ad centra eorum corpusculorum tendant, & filamenta efficiant in longum producta: magnitudo earum virium propinquitati particularum, & magnitudini contactuum respondebit; quamquam & puritas aquæ spectanda sit: heterogeneæ enim particulæ veluti salinæ firmitati glaciei & actioni mutuae particularum aquæ obsunt.

fir-

III. *Ex utroque augmentum voluminis & glaciei expansio probabili ratione intelligitur*; nam primo ſi particulæ minimæ ſtatuuntur inæqualis magnitudinis, & ob propiores maiorum accellus aliæ minores ex interſitiis eiiciuntur, neceſſario volumen augeri debet, quia & inter illas remanebunt interſitia maiora, & hæ ſeparatam voluminis partem occupabunt. *Secundo* quia eadem particulæ ob vires mutuas certam poſitionem adfectant, & primo in filamenta oblonga, mox in lamellas, ſeu potius parallelopæda abeunt, non iam ſolæ vires ſingularum particularum, ſed compoſitio virium in maſſulis maioribus ſpectanda eſt; per hæc vires compoſitæ eæ maiores maſſulæ neceſſario certas inter ſe poſitiones obtinent; igitur fieri omnino poteſt, ac debet, ut in totam maſſam inducatur minorum maſſularum ſitus, & coniunctio talis, quæ maius ſpatium poſcat, quam antea partes ſolutæ ac liberæ requirebant; ſane ſi in concipias plura parallelopæda ſecundum homologa latera parallele ſibi impoſita ſpatium, quoddam occupare; non ſufficiet idem ſpatium, ubi viſ quædam illa parallelopæda ad alias poſitiones adiget; igitur voluminis incrementum in glacie conſequi ob vires mutuas particularum, & vires maſſularum compoſitæ debet. Similis expansio contingit, quando zincum, biſmuthum, antimonium, camphoræ poſt fuſionem, aut ſolutionem denuo reſolidescunt, ſive ad priorem ſoliditatis ſtatum redeunt; nam e. g. fruſtum antimonii antimonio liquato immiſſum non totum mergitur. De vitro eadem ſuſpicio eſt ob bullas aereas, quas perinde, ut glacies, exhibet, contra aliorum corporum volumen, quamdiu cohærentibus partibus conſtat, minus eſt; liquatione autem aut fuſione augetur, uti obſervatur in cera, butyro, plumbo, cupro, aliisque metallis. Ferrum frigidum, eſt condenſatum pro ſua gravitate ſpecifica, ſed igne rareſcit, eoque magis, quo vehementius ab illo candescit, donec fundatur omnino. Si dein infundatur modulis ad formas typorum refrigeratione accipiendas, principio refrigerationis intumeſcit, & in interna maſſa copioſas, ſed exiguas cavitates obtinet; deinceps iam firmum quidem, ſed adhuc valde rubens ab igne, dum  
fri-

frigesieri pergit, non inflatur amplius, sed detumescunt, & quo plus friget, eo magis contrahitur. Eiusmodi phænomena non nisi certo. nisi, quo & minimæ partes & maiores inassulæ, quando concresecunt, certos situs adfectant, adscribi possunt, & passim adscribuntur ab iis, qui repudiatis hypothesebus, quid convenienter phænomenis statui debeat, solerter indagant.

### §. XXV.

Corollarium I. *Aucto frigore, glaciei iam formatæ volumen adhuc augetur.* Nam frigus nunquam est maximum, quando aqua glaciatur; idcirco nec omnes omnino partes simul vertuntur in glaciem, sed erunt semper aliquæ calore adhuc agitatæ, & ad suas positiones, situsque debitos necdum redactæ, quæ incrementum frigore situm illum sensim adeptæ voluminis augmentum efficient. Posita molecularum inæqualitate, dum plures molecule minores ad sese arctius accedunt, plures minores ex meatibus, quos occupabant, exturbari & maiore vi exturbari debent; unde spectata virium specialium intensitate, & duritie particularum aquæ omni compressioni resistentium facile, ut opinor, intelligitur, quomodo ex ipso conatu particularum ad sese accedendi ingens expansio proveniat.

### §. XXVI.

Corollarium II. *In vase aperto fila glacialis in superficie aquæ & prope oram vasis nascuntur.* eoquod aqua immediate subiecta atmosphæræ frigidiori citius calore suo spoliatur, dum igniculi in aerem vasi incumbentem, & vasis lateribus circumdatum per laterum poros effluunt. Cum autem in lentiore congelatione non totam illico superficiem igniculi destituant, sed sensim alias atque alias particularum series, prout nimirum per alios atque alios laterum poros pervadunt: hinc etiam initio, nisi gelu vehementius sæviat, solitaria duntaxat fila conspiciuntur, quæ novis accedentibus demum latiora fiant. Initium ergo congelationis a celeriore & copiosiore igniculorum discessu determi-

natur; ac fieri poteſt, ut ea a partibus fundo & lateribus propinquis incipiat.

## §. XXVII.

Corollarium III. *Superficies glaciei principio adparet plana; poſtea vero, quam tota aqua in glaciem abiit, convexa, & circa medium in colliculum elata.* Dum enim aqua circa latera vasis prius concreſcit, quam circa medium; idcirco aer, & materia elatiſtica ac partes liquorum ſpiritofæ verſus medium compelluntur, eoquæ maiorem acquirunt vim ſeſe expandendi, quo maiore copia colliguntur; expandent igitur ſe, & cruſtam glaciei ſuperius iam formatam elevabunt in medio, cum hæc minus reſiſtat, quam latera vasis, aut denſior lateralis glacies. Præterea hæc ipſa materia elatiſtica aquam nondum congelatam una attollit, perque meatus glaciei, aut rimam quancunque expellit: quæ dum in ſuperficie diſfluere nititur, a gelu conſtricta tumulum illum in medio efformat.

Innumera ſunt frigoris phænomena, de quibus alio loco diſſerendum erit; hic duntaxat de firmitate illa, quam fluida in maſſas ſolidas concreſcentia obtinent, tum de effectibus connexis egimus; in quibus eſt voluminis expanſio non ſoli glaciei, ſed aliis etiam nonnullis corporibus propria; certe ex mutatione voluminis ratio petenda eſt, cur ſolidum quoddam in modulos fuſum iſtorum formas adcuratius alio recipiat. Nimirum ſolida, quæ fuſione contrahuntur, frigefaſta autem ſe expandunt, omnes modulorum cavitates ſui expanſione explent, atque ideo formas eorundem excipiunt penitus. Hinc ad literarum formas pro typo fundendas plumbo zincum, antimonium & ferrum commiſcentur; præterquam enim, quod ob plurium metallorum confuſionem facilior, perfectiorque fuſio minore etiam igne obtineatur; inſuper literarum formæ adcuratiores evadunt, & ob ferrum commixtum firmiores, quia Zincum, Antimonium & ferrum, frigexatione in maius volumen (uti glacies) ſe expandunt, quam antea habebant. Contra formæ ex plumbo, cupro, & argento ſeorſum fuſæ ſere imperfectæ ſunt, quia

quia hæc metalla a fusione refrigerata in arctius spatium se contrahunt.



## CAPUT III.

*De natura fluiditatis.*

Quæ de cohesione partium fluidi inter se, & concretionem earundem in massas solidas mox dicta sunt, viam nobis sternunt ad naturam fluiditatis indagandam:

## §. XXVIII.

Definitio I. *Fluida* dicuntur corpora, quorum partes sensibiles facile, leviq; impulsu moventur, motusque comparativos admittunt, id est, moveri possunt, quin moveatur tota massa. Fluiditas ergo proprietas est *relativa*, non singulis elementis, vel moleculis primigeniis propria (hæ enim solidæ sunt, & proprietatibus corporum solidorum gaudent, ceti inertia, & viribus mutuis) sed orta ex *congerie partium* levi impressione mobilium, & inter se separabilium; nam capacitas motus comparativi partium, earundem facilem separabilitatem involvit, poscitque, ut sit facilis motus unius particulæ circa alteram, quin is motus ad partes remotiores propagetur, aut cum tota massa fluidi communicetur. Certe fluida vasis metallicis inclusa, & vi externa vehementer pressa, etsi comprimi nequeant; tamen motus intestinos & comparativos admittunt, & calefieri possunt, & maiore, quam antea, motu intestino agitari, & a minimis animalculis, quæ iisdem innatant, dividi ac separari, uti aqua in fundo maris, etsi vehementer prematur a pondere incumbente, tamen facile cedit piscibus innatantibus.

## D

## §. XXIX.

§. Zallinger, T. III.

## §. XXIX.

Observatio. Sunt I. Fluida quædam, inter quorum particulas nullavis mutua neque ad accessum, neque ad recessum deprehenditur. Eiusmodi sunt pulveres, & arenulæ, ex quibus clepsydras formamus. II. Sunt alia, quorum saltem massulæ maiores vim repulsivam exerunt, ceu primo vapores aquei maxima vi se expandentes: secundo aer, qui ex interstitiis aquæ collectus in maiores portiones superficiem glaciæ in colliculum attollit. Tertio ignis, cuius vi expansiva seu repulsiva corpora dilatantur, solvuntur, funduntur &c. Ignis quoque electricus non exiguam vim repulsionis prodit. Nonnulli Auctores inter minores aeris portiones quandam vim attractionis admittunt; sed necdum res explorata est, si de vi *molecularum aeris* agitur; cohæsiō, quæ in bullis aereis observatur, fortassis aquæ particulis interiectis, quæ aerem attrahunt, adscribi potest. Si enim exiguæ molecularæ aeris se se attrahere ponuntur, cur plures collectæ repente se repellunt? Robervallius in sclopo pneumatico aerem valide compressum post annos omnino sexdecim eiusdem vigoris elastici, visque expansivæ expertus est; id quod cum vi attractiva exiguarum aeris molecularum ægre conciliari potest. In igne vis attractiva penitus nulla, sed constanter repulsiva observatur, & quantumcunque is per specula caustica concentretur, nunquam abit in massam solidam. III. Sunt denique alia fluida, inter quorum partes vis attrahens non ambigue observatur, ceu in aqua, oleis, mercurio &c. De guttis, bullis, glaciæ dictum supra. Dein fluidum in filario araneorum, & erucarum, quamprimum aerem attingit, solidescit in stamina cohærentia, quæ nec in oleo, nec aqua, nec spiritu solvuntur. Cera ex altero ventriculo apis egressa liquida est; at simul, ac aerem attingit, solidescit observante solertissimo REAUMOURIO. Perspicuum est, inter particulas istiusmodi fluidorum vim tractivam intercedere.

*De vi repulsiva paullo post. Nunc quærendum est, unde fluiditas, sive mobilitas illa, partiumque minimarum tam expedita separabilitas oriatur; in his enim*  
*fau-*



*formaliter, ut aiunt, fluiditas sita est. Quænam igitur affectiones partium, id est, quæ magnitudo, quæ figura, quæ vires mutux necessariæ sunt, ut eadem facile mobiles, & separabiles sint, id est, ut earum congeries efficiat corpus fluidum?*

## §. XXX.

*Propositio. Fluiditas oritur ex ingenti partium subtilitate, & virium, quas inter se exerunt, compositione tali, qua eadem se vel repellunt, vel minus attrahunt, quam sit vis ignis interlabentis, partesque agitantis, vel denique nec repellunt, nec attrahunt. Probatur: Hisce politis (uti reipsa ponenda sunt ex observationibus) intelligitur fluiditas, eiusque in corpore quodam status. De utroque membro dicendum est singulatim.*

I. Particulæ admodum subtiles ob exiguam massulam, levemque ab inertia resistantiam facillime moventur; si igitur ab aliis non attrahuntur, vel attrahuntur minus, quam sit vis ignis eisdem agitantis & ab aliis identidem segregantis, aut si ab aliis omnino repelluntur; intelligitur profecto, eadem facile mobiles, atque separabiles inter se esse, id est, corpus fluidum efficere. Reipsa subtilitas partium in fluidis longe maior est, quam sensu, vel imaginatione possumus concipere; eorum moleculæ solitariae nullo microscopio discerni possunt, sed ex aliis semper videntur compositæ, quæ separari inter se, facileque moveri possunt. Colligitur eadem subtilitas ex penetratione fluidorum in alia corpora, quorum meatus perexigui sunt. Aer per ligna præsertim paullo tenuiora transit: aqua penetrat in omnia vegetabilia, & plurimas animalium partes, easque tumefacit & molliores facit: oleum in ligna, plurimosque lapides, mercurius in non nulla metalla, & corpus animale.

II. Posita hac subtilitate particularum & virium, quas inter se exerunt, compositione tali, ut sese repellant, vel nec repellant, nec attrahant magnopete; tota ratio fluiditatis habetur, ut in minimis arenulis, & farina, item in aere, igne, & vaporibus plurimis:

At quoniam partes non paucorum fluidorum se mutuo attrahunt, nec omni cohæsione carent, imo & in solidas massas facta caloris imminutione concreſcunt; necesse est, ut, quamdiu fluida manet massa, ea sit virium, quas exerunt, compositio, qua minus se attrahant, quam sit vis ignis interlabentis partesque agitantis. Suffragatur experientia; quamdiu enim sufficiens ignis adest in aqua, fluida manet: si in glaciem abit, teste thermometro calor imminuitur. Et quoniam aqua fundamentum, & veluti basin liquiditatis præbet aliis succis & liquoribus; idem de hisce fluidis statuendum est; præterea intellecta vi caloris, & motu partium intestino, qui inde necessario consequitur, intelligitur diffusio liquidorum, & compositio ad libellam. evaporatio itidem, quæ in fluidis observatur. Plurima alia corpora non sunt fluida, nisi eorum partes igne agitentur, & pro vario attractionis, quam earum partes exerunt, gradu varius pariter gradus caloris ad fluiditatis statum requiritur; patet id in metallis liquatis, vitro fluente, in farina gypsi, dum vehementi igne solvitur.

### §. XXXI.

Corollarium I. Si diversa inter se fluida comparamus, aut idem fluidum in diverso caloris, frigoris, puritatis, vel mixtionis statu spectamus, gradus quosdam fluiditatis deprehendimus. Teste MUSSCHENBRÖCKIO Elem. Physic. §. 585. *fluidum fluidissimum est ignis, & lux, tum aer; est spiritus vini æthereus fluidior Alcohole: alcohol fluidius spiritu vini vulgari: qui fluidior aqua: hæc vino: hoc musto: hoc syrupo, & oleis.* Demum per gradus ad semifluida, ad mollia, & dura ascenditur, uti sunt glutina, cera, marmor. Hi gradus fluiditatis videntur maxime pendere a partium subtilitate, & imminutione virium ad accessum determinantium, quæ denique in repulsionem particularum transire potest. Plerique omnes figuram sphericam fluidorum particulis tribuunt præsertim in igne, aut sphericæ proximam, uti in aqua; sine dubio rotunditas molecularum cæteris manentibus iisdem auget fluiditatem; quod porro eandem constituent universæ, difficile probatur.

batu est; quis enim in aere, quis in particulis metallorum, sulfurum &c. quando fusa sunt, particulas sphaericas sibi effingat? in aliis itidem, quæ solo ignis discessu solidescunt, ægre idem concipitur, cum ea figura perexiguos contactus admittat, quorum magnitudini in eiusmodi cohererentibus corporibus firmitas cohaesionis respondere videtur. Fateor, non deesse argumenta, quibus rotunda figura fluidis quibusdam vindicetur. Certe particulae altiorum ordinum, quæ sensui subiacent, imo & bullæ sive ex aere consistunt, sive ex ipsis fluidi particulis in vaporem redactis, eam figuram exhibent, nisi corporis, cui incumbunt, attractione complacentur. In minoribus portionibus microscopia in lacte, sanguine, sero, oleis, mercurio idem nobis obiciunt. Fumus carbonum, si a superficie plana exceptus microscopio inspicitur, meros exhibet globulos: DERHAMUS vapores in camera obscura examinans eosdem sphaericos deprehendit. Sed enim ista neque communia sunt omnibus fluidis, & si in hisce, quæ enumerata est, ea est virium compositio, ut actio, quam aliæ in alias moleculas exerunt, proxime ad centra molecularum undique tendat, adhuc minores particulae in maiores massulas coibunt, figuram sphaericam crassis sensibus exhibentes, etsi illæ minores particulae nequaquam rotundæ sint, sed lateribus consistunt planis, ampliores contactus admittentibus.

### §. XXXII.

Corollarium II. Ex dictis perspicui potest, quid inter *fluidum*, *liquidum*, *humidum*, quæ vulgo distingui solent, intersit. Proprius character fluiditatis est facilis partium mobilitas, qua levi impulsui cedunt, & separabilitas, seu capacitas motus comparativi. *Liquida* vocantur, quatenus fluida, dum paullo maiore quantitate accipiuntur, mox diffluunt, & ad libellam se componunt; ob hanc causam cuicumque figuræ vasis, in quo continentur, facile se adcommovent, ac veluti sponte sua; atque ut ARISTOTELICI alebant, alienis terminis facile, propriis difficulter continentur. Cumulus farinæ, lapidum minutissime tritorum, congeries

#### §4      *Seç. I. Speciales Corporum Vires.*

ries tenuium vaporum sine dubio fluida sunt; sed aqua, pleum, æs fusum, mercurius non solum fluida, sed etiam liquida censentur, quia in planum effusa late diffiunt, & in quovis vase ad libellam se componunt. Discrimen oritur tum a subtilitate partium, quam pulveres grandiusculi non adsequuntur, tum a motu intestino caloris; nec figura sphaerica multum hic confert, nam globi maiores coniuncti in cumulum assurgunt, & pyramidem formant; concipe, omnes decrefcere eadem inter se ratione; manebit pyramis. At concipe eos imminutos motu interno cieri; tum assumpta mobilitate, & pondere proprio haud ægre intelliges, cur latissime diffiunt. Denique *humida* vocantur, quæ aliis corporibus solidis adhærescunt, siye ea humectant; sed hæc est proprietas respectiva, non absoluta; eadem enim aqua, quæ digitis nostris adhæret illico, pinquia non humectat. Aer politissimis quoque corporibus adhæret, etiam cum maxime siccus censetur; hinc sensu isto humidus est, etsi id vulgo de sola aqua, & liquoribus aut vaporibus aqueis dicatur. De hac fluidorum ad solida corpora adhæsiõne proxime differendum est.

*Ad naturam fluiditatis exponendam satis est eam virium, quas earum molecule exerunt, diversitatem, ac triplex, quod inde deducitur, fluidorum genus observationibus comprobasse; Nec iam quæri potest, unde illa in moleculis diversorum fluidorum virium diversitas proveniat; hæc enim ex compositione elementorum, aliisque fortasse causis pendet, neque ad hunc locum omnino pertinet. De motu intestino, quo fluida tertii generis perpetuo adfci diximus, dubium esse nullum potest, quia eadem solo extincto aut imminuto calore, qui ad statum fluiditatis conservandum requiritur, illico solidescunt. Neque is motus subtilissimarum partium eam vim habet, ut arcnas, pulveres, aliaque corpuscula graviora agitet, Et differentiam gravitatis specificæ inter ea corpuscula Et fluidum superet; hinc ea cessante maiore agitatione in fundum decidunt, ut fæces vini, cerevisiæ, aliorum liquorum. Bullulas quidem, aliasque particulas heterogeneas admodum exiles in spiritu vini citissime moveri, microscopiis observamus; alias autem in fluidis loco quieto pos-*

positis nullus etiam per microscopia observatur motus intestinus; cum enim tanta sit molecularum subtilitas, ut seorsim singulæ a singulis nullo microscopio discernantur; haud mirum est, earum etiam motum effugere aciem nostram, nisi paullo vehementior sit, & maiorem fluidi portionem adficiat. Vinum rubrum commemorant aquæ leniter adfusum per 18 menses separatim mansisse; id cum motu intestino horum fluidorum, quo commixtio eorundem effici debebat, ægre conciliari posse antumant. Sed nempe minor is motus est, utpote in sutilissimis moleculis; & differentia gravitatum specificarum in illis liquoribus maior erat, quam vis orta ab illo motu. Sed præter calorem etiam evaporatio liquidorum motus intestini indicium est.

---

## C A P U T IV.

### *De Adhæensione Corporum Fluidorum ad solida, maxime in Tubis Capillaribus.*

*Attractionum specialium satis multa, eaque, ut opinor, admodum gravia argumenta protulimus. Deinceps observationibus, ex quibus eadem & deducuntur, & confirmantur, explicationes suas attractionum systemati conformes adnellemus, ne idem perpetuo bis commemorandum sit. Ut tamen experientia, ipsaque phenomena, quæ naturæ vox quædam sunt, cum philosophorum voce ne confundatur, observationes & expositiones earundem typorum discrimine quodam segregabimus.*

### §. XXXIII.

Observatio I. Omnia liquida secundum minores portiones adhærescunt quibusdam corporibus solidis, certe aqua omnibus, exceptis oleosis & pinguibus. Mercurius etiam pinguibus, item auro, plumbo, & stanno se iungit, horumque meatus ingreditur, ac per omnia prope humani corporis membra pervadit: ligna non tingit: ferrum dicitur repellere, & repelli ab eo. Aer facillime adhæret solidis æque ac fluidis, iisque intimo

miscetur; eius bullæ in solutionibus corporum sat longo tempore adhærent fundo, & lateribus, ac maiore copia superficiebus asperis, quam politis. Secundum experimenta HALESI (qui omnes prope corporum species ad examen hac in parte vocavit) volumen aeris per operationes varias e corporibus educti, & ad communem atmosphæræ densitatem ipsa eductione proxime revocati non raro volumen corporum, quibus ante inhæserat, multis vicibus superat; quo discimus, aerem istum, cum in minimas dispersus particulas corporum recessibus inhæreret, vehementissime fuisse compressum. Sunt corpora nonnulla, præsertim fluida, quæ licet ope caloris, aut vacui Boyleiani ab aere diligentissime purgata fuerint, eundem tamen iterum in se attraxisse observantur post aliquod temporis intervallum ferme eadem, ut prius, copia, modo libero aeri exponantur. Ex phænomenis electricis colligemus, omnia corpora & corporum partes nativam quandam & constantem ignis dosin continere, sibi que vindicare; ac Cl. HAMBERGERUS transitum materiæ caloris, & ignis ab uno in aliud corpus, vimque solvendi massas solidas, quæ ignis pollet, ex vi cohæsionis istius ad alieni corporis partes repetit. *Qui phænomena illa, quæ nos attractioni adscribimus, per æris, vel ætheris actionem mechanice, ut aiunt, explicare conantur, videant, quoddam aliud genus aeris vel ætheris in subsidium vocent, ad hanc vulgaris & ab omnibus admissi aeris & ignis ad corpora adhæSIONem explicandam. Humectatio vasorum sine attractione eorundem in aquam, aut liquidum quodcunque haud intelligitur præsertim cum liquida contra directionem & vim gravitatis, quam habent, lateribus adhærescant. Cur guttæ liquidi eiusdem in uno plano basin latiore, in altero rotunditatem sphaerulæ adcuratius induant, non nisi ab attractione, quæ in aliis atque aliis planis alia est, repeti potest. Uti vero aqua a lignis trahitur, non item a pinguibus; ita filamenta eiusdem glacialia parietibus vasorum adhærescunt, atque inde versus medium tendunt, at si iidem oleo vel sebo imbuuntur, hæc sine adhæSIONe, in media aquæ superficie primo innatant.*

II. Aqua per superficiem vitri defluens inferiori eius lateri adhæret, ibique guttam format, quæ succeden-

dentibus aliis particulis crescit magnitudine & pondere, unde ob vim propriæ gravitatis figuram oblongam induit; denum in binas dividitur collo semper magis attenuato; eoque demum rupto pars inferior guttulæ decidit superior versus vitrum resilit; *delapsura cum aliis moleculis, nisi a vitro magis, quam particulis homogeneis traheretur.* Similia observantur in stillicidiis tectorum, & vaporibus aqueis per fenestrarum tabulas defluentibus.

III. Superficies aquæ vasi vitreo mundo & sicco infusæ versus latera per curvam attollitur, & in medio concava est; *nempe a lateribus vasis quaquaversus attrahitur; quæ quidem tractio vitri exeritur in maxime vicinas aquæ moleculas, quas dein ob vim mutuam, quam in se habent, sequuntur aliæ atque aliæ remotiores, uti si quis unum globulum magnetis, cui plures adjacent, attollat, huic mox vicinior alius, atque alius adhærescens una attolletur.* Si vas totum ad supremam oram repletur fluido, attractio laterum effectum sortiri nequit; hinc fluidum per sese planam superficiem obtinebit; sed hæc planities, cum unicus limes sit inter infinitas concavas superficies, in nullo casu reali verisimiliter concipi potest. Sed utcumque ista sint, repleto iam vase, novaque adfusa liquidi portione superficies fit convexa præsertim in liquidis, quæ ob maiorem vim mutuam viscosa dicuntur; quo casu mutua partium in se actio obest, quo minus ad latus diffuant.

IV. Globuli vitrei cavi, aut suberei, imo & bullæ aeris aquæ innatantes, quando lateribus vasis adpropinquant, motu accelerato versus ea rapiuntur; dum nempe sphaeram activitatis laterum, vel certe partium fluidi ad latera assurgentis ingrediuntur; nam ea motus acceleratio fit per spatium, quod ipsis sensibus discerni potest. Quid, obsecro, aer vel æther omni parte agens æqualiter, hic agit?

V. Si laminæ vitreæ ad horizontem inclinatæ interius apponitur gutta aquæ, ea per planum descendet ad infimum marginem *vi c d composita ex vi normali gravitatis c g, & vi attractiva vitri c a (T. I. F. I.)* via, quam motu suo designat, manet humida; quia particule quædam arctius a vitro attractæ adhærent superficiei, remittente gravitate sua.

VI. Binæ laminæ vitreæ planæ, mundæ & siccæ coniungantur situ parallelo, & inferiore latere contingant aquam, ascendet ea intra laminarum commissuram ad notabilem altitudinem. *Id quidem indicio est, eas haud se contingere saltem omni ex parte, etsi digitis comprimantur.* Si dein eadem interposito tenui filo separentur ad modicum intervallum, altitudines fluidi ingredientis observantur reciprocæ, ut distantie laminarum. Quantitas fluidi intercepti formam habet parallelopipedi, cuius basis est distantia laminarum ducta in inferius latus earundem; & quoniam parallelopipeda, quorum altitudines, & bases reciprocant, æqualia sunt; *sequitur, quantitatem fluidi inter laminas pro varia distantia intercepti constantem esse, seu æqualem.*

VII: Si eiusmodi specula plana (F. II. T. I.) ad horizontem perpendicularia latere uno O M penitus coniungantur, altero autem interiecta tenui lamella separentur, ut in O M perexiguum angulum efficiant: fluidum, quod in vase A B C D latera inferiora speculorum M N, M K contingit, ita ascendet, ut maiorem altitudinem attingat in iis partibus, ubi specula minus distant, minorem in iis, ubi magis distant; formabitque curvam hyperbolicam; haud ægre enim colligitur, rectangula M e f g, M h i k, M l r s &c. esse æqualia; quæ est nota proprietas superficiæ hyperbolicæ inter curvam O t r i f, & asymptotos M O, M N. Si ea specula immerguntur in mercurium in vase stagnantem, is quoque elevabitur, & hyperbolam g f c situ inverso formabit (F. III. T. I.) *crescit nimirum altitudo fluidi de crescente speculorum distantia, & versus acutum angulum ob propinquitatem laterum, quæ vis tractiva inest, & propiorem fluidi contactum, ac tenuiores eius portiones, quarum pondus facilius superatur attractione, quam pondus portionum maiorum. Intimius perspicitur ratio huius ascensus ex phaenomenis tuborum capillarium.*

VIII. Speculo plano & horizontali A B (F. IV. T. I.) imponatur gutta olei recentis auranciorum OPSQ, aliudque planum speculum A C priori ita imponatur, ut guttam in puncto P contingat: ea motu accelerato versus A movebitur. *Trahetur enim vi ad plana perpendiculari O P, O Q; unde existet motus compositus O S:*

in



in accessu autem versus *A* gutta ob ampliorem contactum, & minorem speculorum distantiam sentiet maiorem vim; unde motus acceleretur necesse est: unde intelligitur, cur eiusdem motus retardetur, si durante accessu specula aliquantum eleventur; & aucta magis altitudine gutta omnino quiescat hæreat. Si experimento adhibeatur gutta mercurii, ea fertur directione contraria *O R*; cum enim eius particule magis se trahant, quam trahantur a vitro; idcirco ex vi & directione  $PO = SQ$ , &  $QO = SP$  nascitur motus ex *O* versus *R*.

Sunt, qui putant, mercurium omnino repelli a vitro, at enim videtur is secundum exiles admodum portiones vitris quoque adhærescere, verum ita, ut si eiusmodi portiones maiorem quandam mercurii massam quavis sui parte contingant, eidem mox coniungantur, quoniam a massa homogenea validius, quam a vitro trahuntur.

## §. XXXIV.

Observatio de tubis capillaribus. Si tubulus vitreus, cuius diameter interior non nisi unius lineæ, aut etiam minor est, immititur in fluidum e. g. aquam, vinum &c. liquor per se ipsum ascendit, ac primo satis celeriter, supra libellam fluidi in vase stagnantis. Diversi liquores imo etiam diversæ species materiæ, ex qua conficiuntur tubuli, diversa produunt phænomena, quæ nullam rationem gravitatis specificæ liquorum sequuntur. Idem autem liquor fere altitudines obtinet diametris tubulorum reciprocas. Sit enim diameter tubuli  $\frac{1}{2}$  lin. erit altitudo circiter unius pollicis. Sit dein diameter  $\frac{1}{10}$  lin. Observata est altitudo quinque pollicum, & aliquanto etiam maior; est autem  $\frac{1}{2} : \frac{1}{10} = 5 : 1$ .

Sunt hæc phænomena tubulorum capillarum constantia, regularia, obvia, ac diligenter discernenda ab iis, quæ magis complicata sunt, aliasque præterea habent adiunctas causas. Adcuratorem præ cæteris explicatione eorundem dedit Cel. de La Lande in diff. de hac re edita Parisiis anno 1779. uti nunc exponemus.

## §. XXXV.

Propositio I. *Cum attractionibus specialibus, quas corporum particulae passim exerunt in minimis distantis, consentiunt phaenomena tuborum capillarium.* Ad confirmandam positionem hanc necesse est, distincte explicare, quomodo ob speciales attractiones ascensus liquoris supra libellam, eiusque sustentatio haberi debeat in eiusmodi tubulis; in quem finem spectanda est tenuis columna fluidi cavitati tubuli respondens caeteris vicinis altior, cuius proin gravitas quadam parte imminui debet, ut imminuta pressione deorsum, & aucta vicissim altitudine cum aliis circumiacentibus columnis, quarum pressio non imminuitur, æquilibrium tueatur vi legum hydrostaticarum. Sit igitur (F. V. T. I.) tubulus vitreus G B immissus in aquam vasis V S usque ad E; isque concipiatur divisus in tenuissimos annulos B C, C D, E F, quibus æque tenues lamellæ, sive annuli cavi fluidi contenti respondent, ita ut maxime spectentur particulae superficiei internæ annulorum tubi adhærentes, quæ per se anulum cavum efformant, sed cum eadem alias attrahant homogeneas fluidi particulas, in lamellas abeunt. Sit vis tractiva particularum aquæ in se mutuo  $= e$ ; vis tractiva vitri, vel singulorum eius annulorum in aquam sit  $= u$ ; ponaturque ea vis ab infimo annulo B C in subiectum fluidum pertingere usque ad A. Concipiendum est autem, vim tractivam singulorum annulorum non modo versus unam partem, sed more omnium virium attrahentium, versus omnem partem in orbem agere, ita ut distantia B A dantaxat radius sit sphaeræ activitatis, quam infimus annulus eodem radio æqualis exerit. His positis

I. *Spectentur moleculæ aquæ B A infimo annulo proxime subiectæ.* Quoniam eæ ab annulo B C trahuntur sursum, sed earundem separationi & elevationi vis mutua, quam inter sese exerunt, resistit, erit attractio annuli in eas partes extra tubulum  $= u - e$ ; quæ est differentia binarum attractionum appositarum, vitri in aquam, & particularum aquæ in se mutuo.

II. *Considerentur particulae aquæ intra anulum B C sitæ;*

*fitæ*; has trahet annulus proximus CD priori BC æqualis iterum  $vi = u - e$ ; nam ab annulo infimo BC illæ particulæ duntaxat trahuntur ad latus; quæ tractio non obstat tractioni verticali annuli superioris CD, uti vi & tractioni horizontali non obest vis normalis gravitatis (Mechanic. §. CXII. n. VI.) Hac igitur vi annuli CD, qua columna cavitati tubuli respondens sursum agitur a vitro, addita ad vim priorem, erit summa attractionum vitri in aquam  $= 2u - 2e$ . Animadvertite; ex omnibus particulis intra primum annulum BC contentis particula C ultima est, in qua attractio annuli superioris CD effectum habet; nam supra C attractiones annuli BC, & CD, cum sint æquales, & oppositæ, se mutuo destruent.

III. *Speſtanda eſt pars tubuli, quæ ſupra libellam* VS proxime extat, ſive annulus EF æqualis annulo BC & CD. Nam ante tubuli immerſionem particulæ ſupremæ fluidi in ſuperficie iacentes ab aliis inferioribus trahebantur deorſum  $vi = e$ ; nunc a parte immerſa tubuli, quæ particularum inferiorum locum occupat, trahuntur deorſum  $vi = u - e$ ; ergo inducta aliqua mutatio, & differentia erit  $= u - e$ . Porro a parte ſuperiore EF extante eadem particulæ in ſuperficie fluidi iacentes ſurſum trahuntur  $vi = u$ . Si ex viribus hiſce oppoſitis deorſum  $u - e$ , & viribus ſurſum  $= u$ , differentia ſumitur, hoc eſt, ſi a vi ſurſum agente ſubtrahatur vis agens deorſum, manebit vis agens ſurſum  $= e$ ; perinde ac ſi ſupremæ ſuperficieî incumberet columna aquæ, quæ pariter ſurſum ageret vi ſolita  $= e$ . Si iam hæ vires omnes computentur, erit attractio aquæ ſurſum ex I & II num.  $= 2u - 2e$ , & ex n. III.  $= e$ ; conſequenter vis tota  $= 2u - e$ ; eſtque hæc tota vis perturbatrix gravitatis & preſſionis in columna fluidi cavitati tubuli respondente; unde imminuta iſtius preſſione deorſum ab attractione tubuli, altitudo eiſdem, ut in æquilibrio ſit cum reliquis columnis, neceſſario augeri debet.

### §. XXXVI.

Corollarium 1. Fluidorum ultra libellam intra illos

los etiam tubulos ascendet, quorum in illud attractio minor est, quam attractio particularum fluidi in se mutuo agentium (modo vis tubuli non sit minor dimidia vi, qua particulæ fluidi in se agunt mutuo). Id revera observamus in tubulis ex plumis aqua levioribus, quæ minus trahunt aquam, quam aquæ particulæ se mutuo. Nami si ponitur  $u > \frac{1}{2}e$ ; erit etiam  $2u > e$ ; proinde vis perturbatrix & sursum agens maior vi mutua partium fluidi. Quemadmodum vero vis  $u$  varia est pro varia materia, qua tubuli constant: pariter vis e diversa pro diversitate fluidorum, aut status præsentis in fluido eodem; ita vis perturbatrix, & altitudo fluidi supra libellam eminentis alia atque alia esse potest, ac solet reipsa; & sicut vis e, sive attractio mutua partium fluidi gravitati eiusdem specificæ aut densitati minimè respondet; ita nec altitudo eidem conformari potest. Si autem vis  $u$ , qua tubulus trahit, minor est dimidia vi, qua particulæ fluidi in se agunt mutuo, nullus sequetur ascensus supra libellam; nam si  $u < \frac{1}{2}e$ ; erit etiam vis tota  $2u < e$ ; proinde vis, qua particulæ sibi adhærent mutuo; maior erit vi tota perturbatrice sursum agente; non potest igitur fluidum sursum agi. Si in mercurium immittitur tubulus vitreus, is adeo non ascendit supra libellam, ut columna cavitati tubuli respondens etiam infra eandem hæreat. Nempe particulæ mercurii a tubulo immerso exclusæ alias sibi antea subiectas, nunc subiectas tubulo sursum trahebant, earumque pressionem & vim deorsum imminuebant; nunc vero, quia minus trahuntur a vitro, etiam minus perdunt de vi & pondere naturali; atque ita columna cavitati tubuli respondens, etli aliis columnis circumpositis minor sit, tamen par adhuc erit tuendo æquilibrio. Similia fieri in plumbo liquefacto ostendit GELLERTUS Tom. XII. Comin. Petropol. Imo & aqua plumis duris, & siccis immixtis infra libellam hæret, uti mercurius circa tubulos vitreos; at si aqua plumas paulatim penetret, earum densitas propius accedet ad densitatem aquæ, auctaque in iis vi tractiva effectus contrarius habebitur.

## §. XXXVII.

Corollarium II. Imminuta per actionem tubuli gravitate partium fluidi eius cavitati respondentium elevatio earundem, & sustentatio supra libellam ex ipsis pressione fluidorum legibus intelligitur, uti (si parva licet componere magnis) imminuta gravitate partium maris per actionem lunæ, & solis eiusdem intumescencia eodem modo explicari solet. Sphæra attractionis tubuli perquam exigua est, qui nisi aquam contingat, non attrahet; & quamvis vitro aliisque corporibus guttæ paullo maiores, & longiores sæpe adhærescant; non tamen inferri continuo debet, omnes guttæ illius moleculas intra sphæram activitatis vitri contineri; nam partes extra sphæram positæ cohærent cum iis, in quas vitrum immediate agit. Idcirco etiam altius & celerius ascendit aqua per tubulum iam antea humefactum interius, quam per siccum; & quemadmodum LANDRUS animadvertit, fluvii ob hanc etiam causam celerius moventur, quando increscunt, & plerumque eorum aquæ celerius aguntur in superficie, quam fundo; aqua enim facilius devolvitur & lubricat per aquam, quam fundum, & arenas. Ob parvitatem sphæræ, quam vis tractiva tubulorum complectitur, fit, ut, si interna vitri superficies leviter obducatur fluido heterogeneo, quod aquam non attrahit, ea intra cavitatem minime ascendat. Ob eandem rationem in tubis amplioribus non nisi lateribus vicinæ partes attolluntur, & superficiem cavam formant: reliquas vis tractiva tubi non adficit. Si vero eæ sint tubulorum angustię, ut tota columna ultra libellam elevetur, altitudines columnæ erunt reciproce ut diametri tubulorum, haud secus, ac inter binas laminas interceptum fluidum altitudinem obtinet distantię laminarum reciprocam (§. XXXIII. n. VI.) unde porro sequitur, quantitates fluidi in diversis tubulis esse directe ut diametros eorundem; cuius rei demonstrationem ex iisdem prope, quæ a nobis allata sunt, principiis adcurate exponit cl. SCHERFFERUS P. I. Instit. Phys. Edit. nov. §. 353 & seqq.

## §. XXXVIII.

## §. XXXVIII.

Corollarium III. Quoniam vis attractiva tuborum, & singulorum eius annulorum in sphaeram agit; idcirco fluidum, quod in secundo annulo continetur, eadem vi, qua a tertio annulo sursum trahitur, a primo, & infimo trahitur deorsum; ab ipso autem secundo annulo duntaxat ad latus; quapropter vis annuli tertii nullum effectum sortiri potest. Sunt, qui putant, totam internam tubulorum superficiem, quam fluidum paulatim attingit, ad eius elevationem concurrere: idem vero fluidum si ad diversas altitudines iam elevatum spectetur, sola vi annuli supra summam eius superficiem positi sustentari aiunt. At enim actioni supremi annuli semper attractio annuli proxime inferioris, cuius non minor vis est, opponitur; & quamvis annulus inferior fluido oppletus iam sit, propterea eius actio, quam in sphaeram exierit, minime cessat. In nostra autem sententia, etsi in fluidum secundo annulo respondens eadem, sed opposita vi agat annulus infimus deorsum, qua tertius in idem agat sursum; tamen gravitas fluidi tabulo immediate subiecti perturbatur, atque imminuitur ab infimo BC, & gravitas fluidi annulo infimo contenti perturbatur & imminuitur ab annulo secundo CD, similiterque idem fit ab annulo EF proxime extante supra libellam; quocirca perturbata & imminuta hoc modo gravitate columnæ cavitati tubuli respondentis, eiusdem elevatio & sustentatio secundum leges Hydrostatices peragetur. Posuimus supra, vim infimæ partis seu annuli in subiectum fluidum pertingere usque ad A, atque huic radio sphaeræ activitatis æqualem sumimus eundem annulum BC, huius æqualem annulum proximum CD; hinc attractio infimi in subiectum fluidum, & attractio proximi in fluidum intra annulum infimum hærens nulla alia attractione alterius annuli extingui potest.

## §. XXXIX.

EXPLICANTUR DUBIA, ET PHÆNOMENA QUÆDAM.

I. Si tubulus non immergitur profundius in fluidum

dum, verum ita applicatur, ut superficiem istius duntaxat contingat; ascensus supra libellam perinde obtinetur, ac in alio casu, nec tamen pars tubuli supra libellam extantis singulatim hic considerari, vel ad ascensum quidquam conferre potest, uti dictum est §. XXXV. n. III. R. Annuli BC, & CD, si eorum attractio in aquam præcise consideratur, agunt vi  $= 2u$ ; quoniam vero columna capillaris intra tubulum contenta sollicitatur vi opposita aquæ ad libellam consistentis, & quidem vi  $= e$ ; quæ vis in circumiacentes columnas aut particulas non exercetur, idcirco vis tota proveniens a tubulo detracta vi opposita denuo erit  $= 2u - e$ ; ut adeo formula eadem habeat locum.

II. Adhibito tubo, cuius latera crassiora sunt, maior fluidi altitudo observari debet ob maiorem massam attrahentem: non observatur autem: igitur cum attractionibus, earumque legibus non consentiunt hæc phænomena. R. N. M. Nam partes fluidi, quæ ipsi luminis non maxime vicinæ sunt, ingredi nequeunt (eo quod ipsa crassitie marginis inferioris impediuntur) et si earum pondus attractione laterum imminuatur. Hinc in tubo etiam crassiore duntaxat cavitati quam proximæ effectum edunt, qui in sensus cadat. Quemadmodum vero crassities, ita & altitudo tubuli altius eminentis altitudinem fluidi non auget; quia sphaera attractionis perquam exigua est. Si tubulus decurtetur, aliquando differentia quædam altitudinis notatur, aliquando nulla plane: & quoniam valde difficile est acquirere tubulos, quorum amplitudo per totam longitudinem prorsus eadem est; facile inde aliquid turbatur, quod nempe discrimen diametrorum adit. Præterea si tubulus idem brevior reddatur successive, sæpe minor in prima immersione, quam secunda & tertia observatur altitudo, ob humiditatem superficiem internæ, qua posita ipsæ particulæ aquæ sibi facilius adhærescunt.

III. Sit (F. VI. T. I.) tubulus inæqualis diametri, in cuius angustiore parte CB aqua ascenderet ad 12 lin. in ampliore BA ad 6 lin. immergatur primo pars angustior usque ad GH; ascendet aqua haud altius, quam intra partem ampliorem BA solet ascendere:

E

Con-

Contra si latior pars  $DG$  (n. 2.) iminergatur, aqua ascendet perinde, ac in angustiore parte  $DB$  per sese ascenderet. Id phenomenon, non adparet, quomodo cum attractionibus consentiat. R. In primo casu vi fursum agenti in  $C$  obest attractio particularum vitri circa  $B$ ; præterea particulæ, quæ eleuantur ob actionem in  $E$ , circa  $B$  ob maiorem eius partis amplitudinem magis diffunduntur, hinc minor altitudo, & æqualis ei, quæ in ampliore parte  $BA$  haberetur, hoc casu observabitur; destructa enim vi in  $C$  duntaxat attractio reliqua est, quæ parti  $BA$  competit. At si pars amplior  $GD$  (n. 2.) immergitur, habebitur actio tubuli fursum in  $G$ ; partes in  $D$  ob maiorem amplitudinem & massam magis agent deorsum, quam partes angustiores in  $DB$  fursum. Quoniam vero annulus  $DA$  supra libellam proxime extans perinde agit, ac si columna fluidi homogenei superficiæ  $CA$  esset imposita (§. XXXV. n. III.) is magis agit fursum, quam annulus Angustior partis  $DB$  ageret; sed ob maiorem in  $DA$  amplitudinem fluidum ad maius etiam spatium diffunditur; quocirca ea præcise attractio & altitudo fluidi habebitur, quam sola pars angustior  $DB$  efficeret, etsi ea in præfenti revera nihil efficiat.

IV. Sit (F. VII. T. I.) tubulus vitreus  $BT$ , qui aquam sustineat ultra libellam ad altitudinem  $TG$ , si eam contingat in ase. Si dein removeatur a superficie aquæ, prior eiusdem portio ad eandem altitudinem manebit suspensa (tum vi tractiva vitri, tum fortassis etiam ob adhaerentem ad latera; tum ob exiguum fluidi contenti molem, cui ferendæ attractio vitri plerumque par est. Nam observante MARIOTTO & BILFINGERO massa aquæ intra tubulum capillarem contentæ fere guttam non excedit, quam infimum tubuli eiusdem labrum sustinere queat. Absterfo dein & purgato inferiore limbo gutta quædam aquæ adplicetur exterius tubulo verticaliter erecto, e. g. in  $G$ , quæ tanta sit, ut pondere suo versus  $T$  defluat: sistetur in  $T$ , ac segmentum sphaericum  $V$  formabit: aqua vero in tubulo supra  $G$  ascendet, eritque maior altitudo perpendicularis ac antea, cum in vase fluidi stagnantis tubulus hæreret.

Ad-



Adplicata postea alia guttula, quæ iterum ab exteriori superficie defluat versus *T*, tum segmentum spæricum *V*, tum altitudo columnæ intra tubulum crescet; eritque maxima altitudo, quando gutta *V* hemisphærium exhibet. Postmodum aucta diducetur in longum instar pyri, eritque prona ad lapsum; qui si contingat, columna interior evadit brevior ac ante; maior tamen adhuc manet, quam cum tubulus hærebat in vase, aut aquam tangebatur secundum lineam *S. T.* In hoc experimento illud maxime declarandum, cur altitudo columnæ a gutta defluente augeatur. Tubulus quidem vitreus sive immersus sit aquæ, sive inde extrahatur, eandem tractionem exerit; sed quamdiu infima ora sua aquam in vase stagnantem contingit, eiusdem attractioni parte quadam resistit vis opposita cohæsionis particularum fluidi inter se, uti dictum est §. XXXV. n. III. Ea vis opposita, per quam fluidum in vase stagnans deorsum agit in columnam tubuli, eodem extracto cessat. Quando dein gutta exterius defluens magnitudine, & pondere increfcit, eadem prolongetur necesse est, uti id fit in guttis aliis; cumque eius particulæ ad lapsum pronæ vim exerant in columnæ partes vicinas, ista, eveniente lapsu, brevior redditur. Nihil igitur in hoc experimento inest, quod cum attractionibus specialibus corporum, & principiis antea stabilitis non penitus consentiat. Si gutta aquæ exterius adplicetur tubo vacuo, & verticaliter erecto, ea descendit ad infimam oram, ac per cavitatem introrsum rapitur, celeriterque ascendens non modicam tubuli partem implet. Gutta ab exteriori vitri superficie, cui adplicatur, non nisi ad latus, & horizontaliter trahitur; superiorum enim vitri partium, & inferiorum tractio utrinque opposita est, neque ad ascensum, neque ad descensum. guttæ quidquam omnino confert: pondere igitur naturali descendit; in infima ora mox totam sentit eius annuli attractionem, ita, ut annulus infimus agat in particulas extra cavitatem adhuc positas, & annulus proxime superior trahat particulas intra primum anulum hærentes, quim istæ tractiones ulla vi opposita frustrentur, imo ut adiuventur mutua tractione molecularum fluidi inter se. Positis hisce actionibus an-

lorum, & cohæfione fluidi facile intelligitur, cur gutta introrsum rapiatur, & cur particulæ intra sphæram activitatis, quam illi annuli exerunt, alias superiores trudent sursum, ut adeo notabilis pars tubuli impleri debeat.

V. *Aqua intra tubulum diametri  $\frac{1}{2}$  lin. observata est ascendere 10 lineis ultra libellam: spiritus vini in eodem, vel æquali non nisi ad  $3\frac{1}{2}$  lineas. Porro cum spiritus vini sit levior aqua (est enim gravitas specifica aquæ ad gravitatem specificam spiritus vini ut 10 ad  $8\frac{1}{2}$ ) videtur is minus resistere attractioni, & propterea altius attolli debere.*

R. 1. Supra animadversum est (§. XXXVI. cor. I.) altitudines liquorum intra tubulos capillares gravitati specificæ eorundem minime respondere; diversitas ab ipsorum liquorum, tuborumque diversa constitutione oritur. 2. Compertum est omnibus, spiritum vini maxime inflammabilem esse. Idem ob partes oleosas, ob phlogiston & materiam ignis, quam continet, & ob quam copiosæ evaporationi obnoxius est, continuo vapores insensibiles emittit; quorum atmosphæra elastica & repulsiva propiorem contactum partium eiusdem ad vitrum impedit. Æther vitriolicus, id est, partes oleosæ æthereæ a spiritu vini per acidum vitrioli extractæ, quæ magis inflammabiles sunt, minusque phlegmatis, quam spiritus vini, continent, ad minorem etiam altitudinem ascendant. In tubulo enim diametr.  $\frac{1}{2}$  lin. aqua ad 13 lineas, spiritus vini ad 5, spiritus æthereus non nisi ad 4 pervenit. Fluida igitur, quo magis inflammabilia sunt, minusque phlegmatis continent, tanto minus attrahi a vitro videntur. Aqua etiam calida lentius & fere ad minorem altitudinem ascendit, quam frigida. Chemia abundat eiusmodi observationibus & experimentis; queis palam fit, pro corporum diversitate admodum diversas esse mutuas attractiones, & repulsiones. Sunt quædam fluida, quæ facile, ac cito inter se commiscuntur: alia vix ac ne vix quidem; non nulli liquores aliis corporibus affusi frigus, alii calorem producant: aliis adhærent, eaque humectant; aliis non item: aqua auro adfusa in superficie consistit: mercurius in partes in-

interiores penetrat. Tota ea diversitas sine dubio ex combinatione elementorum in varias moleculas earumque diversa figura & constitutione pendet, de qua nil certi adhuc compertum est Physicis; atque hinc etiam differentia altitudinum in aqua, & spiritu vini derivanda est, quæque sunt generis istius. Certe spiritus salis ammoniaci, & urina ad maiorem præ aqua altitudinem perveniunt in tubulis; & quidem sal ammoniacum, cum volatile sit, facile in altum eluctatur, levique attractioni cedit. Secundum experimenta a D. ZEHER facta Petropoli, vitrum, quo plus salis alcalici continet, eo magis radios lucis refringit, ac maiorem proinde in eos vim exerit: cumque vitrum haud parum salis alcalici in se contineat; idem citius aquam, & liquores aquosos, quam oleosos, & pingues fortassis attrahit: res tota non nisi experimentis & observationibus decidenda est. Denique a probabilitate non abhorret, si statuatur, eiusmodi phænomena diversa ab atmosphæra electrica saltem quadam parte oriri; etsi enim electricitas artificialis phænomena tuborum capillarum non turbet, vel immutet; tamen eadem cum densiore & elastica atmosphæra fluidi electrici, qua vitrum ambiri in statu suo naturali docebimus, fortassis connexa sunt, cum enim & spiritus vini, liquores inflammabiles atmosphæra quadam & vapore elastico cingantur; iidem ad vitrum applicati a propiore contactu arceri, vimque tractivam vitri quodam modo devitare possunt, ac debent. Similia iis, quæ adhuc exposuimus, respondenda sunt interroganti, cur aqua non ascendat intra tubulos, quando interior superficies oleo, vel sebo inungitur; Est nempe immiscibilitas quædam inter aquam, & materias oleosas, pingues & inflammabiles. Ex sequenti experimento confirmatur. Gutte aqueæ immittantur in tubum capillarem, cuius inferior pars oleo vel sebo inuncta est: eæ ad partem inunctam consistent, nec ultra descendant. Igitur ipse descensus aquæ a pondere naturali ortus, qui magis sensibilis est, quam attractio vitri in minimis distantis, per eiusmodi materias impeditur. Unde videtur concludi posse: non modo maiorem esse inter ipsas aquæ articulas, quam inter has, & materias pingues at-

tractionem ( hoc enim posito nondum intelligitur, cur guttæ motum sistant ) sed inter aquam, & pingues atque oleosas materias repulsionem obtinere; certe ad motum guttarum sistendum vis contraria requiritur. Eiusmodi repulsio, si in oleosis corporibus ea, de qua loquuti sumus, atmosphæra elastica admittatur, non difficilem explicatum habet. Hæ quidem coniecturæ, ad quas non pauca phænomena nos deducunt, ut temere contemnendæ non sunt, ita nec pro certis positionibus iactari debent.

Posteaquam ostensum est, phænomena tuborum capillarium per attractionem effici posse; siue eandem sufficientem esse causam iis phænomenis producendis, eademque cum attractionibus specialibus, quæ minime finguntur, sed passim exeruntur reipsa a corporibus & tenuibus corporum particulis, consentire, haud ægre inducimus in animum, ut hypothèses, & causas; quas alii alias atque alias adserunt, ceu fictitias, minimeque sufficientes, quales omnino sunt, agnoscamus, & repudiemus.

## §. XL.

Propositio II. *Phænomena tuborum capillarium non proveniunt a causis iis, quæ vulgo pro mechanicis assignantur.* Probatur inductione, eiusmodi causas aut fictitias esse, minimeque veras, cum earum existentia in natura comperta haud sit, aut esse penitus insufficientes.

I. *Asperitas vitri*, aiunt non nulli, efficit, ut moleculæ fluidorum in partibus prominentibus tuborum ceu gradibus utantur ad ascensum. R. Asperitas corporum, uti omni motui, ita inprimis motui sursum tendenti, & directioni gravitatis opposito magis resistit, quam suppetias fert. Etsi dein eiusmodi asperitates sustineant fluidum, postquam id elevatum, aut tubulo infusum est; ad ipsum vero elevationis motum sane nihil conferunt; neque enim commoda per scalas ascendendi via in altum efferet corpus grave, nisi eidem vis quædam impendatur.

III. *Aër*, inquit alii, dum ægre permeat angustias

*stias tuborum capillarium, fortius in aquam stagnantem, quam intra tubulum in columnam eius capacitati respondentem premit, hac autem inæquali pressione fluidum elevari necesse est.* R. 1. Experimenta tubulorum eadem in vacuo Boyliano; igitur aeris pressio earundem causa esse non potest. 2. Si aer intra cavitatem tubuli minus premit; cur obstructo superiore tubuli labro non ascendit fluidum? aut si is intra tubulum rariore ponitur (quamquam id contra leges hydrostaticas ponatur) sane a fluido comprimi posset ac deberet; cum id ab exteriori aere fortius premeretur, & intra tubum adigeretur etiam obstructo superiore labro. Sed obstat experientia. Resistit igitur aer intra tubulum non minus, quam exterior premit; imo & aer in ipso fluido contentus ascensum magis impedit, quam adiuvat; certe si aqua, aut quodvis aliud fluidum ab aere antea rite purgetur, altitudo in tubo obtinetur maior; hoc enim facto particulæ fluidi & inter se, & cum partibus tubuli arctius cohærent. 3. Nimium crassas sibi fingunt aeris moleculas, qui transitum per tubos capillares iisdem difficilem faciunt. Minima & insensibilis fissura, cuius interstitium ne quinquagesimam quidem lineæ partem efficit, in tubo barometri copiosum aerem admittit, ut mercurius ad libellam vasculi descendat. Si idem vasculum mercurii stagnantis in tubum capillarem desinat, mutationes altitudinum liberum aeris transitum palam faciunt BILFINGERO teste.

III. *Plures eorum phænomenorum causæ congeruntur a quibusdam, ac* 1. *Elasticitas aeris intra fluidum se expandere conantis, & ascensum adiuvantis.* 2. *Mutua partium fluidi cohæsiō.* 3. *Maior contactus eiusdem atque adhæsiō ad parietes tubuli.* 4. *Denique atmosphæra quædam corporum vorticoſe mota, quæ si alternis corporis atmosphæram contingat, quasi in unam confluit cum ea, & corpora coniungat.* R. Concedo equidem, particulas fluidi, præsertim aquæ, & liquorum, qui plurimum aquæ continent, cohærere inter se mutuo, & adhærere vitro; verum hoc ipsum non causis mechanicis, sed mutuæ attractioni adscribendum esse, supra ostendit.

dimus. Quæ de atmosphæra adduntur, fictitia sunt, & longe discrepant ab iis, quæ paullo ante de atmosphæra vitri, & corporum inflammabilium dicta sunt, cum præsertim, ne in vacuo, aut aliis de causis dissipetur eiusmodi atmosphæra, non nisi vi tractiva corporum effici possit. Motus vorticosi nulla verisimilis ratio, nulla analogia adferri potest. Nec vero aer intra fluidum latens adscensum iuvat, cum fluida aere purgata fere altius ascendant, uti paullo ante indicavimus. Nec vero aer sese expandit, nisi cessante pressione, aut novo caloris gradu inducto; neutrum habetur, quando tubulus immergitur fluido; cum is ex omni parte prematur ab incumbente aere atmosphærico & premat æqualiter. Si autem aer libere permeat cavitatem tuborum capillarium, ætherem, puto, ad explicanda ea phænomena non invocabunt; quapropter de eodem dicere, cum præsertim aliis locis dictum abunde sit, supersedeo.

*Non prætereundum est, phænomena tuborum capillarium ad explicandos complures naturæ effectus viam sterquere; „ Hinc intelligimus, ait Musschenbrœck, quomodo aqua, & cum ea nutrimentum ad radices fibrillares plantarum allatum a vasculis earum subtilissimis absorbeatur, sursumque feratur, pluvia illapsa in foliorum partes supremas, ros ascendens, impactusque in foliorum latus inferius absorbeatur a vasculis absorbentibus: ingrediatur folia, & ex iis totam persuat arborem aut plantam: tum quomodo fluida aut medicamenta cuti humanæ extrinsecus adplicata per vasa absorbentia in corpus se penetrent: ut & quomodo perspirata in cavitatibus corporis ut in abdomine, thorace, pericardio, tum effusa fluida in oculi cameris, cerebri ventriculis &c. a vasis capillaribus tenuissimis absorbeantur, & una cum reliquis corporis fluidis circulationem obeant. „ Huc denique pertinent spongiæ, omniaque corpora spongiosa, ut panis, saccharum, sal, frusta panni, ellychnia &c. quæ liquores, quos una sui parte contingunt, in alias non immerfas attrahunt.*

## CAPUT V.

*De Operationibus Chemicis.*

**O**perationes Chemicæ dicuntur, per quas Chemicis varii generis corpora mixta in suas partes dissolvunt, aut resoluta in priusnam formam, aliamve novam redigunt. Unde operationes illæ generatim ad diacrisin, ut aiunt, sive resolutionem corporum, vel ad syncrisin, id est, compositionem eorundem referuntur. Ex variis eiusmodi operationibus, & experimentis innumeris, quorum explicatio in causis mechanicis, uti adpellant, frustra quaritur, ea maxime referemus, in quibus specialium virium indicia magis luculenta deprehenduntur.

## §. XLI.

**Observatio.** Accipiat<sup>r</sup> argenti optimi pars, atque in spiritum nitri immittatur; incipiet illico exiguis bullulis tota eius superficies obduci, quæ a spiritu graviore extrusæ ascendent, novis semper lisque innumeris succedentibus. Primum quidem superficies argenti aspera reddetur, tum limbi inæquales fient; incallescet non nihil vitrum una cum spiritu, fumo fætido ascendente; tandem solvetur in invisibiles prope particulas argentum, modo sufficiens spiritus copia addit, atque in spiritu quaquaversus dispersum ac per eius particulas distributum hærebit, ac sustentabitur. In hoc experimento prætermis<sup>s</sup>is tantisper bullulis, calore orto, & fumo ascendente maxime considerata sunt tria: *primo* dissolutio argenti in tenues particulas, quæ antea magna vi cohærebant. *Secundo* Distributio earundem per omnes partes spiritus nitri. *Tertio* sustentatio illarum in fluido, cuius particulæ specificè leviores sunt particulis argenti, quæ non obstante maiore pondere hærent in fluido, nec in fundum decidunt. Hæc tria similiter observantur, quando ab aqua resolvuntur salia quæcunque, & gummata, a spiritibus acidis terræ alcalicæ, & metalla varia, a spiritu vini corpora sulfurea, & resinosa. Sunt autem istiusmodi observationes certæ, atque extra dubium positæ, & sæpissime repetitæ.

## §. XLII.

Definitio I. *Solutio Chemica* est corporis alicuius in partes minutissimas divisio facta ope alterius corporis fluidi, quod *menstruum* dicitur, cuius partibus minimæ particulæ corporis divisi æqua proportionē miscentur, atque ab iisdem, ne pondere suo nativo decendant, sustentantur. In hac definitione, uti in observationibus atque experimentis, quibus eadem adcommodata est, tria potissimum spectanda sunt, paullo ante indicata, quæ genuinos solutionis chemicæ characteres coniunctim efficiunt; 1. partium corporis antea cohærentium dissociatio seu divisio. 2. Æquabilis distributio earundem per massam menstrui, ita, ut si capiatur pars menstrui centesima, in ea quoque pars centesima corporis soluti contineatur. 3. Sustentatio illarum intra menstruum, licet istud plerumque specificè levius sit corpore soluto.

*Partes minimæ corporis a menstruo soluti in eiusmodi operationibus, quas hoc loco consideramus, & inter se, & ipsi corpori soluto homogeneæ sunt, atque a menstruo denuo separari, eademque ut antea erant, naturā præditæ obtineri possunt. Idcirco eiusmodi solutiones vocantur superficialiæ. Est enim aliud genus solutionum, quas radicales nuncupant, ubi corpora in partes heterogeneas, ac fere in elementa chemica resolvuntur. Omnis solutio chemica est quædam mixtio perfecta: non tamen quævis mixtio censenda est solutio; cum sæpe maiores etiam corporum partes inter se commisceantur, nec illæ necessario sustentari a fluido debeant. In fusione partes corporis fusi separantur quidem (uti in solutione) non tamen sustentantur ab igne; quapropter solutio chemica etiam a fusione differt, uti a divisione mechanica illa, per quam cassa dividens manet integra, ac corpus dividendum instrumentorum ope in partes minutas descenditur cultris, aut in mortario contunditur, aut in scobem lima, vel in ramenta per radulam redigitur, aut denique in lamellas diducitur ope mallei & incudis, aut phalangarum.*



## §. XLIII.

Propositio I. *Solutio chemica non fit per causas mechanicas adhuc compertas, & passim assignatas.* Prob. Per eiusmodi causas nec dissociatio partium antea coherentium in corpore soluto, neque earum æquabilis distributio & sustentatio in menstruo effici potest: ergo nec chemica solutio; consequentia est legitima ex §. præc. & ipsa notione solutionis chemicæ. Prob. Ant.

L. *De partium dissociatione.* Ad mechanisum pertinet 1. Firmitas, impenetrabilitas, & apta figura e. g. cuspidata, vel cunei-formis particularum menstrui. 2. Apta proportio pororum corporis solvendi, & magnitudinis, ac figuræ earundem particularum menstrui. 3. Debita istarum ad corpus solvendum applicatio, ut e. g. minimæ cuspides aut spicula vel cunei partium menstrui insigantur in poros corporis solvendi. Positis iam, & concessis hisce affectionibus mechanicis effici nondum potest dissociatio partium antea coherentium, nisi præterea detur potentia quædam motrix, quæ cuneos & spicula introrsum adigat in corpus solvendum, eius partes ac latera pororum dimoveat, ac vi cohæisionis superandæ par sit; nam hi cunei, vectes & clavi sunt instrumenta inertia, nec quidquam omnino virium habent, nisi a potentia activa & motrice agantur, & quodammodo animentur. Sit enim cuneus fissuræ ligni insertus, aut clavus foramini parietis iam aperto insertus; neuter ob solam duritiem & firmitatem suam, ob figuram, & impenetrabilitatem atque applicationem penetrabit in lignum, vel parietem, nisi potentia motrice impellatur. Porro in solutionibus chemicis, nulla potentia motrix externa, nulla causa activa, quæ *mechanica* dici solet, concipi vel assignari potest, quæ disiunctioni partium antea coherentium efficiendæ par sit, & sufficiens, positis etiam, quas supra recensuimus, affectionibus mechanicis particularum menstrui, & corporis solvendi. Atque istud iam est, quo demonstrato veritas propositionis intelligetur; demonstratur autem id inductione causarum extranearum, quæ adhuc compertæ sunt, & pro mechanicis vulgo  
aff.

assignantur. *Primo* Potentia motrix, quæ partium dis-  
iunctioni efficiendæ par sit, & sufficiens, non est *gra-  
vitas & pressio menstrui* versus corpus solvendum; nam  
pressio fluidi a gravitate orta, est ut altitudo colum-  
næ incumbētis, & spectata quantitate, menstrui pror-  
sus exigua, quæ ad vim, qua particulæ e. g. argenti,  
cohærent, nullam rationem habet. *Secundo* Ea poten-  
tia motrix non est *pressio atmosphæræ* menstruo incum-  
bentis. Nam quædam solutiones citius ac felicius fi-  
unt in vacuo, quam libero aere. Præterea magna æ-  
ris copia in corporibus solvendis latet, uti bullæ ascen-  
dentes ostendunt; ut proin, quantum aer exterior par-  
ticulam menstrui urget versus corpus solvendum, tan-  
tum resistat aer intra poros istius conclusus, & ob com-  
pressionem valde elasticus; si enim leges compertæ  
mechanices spectentur, latera pororum per cuneos &  
spicula menstrui dimoveri non possunt, quin aer &  
ignis post illa latera delitescens, & in plurimis corpo-  
ribus valde constipatus non uno loco magis comprima-  
tur ac antea, & compressioni vehementius etiam resi-  
stat. Denique pressio in menstruum, & corpus solven-  
dum aliquando adjuvat, aliquando impedit solutionem,  
ut proin eadem pro potentia motrice statui minime  
possit. annosi bovis ossa (inquit SCHERFFERUS in In-  
stit. Phys. P. I. Exercit. III. Art. I.) in aqua bulliente  
diutissime licet coxeris, durissima manent; sed si ea-  
dem in machina Papiniana coquas, pulsem brevi refe-  
rent. Nam construitur hæc machina ex metallo solido,  
impletur fere ad duas tertias aqua, dum operculum  
cochlea accurate firmatur, ne aer interceptus exitum  
reperiat: is ubi supra aquam incaluit, sese ingenti vi  
expandit, aquam subiectam fortissime ossibus apprimat,  
& quia ab igne eius elementa potentissime agitantur,  
attritus maximus oritur, quo brevi tempore ossa emol-  
liri necesse est. Sed cum sæpius (inquit cit. Auctor)  
solutiones in tubulis vitreis hermetice clausis, & satis  
crassis explorarem, contigit non raro, ut postquam  
pars metalli soluta esset cum effervescentia, & calore,  
pars integra maneret, donec aeri exitus daretur aperto  
tubulo; tum enim denuo cernebatur effervescentia, &  
residuum metallum solvebatur, idque tum in frustulis  
fer-

ferri, tum in cupri ramentis, in aqua forti æque, ac spiritu nitri fiebat. Nempe notum est, ingentem vaporum elasticorum copiam nasci ex metallis solutis, qui cum egredi clauso tubulo non possent, menstruum nimium comprimebant, sicque solutionem impediabant. Ex quibus manifestum fit, non semper compressione extrinsecus adhibita actionem menstrui iuari. *Tertio* Potentia motrix non est *motus intestinus particularum menstrui, neque ignis*; Nam modicus ille calor, qui in menstruo ante solutionem inest, partium disiunctioni efficiendæ minime sufficit, quia corpora solvenda ceu argentum, & cuprum, intensissimum calorem, & immediatam actionem ignis, qui potentissimus motor est inter causas extraneas & mechanicas, sæpe diu, & sine læsione ac solutione sustinent. Dein calor notabilis non nisi cæpta iam solutione exoritur, qui tamen relate ad vim cohæisionis perexiguus est; imo aliquando etiam frigus deprehenditur in eiusmodi operationibus. Hæ sunt igitur causæ adhuc compertæ, quæ pro mechanicis assignari ad explicandas solutiones chemicas solent; atqui hæ penitus insufficientes sunt disiunctioni partium efficiendæ; quapropter nec pro veris causis & genuinis haberi possunt vi legis primæ philosophandi. Sane causæ mechanicæ, uti vulgo censentur, quæ activæ sunt, non nisi impulsu agunt, qui in solutionibus locum non habet; nam is quidem ad superandam cohæisionem metallorum vehementissimus sit oportet, quo eadem loco moveri, & centrum gravitatis eorundem progredi deberet, refragante experientia. Dictum est hæcenus de partium disiunctione; reliquum est, ut de æquabili distributione earundem, & sustentatione in menstruo dicamus.

II. *De æquabili distributione partium corporis soluti, earumque sustentatione in menstruo.* Nulla lex mechanices, nulla causæ, quæ pro mechanica habetur, concipi potest, qua particulæ menstrui, & corporis solvendi æquabiliter inter se distribuantur, ita ut pars centesima menstrui partem centesimam corporis soluti contineat, aut parte solutionis in aliud vas effusa, defectus ponderis non menstrui tantum, sed corporis eti-

am soluti massæ exacte cōmmensuretur. Nam si particulæ corporis soluti specificè leviores sunt menstruo, quomodo deorsum & in partibus inferioribus fluidi hærent? si specificè graviores; quomodo sursum eluctantur? si eiusdem sunt gravitatis specificæ, quomodo ad latera, & deorsum, & sursum æquabiliter disperguntur? Dein secundum leges hydrostaticas specificè graviora fundum petunt, leviora enatant: contrarium observatur in solutionibus chemicis; nam corpora soluta plerumque graviora sunt menstruo suo, veluti gummata & sales aqua graviores, resinæ & olea spiritu vini, metalla spiritibus acidis. Igitur sustentatio partium corporis soluti in menstruo non fit mechanice, sive per leges mechanicas adhuc compertas, quæ eidem potius adversantur.

## §. XLIV.

### RESPONDETUR AD ARGUMENTA CONTRARIA.

I. *Aqua, dum calefit, ad singulos gradus caloris novam portionem salis dissolvit; Et universe calor partes corporum disiungit ad maiora interstitia, easque demum penitus a se removet: ergo calori Et igni tribuendus est motus, qui in particulis mensurui, velut totidem cuneis ad solutionem requiritur; certe corporum solutiones per menstrua fere coniunctæ sunt non modo cum eiectione bullarum, verum etiam cum vehementi effervescentia, ebullitione, Et calore intenso.* R. ad 1. membr. antecedentis: Aqua calida plus salis solvit, sed ubi frigescit, illud omne sal, quod ratione caloris solvit, iterum deponit ad fundum, nec nisi determinatam eius quantitatem retinet suspensam etiam dissipato calore; ut adeo quidquid pure mechanice solvitur, cessante actione mechanica iterum præcipitetur. Ad 2. membr. Ant. Calor sine dubio promovet solutionem, quia poros corporis solvendi laxat, vim cohæisionis eiusdem aliquantum imminuit, & particulas mensurui ad idem aptius, vel copiosius adplicat. Verum spectata cohæisione corporum solvendorum, quæ longe maiorem, quam in eiusmodi solutionibus observatur, calorem sine læsione sæpe sustinent, & considerato modico calore

ris

ris gradu, qui ante inceptam operationem deprehenditur, & brevitate temporis, intra quod solutio peragitur, is calor partium disiunctioni efficiendæ minime par & sufficiens est. Non potest igitur causâ pro genuina haberi, quæ phænomenis, de quibus agitur, producendis haud sufficit. Accedit, quod intra ipsam mixtionem frigus aliquando angeri notetur, cum interea calidi sumi supra ipsius superficiem ascendant. Acute, atque ad hunc locum adposite nonnulli argumentantur ex vegetationibus chemicis, uti adpellant, vel operibus iis; quæ arbuſtorum speciem, vel quamcunque alterius plantæ formam, ac similitudinem referunt, uti cum particulæ quorundam metallorum, quæ chemice primam soluta, tum a suo menstruo per artem denuo separata, ac præcipitata sunt, eiusmodi arborum vel plantarum figuras induunt. Sic teste LEMERY, si uncia argenti solvitur in duabus vel tribus unciis spiritus nitri, ac solutio evaporet in igne arenæ ad medietatem, affusis dein 20 unciis aquæ, & 10 mercurii, spatio 40 dierum nascitur arbor, cuius ramusculorum extrema globulosa speciem fructus exhibent. Et hisce vegetationibus huiusmodi argumentum conficitur ad propositum scopum. Etsi in vegetationibus chemicis particulæ salinæ, & fluidæ menstrui adſint, tamen calor & ignis ope earum particularum non sufficit iis plantis & arboribus disiiciendis, in quibus tamen modica partium cohæſio inest, ut levi concussu phialæ disiiciantur: igitur ignis iisdem instrumentis non potest efficere, ut argentum aut cuprum in minutissimas partes, quarum maxima cohæſio est, discerpatur. Copia spiculorum menstrui & in solutionibus, de quibus agimus, & in vegetationibus chemicis æqualis esse potest, & gradus caloris adhibito thermometro in una operatione non advertitur maior, quam in altera. Neque dicas, vegetationem chemicam iam esse corrosam, & liberum transitum præbere particulis menstrui; ob quam causam ab igniculis disiici non debeat. Nam etsi materia vegetationis corrosa, & comminuta sit, tamen relate ad particulas salinas menstrui ab igne impellendas adhuc partes satis crassas, satisque resistentes habet. Dein eo ipso, quod corrosa sit,

lit, eius partes facilius impelli, & singulæ post singulas disiici possent, totaque vegetatio demum interire deberet, nisi fortassis in hunc modum concludas argumentum: vegetatio non dissolvitur, quia facilius dissolvi potest. Denique sine omni ratione sufficiente & similitudine veri fingitur, particulas salinas vegetationi non tam apte adplicatas esse, uti argento, vel metallo solvendo; cur enim in altero casu spicula illa & cunei penitus otientur, aut absorpti sint, in altero apte adplicentur corpori solvendo?

II. *Fieri potest, ut partes corporis soluti ob adhærentes sibi leviores particulas eandem cum menstruo gravitatem specificam acquirant, ac proin quovis loco intra fluidum sustententur, & in ipso intestino motu solutionis quaquaversus distribuantur. Ergo distributio illa & sustentatio mechanice potest explicari.* R. 1. Hæc ipsa adhæsiō sine attractione a vulgari mechanismo distincta non intelligitur. 2. Partibus soluti nihil adhærere potest, nisi particulæ menstrui, ceu aquæ salibus, & particulæ salinæ metalli partibus: cum igitur & salia & partes metalli graviores sint aqua, non intelligitur, quomodo par leges mechanicas eadem in aqua sustententur. Aerem quidem, & vapores elasticos ex corpore solvendo erumpentes maximam partem extra solutionem eiici, ostendunt bullæ, & fumi ascendentes: quidquid vi caloris solvitur, & per menstruum agitur, eo cessante iterum subsidit, uti partes terreae & arenosæ in aqua turbida dispersæ cessante eius agitatione fundum petunt. At vero partes corporis soluti longiori quoque tempore hærent in menstruo, nec nisi præcipitatione, de qua postea disseremus, ab eo liberari possunt.

III. *Sustentatio partium corporis soluti provenit a viscositate menstrui: viscositas autem ad affectiones mechanicas fluidorum pertinet: igitur ea sustentatio fit mechanice.* R. Etsi viscositas ad affectiones mechanicas fluidorum referatur, tamen ea causam habet minime mechanicam, sed ab attractione pendet, uti supra demonstratum est. Præterea manente viscositate fluidi præcipitatio fieri potest, uti si in solutionem argenti & spi-

ritus nitri immittatur cuprum. Porro caussa, qua permanente eadem effectus non manet, nequit esse genuina.

IV. *Vapores corporum terrestrium sustentantur in aere, etsi specificè graviores sint: igitur & particulae corporis soluti in menstruo leviori sustentari possunt.*

R. 1. Ascensus vaporum & sustentatio eorundem perdifficilem explicatum habet, & si ad leges hydrostaticas reduci nequit, similem fortassis causam requirit, quam solutio chemica, aut ascensus fluidorum in tubos capillares, vel electrica phaenomena. Utcunque sit, ex re æque, aut magis incerta & obscura nulla firmitas aut lux præsentì tractationi conciliari potest.

2. Sustentatio vaporum in aere non est constans. In atmosphæra enim æque continua est præcipitatio. quoniam elevatio vaporum; & calidi quidem vi ignis ascendentis, quamprimum satis constringuntur, recidunt una cum aliis heterogeneis particulis, forma roris, pluviarum, nivium: ingentem eorum partem imbibunt corpora sicca, dum aer humet, ut adeo vapores non ita suspensi in ære dici queant, uti partes corporis soluti in menstruo sustentantur.

V. *Dici potest, solutiones peragi reipsa legibus & actionibus mechanicis, sed adplicationem esse ignotam: ergo eadem leges. & actiones reici haud possunt.* R.

Fateor, multa fieri mechanice, quæ explicari a nobis haud possunt, propterea quod adplicatio corporum, aut minimarum particularum nobis ignota sit. Sed enim ex dictis patet, causas mechanicas solutioni efficiendæ minimæ pares & proportionatas esse, effectum esse maiorem quavis potentia mechanice agente: suspensionem partium corporis soluti legibus mechanicis omnino repugnare, & alia vi maiore indigere: particulas salinas eidem liquori innatantes, eodemque igne agitas dissolvere metalla, non dissolvere vegetationem chemicam, ut proin similibus positis causis nunc effectus sequatur, alias non sequatur; imo tunc sequatur, cum maior est resistentia: non sequatur, dum est minor. Hæc profecto legibus mechanicis repugnant, neque duntaxat ignorationem adplicationis produunt.

F

§. XLV.

J. Zallinger, T. III.

## §. XLV.

Propositio II. *Solutiones chemicæ a viribus corporum internis, & quidem attractivis specialibus pendent.* Prob. Solutiones chemicæ pendent 1. a vi quadam positiva; quia vis cohæſionis, quæ sæpe permagna est in corporibus solvendis, sine vi contraria & positiva non superatur. 2. pendent a vi interna corporum; quia a causis extraneis & legibus mechanicis adhuc compertis & vulgo assignatis minime proveniunt, uti Propositione præc. ostensum est. 3. pendent a vi attractiva: nam actio, quæ in solutionibus chemicis exeritur, eiusmodi est, ut per eam minimæ particulæ corporis soluti ab aliis homogeneis avulsæ cum particulis menstrui intime commisceantur, atque cohæreant: igitur vis, unde actio illa proficiscitur, ad mutuos accessus tendit, sive attractiva est. 4. pendent a vi attractiva speciali; nam ea non nisi in minimis particularum menstrui & corporis solvendi distantis sese exerit, multoque maior est (uti ipsa vis cohæſionis corporum) actione gravitatis universalis. Ex his perspicue intelligitur, attractionem eo, quo a nobis sumitur, sensu pro genuina causa solutionum chemicarum habendam esse; quippe quæ minime fictitia, sed omnino vera est, & phænomenis explicandis sufficiens; id quod uberius declarabit ipsa

## §. XLVI.

## EXPLICATIO PHÆNOMENORUM.

I. *Non omnia menstrua solvunt omnia corpora, sed quæ solvendis unius speciei corporibus idonea observantur, alia alterius speciei illæsa & integra relinquunt.* Aqua proprium omnium salium & gummatum menstruum est, resinosa non solvit. Aqua fortis ex nitro & capite mortuo vitrioli destillato constans solvit argentum, non item aurum: aqua regia ex spiritu nitri & salis certa quantitate iunctis solvit aurum, non item argentum. Relate ad metalla fere omnia menstruum speciale est mer-

cu-



curnus, a quo illa in pulvem metallicam resolvuntur, quæ operatio Amalgamatio dicitur. Ut istius & sequentium phœnomenorum rationem perspicias, nota primo: quoniam solutio chemica ab attractione pendet; hinc; ut per eam vis cohæsionis, quæ pariter ab attractione mutua partium corporis solvendi oritur, superetur; necesse est, ut particulæ menstrui a corpore solvendo eiusque partibus maiore vi trahantur, quam sit vis mutua, qua partes solvendi corporis se trahunt, & inter se cohærent; sic enim hæ partes disiungentur a sese, & a massa reliqua, & ambientur a particulis menstrui ad id usque intervallum, ad quod earundem vis attractiva exporrigitur; & quoniam istud intervallum perexiguum est; hinc quævis pars seu molecula soluti a menstrui particulis circumfusa & veluti saturata non nisi certam menstrui quantitatem attrahet; reliquam partem relinquet aliis moleculis; atque aliis pariter avellendis a corpore solvendo; quod proin discerpetur totum, & in plurimas moleculas a menstruo ex omni parte circumdatas dividetur; cumque attractio inter moleculas solidi & particulas fluidi vini gravitatis, qua eadem solidi moleculæ deorsum tendunt, longe superet, hinc suspensæ hærebunt in fluido. Ut porro æquabiliter distribuantur per omnes fluidi columnas, ne plures solidi moleculæ in una sint, quam columna alia, legibus mechanicis pressionis videtur adscribi debere præsertim si menstruum nondum saturatum sit, sive non eam solvit quantitatem corporis solidi, cui solvendæ vi quantitatis suæ par est. Ideam huius rei efformare licebat ex F. VIII. T. I. ubi a, a, a repræsentant moleculas corporis soluti a menstrui particulis undique cinctas. Nota secundo. Quia de ingente diversitate figurarum, magnitudinum; densitatum; & proportionum, quas corporum exiles moleculæ habent; innumeris experimentis & observationibus manifestò constat; dubium non est; quin ad chemicas; etsi eadem ab attractionibus pendeant, certæ figuræ; magnitudines; & proportiones inter particulas corporis solvendi, ac menstrui requirantur. Hinc si accipiat spiritus nitri fortissimus, is vix aliquid ex æfegento vel plumbo solvet: concrescunt enim salia in

exiles glebular, quæ a poris eorum metallorum excluduntur. At si eîusmodi spiritus aqua diluatur, nascitur illico quædam ebullitio, calor, solutio promptissima, quod scilicet divisis maiusculis moleculis spiritus tenuior evadat, aptusque penetrandis metallis. Hisce præmissis, quæ quidem ad reliqua deinceps phænomena æque pertinent, haud difficulter concipi potest, cur non omnia menstrua solvant omnia corpora. Ad solutionem enim requiritur, ut moleculæ corporis solvendi magis attrahant menstruum, quam eædem se trahunt, & cohærent mutuo, & magis etiam, quam menstrui particulæ sese trahunt. Quantitas istiusmodi attractionis in variis corporibus & mensuris maxime varia est, uti figura, magnitudo, densitas particularum, aut proportio inter poros unius corporis & particulas alterius admodum est diversa. Etti porro nihil istorum omnium distincte explicari a nobis & determinari possit; tamen cum eadem comperta sint, atque indubitata, nemo non intelligit, analogiæ naturæ, & legibus ex observationum & experimentorum innumerabili copia collectis conformius esse, ut non quodvis corpus a quovis menstruo, sed aliud ab alio solvatur.

II. *Quodvis menstruum non nisi determinatam solvendi quantitatem e. g. aqua non nisi certam salum portionem solvit, ita ut, siquid ejusdem generis præterea immittatur in menstruum, illud in fundum decidens insolutum maneat.* Nempe particulæ menstrui a moleculis corporis solvendi attractæ, iisque veluti adstrictæ a nova quantitate corporis solvendi non iam fortius trahuntur, quam a moleculis iis, quibus adhærent. Hæc igitur nova quantitas menstruo destituta, insoluta manet. Hinc menstruum certa quantitate corporis solvendi saturatum dicitur, quando omnes eius particulæ aliquas moleculas corporis solvendi complexæ sunt, & cum iis in exiguas massulas coaluerunt. Hoc non obstante fieri non raro observamus, ut menstruum certa quantitate unius speciei saturatum, alterius speciei portionem quandam solvat; uti solutio nitri probe iam saturata partem salis communis, & post hanc insuper portionem salis ammoniaci adhuc resolvit. Quo casu dicendum, moleculas  
novæ

novæ speciei fortius agere in particulas menstrui, præsertim a centro molecularæ, cui antea adhærebant, magis distantes, & propterea minore vi adhærentes, quam molecularæ prioris speciei in illas agebant. Atque ita menstruum etiam novæ speciei certa quantitate satiari poterit, præsertim si istius molecularæ exiliores fuerint, & ad minus intervallum vim exerant, quam priores antea solutæ, uti molecularæ salis communis, cuius quædam portio a solutione nitri iam probe saturata adhuc resolvitur, reipsa exiliores moleculis nitri sunt.

III. *Pro æquali quantitate diversorum solvendorum non æqualis, sed varia menstrui quantitas requiritur.* Ratio petenda est ex diversa vi cohæsionis corporum solvendorum, & diversa attractione, quam in menstruum exerunt; si nempe vis cohæsionis paullo maior est relate ad vim, qua menstruum trahunt, & si præterea ad maius intervallum agunt in menstruum, necessario maior copia menstrui requiritur ad perfectam solutionem; & quoniam a quavis molecula corporis solvendi plures menstrui particulæ trahuntur, idcirco *quantitas menstrui plerumque excedere debet quantitatem corporis solvendi.*

IV. *Volumen solutionis aliquando idem, aliquando minus est eo, quod summæ corporis solvendi, & menstrui debetur.* Id a magnitudine molecularum corporis soluti, & a proportionem pendet, quam ad interstitia naturalia menstrui habent: ob has enim causas eæ recipi in interstitiis aut ex illis excludi debebunt. Fieri etiam potest, ut e soluti moleculis magnitudine differentibus aliæ interstitia menstrui occupent, aliæ non occupent.

V. *Motus intestini, & effervescentiæ in solutionibus oriuntur* ob partes aeris & ignis, aliasque materias elasticas intra corpus solvendum antea constrictas, & soluto nexu erumpentes, maximaque vi expandentes sese; unde vehemens omnium partium attritus; agitatio, indeque calor, & effervescencia progigni debet.

*Pluribus verbis egimus de solutione chemica, ut ex dictis similia argumenta confici de aliis chemicorum operationibus queant, Quas celerius nunc expediemus*

## §. XLVII.

Definitio II. *Præcipitatio* est separatio molecularum corporis soluti a suo menstruo; sitque hisce potissimum modis:

I. *Abstractione menstrui*, quando id simplici evaporatione, vel destillatione ope ignis abstrahitur; tunc enim molecule corporis soluti suo menstruo spoliatae vi mutua in maiores denuo massulas coibunt, & fundum petent.

II. *Aliestatione tertii corporis*, quod particulas menstrui fortius trahit, quam eadem trahuntur a moleculis soluti. Hoc modo soluta ab acidis apposito alcali præsertim fixo præcipitantur e.g. aurum in aqua regia solutum affuso oleo tartari, quod salinum alcalicum est, deiecitur in fundum; cum enim acida cum alcalicis maximo impetu congregiantur, molecule auri liberatae acido, quo vinctæ, & suspensæ tenebantur, sponte sua decident.

III. *Adiectione novi corporis*, quod fortius trahit moleculas soluti, quam ipsæ suum menstruum trahebant, vel ab eodem trahebantur. Salia alcanina fortissime trahunt aquam ex ipso circumfuso aere humido, a qua & solvuntur. Capiatur enim uncia siccissimi salis tartari; ea in cella clausis fenestris, portisque, ne aer agitetur, brevi ex eodem tres uncias aquæ ad se trahet, a quibus & solvitur teste MUSSCHENBROEKIO. At, natant in aere, inquit idem, præter aquam etiam sales ab eadem soluti. Hi a corporibus terrestribus fortius attrahi possunt, & idcirco aerem humidum, qui ipsos prius solverat, relinquere, atque in ea corpora præcipientes ire cogentur. Metalla non nulla veluti ferrum, & cuprum, sunt huiusmodi salium aereorum magnetes: sales proinde ex aere trahunt ad se & ab ipsis solvuntur, constituentes rubiginem, & æruginem, quæ copiosissime fit, ubi aer sale prægnans est; nequaquam, ubi aer purus sale vacat.

IV. *Attenuatione menstrui, & novi corporis adiectione*, a quo magis id trahatur, quam a priore soluto. Solutio argenti in spiritu nitri diluatur aqua pluvia destil-

stillata : dein solutioni immittatur lamella cuprea. Illico moleculæ argenti cum acido nitri ad immissam lamellam omni ex parte rapiuntur, illamque instar vaginæ cingent : cuprum vero solvetur. „ Atque si mi-  
 „ croscopiis lustratur in hac operatione liquor ( inquit  
 „ BOERHAAVE operationum chemic. Part. 3. in fossi-  
 „ lia Processu 185 ) videtur clare, massulas argenti  
 „ cum acido nitri rapi violente ad immissam lamellam  
 „ ex omni puncto liquoris soluti argenti. Quando au-  
 „ tem spicula hæc adpellunt ad æris superficiem, aci-  
 „ dum trahitur in cupri particulam ; argenti particula  
 „ acido spoliata stat ante cuprum in superficie, ibique  
 „ ab aliis similibus accedentibus aucta tandem vagi-  
 „ nam illam mollem componit, fitque hæc attractio  
 „ tam nitide, ut ne minimum argenti maneat in priore  
 „ solutione. Ergo æs trahit fortius acidum nitri,  
 „ quam argentum ; quare actio hæc attractione & cri-  
 „ bratione acidi ex corpore liquidi constat : transit  
 „ acidum per æris poros : stant ante hos liberatæ par-  
 „ ticulæ argenti, introire impotentes. Iucundior alia  
 „ vix est speculatio, quam hæc per microscopia. A-  
 „ cidum nitri argento immutatum persistit, in cupro ta-  
 „ le perfectum colligitur, inde iterum educendum. „ Hoc  
 sane experimentum speciales attractiones, de quibus agimus,  
 manifesto evincit. Ac primo aqua menstruum diluit,  
 magisque attenuat, & cum eo mixta vim attractivam  
 minuit, qua cum moleculis soluti argenti cohæret.  
 Hinc vis attractiva cupri tanto magis prævalere po-  
 test, & menstrui particulas una cum moleculis soluti  
 levius iam adhærentibus ad se trahere. Si dein illæ ad  
 cuprum propius accesserint, a quo validissime trahun-  
 tur, reiectis moleculis argenti eidem inhærebunt ex  
 omni parte, idque dissolvent. Moleculæ autem ar-  
 genti suo menstruo liberatæ, vi quadam attractionis,  
 quæ in omnibus corporibus datur, adhærebunt undique  
 ad cuprum instar vaginæ, donec vel modica concussi-  
 one deliciantur, aut cupro iam soluto sponte decident.  
 Qui vires attractivas speciales non agnoscunt, quo  
 mechanismo istiusmodi phænomena, quibus abundat  
 universa chemia, effici dicent? quid moleculas argen-  
 ti ad lamellam cupream ex omni parte tam violente

abripit? si spicula nitri lamellæ cupreæ infixa motu intestino, aut pressione atmosphæræ tanta vi introrsum aguntur, ut partes cupri tam firmiter coherentes dissocientur; cur eo motu vel pressione non pariter dissolvitur illa vagina argenti, quæ cingit lamellam cupream, quæque levi lamellæ concussu decidit? cur argentum, antequam cuprum immittatur, manet suspensum, & dispersum in fluido, quo gravius est? cur dein soluto paulatim cupro præcipitatur, & manet suspensum, ac dispersum cuprum? si motu intestino menstrui moleculæ argenti sustentantur, cur soluto cupro non sustentantur? denique si cuprum excutit particulas nitri ex argento; cur non vice versa & mutuo? cum sit idem menitrium eodem motu agitatum, eadem congruentia pororum, figura salium &c.

Sunt fortassis & alii modi, quibus præcipitatio effici potest. Verum hæc quidem ad propositum finem penitus sufficiunt. Illud animadvertendum, moleculas soluti, quando præcipitatur, non omni penitus menstruo spoliari; cum eius particulas proxime sibi adhærentes fortissime trahant. & cum his non raro de moleculis corporis præcipitantis quidquam abripiant; aurum sale alcalico præcipitatum speciem nigri pulveris refert. Argentum a cupro præcipitatum calcem exhibet, quæ dein abluta, totam fere argenti portionem, quæ solvenda præbebatur, puramque exhibet, si ad ignem rite fundatur. Uti vero argentum præcipitatur cupro, ita cuprum a ferro soluto, ferrum a zinco: zincum per adiectos oculos cancrorum: hi per spiritum urinæ; cui si affuderis sal alcali fixum, rapietur ad hoc nitrum excusso sale urinoso, qui utpote levior sursum enatabit. Similiter oleum tenuissimum, quod cum aqua intime permixtum spiritum vini constituit, affuso ad hunc sale alcalico fixo, penitusque sicco, ab aqua purgatur ac separatur, ac superius in ea innatat.

## §. XLVIII.

Definitio III. *Crystallisatio* fit, quando sales aqua soluti ea evaporante in duras & pellucas massulas coeunt, quarum figuræ polygonæ, & in variis salium

um speciebus variæ, in singulis autem fere constantes, ac regulares sunt. Nam sal marinum constat pyramidibus basis cavæ, & quadrangularis: nitrum parallelopipedis sexangulis: sal commune cubum format: sal hellebori albi rhombum: vitriola sunt rhomboïdæ: alumen octogonum: alia alias figuras sibi vindicant. Imo si duæ salium species e. g. vitriolum viride & alumen solvantur in aqua, misceanturque, in suas proprias chrystallos, non in tertium quoddam falsis genus abeunt. Hæc Phænomena certa sunt, & si experimentum rite fiat, constantia. De iis agunt BACKERUS de usu microscopii; MUSSCHENBRÖEKIUS in Instit. Phys. NEWTONUS Q. 31 optices; Hist. Acad. Parisin. ad annum 1736.

## §. XLIX.

Propositio III. *Chrystallisatio non fit causis & legibus mechanicis, uti eæ vulgo censentur, sed positis certis exiguarum corporum particularum ab vi attractiva earundem pendet.* Prob. Regulares & constantes figuræ, in quas sales e solutione præcipitati coeunt, vim quandam possunt determinata certaque directione, & motus quantitate agentem; nam sine vi quadam non intelligitur, cur molecule salium quaquaversus in fluido dispersæ eodem evaporante in massulas coherentes abeant: & sine vi, determinata certaque directione & motus quantitate agente, nulla habetur ratio sufficiens, cur eadem molecule non temere inter se cocant, sed legitimo quodam ordine in figuras regulares & constantes coalescunt. Porro eiusmodi vis in causis & legibus mechanicis, uti eæ vulgo censentur, nulla omnino inest; nam fluidum menstruum evaporatione abstractum, quale quale ponatur, moleculas salium dispersas relinquit: igniculi motu incerto ac perturbato feruntur, & loca frigidiora petentes falsa temere impellunt nulla lege, nullo ordine, nulla certa directione, & quantitate motus. In sola figura minimarum falsis molecularum, utcunque ea constans & regularis ponatur, nihil virium, & activitatis inest, unde debitus compositionis modus, & conformatio in regula-

res massulas intelligatur. Non video, quid excogitari præterea a Philosophis mechanicis queat ad explicandum hoc phænomenon tam admirandum. Quapropter cum attractiones speciales a vulgari mechanismo, a legibus inertiae, & ab ipsa generali, ac mutua gravitate plurimum discrepantes & ex hoc loco, & innumeris aliis comprobentur, statuendum est primo exiguas salium diversorum moleculas diversa figura, magnitudine, densitate &c. constare: secundo eisdem inesse vires attrahentes mutuas, quæ densitati earum, & propiori vel remotiori, maiori aut minori contactui proportionales sint. Atque hæc ex consensu aliorum phænomenorum, & plurimis observationibus satis comperta sunt. His autem positis intelligitur, cur illæ moleculæ in quibusdam suæ superficiei partibus magis se attrahant, quam in aliis, cur determinata, certa quæ directione & celeritate, aut vi certa composita inter se, atque adeo non nisi certo ordine, ac lege in peculiare certasque figuras coeant, nisi earum vis mutua motusque quacunque demum ratione aliunde turbetur.

*Similia de glacie, & expansionis, qua pollet, causa, supra exposuimus, ut adeo uterque locus ex analogia, & consensu phænomenorum eiusdem generis plurimum confirmetur. Cætera huc pertinentia explicare facile est; ac primo salia pelliculam in vase efformant. Nam fluido ex suprema superficie vi caloris primum abstracto, salium moleculæ vi mutua arctius denuo iunguntur, & crustam tenuem seu pelliculam formant, quæ non statim in fundum decidit tum quod levi pondere, & satis magno volumine aquæ cohesionem ægre vincat, tum quod lateribus vasis instar operculi mobilis adplicata cedere nequeat, nisi totum fluidum inferius cedat, aut crusta rumpatur, uti contingit re ipsa, posteaquam spissior effecta est. 2. Etsi multum fluidi iam evaporarit, non formantur chryalli, nisi solutio loco quieto & frigido ponatur, ac tum, quo frigus est maius, eo maiores obtinentur Chryalli: nam caloris motu perturbato, aliæ extrinsecus adveniente vis mutua & directio molecularum turbatur. Ex eadem causa si nimis celeriter, & ad siccitatem usque evaporet fluidum, nulli chry-*



chryſtalli regulares naſcuntur, & contrario quia fundus & latera vaſis præ fluidi partibus frigeſcunt, chryſtalli maxime iis partibus adhærent; denique quo viſcidius eſt fluidum, eo difficilius moleculæ ei innatantes mutuis viribus. certisque directionibus obſequuntur. Quoniam in vacuo Boyliano, & vaſe probe occluſo exigua aut nulla evaporatio eſt, nec chryſtalli ibidem generantur. Ex his denique, & ſimilibus principiis vegetationes chemicæ ortum, explicatumque habent.

## §. L.

Definitio IV. *Fermentatio ſenſu ſtrictiore accepta hoſce characteres continet: eſt motus inteſtinus, eſſi prima illius cauſſa extrinſeca aliquando ſit. 2. Corporis mixti; nam motus inteſtinus vehemens & tumultuarius in corpore homogeneo ceu aqua, aut inter partes homogeneas corporis mixti, adpellatur ebullitio, uti cum metalla fuſa, hoc eſt, vi ignis in partes homogeneas ſoluta ebulliunt. 3. Quo prior miſcibilium primitivorum corpus mixtum componentium unio ſolvitur, atque dein novus compoſitionis modus inducitur.* Fermentatio proin continet ſolutionem radicalem, quæ fere cum præcipitatione quarundam ſolutarum particularum, & evaporatione aliarum coniuncta eſt; Novus compoſitionis modus ac proinde generatio novi mixti habetur, quando vel non omnes primigeniæ partes, quæ prius aderant, vel non æque craſſæ, aut non eadem quantitate & proportionem novum mixtum ingrediuntur. Cenera fermentationis ſumma duo ſunt, humidum, quando ſolutio radicalis ſolam aquam naturali calore fluentem pro principio immediato & primo habet: & igneum, in quo ignis iam flamma conſpiciuus ſolutionis radicalis & totius fermentationis initium determinat. De hoc genere tractandi alius ſuppetit locus præſenti aptior. Humidæ fermentationis tres ſpecies ſunt: 1. *fermentatio vinoſa*, qua generatur fluidum, quod liberalius hauſtum inebriat, ceu vinum, cereviſia, muſtum ex pomis expreſſum &c. quæ deſtillatione adhibita exhibent ſpiritum ſulfureum, oleoſum & inflammabilem cum phlegmate copioſo. 2. *Fermentatio acida*, qua  
flui-

fluidum producit acidum, acre, subpingue. 3. *Fermentatio putrida*, qua separatis antea per evaporationem, & præcipitationem oleo sulfureo teneriore, & sale acido relinquitur corpus sale urinoso volatili solo vel cum sulfure foetentè mixtum. Quoniam corpora ab una fermentatione triplicis istius generis sæpe ad aliam transeunt, idcirco eædem non tam diversæ species, quam totidem gradus sunt, quorum alter alterum quodam ordine consequitur. Uti vero illæ vel ab ipsa corporum natura citra adminiculum artis, aut e contrario artis opera producuntur; ita fermentationes adpellantur *naturales*, vel *artificiales*.

*Ad fermentationes fere revocantur effervescentiæ seu motus intestini subitanei; tumultuantes, qui cum agitatione partium sensibili, fumo, Et non raro cum luculenta flamma consuncti sunt. Verum hæc quidem fermentationis quædam ut aiunt, accidentia censentur. Proposita iam hac idea fermentationis quædam observationes sunt addenda, tum ut ex iis de similibus naturæ operationibus cognitio colligatur, tum ut vires a mechanismo distinctæ confirmantur.*

## §. LI.

Observatio I. Vegetatio plantarum, alimentitii succi præparatio, & maturatio frugum non nisi fermentatione perficitur. Nam semina ex germine, & involucro farinaceo (apta fermentationi materia) constant. Dein primo acidum, tum subtile oleum sulfureum, ex alimento aereo, quod per foliorum tubulos attrahitur & ex terrestri per radices attracto plantis præparatur; ut adeo fermentatio in plantis ab acida incipiat, ex qua ad vinosam proceditur; nam succus omnium fere plantarum primo acidus est, & austerus, progressu autem temporis plus olei in earundem vasis reperitur. Fructus quoque nondum maturi primo acidi sunt, ac tum primum dulce oleum ferunt, postquam fermentando magis sunt excocti.

II. Mustum botris expressum primo fere fit vinum: dein acescit haud difficulter, ac putrescit denique

que seu in fætentem vappam abit. Idem contingit cerevisiæ, musto pomorum &c. ob solam temporis moram, etsi eadem sæpe maneant caloris & temperiei adiuncta.

III. Animalium mortuorum partes molles ac succosæ ad fermentationem putridam pronissimæ sunt. Aliæ extra corpus animalis productæ etiam alios fermentationis gradus suscipiunt. In his lac facile acescit, ex quo Tartari spiritum inflammabilem norunt extrahere, quod vinosæ fermentationis indicium est.

IV. Quædam corpora diversis fermentationibus apta non fermentantur, aut non tam cito nisi addito corpore extraneo, quod fermentationis initium, certumque gradum ac modum determinet; Eiusmodi extraneum corpus adpellatur *fermentum*. Aliis natura ipsa principium fermentationis indidit; quod dein accedente quadam dispositione extranea effectum obtinet, uti semina plantarum sola humectatione ad fermentationem certam, sibi que naturalem disponuntur. Porro constat, modicam fermenti massam ingenti massæ corporis alterius ad fermentationem idonei eum motum intestinum communicare. In animalibus vivis primum cibi fermentum saliva est; tum ceteri humores stomachi, viscerum, pancreatis, ac fells. Intestina tenuia per venas fugentes, quidquid in alimento prævia fermentatione satis excoctum, magisque spiritosum est, in chylum segregant; unde deinceps crudiorum reliquiarum in intestino cæco putrefactio consequitur.

V. Dubium non est, quin in atmosphæra telluris ex concursu & fermentatione vaporum, atque halituum varia generentur corpuscula, quæ, etsi oculorum aciem fugiant, tamen effectibus suis sese produnt ceu in nutritione plantarum, in corporibus animalium. Peste grassante, in rore etiam & pluvia, quæ putrefacta inflammabilem spiritum aliquando reddunt. Aqua tum quæ in lacubus, puteis & lacunis stagnat, maxime si bitumine, & sæce glutinosa abundat, tum quæ cælo depluens, & vasis excepta diu sub tepescente cælo reponitur, sponte putrescit, ac denique avolantibus particulis volatilibus viscosum lutum relinquit.

*Eius-*

Eiusmodi, fermentationes, quæ ars & natura ad corrumpenda, & generanda corpora mixta perpetuo utitur, a vulgari mechanismo solo haud pendere, vel ex eo perspicuum est, quod eadem cum solutione, & præcipitatione plurimarum partium, dein cum nova aliarum cohesione coniunctæ sint, quæ quidem sine viribus specialibus a vulgari mechanismo distinctis peragi nequeunt. Haud equidem inficior, multas causas & leges mechanicas, uti eadem adpellantur, hic concurrere; eiusmodi sunt, 1. calor, a quo menstruis fluiditas, atque aptitudo ad solvendas alias materias conciliatur. 2. Aqua seu præcipuum menstruum solvens salia, & istorum ope mixta corpora plurima. 3. Aer intestinus facta molecularum solutione erumpens, & vi elastica motum intestinum, evaporationem atque etiam effervescentiam sæpe promovens. 4. Ipsa vicissitudo caloris & frigoris particularum varias positiones motus, evaporationes potest accelerare. 5. Salia acida, & alcalina ab aqua soluta vi sua se mutuo, tum sulfureas & terrestres crassiores particulas, ac metallicas, si quæ adsunt, dissolvunt. 6. Sulfureæ particulæ præsertim subtiliores tum alias solvunt crassiores, tum novam aliarum unionem ipsa adhesionem sua determinant. 7. Concussio & agitatio massæ fermentantis ab extrinseco orta, & ipsa pressio aeris exterius incumbentis, & internam non parum cohibentis ad effectum fermentationis concurrunt. 8. Omnium denique maxime fermentum, quod motum intestinum solutioni necessarium, certumque caloris gradum cum altera massa, cui apponitur, communicat, & copiosas particulas continet, tum quæ necessaria sunt ad novum mixtum generandum, tum quæ ex mixto fermentando alias moleculas solvunt instar menstrui. Sic fermentum iam putrescens plurimas urinosi salis particulas continet volatiles & sulfureas, quæ in massa fermentanda solutionem naturæ suæ congruam producant, eiusque sulfureas atque acidas particulas ex aliarum mixtione evolvunt, ut volatiles ipsæ atque ad urinosi salis generationem aptiores reddantur, quod putridæ fermentationi proprium est. Denique fermenti vim, quæ modica eius massa alterius ingentis motum, certumque fermentationis gradum determinat, a legibus passivis corporum concurrentium non pendere, inde per-

perspicuum fit, quod secundum eas leges motus celeritas pro quantitate massæ impulsæ minuatur: in fermentatione autem crescente massa, cui motus communicatur, ipsa celeritas & motus intestinus crescat. Præterea inflammatio corporum seu pulveris pyrii, fusio vel calcinatio eorundem, quando in foco speculi caustici collocantur, dispositiones validissimæ vaporum aquæ &c. non nisi fermentationes sunt, in quibus centrum gravitatis totius massæ fermentantis haud mutatur, sed eodem in loco manet; quod fieri haud posset, si eodem non nisi per impulsum secundum leges inertie peragerentur, ut adeo motus tam vehementes salvo centro gravitatis exorti manifesto indicio sint virium internarum, quæ a legibus mechanicis adhuc cognitis longe discrepant. Quomodo enim secundum leges collisionis corporum solo impulsu scintillæ excitatur incendium? aut a pulvere pyrio in cuniculis accenso mœnia, & validissima propugnacula secundum eas leges concutiuntur, & subvertuntur? Radii solis in foco collecti ne minutissimam quidem metalli particulam loco dimovent: iidem tamen metalla firmissima liquefaciunt. Qui quidem effectus sine dubio vires exigunt sola inertia, & gravitate universali corporum haud paullo maiores.

---

## C A P U T VI.

### De Vi Repulsiva Corporum.

Ad vires corporum speciales, seu a gravitate universali & legibus mechanicis distinctas non modo attractiones illæ pertinent, de quibus adhuc egimus; verum etiam repulsiones, sive determinationes ad recessum, quarum phænomena nunc exponenda sunt; ita, ut pateat, ea nec a vulgari mechanismo, nec ab attractionum inæqualitate provenire posse.

#### §. LII.

Propositio. *Exiles Corporum particule sæpe vim repulsivam inter se exerunt, quæ nulli causæ mechanicæ*  
vul-

vulgo assignatæ, nec attractionum quarumcunque inæqualitati adscribi potest. Probatur

I. *Ex corporum elasticitate*, seu vi, qua eadem figuram suam tensione aut compressione mutatam sua sponte observantur recuperare. Dum lamina chalybea, vel arcus quicumque non nimis rigidus inflectitur, eius partes in superficie convexa tenduntur, & a se recedunt; in superficie concava comprimuntur, & ad sese accedunt; proindeque tota lamina vel arcus figuram mutat; sed ita, ut vi tendenti & comprimenti resistat, & tensione vel compressione cessante pristinam figuram recuperet. Pariter aer intra vesicam, vel in sclopo pneumático compressus non modo vi comprimenti resistit, sed ea cessante denuo se expandit. Utroque casu vis resistens compressioni, & priorem figuram reducens est determinatio ad recessum partium, & contraria vi comprimenti, quæ est determinatio ad accessum, adeoque vis est *repulsiva*. Dico: Ea vis repulsiva nulli causæ mechanicæ vulgo assignatæ, nec attractionum quarumcunque inæqualitati adscribi potest; nam *primo* soli figuræ particularum, & structuræ corporum ea tribui nequit; quia in figura & structura non inest vis positiva, quæ vi comprimenti resistat, motum extinguat, vel producat in partibus corporis compressi, quando prior figura restituitur. *Secundo* Non potest ea vis adscribi attractioni partium, vel inæqualitati attractionum, quatenus particulæ, dum ex una parte magis trahuntur, quam ex alia, eo ipso determinentur ad recessum; si enim lamella elastica vel arcus inflectitur & incurvatur, distantie particularum ex parte convexa crescunt, & parte concava decrescunt; ut proinde vis attractiva ex parte convexa minuat, & ex concava augeatur; quo posito lamina manebit inflexa, nec priorem figuram, recuperabit. Quando aer ab incumbente pondere comprimitur ex omni parte, vel modica eius portio intra vasculum mercurii stagnantis conclusa totam eius columnam sustentat, sola vis expansiva, qua aeris particulæ a se recedere nituntur, sine ulla attractione agit. *Tertio* vis repulsiva corporum tensorum vel compressorum non

pro-

non provenit ab aere intra illorum poros constricto, ac se restituere conanti; qua enim de causa ipse aer, ac subtilior aere ignis sese expandunt? accedit, quod in vacuo Boyliano eadem phaenomena repulsionis, atque elasticitatis habeantur. *Quarto* Nec ad ætherem in poros irruentem recurri potest; hæc enim ficta hypothesis est; neque fluxus ætheris, vel cuiuscunque materiae subtilis in omnem partem, qua corpora elastica comprimi, ac sese expandere possunt, per leges mechanicas possibilis est; quia occurrentes undique illius partes omnem motum dudum amisissent. Sola autem ætheris pressio figuram tensione & compressione inductam corpori elastico nunquam restituet; quia pressio illa secundum leges fluidorum ex omni parte æqualis est; nec dici potest, subtilissimo ætheri meatum intercludi, ipsumque corporis compressione pariter comprimi intra poros, ac sese expandendi nisum exerere. Hoc enim & subtilitati eius fluidi, & raritati plurimorum corporum elasticorum, qualia sunt aer, spongia, lignum &c. repugnat, nec difficultatem de causa vis elasticæ tollit, sed in ætherem transfert; qua enim de causa æther se expandit, & solus ex omnibus corporibus fluidis ac solidis vi expandendi gaudet?

II. *Ex vi expansiva vaporum.* Aqua vehementiore igne in vapores solvitur summa vi expansiva præditos, quæ vim elasticam aeris longe superat. Si æs liquatum aquam contingat, eius expansio tam vehemens est, ut omnia velut fulmineo ictu disiciat; nec vero id uni resolutioni aquæ in vapores tribui potest. Nam aurum & argentum eiusdem certe caloris capax, dum liquefcit, aquæ infusum in granula duntaxat funditur cum stridore non magno; quapropter dicendum in priore casu, dissolutas æris particulas validissime repelli ab aqua.

III. *Ex corporum fermentatione, & putrefactione, combustionem, qua solutæ eorum partes vehementer se expandunt, & aerem æmulantur.* Id. observatur in accensione pulveris pyrii, aliarumve materialium inflammabilium; unde terræ motus existunt, & montes igni-

G

vomi

J. Zallinger, T. III.

vomi originem habent ; idem ex dispflosionibus subitis colligitur, quæ cum effervescentiis corporum sæpe coniunctæ sunt.

IV. *Ex lumine*, eiusque emissionem, reflexione, & inflexione &c. nam subtilissimæ lucis particulæ summa celeritate eiiciuntur ex corpore lucido, & ad maxima spatia propelluntur : eadem a superficiebus corporum ante reflectuntur, aut inflectuntur, quam easdem penitus contingant, uti suo loco explicabimus.

V. *Ex constante corporum raritate.* Omnia corpora, in quibus experimentum capere licet, præsertim fluida etfi poris abundant, & longe plus vacui, quam materiæ solidæ certo volumine comprehendant ; tamen aut omni sensibili compressioni, & condensationi resistunt, uti aqua, olea &c. aut non nili determinato spatio comprimi se patiuntur. Hoc modo aer in syringe metallica vel campana urinatoria in angustius spatium comprimi primo potest, verum ad certos duntaxat limites, ad quos si pervenerint eius particulæ, nulli vi deinceps cedunt. Aqua autem, vinum, olea, & plurima alia fluida sphæris metallicis inclusa, ubi hæ cochleis fortissime comprimuntur, per densissima metalla potius transudant, quam ut in maiores angustias redigantur. Hæc igitur constans raritas corporum manifesto pariter argumento est vis repulsivæ, quæ inter illorum particulas obtinet ; neque enim vis comprimens, quæ est determinatio ad accessum partium, extingui potest sine vi positiva, id est, repulsiva, quæ sit determinatio ad recessum.

VI. *Ex lacrymis batavicis*, seu guttis vitri, quæ ex summo calore repente refrigerantur. Harum superficies externa firmissime cohæret, nec mallei ictibus facile cedit, at si cuspis frangatur, in quam desinunt, illico in minuta frustula & fere in pulverem diffringuntur totæ, qui ad spatium tribus quandoque pedibus maius disiicitur. Repentina hæc partium dissolutio & disiectio sine determinatione earundem ad recessum intelligi nequit. Igitur cum ista repulsio adscribi non possit actioni ignis, qui dudum abiit, nec aeri incluso,



fo, qui non nisi rarissimus in summo illo calore potuit intercipi, neque aeri externo (nulla enim diversitas se prodit, sive in aperto aere, sive in vacuo antliae cuspidem diffingas) statuendum est, eam a vi interna repulsiva provenire, quam particulæ vitri in illo situ exerunt, quem inter se habent, dum externa superficies repentino frigore constringitur, & in validam crustam redigitur, vi repulsivæ resistentem, donec ea, parte quadam abrupta, debilitetur, & vi repulsivæ partium cedat. Si eiusmodi guttæ iam refrigeratæ iterum calefiant, & in aere paulatim refrigerari permittantur, fracta cuspide non amplius dissiliunt Mariotto teste. Novo enim calore particulæ alios inter se situs, aliasque positiones, ac proin alias etiam vires inter se obtinent. Similem fere in modum phialæ Bononienses iniecto silice diffinguntur; quia acie silicis in superficie interna quædam particulæ inter se separantur, & crusta interna facilius rumpitur, quam impactu alterius corporis mollioris e. g. plumbi. Diffracta autem crusta, quæ vim repulsivam particularum antea cohibebat, ista effectum suum obtinet, partesque a sese mutuo recedere cogit.

Nulla in his quidem phænomenis verisimilis causa mechanica vel attractionum inæqualitas locum habet; ex qua aliorum effectuum, qui repulsioni tribuuntur a quibusdam, causas derivant, uti cum aquam, & olea crassiora ægre inter se misceri, & vehementiore concussione mixta iterum separari observamus. Id quod non a mutua repulsionem eorum fluidorum, sed ab attractione provenire putant. Sic enim aiunt: si aquæ particulæ maiore vi sese attrahere ponantur, quam eadem trahunt olei particulas; & hæc pariter maiore vi sese mutuo, quam particulas aquæ trahunt; haud ægre intelligi potest, cur hæc fluida non misceantur inter se, aut commixta denuo separentur. At enim ex §. XXXIX. n. V. non obscure colligitur, inter aquam, & oleosas materias vim repulsivam intercedere, utcumque autem ista se habeant, specimina repulsionis hoc capite commemorata nulli videntur exceptioni obnoxia esse, nisi inanibus figmentis & arbitrariis hypothesibus quidvis eludere velimus. Qui Boscovichii philosophiam sectantur, novum repulsionis

argumentum ex corporum impenetrabilitate petunt, eique plurimum tribuunt. Cum enim omnia corpora impenetrabilia sint, in iisdem mutuo concurrentibus, vel ad minimas distantias pervenientibus vis quædam adesse debet, qua ab ulteriore accessu, & compenetracione prohibeantur, quæque par sit extinguendæ cuiusvis finitæ velocitati, qua corpora ad sese accedunt. At enim, etsi ad consiliatum corporum impenetrabilitas eorundem seu conditio quædam naturalis requiratur; tamen communicatio motuum & velocitatum imminutio aut extinctio non a specialibus hisce viribus repulsivis, sed ab inertia pendet: nam primo si quis globus eadem constanti celeritate in alios quiescentes diversæ massæ incurrit, & ob celeritatem constantem æquali spatio ad singulos accedit, non eandem resistantiam sentiet, etsi ob eandem a singulis distantiam vires repulsivas æquales secundum hosce Auctores experi-ri deberet. Nempe resistantia in consiliatu corporum non tantum celeritati, aut distantie corporum consilientium, sed etiam massæ movendæ proportionalis est. Quid vero maior vel minor massa ad vim repellentem in consiliatu sphaerarum facit? cum eadem non nisi ad contactum unius puncti tendant, & posteriores partes, aut quæ supra vel infra id punctum sitæ sunt, sensibili intervallo ab illo distent. Secundo etsi per vim repulsivam bina corpora, vel puncta corporum ad penitissimum, ut aiunt, & mathematicum contactum secundum istorum opinionem venire non possint; tamen ex ea vi nec lex resistantiæ, nec determinatio ad motum potest intelligi. Vis enim repulsiva, & corporum impenetrabilitas viribus naturæ superari nequit; si ergo resistantia corporum concurrentium ab eadem vi repulsiva provenit; concipi non potest, quomodo in corporibus impulsis motus producat. Tercio. Ex lege resistantiæ, quam corpora in consiliatu exerunt, actio & reactio eorundem æqualis est quantitati motus in corpore productæ, & in altero elisæ. Id vero ex vi repulsiva in infinitum crescente, si ea resistantiæ illius causa est, minime intelligitur. Quapropter etsi omnes omnium temporum Philosophi corporum impenetrabilitatem ad consiliatum eorundem seu conditionem ab ipsa natura positam, necessariam agnorint; non tamen resistantiam, eiusque quantitatem ipsi impenetrabilitati con-

continuo imputarunt. Quarto. Si quod corpus quiescens alterius incurrentis vim omnem extinguit, & rationem obicis immobilis habet, id corpus secundum leges mechanicas censetur esse massæ infinitæ, cui ab incurrente non communicatur; aut certe ea velocitatis extinctio a vi cohesionis proxime oritur, per quam plenum, in quod mobile incurrit, coheret cum aliis vicinis corporibus. Ut igitur vis repulsiva in subsidium vocetur ad explicandum communicationem motus nulla necessitas nos cogit.

---

## C A P U T VII.

### *De Lege virium in natura existentium.*

**D**ubium non est, operationes naturæ sub certam, ac stabilem legem cadere; id constans ordo, quo mutationes naturales contingunt, manifestum reddit. Et quoniam omnes mutationes a viribus pendent; necesse est, vires in natura extantes certa pariter, stabilique lege operari. De hac virium lege, & connexis cum eadem proprietatibus primorum elementorum maiore labore, operaque, quam fructu adhuc disceptarunt Philosophi. Si ex natura ipsa differendum est secundum Newtonianam methodum, res tota non multis verbis eget.

### §. LIII.

**Propositio I.** Corporibus omnibus inest primo vis inertiae seu proprietates materiæ positiva, generalis & ab aliis proprietatibus distincta, per quam statum vel quietis vel motus uniformis in directum conservant, & potentiis extraneis mutationem status inducere conantibus resistunt: secundo vis mutua & generalis attractiva, quæ in maioribus distantis agit quam proxime in ratione reciproca duplicata earundem distantiarum: Tertio in distantis autem exiguis ac minimis vis mutua attractiva, & post certum limitem vis repulsiva quarum utraque maiore ratione crescit, quam reciproca duplicata earundem distantiarum. Prob.

I. *De vi inertiae.* Tota mechanica & terrestres & cælestis, omnesque species motuum, qui in natura observantur, eo nos deducunt, ut ponere debeamus, in corporibus quibusvis inesse determinationem conservandi status sui seu quietis seu motus, quem habent; quam determinationem vim inertiae nuncupamus. Nam *in motu rectilineo corporum* nec celeritas nec directio mutatur, nisi a potentiis extraneis, seu ab obstaculis occurrentibus, ab affricu, resistentia medii &c. *maiora autem*, inquit NEWTONUS, *planetarum & cometarum corpora in spatiis minus resistentibus motus suos conservant diutius.* *In motu uniformiter accelerato* ratio accelerationis non intelligitur, nisi celeritas quovis tempore a gravitate producta per vim inertiae conserventur: pariter motus uniformiter non retardaretur, nisi mobile sursum proiectum per vim inertiae æquabiliter niteretur progredi, donec eius celeritas actione opposita gravitatis paulatim extinguatur. Est igitur in corporibus determinatio seu vis positiva conservandi statum, ad quem aliunde determinata sunt; si enim mera indifferentia negativa iis tribuitur, cur ea non superatur prima & minima quavis actione gravitatis? aut quæ est hæc negativa indifferentia, quæ tot positivas virium positivarum actiones poscit, donec vincatur? *Compositio duorum vel plurium motuum* in diagonalem effectus positivos determinationis versus singula latera parallelogrammi manifesto ostendit. Tantundem enim versus quodvis planum, ad quod determinationes per latera urgent, accedit mobile in diagonali incedens, quantum eo accessisset quovis motu singulari per latera. Effectus hic positivus certe causam positivam requirit. *In curvilineo motu* mobile per tangentem abire ita nititur, ut cessante vi centripeta reipsa per tangentem abeat; quod non infrequente casu in machina virium centralium experimur, siquod filum repente rumpitur, aut vis cohesionis partium alicubi cessat. Idem comprobatur ex omnibus observationibus, ex quibus concludi solet, corpora rotata habere nisum perpetuum abeundi per tangentem. Si iam mera indifferentia in corporibus residet; cur non pergunt volvi in circulis? cur ex quovis puncto arcus in directum, id est, per

per tangentem excutiuntur? aut quæ indifferentia concipi potest, quando ad certos motus obtinendos continua actio virium positivarum requiritur, quarum præcipuus effectus est, ut a tangente ad punctum orbitæ detorqueant mobile? In corporum conflictu resistentia pro ratione massæ & celeritatis, ad quam corpus impulsus determinatur, crescit: & universe, ut corpus ex quiete ad motum deturbetur, nisus quidam, ac vis positiva est adhibenda, eaque duplo maior, ut illud intra 1" percurrat 100 pedes, quam ut conficiat 50 ped. Si igitur actio potentiae extraneæ ad motum determinantis, vel motum extinguentis vera & positiva actio est; quomodo ea sine positiva & contraria actione eliditur; aut quomodo indifferentia positiva nunc maior, nunc minor esse potest? cæterum quia ratio vis inertiae nec in extensione corporum, neque impenetrabilitate, aliove attributo cognito continetur, patet eandem a reliquis proprietatibus distinctam esse, & ob inductionem amplissimam omnibus corporibus tribui debere.

II. *De vi attractiva generali ac mutua.* Hanc quidem vim omnibus corporibus *systematis solaris* competere, & ad maximas planetarum, cometarumque distantias extendi, analytica gravitatis universalis investigatio evidentissime ostendit, & synthetica eiusdem deductio admirandum in modum confirmat, uti ex Mechanica potissimum cælesti constat. Quid vero? an eadem gravitas & gravitatis lex etiam stellis fixis tribuenda est? R. egimus in Mechanica duntaxat de solari systemate. De fixis non constat, utrum non peculiare habeant vires, quæ effectum mutuae gravitatis elidant; aut, cum vires cognitæ a distantibus pendent, fortassis in maximis fixarum distantibus, uti in minimis, ab ea lege receditur, fitque transitus in vires repellentes, aut denique fixæ in limitibus attractionum & repulsionum hærent, ac positionem, quam habent, ita conservant. Si analogiam a systemate solari ad fixas transfers; semper dici poterit, vires a distantibus pendere, earumque legem in maximis variari posse, uti variatur in distantibus minimis; & si maneat lex gra-

vitatis decrefcentis reciproce, ut quadrata diftantiarum crefcunt, vim corporum folaris fyftematis in fixas ob immanem iftarum diftantiam infenfibilem eſſe, & paulatim evaneſcere. Accedit, quod innumerabilis circumquaque fixarum copia fit, ut oppoſitæ earum vires neceſſario ſe elidant.

III. *De vi attrahiva & repulſiva in exiguis & minimis corporum diftantiis* ſatis diſputatum eſt tota hac Sectione. Quemadmodum vero hæ vires ſpeciales, quas corporum tenuiſſimæ moleculæ inter ſeſe exerunt, fere maiores ſunt vi propriæ gravitatis, & pondere, quo pollent; ita maiore ratione crefcere debent, quam in reciproca duplicata diftantiarum; nam vis gravitatis, quam Alæ moleculæ habent, ab attractione totius maffæ globi terraquei oritur; uti ergo hæc maſſa velut infinities maior eſt, quam maſſula exiliſſimæ particulæ, ita viciffim vires ſpeciales eiufdem quaſi infinities maiores eſſe debent, quam ſit vis propriæ gravitatis. Si eiufmodi attrahio in minimis molecularum diftantiis (inquit eruditiffimus commentator in *Elementa Muſſchenbroekii* ad §. 500 Editionis Neapolit. Anno 1745) in ratione inverſa quadratorum diftantiæ operaretur, haud ſenſibiliter augeri ea poſſet ex diminuta diftantia, vel ex ipſo contactu, uti *Newtono* demonſtratur *Princip. Math. I. I. Prop. 74.* multoque minus ſenſibiliter augeri ea poſſet, ſi in alia ratione, quæ duplicata inverſa diftantiarum ſit minor, ea operaretur. Hinc fere ſumunt, eiufmodi vires ſpeciales in triplicata aut etiam maiore ratione inverſa diftantiarum minimarum crefcere debere, uti *Cel. de La Lande* obſervat in diſſert. de tubis capillaribus. Porro quoniam in exiguis molecularum diftantiis frequentes, & vehementiſſimas non raro repulſiones obſervamus, quæ a nulla cauſſa mechanica vel attractionum inæqualitate proveniunt, neceſſe eſt, ut in minimis illis intervallis certum limitem concipiamus, poſt quem ceſſante vi attrahiva molecularum mutux repulſiones ſequantur. Et ſicut in *Algebra* (inquit *Newtonus* ad calcem ſui tractatus optici) ubi quantitates affirmativæ evaneſcunt, & deſinunt, ibi negativæ incipiunt: ita in mechanicis, ubi attrahio deſinit, ibi vis repellens ſuccedere debet.

Qua

Qua ratione concipi possit vis attractiva (similiter & repulsiva) aut quo modo hæ vires cum inertia corporum conciliandæ sint, colligi potest ex §. CCCXIII. *Mechanices*. Newtonus vim inertiae adpellavit vim insitam, & ad explicanda phænomena naturæ præter generalem, & mutuam attractionem in maioribus distantis agentem principium quoddam cohesionis corporum, ac fermentationum adscivit: & quoniam corporum cohesio a vi speciali attractiva, fermentationes autem maxime igneæ a vi repulsiva pendent; patet, quo modo hæc propositio cum Newtoni mente consentiat.

## §. LIV.

Propositio II. *Vires corporum* (de quibus præc. §. disseruimus) ultimo proveniunt a viribus elementorum, quæ corpora componuntur. Probatur. Manifestum est, quod sola compositio ac textura elementorum, si omni vi activa careant singula, nihil virium, vel activitatis gignere possit. Etsi igitur intensio & directio virium, quas corporum molecule exerunt, a compositione elementorum, si singula vi quadam pollent, pendere possit, debeatque; tamen ipsa vis non nisi elementis tribuenda, & pro absoluta proprietate, non relativa habenda est.

## §. LV.

Propositio III, *Elementa corporum sunt substantiæ simplices, homogeneæ, certis viribus præditæ*. Probatur

I. *Simplicitas elementorum*. Si divisibilitas realis corporum infinita non est, denique ad elementa simplicia, quorum partes reales nullæ sunt, saltem cogitatione veniri debet, ut patet; non est autem infinita; cum nulla id ratio suadet, & numerus elementorum actu infinitus, qui in quovis sensibili corpore contineri deberet, repugnet (Phil. Prim. §. XIX.)

II. *Homogeneitas elementorum*. Homogenea adpello elementa, quæ eandem virium legem servant: heterogenea, quæ diversam. Dico: elementa, ex quibus aqua & ignis, vel alia quantumvis inter se discrepantia corpora componuntur, eandem habere virium legem, ac similem plane naturam, ita, ut tota diversitas proprie-

tatum, quas corpora, vel corporum molecule produunt, ex diversa combinatione elementorum in certi generis moleculas, & consequente compositione virium, queis singula prædita sunt, oriatur. Nam 1. ipsa corporum analysis, seu resolutio chemica ad hanc homogenitatem, ac naturæ simplicitatem nos proxime deducit; quo enim longius progredimur in resolvendis corporibus, eo pauciora deprehendimus in iis principia, quæ inter se discrepent. 2. Omnia elementa æque pol-  
lent vi inertie, æque impenetrabilia sunt, æque se tra-  
hunt mutuo in distantiis maioribus, & eandem vim gra-  
vitationis exerunt; id quod palam fit ex æquali celerita-  
te corporum in vacuo decidentium, quæ locum non  
haberet, si elementa unius corporis maiorem vim ac-  
celeratricem haberent, quam elementa alterius. Igitur  
de viribus in minimis distantiis operantibus eadem lex  
similis concludenda est. 3. Quia causæ rerum natu-  
ralium non plures admitti debent, quam quæ veræ  
sunt, & phænomenis explicandis sufficiunt; idcirco di-  
versitas sensibilibus proprietatum, quas in corporibus,  
& corporum, moleculis observamus, non diversitati  
elementorum, aut virium, queis singula elementa sunt  
prædita, sed diversæ eorundem elementorum viriumque  
compositioni adscribenda est. Nam ex elementis homo-  
geneis admodum differentes moleculæ construi possunt,  
quarum discrimen omnino multiplex est, ut primo sub  
eadem mole contineatur diversa massa: Secundo eadem  
massa habeat diversam molem: Tertio sub eadem massa  
aut mole sit diversa, figura; possunt enim elementa di-  
geri in sphaerulas, pyramides, cuneos, prismata &c.  
Quarto ut sub eadem densitate & figura sit diversa par-  
ticularum distributio, ceu in sphaerulis plura elementa  
versus centrum, aut circa superficiem collocata. Ex  
diversa eiusmodi elementorum compositione diversa vi-  
rium, quas exerunt, compositio necessario sequitur. Nec  
vero ista diversitas molecularum per hypothesein sumi-  
tur; quousque enim acies microscopiorum pertingit,  
ea observari potest. De eadem NEWTONUS in Optica  
q. 31. ita disserit: „*Illud mihi videtur simillimum ve-*  
„*ri, utique Deum Optimum Maximum, in principio re-*  
„*rum materiam ita formasse, ut primigeniæ eius parti-*  
cu-



„ culæ, ex quibus deinceps oritura esset corporea omnis  
 „ natura, solidæ essent, firmæ, duræ, impenetrabiles &  
 „ mobiles; iis magnitudinibus & figuris, iisque insuper  
 „ proprietatibus, eoque numero & quantitate pro ratio-  
 „ ne spatii, in quo futurum erat, ut moverentur, quo  
 „ possent ad eos fines, ad quos formatæ erant, optime  
 „ deduci. Quæ porro particulæ primigeniæ, quippe pla-  
 „ ne solidæ, longe longeque duriores sunt, quam ulla cor-  
 „ pora ex iisdem deinceps cum occultis interiectis meati-  
 „ bus composita: imo tam perfectæ duræ, ut nec deteri  
 „ possint unquam, nec comminui: nec adeo ulla in con-  
 „ sueto naturæ cursu vis sit, quæ eas in plures partes di-  
 „ videre queat. - - - Tandiu dum particulæ illæ integræ  
 „ permanent, poterunt sane per omnia secula ex iis com-  
 „ posita esse corpora eiusdem semper naturæ, & textu-  
 „ ræ. Verum si illæ deteri aut comminui possent, iam  
 „ futurum sane esset, ut rerum natura, quæ ex iis pen-  
 „ det immutaretur. Aqua & terra ex particulis imminutis, &  
 „ detritis, particularumque fragminibus compositæ, non  
 „ utique eandem hodie naturam, texturamque haberent,  
 „ ac aqua & terra in principio ex particulis integris com-  
 „ positæ. Quare ut rerum natura possit durare, existi-  
 „ mandum est, corporum omnium mutationes, in variis  
 „ solummodo separationibus, novisque coniunctionibus &  
 „ motibus durabilium istarum particularum consistere. Nam  
 „ corpora composita disrumpuntur non particularum ipsa-  
 „ rum solidarum fractura, sed separatione earum, qua  
 „ parte ex commissuris inter se nunctæ erant, & paucis  
 „ tantum in punctis inter se contingebant. Porro viden-  
 „ tur mihi hæc particulæ primigeniæ non modo inter se  
 „ vim inertię habere, motusque leges passivas illas, quæ  
 „ ex vi ista necessario oriuntur: Verum etiam motum  
 „ perpetuo accipere a certis principiis ætiosis, qualia ni-  
 „ mirum sunt gravitas, & causa fermentationis & co-  
 „ hærentiæ corporum. Atque hæc quidem principia con-  
 „ sidero non ut occultas qualitates, quæ ex specificis re-  
 „ rum formis oriri fingantur, sed ut universales naturæ  
 „ leges, quibus reipsæ sunt formatæ. Quippe principia  
 „ quidem talia revera existere, ostendunt phænomena na-  
 „ turæ, licet ipsorum causæ quæ sint, nondum explica-  
 „ tum sit. „ ita NEWTONUS.

*De viribus, quæ corporum elementis tribuendæ sunt, supra discurimus, quodcunque illarum ponatur principium. Ad explicanda enim phænomena, progressumque in naturæ cognitione faciendum, satis est, si eadem ceu universales naturæ leges considerentur. Intimam enim naturam elementorum haud perspicimus in hoc mortali statu; nec metaphysicorum vocabula omnia obscuritatem pellunt, sed potius augent. De extensione elementorum quæstio superest. Sunt enim, qui ea omni extensione ceu puncta mathematica carere putant: alii elementa simplicia in spatio divisibili collocant. Tota disceptatio ad res physicas colendas penitus inutilis est.*

## §. LVI.

*Propositio IV. Explicationes phænomenorum & leges virium, secundum quas phænomena contingunt, non ex natura elementorum, sed ex constitutione molecularum, earumque combinatione petendæ sunt. Hæc propositio maximi momenti est, ut recta via progrediamur in Physica, & in inutili de natura elementorum disceptatione a scopo ne abducamur cum ingenti temporis, atque operæ dispendio. Agitur autem hic de phænomenis ac mutationibus particularium corporum, non de motu, ac mutuis viribus globorum totalium. Sic igitur existimo: Elementa corporum homogenea sunt, iisdemque viribus prædita, ad omnem inter se, viriumque compositionem penitus indifferentia: ergo ex iisdem ratio peti vel reddi non potest, cur hæc potius, quam aliæ mutationes in corporibus sequantur, cur has potius, quam alias proprietates sensibiles exhibeant. Si enim eadem sunt particularum ignis, & aquæ, aut corporum elasticorum, ac mollium, fluidorum & solidorum &c. principia, quid ex natura istorum principiorum de igne, & aqua, aut corporibus molliibus, vel elasticis, fluidis aut solidis differi demum potest? status sensibilibus proprietatum, & possibilitas variarum mutationum, quæ in uno præ alio corpore inest, non ex natura elementorum, sed molecularum, in quas eadem compacta sunt, constitutione, variaque combinatione pendet. Ex hac igitur molecularum di-*

Ver-

veritate proprietatum, ac mutationum arcessenda ratio est. In corporibus præsertim mixtis varii earundem ordines sunt, ut primo crassiores, magisque compositæ, tum subtiliores, ac simpliciores deprehendantur; heterogeneæ particulæ mixtæ rursus in aliud heterogeneum maius coagmentari solent, uti patet in mineris. Solus ignis, quo plurima corpora solvuntur, quantos ordines, quam diversas, quæ in corporibus latent, particulas heterogeneas prodit. vulgatissima flammæ materies sunt vegetabilia varii generis. Ea primo continent plurimum aquæ, quam iisdem accensis ostendit albescens fumus, seu vapor instar nubis ascendens, qui collectus aquæ tenuis & pelucidæ speciem exhibet, multisque salis particulis commixtus est, uti ex sapore eius aquæ & adore colligitur. *Secundo* fumus, qui paullo post sequitur, spissior, acrior, ac fætens mixtum est diversarum corporis vegetabilis partium; atque is, nisi vaporibus aqueis adhuc abundet, admota candela in flammam vertitur. *Tertio* fuligo, quæ ex fumo combustibili, & parietibus camini adhærente nascitur, destillatione præbet aquam satis copiosam, tum igne intensiore oleum flavum & inflammabile, cuius pars subtilior & volatilis spiritus sulfureus volatilis vocatur, denique & salia diversa, ac diverso fixitatis gradu prædita. *Quarto* ex cineribus a corpore accenso relictis plurimum salis fixi elixatione & inspissatione obtinetur. Ex eiusmodi vegetabilium analysi de natura earundem, ac proprietatibus coniecturæ fieri possunt, ex obscura autem de primis eorundem elementis disputatione fieri non possunt. Metalla & semimetalla omnia in igne fusa se mutuo resolvunt, ac inter se miscentur, variasque tum subeunt mutationes, & acquirunt proprietates a priore sua natura haud parum alienas: a semimetallis libi commixtis amissa malleabilitate redduntur friabilia: ab arsenico, zinco & antimonio volatilia. Si in calcem rediguntur metalla, ductilitatem amittunt, aliasque non paucas proprietates; Quid? istiusne rei ratio in natura primorum elementorum nobis quærenda est? haud sane; nihil enim ex illa ad explicandum hoc phœnomenon eliei potest; Sed molecularum, quæis metalla

constant, natura & constitutio spectanda est; nempe combusto proprio sulfure eam mutationem subeunt metalla. Addito dein sulfure quocunque alio pristinam formam recuperant. Similiter si certa sulfuris ac salis volatilis quantitas lignis subtrahitur accensione, oritur carbo friabilis. Hic spoliatus omni sulfure denique in cineres abit non nisi terra & sale alcalico constantes. Idem in ossibus animalium contingit. Ita molecularum sulfuræ sæpe ratio cohæsionis sunt in corporibus. Nec tamen id generatim statui potest. Idem enim sulfur firmis corporibus admixtum non raro nexum illorum hebetat, & molliem, fluiditatem, aut certe friabilitatem inducit. Pertica ferrea summo gradu ignita supposito sulfure brevi colliquescit: argentum & stannum ab eodem sit friabile: plumbum liquefactum a sulfure addito abit in calcem. Nempe si particulae minimae corporum alioquin iam cohærent, & additæ subtiles molecularum sulfuris duntaxat interstitia inter eas moleculas repleant, ob auctum contactum novi cohæsionis nexus inducuntur, ubi antea nulli existerant. At si minimæ corporum particulae ratione figuræ & compositionis mutui contactus, & nexus satis capaces sunt; fieri potest, ut sulfure iisdem interiecto contactus aberrumpantur, & cohæsiō corporis minuat, vel tollatur, quia sola cohæsiō materiæ sulfuræ propriæ minor est, quam cohæsiō metallorum. Celebris agitatur quaestio, an vitro malleabilitas arte comparari possit? eane ex tractatione de principiis corporum decidenda est? minime vero; At spectata indole metallorum intelligitur, ad malleabilitatem copiosum in primis sulfur requiri, quod nexus tuncione solutos substitutis aliis contactibus continuo restituat. Contra si molecularum, ex quibus vitrum conflatur, considerentur, id compositionem multo simpliciorē requirit, ac partes subtiliores, ut diaphanum sit. Sulfur iusto copiosius tum simplicitati texturæ vitri, tum partium subtilitati obesset; unde nec metalla vitrificantur, nisi sulfure prius exusto.

*Hæc exempli causa commemoravimus, ut propositionis veritas, ac momentum evidentissime demonstraretur, atque ad oculum, ut aiunt, pateret manitas perpetuarum*

rum litium, quas nonnulli Philosophi de corporum principiis agitant magno laboris, ac temporis impendio, nullo penitus fructu & operæ pretio. Quamvis autem exiguarum molecularum constitutio, earumque inter se combinatio & compositio virium sæpissime ignota sit, nec deprehendi omnino posse videatur, non tamen idcirco præcipiti saltu, ac prætermiſſis variorum ordinum moleculis in intimum corporum & elementorum naturam diſſeptione penetrandum eſt, multoque etiam minus tot legibus naturæ incognitis operæ danda eſt, ut generale ſystema omnibus numeris abſolutum condatur, quod omnibus phænomenis explicandis faciat ſatis. Eiusmodi enim ſystemata nihil commodi adferunt philoſophiæ, non parum incommodi philoſophantibus; nam præiudicatis opinionibus eos implent, ut quævis naturæ phænomena particularia ſecundum ſystema ſuum interpretentur, & quæ eidem refragari videntur, diſſimulent, vel detorqueant a naturali veluti ſenſu. Præterea condito generali ſystemate ſegnes reddimur ad inveſtigandam naturam rerum, quia in generalibus cauſſis acquieſcentes, totam naturam nos comprehendiffe nobiſmet perſuademus. Generales autem eiſmodi cauſſarum explicationes, nescio, quantum ab ignorantia diſtent. Nam, ut Veteres aiebant, non ſolet errari circa ianuam, id eſt, generalia principia, ſed circa interiora domus. Fit dein non raro, ut, cum omnia ad aſſumptum ſystema trahuntur, res certæ confundantur cum incertis, & phænomena explorata, quæ veluti voces quædam ſunt naturæ, cuius magiſterio diſcendum nobis eſt, cum dubiis ſententiis philoſophorum, atque hypotheſes cum veris cauſſis miſceantur. Hinc Philoſophia toties faciem, totumque habitum mutat, ut, cum poſteriores Philoſophi priorum veſtigia perſequi, ſi recto tramite proceſſiſſent, cæptosque labores excolere deberent, identidem velut a primo limine ordiendum ſit. Equidem non ignoro, quantopere laborandum ſit homini veritatis amanti, rerumque phyſicarum ſtudioſo, ut in maxima phænomenorum copia, & varietate naturæ ſimplicitatem conſequetur philoſophando, atque occultam in diſſimillimis rebus harmoniam eruat, ac generales leges deprehendat; at enim quis ignorat, longam eſſe ſeriem cauſſarum, ex quibus maxima phænomenorum pars  
pen-

pendet, aliarumque cum aliis admirabilem quendam nexum, ut, si proximiores causæ prætermittantur, de remotioribus recte statui nihil possit. Verum ea est humanae mentis infirmitas, atque inconstantia, ut abrupta serie mox ad remotissima quæque atque ultima seu ad metam transfiliamus cogitando, atque ad finem præpropere venire discendo velimus. Accedit non paucorum superbia, & ambitio, qui infra dignitatem suam fore arbitrati sunt, aliud systema, quam numeris omnibus absolutum seu ingenii sui partum in lucem dare. Hinc mira libertate quævis principia assumerunt, & condiderunt hypotheser, quarum ope arcana naturæ omnia sibi explicanda sumerent, quæque non tam ad institutiones Philosophiæ, quam historiam eiusdem literariam referenda sunt.

## §. LVII.

### DUBIA DE LEGE VIRIUM.

I. Quid est denique vis illa attractiva & repulsiva, quæ in Newtoniana philosophia utramque, ut inquiunt, paginam facit? Non pauci Philosophi totam Newtoni theoriam profligasse se putant. dicendo: explicari non potest, quid sit attractio: ergo non datur, vel admittenda non est. R. 1. Supra monuimus §. IV. diligenter segregandas esse binas quæstiones admodum inter se discrepantes: an obtineat in natura attractio & repulsio; & quid illa sit, vel quam originem habeat. Quando phænomena barometri excussio metu vacui a pressione aeris derivari cæpta sunt, frustra dictum fuisset: explicari non potest, quid sit, vel quam originem habeat gravitas aeris aut elasticitas. Ignorantia enim causæ remotioris vel ultimæ non tollit causam proximam, posteaquam illa genuina, ac sufficiens deprehensa est. R. 2. Attractio & repulsio a distantis pendens est generalis naturæ lex; ad quam satis est, si particularia phænomena revocari possint, etiam ultima eius causæ sit incognita. Sic enim eorundem causæ saltem proximæ, eademque veræ ac sufficientes adignantur, quod ad naturæ simplicitatem cognoscendam, faciendasque diductiones syntheticas, resque phycas amplificandas sufficit. Quapropter argumentatio il-

la : explicari non potest , quid sit attractio , seu vis attractiva & repulsiva , penitus infirma est , ac spuria.

II. *Ipsius elementis potentia agendi , seseque , vel alia elementa movendi inest ?* R. Quia attractio vel repulsio non nisi determinatio ad motum est , quo corpora vel corporum elementa sese petunt mutuo , vel fugiunt , sine dubio principium quoddam eorum motuum requiritur in natura , nisi ad immediatam Dei actionem perpetuo recurratur. Perquisitio eius principii omnes omnium temporum philosophos occupavit , sed , ut supra animadvertimus , longe minore laboris fructu , quam temporis dispendio. Paucos admodum reperies , qui omnes potentias activas , & vires intrinsecas ex natura sustulerunt. ARISTOTELICI siebant : quæque natura constant , videntur in se ipsis habere principium motus & quietis. Ante Aristotelem DEMOCRITUS & EPICURUS , qui sunt principes Philosophiæ atomisticæ , vim activam tribuerunt atomis. Et quamvis tum hi , tum nostro ævo nonnulli hac doctrina abusi sint ad tollendam Dei potentiam ; tamen infanz eorum doctrinæ nihil officiunt opinioni eorum , qui potentias motrices in natura agnoscunt. Dudum easdem non modo RR. Philosophi , sed antiquissimi quoque , ac gentiles confutarunt. EMPEDOCLES evitato errore , quem non nulli ex inculpato principio deduxerant , atomis vim tribuit , qua ad se accederent mutuo , vel recederent ; quam amicitiam & discordiam nuncupavit. PLATO omnem mundum ANIMATUM fecit , non ea utique anima , quæ cognitionis & sensus esset capax , sed quæ omnium motuum causa existeret. Quocirca Muschenbrœkius putat , sententiam Platonis a Newtono , aliisque adoptatam fuisse. Veteres HEBRÆI teste Moshemio opinati sunt , vim activam & genitricem naturæ inditam a Deo fuisse. Chaldæi *viviscum* ignem sæpe adpellantes opinionem suam de eius activitate factis prodiderunt. LEIBNITIUS quoque monades suas , & WOLFIIUS sua elementa viribus activis donarunt , ita , ut dicerent , per solam vim activam substantias simplices a punctis mathematicis & Zenonicis discrepare. Omnes igitur propemodum Philosophi , imo & philosoph

H

phos

phorum familiæ ac sectæ principium quoddam motus & potentias activas admiscere in corporibus, atque elementis eorundem, etsi nemo perspicere potuit, cuiusnam naturæ ea principia, aut potentia sint. Obscuritas inde oritur, quia de intimis naturis, essentiis & substantiis rerum claras ideas in hoc mortali statu non habemus. Qui eas vi imaginationis repræsentare sibi conatur, perinde agit, ac si sonum coloribus depingere, & colorem auribus percipere vellet. Credo, si originem idearum nostram diligentius pervestigassent non nulli, haud ægre ab indagandis rebus, quarum ideas formare nequeunt, desisterent, nec tot inania vocabula pro genuinis rerum explicationibus nobis obtulerent. Sunt hoc ævo non nulli, qui vires motrices corporibus essentielles statuunt, directionem verò & celeritatem ceu modificationes variabiles considerant, idque explicant in hunc modum, ut vis motrix sit perpetuus conatus mutandi locum, qui quidem conatus ex natura elementorum ceu ex fonte profluat, sed nullam habeat, aut respiciat certam directionem, nec determinatam celeritatem. Hi dicunt sane, quod concipere nullo modo possunt. Ac videtur mihi istiusmodi elementum, quod perpetuo ad motum nititur, sed sine ulla directione, sine ulla celeritate determinata, quam is conatus respiciat, in ipso spatii sui puncto quasi temulentum tremere, seu potius conari tremere, nec tamen usquam progredi posse. Quæso quod phenomenon naturæ hanc nobis ideam de perpetuo conatu motus sine directione & celeritate ulla, quam is conatus exigit, seu respiciat, ingerere demum potest?

III. *Cur dici non potest, mutationes naturales rerum à motu in prima creatione impresso, & adfectionibus corporum atque elementorum mechanicis provenire?* R. r. Pro varia corporum adplicatione multi existunt novi motus, & quantitates motuum a viribus internis provenientium, uti in subitis fermentationibus, accensione pulveris pyrii &c. hi motus sine dubio principium quoddam, & potentiam activam postulant. Leges mechanicas non sufficere mutationibus rerum explicandis, abunde demonstratum est. Gravitationem corporum à mechanismo, & pressione aut motu materiæ fluidæ haud



laud pendere, consideratis fluidorum legibus intelligitur ex eo; quia ea gravitas *mutua* est, & *generalis*; neque instar alicuius nifus corporum ad punctum quoddam imaginarium, quod centrum vocant, spectari potest. Atque hoc uno argumento omnes hypotheses mechanicæ hæcenus excogitatæ corruunt, præsertim cum motus corporum cælestium ceu planetarum & cometarum in vorticibus cartelianis ac spatiis materia resistente impletis peragi minime possit. Et quamvis planetæ omnes eadem ferantur directione ab occasu in ortum, & intra Zodiacum constringantur; tamen cometæ non pauci oppositas tenent vias, ac vagantur liberrime; id quod cum nullo fluxu aut pressione fluidi conciliari potest. *Causæ continuo nexu procedere solent a compositis ad simpliciora* (inquit, Rogerius COTES in secundam Principiorum Newtoni editionem) *ubi ad causam simplicissimam perveneris, iam non licebit ulterius progredi; causæ igitur simplicissimæ nulla dari potest mechanica explicatio. Si daretur enim, causâ nondum esset simplicissima.* Quæ Newtonus in Schol. Prop. 69. L. 1. & in Schol. generali ad calcem L. III. Princip. Math. de spiritu quodam universali commemorat, qui ipsam corporum substantiam penetrans attractionum causâ existat; suspicor idcirco scriptisse virum providum, ut invidiam declinaret eorum; qui Peripateticas qualitates attractionis nomine postliminio reduci querebantur, atque ut Cartesianorum furorem subterfugeret; idcirco non abhorre se ostendit ab ea opinione, quæ phænomena gravitatis actioni materiæ fluidæ tribueret.

IV. *Attractio & repulsio corporum quomodo differt ab occultis qualitatibus* VV. *Peripateticorum, & sympathia, vel antipathia, quam iidem admiserunt?* R. Qui attractionem Newtoni occultam qualitatem vocant, ille nec, quid attractio Newtono, nec quid occulta qualitas antiquis Peripateticis denotet; satis intelligunt, nisi vocabulis fortassis ludant; quod si faciant, equidem scamnum adpellabo qualitatem occultam. NEWTONUS attractionis nomine designavit generale phænomenon; aut generalem naturæ legem; quâ omnes planetæ, & cometæ mutuum in se nifum exerunt perinde, ac lapides terrestres exerit nifum versus terram; porro si non così-

stet, unde is nifus lapidis oriatur; propterea negari haud potest, eundem reipsa dari; Similiter de attractione Newtoni differendum est. Sic enim ait L. III. Princip. in ult. Scholio generali, posteaquam phaenomena caelorum & maris nostri per vim gravitatis exposuisset, *rationem harum gravitatis proprietatum ex phaenomenis nondum potui deducere, & hypotheses non fingo. Quidquid enim ex phaenomenis non deducitur, hypothesis vocanda est; & hypotheses seu metaphysicae seu physicae seu qualitatum occultarum seu mechanicae, in philosophia experimentalis locum non habent. In hac philosophia propositiones deducuntur ex phaenomenis, & redduntur generales per inductionem; sic impenetrabilitas, mobilitas, & impetus corporum & leges motuum, & gravitatis innoverunt. Et satis est, quod gravitas revera existat, & ad corporum caelestium & maris nostri motus omnes sufficiat. Haec Newtoni attractionem saepe nominantis mens ac sententia est. Contra VV. Peripatetici per qualitates occultas, per sympathias & antipathias volebant in certis corporibus certas & speciales gigni qualitates, & certis quidem duntaxat temporibus, ac circumstantiis, quin earum existentiam aut productionem aliunde quam ab ipso phaenomeno, ad quod explicandum easdem fingeant, ulla inductione probarent. Hinc NEWTONUS quaest. ult. Optices ita differit: *adfirmare, singulas rerum species specificis praeditas esse qualitatibus occultis, per quas eae vim certam in agendo habeant, certosque effectus manifestos producant, hoc utique est nihil dicere. At ex phaenomenis naturae duo vel tria derivare motus principia, & deinde explicare, quemadmodum proprietates & actiones rerum corporearum omnium ex principiis istis manifestis consequantur, id vero magnus esset factus in Philosophia progressus, etiamsi principiorum istorum causae nondum essent cognitae. Non potest igitur attractio qualitas occulta dici; cum eiusdem existentia per observationes clarissime demonstrata sit.**

V. Si attractio non nisi phaenomenon est naturae, explicare phaenomena motuum per attractionem, quid est aliud, quam explicare phaenomena per phaenomena, hoc est, idem per idem; & lex naturae quid aliud nisi genera-

*vale phænomenon denotat?* R. Attractio non est specificum, & particulare phænomenon, quod ex iis duntaxat effectibus cognoscatur, ad quos explicandos assumitur: sed phænomenon generale, constans, ad certas leges reductum atque universalis proprietas corporum. Siquis dein particularia phænomena ceu in æstu maris, perturbatione gravitatis terrestris, & anomalijis cælestium motuum per attractionem explicat, id reipsa agit, ut illud cum generali corporum proprietate, ac lege aliunde iam cognita consentire ostendat, & ad generalem legem reducat. Qua quidem methodo veritas causæ proximæ exhibetur, simulque simplicitas naturæ deprehenditur, quæ per easdem leges, ac proprietates diversissimos effectus edit. Sic particulares corporum motus per generalissimas, & primas motuum leges, quas c. IV. Mechanices recensuimus, aut per leges conflictus corporum sæpe explicare solemus, quin porro de natura materiæ, ex qua eædem dimanant, disceptare debeamus, etsi revera illæ motuum leges non nisi phænomena sint nempe generalia, constantia, certisque modis determinata.

VI. *Admissa attractione nunquid Et actio in distans admittenda est; quia gravitas corporum pro ratione massæ extraneæ, in quam ea tendunt, crescere debet* (§. CCCXV. Mechanic.) R. Qui attractionem Newtoniano more pro generali naturæ lege adsumit nihil de hac re definire cogitur, nec vero necessarium est ad progressum in Physica faciendum; Nec vero interest, quem potissimum ex binis conceptibus, quos attractionis vocabulo adfigere possumus, aliquis arripiat, (§. CCCXIII.) Tria hoc loco digna sunt, quæ animadvertantur: primo Etsi in hac re exitus non reperiatur, tamen, ut MUSSCHENBRÆKIUS recte observat, nec operationes corporum sese extrinsecus tangentium melius, quam attractionem intelligimus; latet enim, quid sit vis, quomodo ex uno corpora exeat in aliud, quomodo corpori inhæreat, illudque transferat. Nihil præter effectus quotidianos observamus, adeo ut æque cæcutiant mortales respectu principiorum extrinsecus, quam intrinsecus operantium, etsi ea, quæ quotidie obversantur oculis, leviter prætermittamus,

mus, nec omnino admiremur. *Secundo.* Communicatio motus sola intellecta corporum impenetrabilitate nondum intelligitur (Schol. §. LII.) contactus vero corporum, aut contiguitas; perinde ac distantia eorundem non nisi relatio quædam est, & modus existendi, ut adeo nec ex illo contactu de actione corporum mutuo se moventium distincta idea formari possit. *Tertio* Qui quodvis corpus vi sua interna motum inchoare aint, ita, ut in massa extranea in illud non agat respicienda, sed duntaxat *conditio* sit, qua posita directio & celeritas motus determinetur, vocabulum adferunt, difficultatem non tollunt. Quomodo enim massa extranea celeritatem ac directionem alterius corporis determinet, quin in illud agat? aut qualem ideam huic vocabulo *conditio* subiicere possumus in hoc casu, si actionem, vel operationem quandam non subiicimus?

VII. Si corpora mundi totalia certa lege sese trahunt, eaque vi gravitatis motus suos peragunt in celestibus spatiis, & si minime corporum moleculæ pariter certis legibus se attrahunt, vel repellunt, ob eamque causam in massulas maiores & regulares coagmentantur; nonne fieri potuit, ut solo atomorum, seu molecularum concursu totum universum formaretur; ut adeo attractio Newtoniana tollat demonstrationem Dei ex hoc ad spectabilem universo desumptam, videaturque favere atheismo? R. Et si materiæ & elementis corporum tribuatur vis interna in ipsa illorum natura insita (quod tamen asserere non defendunt Newtoniani) tamen evidentissimum est, sine creatore, primoque Motore nec materiæ existentiam, nec Universi ordinem aut quemcunque statum haberi posse. Magnopere optandum est, ut quivis Newtonianæ Philosophiæ amans considerato systemate mundano, uti id in ea philosophia exponitur, tum spectatis legibus gravitatis universalis, ac specialium virium, demonstrationes summi creatoris, ac primi Motoris in theologia naturali a nobis propositas relegat, animoque a curis vacuo contemplandas sumat. Lucundissima enim, & copiosissima luce maximarum veritatum de existentia & perfectionibus Summi Entis perfruetur, statimque videbit, nullum esse aliud

aliud philosophandi genus, quod ipsum per sese apertiore ordine doctrinæ, viaque planiore, ad cognoscendum Deum, eiusque infinitam potentiam, perfectissimamque libertatem nos deducat, quam Newtonianum. Innumerabilia sunt in hoc genere philosophiæ, quæ a solo arbitrio, potentia, ac sapientia primi ac summi Entis proxime atque immediate pendere demonstrantur: cæcæ definita materiæ existentis quantitas operi libere electo adcommodata, eiusdem in certas massas ac globos totales distributio, globorum situs, ordo, primæque projectio, & projectionis certa directio, ac celeritas, line quibus etiam posita gravitatis lege nulla constans orbita conficeretur. In hac philosophia omne fatum, ac cæca necessitas longissime proscribitur. Materia ad quamvis directionem ac celeritatem motus penitus indifferens ostenditur, quippe quæ continuo per alias atque alias tangentium directiones in corporibus circa centrum suum actis nititur discurrere, & celeritatem in ellipsi identidem mutat. Prima globorum totalium distantia a centro virium nulla naturæ necessitate, sed solo arbitrio conditoris determinari potuit: cum ea distantia perpetuo varietur, & omne fatum penitus immobile atque immutabile sit. Præterea posita certa distantia non quævis motus impressio, ut trajectorias constanti lege verrent planetæ cometæque, satis fuisse demonstratur, sed quæ responderet, gravitati cuiusvis corporis in ea distantia, quam habebat a centro virium. Soli quoque arbitrio conditoris adscribitur, quod in certam cæli plagam ab occasu in ortum volvantur planetæ nonnulli, cum alii numero plures, quos cometas adpellant, per varia cælorum spatia liberrime discurrant. Ipsæ motuum perturbationes, uti plurimum confirmant hanc philosophiam; ita omnem exciudunt fati necessitatem, in qua nulla variatio habet locum. Quid de causâ motuum circa axem; quid de inclinatione axium ad diametros orbium; quid de varia inclinatione orbitarum ad se mutuo dicam? Elementorum ad quemvis inter se situm, ordinem, ac statum indifferentium compositio in moleculas primigenias, harum indissolubilis cohesio, definitus numerus, certaque distributio (quæ quidem

omnia proposito fini Universi, atque opificio condendo aptata sunt a sapientissimo Artifice) profecto non ex natura & essentia eorundem, sed unice ex voluntate ac sapientia potentiaque Entis infiniti derivanda sunt. Hæc igitur Philosophiæ laus, quod cognitionem supremi Numinis, frequentesque de Deo cogitationes suis cultoribus ingerat, ita propria est Newtonianæ methodo, ut non nemo vitio ei dederit, quod ea toties ad conditorem in naturæ explicatione recurrat. Sed sapienter Rogerius COXES in secundam editionem Princip. Math. phil. Nat. ita præfatur: „sana omnis & vera philosophia fundatur in phænomenis rerum; quæ, si nas vel invitos reluctantes ad huiusmodi principia deducunt, in quibus clarissime cernuntur consilium optimum & dominium summum sapientissimi, & potentissimi Entis; non erunt hæc ideo non admittenda principia, quod quibusdam forsan hominibus minus grata sunt futura. His vel miracula, vel qualitates occultæ dicantur, quæ displicent; verum nomina malitiose indita non sunt ipsis rebus vitio vertenda; nisi illud fieri tandem velint, utique debere philosophiam in Atheismo fundari. - - - Extabit igitur Newtoni opus adversus atheorum impietatem munitissimum præsidium: neque alicunde felicius, quam ex hac pharetra contra impiam protervam tela depromseris. „

Hæc qui expendit, non poterit non mirari, Wolfium Parte III. Philosophiæ moralis sive Ethices Edit. ann. 1751 in schol. §. 86. in hunc modum scripsisse: „Cum Isaacus Newtonus in principiis Philosophiæ naturalis mathematicis geometriam ad explicandam naturam transferret exemplo Archimedis & in primis Galilæi, & in natura geometricæ tractanda felices fecisset progressus: in explicando autem motu siderum keplerianas hypotheser sumeret - - - ac leges quasdam attractionis generales dedisset, attractiones a Cartesio, & in Anglia a Roberto Boyle aliisque feliciter profligatæ, quasi ab orco in philosophiam revocatæ sunt; & sic tandem ex Gilberti attractionibus magneticis - - - & Lockii notionibus imaginariis ex tabula rasa Aristotelis revocatis, qui tentamen suum superstruxit, enata est

„ est philosophia quæ dicitur Newtoniana, cui cum quan-  
 „ dam auctoritatem conciliasset nomen Newtoni geometræ  
 „ summi, cuius eminentia in mathesi merita nunquam  
 „ satis prædicabuntur, eam suam faciunt Athei moder-  
 „ ni, quod tanta auctoritas faveat ipsorum fastui, quo  
 „ semet tanquam cæteris omnibus acutiores super omnes  
 „ extollunt. „ Multa hic sunt, quæ reprehendi possunt.  
 Utinam Leibnitiana Principii rationis sufficientis explica-  
 tio, atque applicatio, quam adoptavit Wolsius, tantum-  
 dem recederet a fato ac fatali necessitate, quantum Newtoni  
 attractio insanis Atheorum conatibus repugnat. Sublato  
 supremo Ente nulla est Physica Newtoniana, nulla est  
 astronomia physica; quo magis mirere, a Wolsio ius na-  
 turæ sine summo Ente concipi vel explicari potuisse; qua-  
 si vero, ut Cotesius supra laudatus inquit, philosophia  
 deberet in atheismo fundari, vel certe quidem ad athei-  
 smum adcommodari. Attractio Newtoni, tantum abest,  
 ut ex orcoeducta sit, ut vere de cælo deducta, Et pro-  
 pte divina dici debeat, cum ea ex cælestium corporum  
 motu primo deducatur, nosque tam certis ac planis viis  
 ad sempiternum optimunque Deum, qui principium est,  
 Et finis noster, veluti manu ducat. Quodsi ea ra-  
 tio philosophandi, qua socrates olim est usus, dum præ-  
 termissa explicatione naturæ de hominum moribus, mo-  
 rumque honestate disputavit, a Veteribus credebatur de  
 cælo delapsa; non immerito ipsius quoque naturæ cognitio-  
 nem duce atque Auctore Newtono a cælo nunc derivatam  
 fuisse dicemus; cum ea non desperatione quadam rerum  
 causas inveniendi Deum velut per machinam advocet, neque  
 per caducas hypotheses, neque per circuitiones quasdam,  
 aut digressiones ad rem propositam parum adcommoda-  
 tas de suprema Ente nos commonesfaciat; sed per certissi-  
 mas maximeque perspicuas cælestium motuum ratio-  
 nes, per naturæ leges inductione collectas, geometricis constru-  
 ctionibus, Et analyticis formulis demonstratas tutissima,  
 planissimaque ratiocinandi methodo ad summum naturæ  
 Auctorem progrediatur, eiusque divinas perfectiones a-  
 gnoscendas nobis, Et admirandas proponat. Lockium  
 scio scripsisse non nulla, quæ probari minime possunt;  
 sed eundem de rebus præsertim Logicis Et metaphysicis,  
 quarum culturam post excultam a Newtono astronomiam,

Et physicam maxime requirebat philosophia, optime fuisse meritum, nemo inficiabitur, qui præiudiciorum partiumque studii expers fert sententiam. Non is profecto ex solo externo sensu, sed ex reflexione quoque mentis primigenias ideas derivavit, neque id egit, ut rerum quarumvis notiones explicaret, sed ut originem idearum investigaret, atque investigandi viam panderet; quæ res summi momenti est ad omnem veritatem tum inveniendam, tum explicandam. Quid enim laudis vel emolumentum habet philosophica tractatio, quæ ex arbitrariis notionibus, metaphysicis hypothesebus Et inani vocabulorum farragine prope tota compacta est? a Keplero non hypotheses mutuavit Newtonus, sed certissimas, verissimasque naturæ leges, quarum ope admirabilem atque immortalem attractionis theoriâ condidit.

## SCHOLIUM

De Principiis corporum, quæ a variis Philosophis omnino varia constituta sunt, saltem delibanda quædam sunt hoc loco, cum plerique omnes plurimum temporis, operæque ei tractationi impendant. Verum res tota ad historiam rei literariæ spectat.

I. Antiquissimi Philosophi id maxime egerunt; ut prima rerum elementa principiaque, ceu ultimas earundem causas, indagarent. Sic enim aiebant: scientia est cognitio rerum per causas; tunc igitur scientia potitur, si primas causas, propter quas hoc potius quam alio modo res se habent, cognoscimus. THALES omnium rerum materiam, primamque causam esse aquam dicebat; fortassis idcirco, ut ait Aristoteles, quia nutrimentum rerum humidum esse vidit. ANAXIMENES & DEMOCRITES aerem priorem aqua, & maxime simplicium corporum principium statuerunt: HIPPASUS autem Metapontinus, & HERACLITUS Ephesus ignem: Empedocles prioribus tribus elementis vulgaribus addidit terram. ARISTOTELES tria esse Universi principia docuit, materiam, formam, & privationem. De materia Aristotelis prima infinitas agitarunt Peripatetici lites, ac turbas.



II. RENATUS DESCARTES, qui & Cartesius dicitur, a prima ætate studiis deditus in philosophia, rebusque mathematicis maximos progressus fecit. Sed in explicanda cosmogenia mirum in modum indulgit ingenio. Deum aiebat sub initium rerum ingentem materię massam præduxisse in particulas cubicas, inter se quam proxime æquales divisam; eidem motum indidit in diversas regiones: cum particulae primum moveri cæperunt, aliæ aliis occurrentes variis in locis varios effecere vortices: circulari autem motu cubicarum particularum anguli contracti sunt, contritique; inde prævenere tria corporum elementa, *primo* subtilis materia & ignea; *secundo* globosa & ætherea: *tertio* crassa & terrestris. In vorticibus circumrotatis subtilis materia centrum potissimum occupavit, rotunda atmosphæram, crassa vel interposita est, vel ad extremam delata superficiem. Hinc factum, ut vorticum omnium centra extiterint totidem soles vividi & ardentes: crassa materia paulatim incrustrata planetas effecit. Sed piget plura recensere; quis enim non videt, omnia hæc penitus conficta & fabulosa esse. Eleganter canit Stayus L. 6. Phil. Recent.

Denique turbinei prorsus cecidere tumultus.

Iam quid materia est subtilis & ætheris aura

Illa levis, quæ trans impervia cuncta meabat,

Impulsuque potens cuncta omniparente struebat?

Quid tria sunt elementa illa, unde exorta putatum est?

Omnia, scobs, agilesque globi, molesque striata?

Scilicet in putres resoluta abiire ruinas. - -

Successit gravitas, submisit & omnia victrix

Protinus, atque alte cælo sublata refulsit,

Sola potens ima & media & coniungere summa.

III. Leibnitius & Wolsius mundum ex monadibus compactum esse volunt, quas substantias simplices esse aiunt, vi quadam activa animatas, singulas singulis dissimiles. Id Leibnitius metaphysico argumento, quod *principium indiscernibilium* vocat, probare nititur; ac primo ex similitudine binorum entium sequi in Deo defectum quandam & velut sterilitatem, quali non posset aliud atque aliud producere. Dein posita ea simili-

tu-

tudine nullam fore ait rationem sufficientem, cur unum eorum entium suum potius quam alterius locum occupet. Denique si microscopiis inspiciantur minimæ corporum partes, nullam alteri perfecte similem deprehendi adfirmat. At enim maior Deo potentia ac fecunditas tribuitur, si non tantum dissimilia possit procreare, sed & dissimilia, & usquequaque similia. Porro quæritur, non quid *potuerit* creare, sed quid *re ipsa* procrearit. Argumentis autem §. LV. n. II. adductis persuademur, elementa corporum esse homogeneas, seu similes substantias. Ratio, cur ens unum alteri perfecte simile hoc potius quam alio loco existat, voluntas Dei est, cuius ratio quæri non debet. Dissimilitudo, quæ in particulis corporum deprehenditur, relativa est, non absoluta, atque ex dissimili eorundem elementorum compositione oritur.

IV. ROGERIUS BOSCOVICHIIUS assumpta Newtoni attractione, ac vi insita theoriâ edidit, qua omnes vires tum in maioribus, tum etiam exiguis ac minimis distantibus agentes ad unicam legem reducere conatus est. Elementa corporum entia simplicia esse ait, homogenea, inextensa, certis viribus prædita, ex quarum diversis coniugationibus vires corporum; & molecularum nascuntur. Sunt autem in binis quibusvis corporum elementis seu punctis vires illæ mutæ ad accessum, vel recessum, pendentes a distantibus; quæ si minimæ sint, vires exeruntur repellentes, ac pares extinguendæ cuiusvis datæ velocitati. Auctis vero intervallis iam evanescunt, iam in attrahentes, rursusque in repellentes abeunt, ita ut alterna hæc vicissitudo in distantibus perquam exiguis sæpius recurrat. At in distantibus paulo maioribus constanter attrahentes sunt, aguntque in ratione reciproca duplicata earundem distantiarum. Hanc virium legem Boscovichius designat per curvam, in qua per abscissas distantie binorum punctorum, per ordinatas ex parte cruris asymptotici primi vires repulsivæ, ex parte opposita attractivæ, per puncta intersectionum denique limites exhibentur, quorum alios adpellat limites cohesionis, alios non cohesionis. Hinc, ait, bina materiæ puncta in limitibus posita quiescere debere, extra limites con-

fii-

statura ad se accedere , aut se fugere motu semper accelerato usque ad proximum cohæsionis limitem &c. Schema huius curvæ passim extat in recentioribus philosophiæ institutionibus , nec aliud in præsentī reliquum est , nisi ut animadversiones quasdam subiiciamus.

*Primo* distinguunt Boscovichiani inter contactum *mathematicum* corporum, seu penitissimum, ut aiunt, & stricte talem, quo bina corpora , vel puncta corporum ita contigua sunt, ut inter ea, nisi a se removeantur, nihil omnino interponi possit: & inter contactum *physicum* seu adparentem, quando bina corpora , vel corporum moleculæ ita contiguæ sunt, ut nullum intermedium intervallum sensibus nostris percipi possit. Contactum mathematicum, negant salvis naturæ legibus unquam haberi posse inter bina corpora , vel corporum puncta. Hinc impenetrabilitatem in vi repulsiva collocant, quæ in infinitum possit augeri , & par sit extinguendæ omni vi, qua corpora ad mutuum contactum adpropinquant. Verum quod resistentia , quam corpora in mutuo conflictu exerunt , inertię eorundem, non autem vi repulsivæ indefinite crescenti adscribenda sit, supra adnotavi in Scholio §. LII. duplicem vero eiusmodi resistentiam admittere, quarum altera a vi repulsiva infinita, altera ab inertia corporum finita proveniat, nihil est aliud opinione mea , quam plana, explicataque Mechanices principia novis difficultatibus, ac tenebris implicare.

*Secundo.* Sunt , qui in hunc modum argumentantur , non potest ullo argumento , probari , actionem corporum concurrentium fieri in penitissimo eorum contactu ; etsi enim inter corpora collisa nullum intervallum discernatur sensibus ; tamen non sequitur continuo, nullum reipsa intercedere ; eoquod perexiguæ distantię corporum, & molecularum sub sensus minime cadant ; uti idem sit in interstitiis corporum, quæ plurimis poris pertusa sunt , etsi eorundem partes omnino contiguæ adpareant. Atque hoc modo onus probandı penitissimum contactum corporum in adversarios reiciı posse existimant. At enim , cum ex lege generali quodvis corpus perseveret in statu motus sui , donec  
illum

illum mutare aliunde cogatur . legitime concluditur, mobile A pervenire ad intimum contactum corporis B quiescentis, & in linea directionis positi, nisi ostendatur vis prohibens eum contactum. Quocirca positivo argumento opus est ad excludendum contactum. Boscovichius communicationem motus attente considerans illud ex lege continuitatis desumit, vi cuius nullum incrementum aut decrementum determinatæ ac finitæ velocitatis intra momentum aut limitem temporis mobili accidere potest, sed intra tempusculum continuum per omnes intermedios gradus infinite parvos velocitatis crescentis, aut decrescentis; fere ut incrementa celeritatis a gravitate genitæ continua sunt & infinite parva: sic idem in celeritate producta, aucta, imminuta vel extincta corporum inter se concurrentium, vel projectorum vult contingere. Feratur corpus ea celeritate, qua intra 1<sup>1</sup> percurrat 6 pedes. Tum acquirat celeritatem maiorem, quā intra idem tempus conficiat 9 pedes. Si hoc incrementum celeritatis obtinuit corpus intra momentum temporis, *saltus* est factus. Si vero illud successive tempusculo quodam continuo per omnes intermedias magnitudines accepit, *lex continuitatis*, observata est. Ex hac lege istiusmodi argumentum formari solet a Boscovichianis.

*Tertio.* Si globus A celeritate = 12 incurrat in alterum B æqualis massæ, & perfectè durum, cuius celeritas minor est = 6; is globus A alterum globum B perfectè contingens, cum eo penetrabitur, aut globus B unico temporis momento a celeritate = 6 transibit ad celeritatem = 9 non transitis gradibus intermediis, adeoque faciet saltum; quod absurdum esse aiunt, & inductioni repugnare, qua res omnes in hoc universo paulatim, & per gradus continuos crescere observamus. Verum animadvertenda sunt quædam hoc loco. 1. Argumentum ex inductione petitum nil aliud conficit, nisi in actuali motu saltum fieri non posse. Quis autem legitime concludi opinabitur hoc modo: corpus ab uno termino ad alium recta pervenire non potest, nisi transito spatio intermedio: ergo quævis initialis aut finalis velocitas corporum non est finita  
&

& determinata, sed necessario infinitesima. 2. Sine dubio extant quædam in natura vires, quæ non nisi per gradus intermedios crescunt, ceu vis gravitatis; ideo ne autem hæc proprietas ad omne genus virium, motuumque transferenda est? 3. In nullo temporis *momento*, seu indivisibili limite dari vel concipi potest velocitas quædam *actualis* (quia hæc continuum quoddam spatium, ac tempus requirit) sed *potentialis* duntaxat, sive determinatio, quæ inest in corpore, percurrendi certo tempore 12, aut 9 pedes. 4. Quemadmodum, si res quædam ex nihilo producitur, eiusdem *non esse* sive negatio existentiae excluditur per ipsam existentiam actualem; sic in posito supra casu negatio trium velocitatis graduum in corpore B excluditur in dato momento ab ipsis illis gradibus iam existentibus. Hinc in momento collisionis seu novæ determinationis ad motum velocitas potentialis eiusdem non erit  $= 6$ , ut antea, sed  $= 9$ . Quovis autem tempusculo præcedente eâ ex hypothesi sumenda est  $= 6$ . Ut res hæc schemate quodam illustretur, recta AB (F.IX.T.I.) verticaliter incedens per horizontalem BD motu suo designet hanc rectam BD, ita, ut eidem in puncto p, eoque temporis ac spatii momento concipiatur adiuncta recta mr. Si eâ dein a puncto p discedens continuat suum motum, spatium ab illa descriptum comprehendetur binis rectangulis Ap, & pC. Porro in puncto p, eoque momento, quo ad illud appellit, non iam concipi potest negatio rectæ mr, sed eius existentia; quovis autem tempusculo præcedente (momentum enim momento contiguum sumi non potest Phil. Prim. §. LIX.) concipienda est negatio eius incrementi; nec puncto p duplex ordinata mp & rp, sed sola ordinata mp respondet. Fateor abrumpi hoc modo continuitatem, nec ulla formula exprimi posse locum AMrmn, ac mutationem ordinatæ MP in mp. Verum æque contra geometricam continuitatem est, ut recta degeneret in curvam, & curva in rectam quam ut recta AB, vel rp alterius accessione repente abeat in maiorem mp. Illud prius Boscovichiani plane admittere coguntur, quando velocitas expressa per AB (F.X) ob novam determinationem per gradus intermedios, r p,

s q &c. ab it in velocitatem constantem m p; neque id formula quadam exprimi potest.


*Quarto*: Elementa corporum, inquiunt Boscovichiani, penitus inextensa sunt. & quodam intervallo inter se semper diffita, ita, ut inter bina quævis puncta possint alia, atque alia sine termino, & indefinite interfieri. Nam elementa simplicia & indivisibilia, sed quæ spatium divisibile singula occupent, sumere, id putant, analogiæ naturæ repugnare, & inductioni desumptæ ab iis, quæ in sensus incurrunt. Quidquid enim materiæ cernimus in diversa spatii parte situm, id esse distinctum videmus, & separabile alterum ab altero. At enim, quia elementa simplicia materiæ a nemine eo usque extensa ponuntur, ut spatium sensibile occupent, non videtur hæc ratio satis firma. Sint enim ea extensa, sed intervallo perexiguo, quod minime sub sensus cadat; ac tum omne, quod sensu deprehendimus in diversa spatii parte situm, id pariter distinctum erit, & separabile alterum ab altero, quin continuo sequatur, ut, quæ in spatio divisibili illo quidem, sed quod infra aciem sensuum sit, existunt, pariter distincta sint, & separabilibus constent partibus. Lineam mathematicam ratione & conceptu nostro indefinite divisibilem esse, Geometria demonstrat. At interferibilitas indefinita elementorum physicorum & realium, si ideas nostras examinamus, non aliter a nobis concipitur, nisi ut una idea elementum quoddam inter binos terminos interponat, altera vero idea omnem extensionem eius elementi, simulque ipsum interpositum punctum quodammodo tollat nullo relicto prædicato reali; perinde ac si altera manus tolleret e bursa, quod altera ingessit; qua quidem ratione facile captu est, lacunam expleri nunquam posse.

*Quinto* denique plures in hac theoria virium limites, & frequentes alternationes virium, diversæ magnitudines arearum vires exprimentium, intersectiones curvæ sub diversis angulis pro arbitrio statuuntur; quo quidem modo hæc theoria sit versatilis in omnem partem, ut cum Cartesio propemodum gloriari possint Boscovichiani, se ex principiis suis plura explicare posse

Phœ-

*Phænomena*, quam in natura contingant reipsa. Esse limitem quendam virium in perexiguis elementorum distantis, supra indicavimus. Verum pro iterata virium mutatione, quam ipsa elementa subire debeant, & pro limitum frequentia perpauca phænomena suppetunt, quæ ab aliis fortasse causis præsertim a varia compositione elementorum pendent. Sine dubio principium quoddam generale naturæ rite demonstratum ingenis accessionis loco in Philosophia habendum est; lexque unica paulo maioris momenti inventa in hoc Universi Theatro naturam velut in novam scenam inducit, ut multo aliter ac ante, spectandam se nobis præbeat. Verum penitus generales istiusmodi theoriæ nescio quid commodi adferant ad progressum in naturæ investigatione faciendum; quasve syntheticas deductiones magnopere admittant, cum præsertim explicationes phænomenorum ac leges virium, secundum quas ea contingunt, non ex elementorum natura, sed constitutione, & proprietatibus molecularum, earumque varia combinatione petendæ sint (uti §. LVI. ostendimus) atque imprimis ordo quidam in naturæ investigatione sit servandus, non autem prætermittis proximioribus causis, altiorisque ordinis moleculis in intimam substantiam primorum principiorum sit irrumpendum. Hinc præstat opinione quidem mea, ignorantiam fateri exemplo Summorum Philosophorum, quam verba fundere inania, nihilque profutura, & magnis conatibus nihil agere. Libenter fatemur, inquit MUSCHENBROEKIUS in Elementis, multa a nobis ignorari. Ut rationes ultimæ attractionum desiniantur, prius videndum erit experimentis, in quibus corporibus eæ dentur: postea hæc ipsa corpora in sua principia solvencia sunt solvenda, nempe in moleculas adhuc compositas (ad simplicia enim elementa nulla pertingit analysis) ut conciet, ob quæ potissimum principia certæ mutationes & proprietates corporum dentur: tum demum vires ac leges detegendæ erunt. Atque his cognitis principium activum tuto inquiri poterit. Sequimur in hoc NEWTONI modestiam nobis præeun-

tis. „ Hanc vocem attractionis ( inquit Quæst. 31. Op-  
 „ tices ) ita hic accipi velim , ut in universum solum-  
 „ modo vim aliquam significare videatur , qua corpora  
 „ ad se mutuo tendant , cuicumque demum causæ attri-  
 „ buenda sit illa vis. Nam ex phænomenis naturæ illud  
 „ nos prius edocēos oportet , quænam corpora se invicem  
 „ attrahant , & quænam sint leges , & proprietates isti-  
 „ us attractionis , quam in id inquirere par sit , qua  
 „ efficiente causa peragatur. „ Similia GRAVESANDUS  
 habet. Ex hoc præclarissimorum virorum , princi-  
 pumque emendatæ Physices iudicio colligi potest, quid  
 disputationi de natura & viribus primorum ele-  
 mentorum tribuendum sit.





## SECTIO II.

### *De Igne, & connexis Proprietatibus.*

#### C A P U T I.

##### *De Calore, & inflammatione Corporum.*

*Materia ignis fluidum est quoddam universale, quod omnibus prope mutationibus corporum se miscet & pro motuum, quibus adfici potest, diversitate admodum diversos effectus edit; ut perdifficile sit, res tot, ac tantas vel indicare dumtaxat paucis verbis, necdum accurate exponere.*

#### §. LVIII.

Definitio. De calore, igne & luce cum differitur, communibus ideis sensuum, vitæque usu comparatis primo acquiescendum est. Quando igni culinari adpropinquamus, caloris, ignis, & lucis sensationem una acquirimus. At res istæ sæpe disiunctæ sunt. Est enim calor sine igne & luce, uti in fornace: ignis in phosphoris sine calore: lux electrica non modo a calore; sed etiam igne differt. Nam ignem fere nominamus, cum flamma præsto est, uti in accensis lignis, vel ardente lampade. Corpus quodcunque firmum seu fluidum in eo statu positum, ut facta in tactu seu fibrillis membranarum corporis nostri mutatione sensationem caloris excitet, *actu calidum* vocatur: *calorificum* est, quod eiusmodi statum in alio corpore valet producere. Nec tamen sensus nostri fideles caloris vel gradus eiusdem testes sunt.

#### §. LIX.

Observatio I. *De origine caloris.* Calor oritur quadruplici potissimum modo. Primo frictione, percussione & affricu corporis ad alia corpora. Patet in terebra, lima, terra celeriter reciprocata, metallis ad

incudem, vel inter se attritis, in axibus rotarum, funium celeri ductu per manum &c. calorem explo- si globi bellici, cum intra tempus perbreve a pulvere accenso magnopere incalescere non possit, ex attritu ad machinam, & aerem in quem celerrime incurrit, oriri putant. *Secundo* mixtione heterogeneorum se mutuo solventium cum fermentatione quadam uti fit in calce viva cum aqua simplici mixta. Similiter sænum frigidum in densos acervos congestum, ac valde maderfactum, calorem ac sæpe flammam concipit. Si limatura ferri cum pari sulfuris copia in pastam aqua subactam redigitur, terraque leviter tegitur, ea brevi tempore effervesceat, captaque flamma disploditur. *Tertio præsentia corporis alterius calidioris*; quo modo membra nostra ad ignem incalescunt. *Quarto ex radiis lucis in focum collectis*, qui si satis copiosi sunt, non modo calefaciunt corpora, sed perbrevi tempore durissima quæque metalla, & semimetalla fundunt, in calcem, & vitrum redigunt aliosque effectus edunt prorsus admirandos.

### §. LX.

Observatio II. *De communicatione caloris.* Quodvis corpus calorem, quem continet, cum aliis vicinis paulatim communicat, siue calor corporum semper æquilibrium adfectat; Si in loco spatioso, inquit Muschenbrækius in Elem, §. 793. plurima fuerint corpora, firma & fluida, veluti ferrum, plumbum, marmor, villus, lana, plumæ, cotoneum, lignum, suber, vinum, aqua, vitrioli oleum, mercurius, vel alia quæcunque; atque hæc aliquot horis sibi commissa sint: locus autem nec a sole, nec ab excitato igne, nec ab hominibus caleseat, adparebunt omnia hæc corpora ope mobilissimi thermometri æque calida. Sed tempore continuo paullo longiore opus est ad æquilibrium hoc inducendum; nec enim omnia corpora pari facilitate ignem dimittunt, nec recipiunt, uti ex sequentibus observationibus potest colligi.

### §. LXI.

## §. LXI.

Observatio III. *De Lege communicationis caloris.*  
 Spectari hoc loco debet tum *gradus* caloris, quem corpora ab alio calidiore recipiunt, tum etiam *tempus*, intra quod certum gradum acquirunt, vel acquilitum retinent. Ac *primo* corpora densiora plus caloris recipiunt & velut extrahunt ex alio corpore calidiore, quam rariora. Hinc ferrum candens citius frigescit in mercurio, quam aqua aut aere. Metallum magis incalescit a radiis solis, quam lignum eiusdem magnitudinis. Aqua frigidior videtur nostræ manui, quam aer, quamvis utrumque fluidum thermometri testimonio æque caleat; quod idem in marmore, ferro & ligno vel lana æque calidis & manu attactis, fieri solet. Corpora enim densiora plus caloris, recipiunt, & quodammodo extrahunt e manu. Si metalla, saxa, lapides, ligna, fluida vasis inclusa, posteaquam calefacta sunt, involvantur lanæ, plumis, pellibus animalium, pilis &c. diutissime calent: aliis corporibus denioribus constricta citius refrigerantur; quod etiam in aere contingit, etsi admodum rarus sit, ob alias atque alias aeris partes ad corpus calidum allabentes. Corpora igitur densiora *plus caloris* recipiunt ab aliis. *Secundo* Eadem *tardius* incalescunt, verum calorem diutius retinent, uti observatur in ferro, cupro, saxis: contra quo leviora sunt corpora, eo citius igne orbantur; hinc aer citius calorem perdit, quam alcohol, hoc citius aqua, hæc citius mercurio. *Tertio* Quo corpora eiusdem materiæ & soliditatis maiorem habent superficiem, eo citius, æqualiter calefacta & in eodem medio posita, calorem deponunt. Plus enim caloris, cuius eadem quantitas in singulis continetur in hac hypothesis, per maiorem superficiem exit, quam per minorem. Hæc lex usui est in construendis fornacibus; ita e. g. inter omnia parallelopipeda eiusdem soliditatis *minimam* omnium superficiem tenet cubus.

## §. LXII.

Observatio IV. *De effectibus caloris.* Præcipuus  
 1 3 ef.

effectus caloris est expansio corporum secundum omnem dimensionem. Ab eodem autem igne corporum diverforum expansio non est æqualis, nec fit intra idem tempus, nec expansio rationem inversam densitatum, neque inversam cohærentiæ, nec ullam rationem ex binis prioribus compositam sequitur, sed fit absque lege; vel certe ad legem adhuc revocari non potuit. Inter metalla citissime rarefit stannum, sequitur plumbum, tum argentum, aurichalcum, cuprum rubrum, tardissime ferrum. Inter fluida cognita vi ignis maxime ac citissime expanditur aer, ut, si in spatium quater millies maius rarefactus sit, adhuc conatum aliquem se expandendi exerat. Hæc expansio corporum, uti & gradus caloris, quem concipere possunt, certos limites in singulis habet, ad quos si pervenerint, nec expanduntur, nec incalescunt magis, sed si firma sunt, funduntur, vel in calcem, vitrum, aut cineres abeunt: si fluida, evaporant.

*Expansio corporum cohærentium examinatur pyrometro: fluidorum expansio per globum vitreum, cui tubulus eiusdem materiæ adnectitur, ut fit in thermometris. Siqua corpora præter generalem legem contrahi videntur calore, id adscribendum est discessui materiæ fluidæ potissimum aqueæ, qua avolante partes corporis vi mutua propius ad se accedunt; uti observatur in lignis arborum, fruticum, animalium ossibus, chordis ex intestinis eorundem factis, in membranis, ebore &c. Sunt alii præterea effectus caloris, ceu fusio, evaporatio liquidorum, exhalatio solidorum, incineratio &c. de quibus suo loco agemus.*

### §. LXIII.

**Propositio I.** *In quovis corpore actu calido inest motus intestinus, tumultuarius ac perturbatus tum materiæ cuiusdam subtilissimæ, tum plurimarum partium minimarum ipsius corporis. Probatum. Attritu, & frictione corporum excitatur tremor, & oscillatio partium eiusdem, & materia ignea ex aliis interstitiis eiicitur, in alia protruditur: maiores corporis moleculæ eius motu ac vi solvuntur in minores, aliasque agitant, & im-*  
pel-

pelluntur ab aliis, ut adeo soluta cohæfione corpora mollescant, aut fundantur, flammam concipiant, aliasque subeant mutationes ab intestino, ac tumultuario motu pendentes, qualis inprimis est expansio & rarefactio corporum calidorum, effervescencia, solutio, inflammatio; de qua nunc agendum.

## §. LXIV.

Propositio II. *Status ille corporum, in quo ardentia, inflammata vel accensa adpellantur, est species quædam fermentationis solutionem radicalem corporis & vehementissimum intestinum motum continens, quo sulfur phlogisticum cum partibus aqueis, salinis, ac terreis primo mixtum & agitatum in sua principia resolvitur, ac in vapores & halitus dissipatur.* Probatur ex ipsa analysi corporis accensi, & combusti, cuius exemplum commemoratum est §. LVI. Etsi autem flamma sit aggregatum ex diversis partibus heterogeneis corporis soluti; tamen id, ob quod corpora flammam concipere, seu accendi possunt, est sulfur eiusdem primigenium; eo enim detracto aut dissipato nihil inest in corporibus, quod inflammari possit. Si vegetantia a superficie ad medium ignita sint, nec tamen in cineres redigantur, obtinetur *carbo*, sive eiusmodi pars vegetabilium, ex qua vi prioris ignis ex duntaxat aqueæ, spiritus, salium, & olei partes, quæ minus involutæ sunt, magisque volatiles expelluntur relictis aliis eiusdem generis sed arctius, atque intimius constrictis. Si enim carbo de novo inflammetur, emittit fumum tenuem quidem, & halitus sulfureos, qui respiratione attracti in loco clauso, dum aerem reddunt parum elasticum, enecandis animalibus pares sunt; quod familiare est accenso sulfuri. Hoc paulatim resolutum ac dissipatum relinquuntur cineres, ac sales, qui nequaquam flammam concipiunt. Similiter in vegetabilibus putrefactione redactis in pulvem, in balsamis, gummatibus, quæ ex plantis nascuntur, in resinis, si inflammentur, flamma non nisi tenue oleum depascit, quo facto nihil reliquum est, quod porro flammam concipiat. Spiritus autem fermentatione producti ex vegetabilibus,

&amp;

& destillatione, ac rectificatione repetita purgati, atque ita versi in alcohol, flamma pura, & lucida sine fæce deflagrant. Igitur istuc oleum, seu phlogiston aut sulfur pyrimigenium est id, propter quod corpora inflammabilia sunt, & cuius solutione radicali in vapores & halitus corpora comburi, seu deflagrare dicuntur, quodque *pabulum ignis* adpellatur.

## §. LXV.

### EXPLICATIO PHŒNOMENORUM QUORUNDAM CALORIS ET IGNIS.

I. Diversitas graduum caloris ac temporis, quo corpora gradum quempiam acquirunt, aut retinent, sine dubio tum a diversitate molecularum, quibus constant, tum varia illarum compositione, magnitudine, duritie, mollitie, elasticitate pendet; quæ omnia parum adhuc explorata sunt, nec ad certas leges reducta.

II. Inde etiam diversitas mutationum oritur, quas corpora vi caloris, & ignis subeunt, quales sunt 1<sup>o</sup> *fusio* e. g. metallorum; quæ quidem adiectione tertii corporis sæpe iuvatur; sic omnes terræ, quæ per se ab igne terrestri vehementissimo ne fundi quidem possunt, ope salinum alcalinorum in fluidum vitrum vertuntur. 2. *candefactio* corporum, seu status, in quo ignis non modo sub ratione caloris, verum etiam luminis, sine flamma tamen & sensibili partium propriarum dissipatione sensus adficit. Triplex fere illius est gradus: primo si corpus in igne colorem subobscurum induit: secundo si rubrum, & magis splendentem: tertio si subalbicantem exhibet. Candefactio in quibusdam metallis nunc prior est fusione, nunc posterior. Ferrum primo candet: postea funditur: plumbum prius funditur, quam splendescat, ac tunc maximam ignis copiam, non cum funditur, sed posteaquam ad splendorem reductum est, continet. Metalla omnia postquam in fluorem redacta maximam ignis copiam in se receperunt, licet diutissime igniantur, non plus caloris vel ignis capiunt, sed partim in auras avolant, partim vertuntur in cineres, hi in vitrum. 3. *Incineratio*.

*tio.* Quando partes corporis accensi dissipatis volatilibus, rediguntur in cineres, quorum elixatione, & lixivii inspissatione, obtinentur sales fixi. 4. *Combustio*, si partes in fumum & fuliginem resolvuntur. Utroque hoc casu habetur inflammatio perfecta; nam 5. imperfecta, quæ *ustio* dicitur, fit, si solum pars sulfuris phlogistici, quod corpori inest, comburitur, alia parte relicta incombusta, uti in carbonibus & sudibus præustis contingit. 6. *Deflagratio*. si omni exusto sulfure, acidissimata parte corporis volatili reliqua eius miscibilia separata, & pura obtinentur. 7. *Calcinatio*, si exusto sulfure relinquitur materia nullo iam ordinario igne fusibilis, sed friabilis solum, & facile in pulverem convertenda. Aiunt, ex calcinatione augeri nonnunquam pondus corporum, ipsumque adeo ignem *sensibiliter* gravem esse. De igne ut vocant, *usuali*, sive heterogeneis partibus terreis, salinis &c. misto facile id sibi quivis persuaserit. At si calcinatio sit ope radiorum solarium in valis clausis, pondus, si quod materię calcinatę accrescit, haud sane subtilissimę ac purę luci tribui potest, sed vel ex vitro, vel materia inflammabili mixtaque, unde unde velis, accedit. Puto, experimentis in hoc genere captis nondum fidentum esse. 8. *Detonatio*, quæ est repentina corporis incensi displotio, qualis sæpe ardentibus iam lignis exoritur. 9. *Fulminatio*, si ipsa inflammatio coniungitur cum ingenti crepitu, ceu in pulvere fulminante, qui una parte nitri, duabus salis tartari, & tribus florum sulfuris trititando probe commixtis paratur. 10. *Decrepitatio*, si accensio cum minore strepitu coniungitur, qualis percipitur sale ad ignem adperso. 11. *Fulguratio*, si corpore inflammato repentinum & intensum fulgur existit. Horum ratio maxime petenda est ex vi naturali repulsiva, quæ in omni inflammatione se exerit, tum ex diversa vi cohælionis respectiva salium ad sulfur potius, quam partes metallicas, denique ex harum fixitate, & volatilitate sulfuris phlogistici. 12. *Ebullitio*, seu coctio fluidorum. Si aqua in phiala vitrea ignitis carbonibus imponitur, primo interior phialę facies, ac maxime fundus plurimis bullis aeris tegitur, quæ aucto calore aquę incrementales ad sum-

nam eius superficiem demum emergunt, ac diffiliunt. Dein a fundo vasis subtilissimus aquæ vapor ascendit, per totam fluidi massam diffusus eius diaphaneitatem minuit. Postea aucto identidem calore minutissimæ bullulæ e fundo ad supremam superficiem eluctantur, & paullo post aqua elevatur ebullitionis motu, & grandiores exhibet bullas in superficie diffilientes. Continuato aliquamdiu motu ebullitionis, nec calor aquæ, nec expansio crescit, sed tota massa paulatim solvitur in vapores. Similia prope fiunt in aliis liquidis igni impositis, ubi intestinus ac perturbatus motus in oculos incurrit, & iam ante ebullitionem manifestus fit ex agitatione tenuium pulverum coloratorum aquæ iniectorum. Si ebullitio fit loco obscuro, videntur quasi integri flammæ torrentes per fundum ingressi totam aquam pervadere, & sursum emergere ex superficie.

III. Solutio radicalis corporum accensorum, & celeres, vehementesque dislosiones sine viribus internis ac specialibus concipi non possunt. Etsi enim motu intestino, compressione ac dilatatione partium elasticarum aliarumque in alias incurfu magnæ commotiones & mutationes effici debeant; tamen ex solo mechanismo non intelligitur, quomodo ignis tanta copia & vi concentrari, & aer ita comprimi potuerit inter partes corporum, ut dein tam enormi impetu erumpant, partesque disiiciant. In quibusdam corporibus, etsi repulsionem quædam in fermentatione fiant, tamen nulla observatur motus vehementia: in aliis violentæ fiunt mutationes, dislosiones, effervescentiæ, ita ut vires attrahentes non gradatim, sed momento in repellentes abiisse videantur. Dein corporum inflammatio, ac solutio radicalis, si apta materia præsto sit, celerrime progreditur, uti fit incendio ex scintilla exorto, si enim in paucis particulis fermentatio inducta est, eæ amisso situ, & æquilibrio virium alias atque alias concitabunt, altiorumque ordinum moleculas plurimas dissolvent pro varia corporum constitutione in alias minores particulas aut maiores, quæ specie fumi, vaporum, aut lucis eiiciuntur, ut adeo mutationes calore & igne productæ non soli causæ externæ, sed vel



maxime ipsis viribus internis corporis accensi, vel calefacti adscribendæ sint. Materiam oleosam, ac sulfuream in omnibus corporibus, quæ inflammari possunt, contineri reipsa, resolutio eorum corporum ostendit. In regno minerali habetur sulfur vulgare, succinum, oleum petrae &c. in vegetabili olea destillata, & expressa, balsama, resinæ &c. in animali butyrum, lac, adeps &c. fieri autem potest, ut principium sulfureum in non nullis corporibus admodum fixis reipsa insit, sed aliis particulis non sulfureis, & paulo crassioribus ita constringatur, ut ordinaria vi ignis satis dissolvi non possit, nec corpora inflammabilia efficiat. Hoc modo telæ & chartæ ex asbesto confectæ comburi nequeunt; & metalla inter corpora inflammabilia ac sulfurea non censentur, etsi sulfure non careant; eo enim combusto in igne vehementi abeunt in calcem: addita huic calci materia inflammabili, ceu sebo, adipe, oleo &c. rursus in metalli formam redeunt.

IV. In flamma corporum ardentium multa distinguit, & consideratione digna iudicat acutus philosophus, quæ a rudibus præteriri solent; uti sunt *primo* diversa crassities & magnitudo partium solutarum; aliæ enim crassiores specie fumi avolant, qui collectus sub forma fuliginis, novoque igne solutus ac magis attenuatus eundem denuo alere potest. *Secundo* atmosphæra aqueis vaporibus maxime constans, & flammam ambiens, quæ tum maxime adparet, si binæ flammæ candelarum iunguntur. *Tertio* motus sursum, qui tum a vi repulsiva partium, tum ab aere oritur, in quo flamma veluti natare videtur. *Quarto* figura conica flammæ, quæ ex quovis puncto laterali copiosas partes expellit, ut eo pauciores supersint, quo altius flamma ascendit: si ope annuli, vel tubuli, per quem flamma transit, partium lateraliū dissipationem impedimus, maior copia sursum ascendit, longioremque flammam facit. *Quinto* aeris ambientis vis, qua flamma coercetur, quæque in vacuo Boyliano cito dissipatur, ita ut fumus recta primo ascendens deorsum tendat.

V. Maxime considerata hic est structura, & usus thermometri seu thermoscopii, quod est instrumentum

tum caloris & frigoris gradui mensurando adcommo-  
 tum. Eius genera varia sunt excogitata: omnia con-  
 stabant tubulo vitreo adnexa sphaera vel ampulla am-  
 pliore; hæc una cum tubulo ad certam altitudinem im-  
 plebatur fluido quodam, ceu oleo, spiritu vini, mercu-  
 rio, cuius expansione calor, contractione frigus nota-  
 tur: utriusque gradum adiecta scala indicat. De hoc  
 instrumento eruditæ dissertationes complures prodire  
 hac ætate, ex quibus nonnulla adnotabimus hoc loco,  
 quæ ad institutum nostrum maxime serviunt. I. Quo-  
 niam diversi liquores ab eodem calore inæqualiter ex-  
 panduntur, idemque liquor in tubulo angustiore altius  
 ascendit, quam in ampliore; idcirco observationes per  
 diversa thermometra in diversis locis factæ nunquam  
 inter se comparari poterant. Quare opera data est a vi-  
 ris doctis, ac sollertibus, ut *thermometron universale*  
 construeretur, cuius ope variationes caloris & frigoris  
 diversis thermometris, diversis etiam locis ac tempori-  
 bus observatæ inter se comparari, & ad unam veluti  
 mensuram reduci queant. Eiusmodi thermometra maxi-  
 ma diligentia construit celeberrimus Mechanicus Au-  
 gustanus GEORGIUS FRIDERICUS BRANDERUS de re  
 omni physica & astronomica optime meritis, addita eo-  
 rum descriptione adcurata. Utitur spiritu vini, quo pul-  
 vis pyrius accendi queat, quique proin a partibus aqueis  
 satis purgatus est, & ob æquabilem expansionem determi-  
 nandis gradibus caloris maxime servit. Captis pluribus  
 experimentis constat, eiusmodi spiritum nec congela-  
 tionis periculum subire in nostris regionibus, ac præte-  
 rea gradum aquæ ad ebullitionem calentis sustinere.  
 Suprema tubuli pars hermetice clauditur relicto aere  
 copioso, eiusque densitatis, ut mercurium in tubo Tor-  
 ricelliano ad 27 poll. & 9 lin. elevare possit. Magni-  
 tudo ac cavitas sphaeræ ac tubuli diligentissime exami-  
 natur in hoc genere thermometrorum, ut in singulis  
 æquales sint, vel certam inter se proportionem servant.  
 Quia puncto quodam fixo opus est, a quo initium nu-  
 merandi gradus caloris sursum, & gradus frigoris deorsum  
 sumi queat. opera data est, ut eiusmodi punctum *constans* re-  
 periretur. In cella subterranea observatorii Parisiensis, cuius  
 pro-

profunditas est 84 pedum, in muri cavitate quadam thermometron eundem constanter statum retinere observatum est; qui status mediocritatem quandam inter calorem & frigus indicat, & in aliis quoque profundis fossis est deprehensus. Hoc igitur puncto assumpto spatium inter id & punctum ebullitionis aquæ quod pariter satis constans ubique reperitur, in 100 partes æquales ( siquidem eadem sit amplitudo tubuli per totam eius longitudinem ) dividitur: uti & spatium inferius ab illo puncto fixo usque ad sphaeram in partes seu gradus æquales solet dividi. Ex utroque tabulæ latere adiectæ sunt scalæ, quarum ope observationes per octo diversa genera maxime celebria thermometrorum institutæ comparari, & ad mensuram thermometri huius universalis redigi possunt. ut si e.g. aqua ebulliens in thermometro Fahrenheitiano notet 214 gradus, his in thermometro universalis respondeant gradus 100. Siquis calorem olei ebullientis explorare vellet, sine dubio adhibendum est thermometrum ex mercurio confectum, eoquod spiritus vini citius ebullit, quam ut calorem olei intensum ferat. Usus thermometri multiplex est; præcipue statui atmosphæræ explorando servit. Halesius multas observationes de calore ad incrementum plantarum necessario, tum etiam de calore, quo sanguis animalium adficatur instituit. observationes Botanicas perutiles etiam BRANDERUS in dissertatione cit. commemorat.

VL *Æoli pila* vulgaris est vasculum ære fufum, aut cralliore cupro elaboratum, cui inseritur canalis prope ad fundum pertingens, atque in os angustum desinens. Imposita carbonibus pila dum incalcescit, ære interno rarefacto, si os tubuli immergitur aquæ, aut spiritui vini, aquam haurit, seu potius aqua aut spiritus vini ob maiorem aeris externi pressionem per os tubuli intruditur sat magna copia. Si dein vasculum dimidiam circiter partem liquore repletum carbonibus iterum imponitur, liquor in tenuissimos vapores rarefactus magno sibilo erumpit. Hic vapor prope instrumentum calorem continet digitis vix tolerabilem, quoniam ibi particulæ valde accumulatae sunt; quo longius vero ab orificio recesseris, eo magis calor remittitur; expelluntur autem hi vapores ab ære incluso valde elastico,

cuius pars simul erumpens ventulum quendam efficit. Si vapores aquæ excipiuntur charta, aut phiala non nisi aquam ordinariam referunt. Si autem spiritui vini camphorato in vapores soluto admovetur flamma, ventus inde oritur igneus cum strepitu. Si aquis odoratis impletur vasculum, totum conclave gratum odorem haurit; quod indicio est, vapores ita emissos pristinam naturam non penitus mutare. Sacrificuli Ægyptiorum (ut KIRCHERUS narrat Tom. 2. Class. 8. c. 3. §. 2.) simili instrumento statuæ Æoli admoto ventos præfigiebant nautis, & pro libidine prosperos, vel adversos nunciarunt. Hinc Æoli pila dicta est. Idem cava sphaera & tubulis per ordinem dispositis usi sunt, ut statua Cybeles guttulas, ceu nectar divinum stillaret, & altaria multo rore conspergeret.

## C A P U T II.

### De Proprietatibus Lucis.

*D*uæ sunt de natura lucis controversæ sententiæ: aut enim ea in effluviis sita est, quæ ex corpore lucente instar tenuissimi vaporis summa velocitate emissa in organum visus incidunt, & sensationem lucis & caloris excitant: aut habetur per vibrationes materiæ elasticæ quaquaversus diffusæ & a corpore lucente ad motum oscillatorium concitata. Alterutram ex binis hisce sententiis veram esse, dubitari vix potest. Quæ enim a veteribus Peripateticis de qualitate, & a Curtesio de conatu materiæ duræ ac globulosæ recedendi a centro fuere consilia, ea instar aliarum hypotheseum sine honore iacent hac ætate. Porro ut de natura lucis ferri sententia quædam possit, eius proprietates antea spectanda sunt.

### §. LXVI.

Definitio. Lux est id, per quod corpora a nobis remota visibilia fiunt. Quænam sit illa sensatio, quæ a nobis sensatio visus, lucis, coloris dicitur, percipi potest sensu; homini cæco explicari non potest; cum lucis idea simplex sit. Spatium, per quod corpus remotum

tum conspici potest, vocatur *medium*, idque *liberum*, si nihil propemodum materię in eo sit: si sit ibi materia quaedam, erit medium *resistens*; quia ex generali inductione omni materię inest vis inertię, qua motui corporum resistit. Corpus adpellatur *lucidum*, si alterius pręsentia non eget, ut visibile sit, sive ex quo ipso immediate lux emanat; *illuminatum*, quod, ut visibile fiat, exigit pręsentiam alterius corporis lucidi. Prioris generis corpora sunt stellę fixę, in quarum numero est sol: tum flamma quęvis corporis ardentis: posterioris generis sunt planetę, qui non nisi luce solari visibiles fiunt. Lux cum in corpore lucido est, nuncupatur *primitiva*: quatenus est in medio, per quod diffunditur, *derivativa*. Si lux in effluvio substantiali, id est, ex substantia corporis lucidi erumpente sita est, vix opus est hac distinctione.

## §. LXVII.

Propositio I. *Lux ex quovis puncto conspicuo corporis lucidi vel illuminati, veluti ex centro per radios divergentes quaquaversus propagatur.* Nam alias id punctum in aliqua parte spatii, quam superficies corporis visibilis respicit, non esset conspicuum; quod est contra hypothesin. Idcirco quodvis punctum conspicuum corporis visibilis vocatur *punctum radians*.

## §. LXVIII.

Propositio II. *Propagatio lucis, seu singulorum eius radiorum fit per lineas rectas, si ab obstaculo quodam extraneo non detorqueantur a via recta.* Si enim ex puncto radiante ad oculum duci potest linea recta nullo interposito obice, id punctum conspicuum est: at inter punctum radians, & oculum opaco interposito corpore, umbra post huius tergum proicitur, quę radiis corporis opaci margines perstringentibus terminatur; quia iidem ex puncto radiante veluti ex centro egressi recta progrediuntur, nec inflectuntur post tergum corporis. Hinc planetarum oriuntur umbrę ab illorum parte aversa a sole; uti est umbra Jovis, in quam si in-

incurrat satellitum quidam, eripitur nostris oculis, & eclipsin pati dicitur, quia opposito corpore Jovis radli satellitis ad oculum nostrum recta pervenire nequeunt. Eiusmodi ingressus satellitis in umbram vocatur, *immersio*, egressus vero *emergio*.

## §. LXIX.

Propositio III. *Lux a corporibus quibusvis e. g. stellis fixis, planetis &c. ad nos pertingens propagatur successive.* Tardius enim ad nos venit, si viam longiorem: celerius, si breviorē conficere debet. Sit (Fig. XI. Tab. I.) C M O N orbita terræ; in S sol: arcus L Q pars orbitæ Jovis: A B orbita satellitis. Terra existente in O, Jupiter erit in oppositione cum sole, ac lumen a satellite ad terram reflexum percurrat viam A O: Si autem terra existat circa C, Jupiter erit in conjunctione cum sole, ac lumen satellitis emetiri debebit viam A C, donec ad nos pertingat. Tempus, quod intercedit ab una eclipsi satellitis intimi ad alteram, dum Jupiter so-

d h. , " ,  
li fere opponitur, est 1. 18. 28. 36, sive  $42\frac{1}{2}$  hor. circiter. Si igitur lumen, dum a satellite ad terram descendit, nullum impenderet tempus, tunc singulis  $42\frac{1}{2}$  horis conspiceretur eclipsis. At constat repetitis, ac certis observationibus, eclipses tardius contingere, cum Jupiter conjunctioni vicinus est, ac terra circa C existit, quam dum Jupiter est in oppositione, ac tellure circa O existente lux a satellite reflexa minorem viam conficere debet.

Huic invento de successiva luminis propagatione non pauca primo opponebantur. Sed qui eadem adversabantur, tum ipsi postea facti sunt, in calumnias suas, quibus contrarium evincere conabantur, aliquid erroris irrepisse, tum aliarum observationum evidentia sunt convicti, ut nemini iam oppositi suspicio veniat. Hinc Cassini: „ Certum „ est, inquit, observationibus satellitum Jovis suffragan- „ tibus, lumen, quo nobis obiecta redduntur, visibilia, „ indigere tempore admodum sensibili, quo ab obiecto „ ad oculum perveniat, dum obiectum valde magnam ha-  
bet

„bet distantiam, e.g. radius a sole emissus ad terram non pertingit, nisi tempore octo minutis maiore elapso. „ Eadem successiva propagatio lucis ex refractione eiusdem & infractione ab non nullis colligitur in hunc modum: Si lux prope acies tenuissimas corporum transit, aliquantulum inflectitur: si ab uno medio datae densitatis transit in aliud medium densitatis diversae, priorem directionem mutat; igitur adesse debet vis quaedam directionem mutans. Haec vis, undecunque proveniat, ut effectum sensibilem edat, tempore finito indiget, quia tempore infinite parvo non nisi effectus itidem infinite parvus respondet. Qui vis haud ægre perspiciet, hoc probationis genus niti hypothesi, vires directionem aut celeritatem lucis mutantes sequi legem continuitatis; quæ hypothesi nescio an universe cum natura consentiat. Cæterum hac propositione evertitur opinio Cartesii, quæ materia lucis a corpore lucente pressa momento temporis percipi debeat.

## §. LXX.

Propositio IV. *Lux propagatur celeritate prorsus ingenti & admiranda.* Nam intra 8 circiter minuta aut semiquadrantem horæ a sole ad terram pertingit, ac facile 22000 Semidiametros terrestres conficit, ac proinde intra 1' semidiametros 2750, & intra 1'' circiter 46 Semid. cumque uni semidiametro terræ respondeant pedes 19615782, lux intra minutum secundum percurrit pedes 902325972. Quoniam globus tormento excussus intra id tempus conficit 600 pedes, exit celeritas lucis ad celeritatem eiusmodi globi, ut 1503876 ad 1 circiter.

## §. LXXI.

Propositio V. *Lux propagatur motu æquabili.* Nam lux solis a satellite Jovis intimo reflexa diametrum orbis annui fere intra quadrantem percurrit, & ex aberratione luminis a BRADLEIO detecta, ac instituto calculo lux egressa e stellis fixis idem spatium intra illud tempus conficit: unde legitime concluditur, motum luminis esse æquabilem. Si enim motu sive accelerato,

K

fi-

sive retardato ferretur, consequeretur, ut celeritas lucis ex distantis adeo diversis egressæ plurimum differret: quo posio non posset idem spatium tempore ad sensum æquali confici.

*Falso non nulli asserunt, lumen eodem tempore a sole, & stellis fixis propagari; hoc enim posito cum distantia stellarum diversæ sint, celeritas luminis a quavis stella emissi proportionalis foret distantia; igitur non eadem in omnibus esset ratio celeritatis luminis ad celeritatem telluris in sua orbita; contra ac ratio aberrationis poscit.*

## §. LXXII.

*Propositio VI. Intensitas luminis a puncto radiante per medium homogeneum recedentis decrescit in ratione reciproca duplicata distantiarum ab eodem puncto. Lumen enim ex Prop. I. §. LXVII. radiat sphærice; igitur in dato spatio tanto minor erit copia radiorum, & consequenter minor intensio luminis, quo maior est superficies circularis, quam illustrat, sunt autem superficies circulares ut quadrata radiorum, seu distantiarum a puncto radiante tanquam centro. Consentit experientia. Si enim ab ardente candela eousque recedas, ut characteres libri adhuc discerni ac legi possint; ac dein mensurato hoc intervallo ad duplam distantiam digrediaris, quatuor candelis æqualis crassitudiei opus erit, ut eosdem characteres discernas, ac legas; erit itaque in dupla distantia intensio luminis quadruplo minor.*

*Propositio supponit, motum singularum lucis particularum esse æquabilem; secus fieri non potest, ut totidem particulae seu radii in superficiem remotiorem incidant, quot antea in propinquiorem inciderunt. Præterea requiritur, ut medium satis homogeneum sit saltem in parvis spatiis; secus imperfecta diaphaneitas notabile discrimen inducet. De hac luminis proprietate infra redibit sermo in principiis opticae.*

## §. LXXIII.

*Propositio VII. Radii luminis quam subtilissimi sunt, adeo, ut eorum tenuitas comprehendi, & satis explicari non*



*non possit.* Etsi enim summa celeritate incurrant in corpora maxime mobilia; tamen nullum sensibilem motum incursum suum in illis progignunt; cum ergo vires corporis incurrentis sint ut celeritas & massa coniunctim, sequitur, ut celeritate velut in immensum aucta e contrario massa velut infra omnes limites, qui concipi possunt, minuatur; secus profecto vis corporis incurrentis sensibilem effectum ederet. Certe lumen etsi prorsus ingenti & admiranda celeritate in tenue gramen, pilum subtilissimum, aut filum aranei incurrat, tamen nullum iis sensibilem motum imprimit: si minima arenula ad pilum ea celeritate accederet, qua intra 1" unum pedem percurreret, in eo existeret aliquis motus; cum ergo lucis particula quævis multo maiore celeritate polleat, nullumque motum producat, etsi multa particularum millia simul incurrant, incredibilem subtilitatem habeat, necesse est. Ponatur lux intra 1" duntaxat 9000000000 pedes conficere, sitque massula particulæ luminis milliones minor grano, erit eius vis seu quantitas motus ut massa  $M = \frac{1}{1000000000}$  ducta in celeritatem, seu  $= 900$ ; hoc est, eandem vim exereret, ac granum ea celeritate motum, qua intra 1" conficiat 900 pedes; hæc autem vis admodum sensibilis esset, ac organum visus penitus destrueret. Coniunge igitur hæc tria, summam celeritatem luminis, impotentiam gignendi motum in corporibus maxime mobilibus, & denique subtilitatem organi visus, uti id in minimis animalculis existit; & intelliges quadam ratione, quid hac propositione asseram. Insectum, quod BACKERUS capillare vocat, & in aqua putrida reperitur, tam exile est, ut pollex quadratus billionem integrum eorum caperet; cumque longitudo huius animalculi plerumque sit centies quinquagies maior eius crassitie, hæc tam parva reperitur, ut nec millionesimam unius lineæ partem exæquet. Si vero tanta est huius corpusculi parvitas, quanta erit tum exilitas, tum subtilitas organi visus? quanta lucis subtilitas in organum incurrentis sine læsione? Nec vero hoc minimum est, quod in natura extat animalculum; inveniuntur alia velut in immensum eo minora, quorum plura illud instar cibi deglutit

cum non modica respectu sui corpusculi aquæ quantitate.

### §. LXXIV.

Propositio VIII. *Lux ab uno medio in aliud diversæ densitatis transiens fere refringi solet*, uti cum ex aere in vitrum &c. transit. Hæc proprietas innumeris experimentis & observationibus cognita est, nec antiquis Philosophis penitus erat ignota, cum in causiam adparentis curvedinis remi aquæ immersi parte quadam, indagarunt. Vulgo ostenditur refractionis hoc modo: In plano admodum lævigato, quale est tabula e metallo polito, aut ligno durissimo, describatur circulus  $ARQSP$  (F. XII. T. I.) ductis diametris  $RS$ ,  $PQ$  normaliter se interfecantibus agatur recta  $AB$  parallela ad  $RS$  & normalis ad  $PC$ . In lineis  $DB$ ,  $CS$  capiuntur partes  $DH$ , &  $CI$ , quæ  $\frac{3}{4}$  lineæ  $DB$  æquent. Per  $H$ , &  $I$  ducatur recta  $HE$ , quæ circumferentiam circuli secet in  $E$ . Ex hoc puncto demittatur perpendicularis  $EF = HD = \frac{3}{4} DB$ . Desigatur dein stilus in puncto  $E$ , & tabula usque ad  $RS$  immergatur aquæ. Oculo in puncto  $A$  adplicato punctum  $E$ , sive apex stili in  $E$  applicati in recta  $AC$  producta existere videbitur; quia radius ex puncto  $E$  directione  $EC$  egressus non pergit priore directione  $CG$ , sed dum ex aqua in aerem transit, in  $C$  refringitur a perpendicularo  $PC$ , & viam  $CA$  tenet, estque in hoc casu sinus anguli inclinationis  $EF$  ad sinum anguli refracti  $DA = DB$ , ut 3 ad 4. Hæc lucis refractionis distantiam siderum ab horizonte maxime mutat (Mech. CCCI) Eadem populis prope polum habitantibus, ubi illa ob densitatem atmosphæræ valde notabilis est, percommoda accidit; cum dies multo longiores efficiat, quam spectata locorum positione esse deberent.

*Notiones ad motum refractum pertinentes exposui in Mechanica §. LXXX. Ubi §. sequente lex refractionis facile ad exponenda phænomena lucis transferri potest admissis viribus internis corporum in lucem agentium. Si enim vis attractiva novi medii celeritatem perpendicularem ad superficiem eiusdem augeat, fiet refractionis ad*  
per-

*perpendicularum, vel si attractio prioris medii eandem minuat, dum lux in aliud medium minus attrahens egreditur, continget refractio a perpendicularo. Pro diversa autem corporum textura, viriumque specialium compositione non potest non fieri, ut anomalix in refractione lucis existant: magisque laboraremus in theoria Newtoniana tuenda, si lege constanti & generali refringeretur lux, quam dum inæqualitates in ea reprehendimus. Porro quacunque directione & sub quocunque angulo incidat radius, semper tamen per totum illud spatium, ad quod vis novi medii se extendit, transire debet; atque idcirco eadem semper & constans celeritatis perpendicularis mutatio continget; modo ea non penitus extinguatur per vires novi medii; quo casu reflexio contingeret. Nec tamen inficior, rationem multorum refractionis phænomenorum adhuc ignotam esse, vel parum explicatam, ut non nisi generatim respondere possimus, virium specialium compositione multa effici posse, ac debere, quæ distincte exponi a nemine valeant.*

## §. LXXV.

*Propositio IX. Si radius luminis in superficiem politam speculi incidit, constante experientia teste ita reflectitur, ut angulus reflexionis sit æqualis angulo incidentiæ; ac præterea radius incidens & reflexus in eodem sit plano ad superficiem speculi normali, in quo plano est perpendicularum. Ratio huius reflexionis explicata est in Mechanica §. LXXVIII. Hanc autem lucis reflexionem non fieri in ipsa superficie speculi reflectentis, sed in aliqua ab ea distantia, NEWTONUS asseruit sequentibus argumentis: primo dum lux e vitro in aerem transit, eadem illius copia reflectitur, ac, dum ex aere transit in vitrum; item maior lucis copia reflectitur, dum ea ex vitro in aerem transit, quam si ex vitro in aquam incideret. Quis vero sibi persuadeat, aerem, fluidum rarissimum, plures habere moleculas solidas, in quas impactum lumen resiliat, quam vitrum aut aqua, quæ sunt corpora multo deniora. Secundo Si lux e vitro in aerem transit sub angulo, cuius obliquitas 40 gradibus maior est, tota reflecti-*

tur : si minor sit eius anguli obliquitas , magna lucis pars per aerem transmittitur ; An vero lux sub alia atque alia directione in aerem incidens plures , paucioresve solidas particulas invenit , a quibus reflectatur ? *Tertio*. Si summa lucis subtilitas ac tenuitas expenditur , facile intelligitur , admissio immediato incurfu in superficiem corporum specularium , regularem lucis reflexionem haberi nullatenus posse ; utcumque enim polita & lævigata sint ea corpora , tamen asperitates , sulcos , fossasque habent plurimas , quæ relate ad crassos sensus nostros exiguæ adpellantur , respectu subtilissimi luminis autem admodum ingentes sunt , ut proinde illud tam parum reflecti certa lege possit , quam siquis minutissimas arenas versus acervum lapidum temere congestorum proiciat. Positis autem viribus specialibus corporum , quarum actio ad aliquam a superficie eorundem distantiam pertingat , concipi demum potest , talem esse illarum compositionem , ut linea intervallum actionum , quas singulæ moleculæ exerunt , terminans a recta non multum desleat ; corpus autem perfecte speculari , sive quod omnes plane radios in se incidentes regulariter & præfixa lege reflectat , nullum extat in natura , cum experientia teste semper aliqua radorum portio dispergatur ,

*Reflexio lucis in novum medium incidentis non fit nisi velocitas eius perpendicularis ad superficiem novi medii extinguatur , novaque pariter perpendicularis producatur directione priori opposita ; uti ex theoria motus reflexi perspicuum est. Si celeritas perpendicularis minuitur quidem , non autem ante extinguitur , quam radius ipsum medium ingrediatur , habebitur duntaxat refraçtio a perpendiculo , aut intra superficiem novi medii fiet reflexio , si ibi vis perpendicularis extinguatur. Hæc celeritatis perpendicularis extinctio ( præsertim cum regularis reflexio fiat in aliqua distantia a superficie reflectente ) adscribenda est viribus specialibus corporum tum repulsivis , quod capto facile est , tum aliquando etiam attractivis ; Si enim radius ( F. XIII. T. I. ) AC ad latus ST prismatis directione fere normali , ad latus vero SV admodum obliqua incidat , indeque in aerem tran-*

transire debeat, fieri potest, ut vitri attractione celeritas perpendicularis, quæ in obliqua incidentia respectu celeritatis parallelæ exigua est, extinguatur, novaque producat in partem oppositam; id quod reipsa contingit; radius enim *AC* absque sensibili refractione ex *C* versus *D* reflectitur, ita, ut oculus in *E* collocatus lucem illam velut ex speculo reflexam percipiat, nec objecta infra *SV* intermedio aere posita conspiciat, nisi spatium infra *C* tegatur aqua, aut alio liquore. Ex his intelligitur, cur refractione aliquando in reflexionem mutetur, & cur radii, qui præ cæteris sunt magis refrangibiles, itidem sint magis reflexibiles.

## §. LXXVI.

Propositio X. Quilibet albus lucis radius componitur ex innumeris aliis, diversam, eamque constantem & immutabilem refrangibilitatem habentibus. Sit (F. XIV. T. I.) *ABC* prisma vitreum triangulare, in quod per foramen rotandum cubiculi tenebricosi tertiam circiter digiti partem latum immittatur radius lucis solaris *SO*, ita, ut in transitu *OT* per vitrum sit lateri *AB* parallelus. Lumen refractum *VR* excipiat charta alba ad perpendicularum objecta in distantia  $18\frac{1}{2}$  pedum. Apparebit in ea imago colorata, cuius una extremitas *R* rubrum, altera *V* violaceum colorem exhibebit. Inter hos extremos colores interiecti sunt alii hoc ordine, post rubrum aurantius, tum flavus, viridis, cæruleus, indicus seu purpureus, denique violaceus, quam colorum seriem vox *Rafuciu* ex literis initialibus conflata exprimit. Tota imago (quæ *spectrum prismaticum* vocari solet) oblonga est, non tamen ovalis, sed duabus rectis inter se parallelis lineis ex utroque latere, in extremitatibus vero *R* & *V* duobus semicirculis terminata. Hæc radiorum separatio, & divaricatio in longum oritur a diversa eorum refrangibilitate. Stamina enim, quæ maxime sunt refrangibilia in ingressu prismatis ad perpendicularum *PO* proxime accedunt; in egressu autem a perpendicularo *TQ* maxime recedunt; hinc supremum spectri locum occupant; quæ vero minime refringi se patiuntur, locum infimum

tenent. Igitur maxime refrangibiles censendi sunt violacei, minime refrangibiles rubri: Est autem rubeus color vivacissimus, violaceus præ cæteris debilis. Inter extremos alii loco, & gradu refrangibilitatis medii sunt: singulis autem refrangibilitas est immutabilis, atque in ipsa eorum natura quodammodo fundata; per quotcunque enim prismata radius homogeneus transmittatur, colorem & naturam deinceps non mutat. Si ope plurium prismatum duo diverſi colores permiscantur, ceu flavus, & cœruleus, obtinebitur quidam color mixtus viridis, sed qui ope alterius prismatis iterum in pristinos resolvitur. At color viridis homogeneus, & eiusdem gradus, qui habetur ex perfecta separatione eiusdem ab aliis heterogeneis radiis, nunquam dein in alios duos dividi potest. De hoc spectro præterea observandum est: *primo* illud ex innumeris imaginibus solis circularibus componi, quarum centra sunt infinite propinqua, & in eadem recta sita. Hinc utraque extremitas R & V arcu circuli terminatur, & quoniam ob centrorum viciniam, anguli, quos circuli se interfecantes efficiunt, evanescunt, latera erunt rectilinea, & ob æquales omnium circulorum diametros parallela. *Secundo* Termini laterales satis distincti sunt: iidem vero in extremitate utraque magis confusi, lumine scilicet paulatim ibi deficiente, & quodammodo evanescente. *Tertio*. Quod septem præcise distinctos colores exhibeat spectrum, ita concipiendum est, ut radius albus lucis innumeris staminibus diverso colore præditis reipsa distrahatur, sed in quibus discrimen coloris ob organi visus imperfectionem non ante animadvertimus, quam illud magis notabile fiat.

## §. LXXVII.

Propositio XI. *Radii lucis, dum prope tenues corporum opacorum acies transeunt, distrahuntur in simbras vario colore imbutas.* Distincte id observatur, si quis radius per exiguam aperturam in cameram obscuram immittitur, & prope cuspides, vel inter binas lamellas metallicas transeat, quarum acies admodum vicinæ sunt. Hæc lucis proprietas a GRIMALDO primum dete-

testa, & a Newtono pluribus experimentis illustrata, *diffraſtio lucis* vocari ſolet.

*Eſt alia præter memoratas lucis proprietas a Newtono accuratiſſimis obſervationibus & experimentis detecta, & Veteribus prorsus incognita; quam tum exponemus, cum de nativis corporum coloribus erit agendum, ad quos explicandos plurimum momenti habet.*

## CAPUT III.

### Obſervattiones de Phosphoris.

*Ad luminis naturam inveſtigandam peridoneæ ſunt obſervationes de phosphoris a Cl. Beccaria, aliſque inſtitutæ, quæ in aliſ Bononiensibus extant. Ex his, quæ ad propoſitum noſtrum maxime ſervierint, commemorabimus.*

#### §. LXXVIII.

**Definitio.** Phosphori cenſentur corpora, quæ ſine inflammatione, aut igne concentrato lucent. *Naturales* ſunt, quæ vim lucendi ab ipſa ſua natura habent: *artificiales*, quæ illam quodam artificio, & maxime ope ignis acquirunt. Artificii duplex genus eſt, unum facile, ac leve, quo nulla in internam corporis conſtitutionem, ac naturam mutatio inducitur: aliud tale, quod nativam corporis mixtionem, diſſolvit, ſeu mixtæ conſtitutionem, ac naturam mutat.

#### §. LXXIX.

**Obſervatio I.** Cl. Jacobus Barth. Beccaria poſt accuratas obſervationes ſecundis curis inſtitutas fidenter aſſerit, nullum corpus in hac rerum Univerſitate reperiri, ſi pauca tantummodo excipiantur, quod luci ſolari obiectum, poſtea in tenebras delatum lucem non ſpargat. Ea exceptio, quæ completæ inductioni ob-

stat, pertinet ad metalla, de quibus ita loquitur, multa in metallis olim molitus est *Fayus* ( ut lucida redderet ) ego quoque deinceps non paucæ ; - - - Sed nulla vi, artificio nullo adduci hucusque potuerunt, ut in lucis amicitiam venirent; durum sane & pervericax corporum genus, quod & lucem, & vim electricam ( originariam ) & ipsum quoque rorem aversetur. Hæc sunt paucissima illa corpora, quæ in tota rerum harum Universalitate e phosphorum numero eximenda sunt; nam si qua alia visa sunt post solaris lucis adspæctum adhuc obscura remanere; non difficile fuit obscuritatis huius aliquam causam, non in eorum natura, sed in alia re quapiam iisdem omnino extranea positam cogitare. At vero in metallis nondum quidquam inventum est ab eorum natura disiunctum, cui tantam in lucem contumaciam probabiliter tribuamus. Nec tamen vir præclarus desperat de metallis in sphosphororum naturalium numerum reducendis; forte id facili quadam, & obvia præparatione efficietur; ac fortassis eadem, si a solari luce reducuntur in tenebras, more aliorum corporum lucem emittunt, sed languidiorem, quam ut crassius sensibus nostris percipi possit.

Occasio observationes in hoc genere instituendi fuit *adamas*, qui, cum solis radiis expositus, atque in locum obscurum delatus lucem undique evibraret, suspicionem ingessit, aliis quoque corporibus competere vim lucem imbibendi, rursusque emittendi. Cum vero corpora a sole, cui exposita sunt non nisi pertenuè lumen hauriant, idque cito deponant; hinc necesse est primo, ut observator eo usque in loco tenebricoso moretur, donec omnis a prætergressa luce impressio in eius oculis extincta sit. Secundo ut corpus, de quo periculum sit, ab exteriori luce ad obscuritatem quam citissime, & sine ulla lucis extraneæ admmissione transferatur. In primis necessarium est, ut corpora in libero, & aperto aere exponantur luci, non per vitra fenestrarum traiectionem. Tempus, quo manere in luce debent, ut inde translata in tenebras luceant, 4, ad summum 5 minut. secund. est vel ad maximam infirmissimi phosphori accensionem. Longius spatium est inutile. Nec tempus, quo lux perdurat de-



*deinceps, longius est. Nullum phosphorum, inquit Beccaria, accepti splendoris adeo tenacem vidi, ut ipsum ultra 6, ad summum 8 min. secund. conservarit.*

## §. LXXX.

Observatio II. Phosphori naturales in tres dividuntur classes, fossilium, vegetantium, animalium. Ad fossilia, quæ lucem spargunt, pertinent omnes terræ, omnes arenæ utcunque coloratæ, marmora præsertim molliora & candidiora; quamquam nec prædura & fusca omnem lucem negent; lapides, Chrystalli, vitra, & omnes gemmæ pellucidæ, succi terrestres, quorum alii salii sunt, alii pingues. Inter pingues succos lucere deprehensum est succinum & sulfur, tum nativum tum fustum; non item gagates, & lithantrax; sed his nigredo tanta est, ut cuivis vel lucidissimo, corpori obscuritatem possint offundere. De Plantis ait sollertissimus Beccaria: „recentibus bene multis atque inter se  
„ consentientibus observationibus certior factus sum, nihil  
„ in plantis reperiri, quod idoneum fieri non possit ad  
„ lumen combibendum, si arescendo humorem omnem  
„ exhalarit. Plurimis satis est, solius aeris perflatu sic-  
„ cari: alia non lucent, nisi prius fuerint excalesceta -  
„ omnibus vero præsidio est calor ad alacrius, nitidius-  
„ que lucendum; sed moderatissimus sit oportet, & sui  
„ ne levem quidem notam relinquens. Unam mihi ex  
„ omnibus stirpibus videre contigit sanguineam betam,  
„ quæ lucis amplexum vel ignis calore illecta recusavit.  
„ - - lucent satis vivide, nec ulla arte præparatæ om-  
„ nis generis nuces, cerealia semina, & legumina, pha-  
„ seoli in primis, & ciceres, qui paucis phosphoris ni-  
„ tore cedunt. - - Vegetabilium succos omnes aliqua  
„ luce perfusos vidi. Lucent etiam olea, si hiberno fri-  
„ gore constringantur. „ In regno animali lucem concipiunt, & in tenebris fulgent quadrupedum ungulæ dein ossa, cornua, pili, volucrum pennæ, rostra, ungues, conchyliorum testæ, coria, carnes siccatae, oculi cancrorum, calculi, testæ ovorum &c. nulla, inquit citatus Auctor, pars est in animali genere, in quam aditus non sit externo lumini, faciliior utique in alias partes, in alias minus facilis.

§.

## §. LXXXI.

Observatio III. Inter phosphoros, qui sine igne parantur, principatum tenent ii, qui nonnullarum stirpium, maceratione fiunt, earum nempe, quæ cortices habent vel caules prælongis quibusdam, firmis, lentisque filis quasi nervis contextos. Ars tota in eo sita est, ut, quidquid in planta viscosum, tenax & pingue residet, diligentissime eluatur. His fordibus deterfis fila supersunt mollitudine, flexilitate & candore probatissima; tunduntur dein, carminantur, nentur, texuntur, & sic telæ fiunt, quarum stamina & stirpes lucent. Hinc phosphorus quoque est charta, quæ ex linteis diu maceratis, contritis, atque in liquidiusculam pulvem redactis conficitur. Verum cum charta satis clare per se ipsa luceat; tum vero calore non magno, certe non tanto, ut vel minimum lædi possit, eo usque fulgida redditur, ut novus propemodum phosphorus effecta esse videatur. Id sequenti experimento comprobatum est. Lamina ex orichalco iatis crassa excalefacta sic est, ut vix manu ferri posset; non posset tamen chartæ, cui superponi debebat, iniuriam adferre. Huic ergo superposita est, ibique tandiū relicta, donec charta incalesceret; inde remota. Charta, ut moris erat, in luce posita, inde in tenebras continuo translata, præfulgens eo in loco adpreuit, in quo laminam contigerat, cuius figuram suis terminis perfectissime definitam exhibuit. Postquam ea quinquagies omnino luci exposita, iterumque retracta fuit, demum splendor elanguit, tenui relicto lumine, quo ea sine prævio calore inducto fulgere solet.

*Animadversione dignum est, chartam, etsi externa specie longe discrepet a vegetabilium natura; tamen interiore constitutionem iisdem maxime propriam post ingentes variasque mutationes, quas subiit, semper retinere. Testatur id resolutio chemica; nam æque ex charta, ac plantarum nervis, qui statim distracti materiem telis præbent, destillat, si apte igne tractentur, aquosus humor: sequitur hunc latex alius aciditate sua linguam percellens: post oleum, mitius primum, dein acrius, &*  
ma-



*magis exustum, postremo crassum & nigricans: tandem carbonis species quædam relinquitur terræ maximam partem naturæ, colore atro, acrique sapore, ab oleo & sale alcalino intermixtis; ut liquido constet, in serie universa mutationum, quarum ope vegetabilia chartæ formam acquirunt, periisse quidem externam rerum speciem, sed quæ sensibus abscondita sunt, atque ad intimam earum, & naturalem mixtionem pertinent, integra perdurare.*

## §. LXXXII.

*Propositio. Magna est inter ignem & lucem, interque corpora ardentia, & lucentia analogia. Prob.*

I. Constat, ignem ut vocant, usualem, & statum corporum ardentium in vehementissimo intestino motu, partiumque solutione, atque attenuatione consistere. Motus intestinus vero, partiumque solutio & attenuatio etiam in phosphoris inest, qui absque inflammatione maiore & sensibili, ac sine igne concentrato lucent. Nam animalcula lucentia, ut cicindelæ, motum habent vitalem partium more omnium viventium, quo cessante simul vivere, simul lucere desinunt, ut in pluribus observatum est. Marmora, gemmæ, aliaque corpora prædura, quæ ex solaribus radiis in tenebras delata fulgent, non possunt non motum intestinum concipere, quo partes eorum attenuentur, ac solvantur. In lignis putridis, quæ noctu lucent, motum inesse, partiumque solutionem fieri, ipsa putrefactio, quæ fermentationis est species quædam, ostendit. Partes animalium, quæ lucent, certe in motu sunt: frictione plurimarum animantium pili scintillant: nonnullos adamantes sola frictione micare observavit FAYUS. Marina aqua remis percussa & agitata nocte obscura coruscat: calore plures gemmæ, lapides alii minus pretiosi, & magna pars montanarum Chrystallorum splendescunt. Quis ignorat, solo accessu aeris sæpe fermentationem excitari in corporibus? atqui multa etiam corpora aeri exposita lucem dein evibrant. In his principatum tenet lapis Bononiensis, qui admirandam hanc corporum proprietatem lucis emittendæ maxime patefecit, & Physico-

rum

rum industriam ad nova tentamina in aliis corporibus instituenda excitavit. Hinc similes phosphori ab aliis deinceps inventoribus confecti sunt ut Kraßtiantus, Hombergianus, Lemerianus, fevrianus, demum ille, qui cæteros in hoc genere vi superat, & ob immanem fragorem, & ignearum scintillarum copiam, quas aere allabente displodit, *detonantis* nomine ab inventore Godofredo est adpellatus.

II. Alia corpora præ aliis concipiendo & conservando intestino motui aptiora sunt, alia præ aliis facilius accenduntur, & deflagrant: in quibusdam humiditas obest internæ fermentationi, in aliis eam promovet; Sic eam diversitatem etiam in phosphoris observamus; plurimæ plantæ exsiccandæ sunt, ut luceant: contra dactyli lucem spargunt, dum humidi sunt, aut si denuo humectentur; imo vehementi quassatione & agitatione aquæ dactylorum succo imbutæ excitatur lux.

III. Lux corporum ardentium diversimode colorata est; ac solis quidem radii omnis generis particulas commixtas tenent, uti experimenta prismatis exhibent: corpora terrestria, si accenduntur, colorem rubrum, alia violaceum præferunt, pro diversa mixtione, & constitutione particularum; Similiter in variis phosphoris varia lux cernitur; qui arte parantur, plerumque lumen vividum, sed rubescens, nonnunquam fuscum adsumunt, idque diutius retinent: phosphori naturales magis ad candorem vergunt, & diluta flavedine suffusi adparent, citiusque conceptum lumen exuunt. Si in lapidem Bononiensem immittitur stamen lucis homogeneæ, is non lucem & colorem illius staminis, sed lucem albam reddit, quemadmodum ZANOTTUS expertus est. Idem in adamantibus diversorum colorum radiis collustratis observavit Beccaria. Hinc colligi potest, corpora, quæ soli exposita, & in tenebras cito translata lucent, non modo particulas lucis solaris, quas ante imbibierant, emittere, sed ex propria substantia complures alias diversorum generum particulas evibrare; secus non intelligitur, cur alia alios radios reflectant rubentes, albentes, pallescentes vario gradu: de-  
ni-

nique phosphorescentia fiunt multa corpora solo affric-  
tu, aut calefactione, uti lapis Bononiensis, omnes la-  
pides calcinati, glebæ calcaris &c. Atque hinc intelli-  
gi potest, cur chartæ primum calefactæ, postmodum so-  
li obiectæ (ut præc. §. exposui) iterata luminis exci-  
tatione lucendi vim, non debilem quidem illam, omni-  
busque chartis propriam, quæ semper manet, sed calore  
acquisitam paulatim amittant, uti in lapide Bononiensi  
dudum notatum fuit, qui si in conspectum aperti &  
lucidi aeris sæpe profertur, paulatim ineptus fit luci  
emittendæ.

IV. Multa sunt præterea, quæ lucis solaris, &  
ignis corporum terrestrium analogiam ostendunt; utro-  
que enim corpora dilatari solent; certe pertica ferrea  
sive igni imponatur, sive radiis exponatur solaribus,  
semper extendi solet. Ignis terrestris corpora quædam  
fundit, ceu metalla; alia in cineres, alia in calcem, alia  
in vitrum convertit. Eisdem autem effectus edunt  
lucis solaris radii in focum collecti.

*Hæc proprietas, qua corpora lucem spargunt, ita com-  
munis est, ut inter generales eorum affectiones videatur  
numeranda; si nostros sensus consulimus, parvo scilicet  
tempore manent lucida; at si ea nobis esset acies, qua vel  
minimæ scintillæ ad sensationem lucis sufficerent (quod  
fortassis nonnullis animalibus, quæ in obscuro vident, con-  
cessum est) existimo, longe aliter nos iudicatu-  
ros. Et quemadmodum valde probabile est, nullum reperiri corpus  
penitus frigidum; ita verisimile videtur, nullum extare,  
quod sit omnino obscurum, ut adeo vel ex hoc capite nullæ  
sint veræ tenebræ in hoc Universo. Si phosphori non  
aliena luce, sed propria maxime fulgent, quæ tunc solum  
in sensus incurrit, cum a radiis solis satis commota, vel  
agitata est, corpora latens quoddam, Et arcanum princi-  
pium continent, quod a subtilissima luce inflammatur, Et  
velut incendium efficit perpetuum, aut certe tale, quod lucis  
obiectu identidem instauratur.*

## CAPUT IV.

*De Natura luminis.*

*Opinio Cartesii lucem per seriem globulorum impulsam explicantis varias metamorphoses subiit; cum enim ea certis observationibus de successiva luminis propagatione repugnaret, alii globulos elasticos modo se contingentes, modo discretos adsciverunt, alii per pulsus & undas in fluido aethereo excitatas phenomena lucis exponere conati sunt, analogiam soni maxime spectantes. Si in statuenda subtilitate & raritate luminis magis ratione, quam phantasia duceremur, credo, in ferenda sententia de natura lucis non magno opere laboraremus.*

## §. LXXXIII.

*Lemma. Motus in fluido sive elastico, sive non elastico excitatus non tantum recta propagatur secundum directionem primi impulsus, sed ad latera, & in omnem partem diffunditur; aut sine lege, & perturbate propagatur. Probatur. Ponantur plures globuli elastici in eodem plano horizontali se contingentes, in quorum unum incurrat alius elasticus; in primis, si centra globulorum non in eadem recta iacent, qua fit impressio, motus secundum lineam directionis nullus consequetur, sed mox ad latera diverget, ut patet ex theoria percussionis corporum (Mech. §. LXXIX.) Si vero etiam ponatur eiusmodi centralis series globulorum; sed eosdem alii contingant, necessario eveniet, ut uno impulso reliqui in omnem partem diffugiant, aut diffugere conentur, motumque impressum itidem aliis tum in eadem recta tum ad latera positis communicent. Non potest enim unus impelli aut moveri, quin reliqui pariter eundem contingentes impellantur, ac moveantur. F. XV. T. I. Globus C comprimi non potest ab incurrente A directione AM, quin ad latera versus B & D dilatetur, neque ad latera dilatari potest, quin feriat, & comprimat globos vicinos B & D, & quidem ea vi, qua comprimitur ab incurrente globo. A. Si globuli aliquo intervallo a se distent, atque in eorum unum incurrat alius, iterum in omnem partem propagabitur motus, iique quaquaversus discedent, non certa dire-*  
ctio-

etione quadam, sed alius alia, perturbata agitatione, positioneque eorundem inter se. Confirmatur hoc lemma evidente experientia undarum aquæ. Nam impressio in moleculas aquæ facta non linea recta, sed per undas circulares propagatur; ac si undæ in vase ABCD (F. XVI.) incurrant in latum CD apertum in O; pars undæ per foramen transiens, in altero vase CDEFG non recta linea gignit motum, sed inflectit aquam in circulos, eosque diffundit per fluidum, quod ultra foramen est. Similia de sono, & vibrationibus elasticis aeris ab omnibus vulgo statui solent.

## §. LXXXIV.

Propositio I. *Lumen non consistit in pressione, aut vibratorio motu ætheris circa corpora lucentia diffusi.* Probatur. Pressio & motus in fluido excitatus undatim diffunditur: lumen vero propagatur linea recta, uti §. LXVIII. probatum est, & perspicuum fit ex radio in conclave tenebricosum per angustum foramellum transeunte; neque enim is ex illo foramine per totum spatium diffunditur, uti undæ fluidi cuiuscunque, sed recta progreditur, & in opposito pariete imaginem solis depingit; quod fieri haud posset, si propagatio lucis per fluidum æthereum fieret.

*Hoc argumentum a rectilinea propagatione lucis desumptum maximi faciunt RR. Physici. In his Musschenbrakius ita differit contra Cartesii opinionem (perinde est, siue fluidum ponatur elasticum, siue non elasticum)*  
 „ Si hæc hypothesis vera esset, nullæ unquam forent te-  
 „ nebræ; quia enim lux est fluidum, legibus fluidorum  
 „ subicietur, quarum sequens est: si fluidum vas claus-  
 „ sum implens in quadam parte prematur, pressura qua-  
 „ quaverfus in rotundum propagatur, estque directæ, op-  
 „ posita, & lateralis qualibet æqualis. Sit iam sol caus-  
 „ sa premeus, mundus vas lucis plenum; lux a sole pres-  
 „ sa, & a finibus mundi repressa, quaquaverfus preme-  
 „ tur; ideo oculus, ubicunque in mundo positus, premeus-  
 „ que a luce videbit; nec discrimen erit, siue sol supra  
 „ horizontem moretur, siue infra eum occiderit; eius pres-

L

„ sus

J. Zallinger, T. III.

„*sus in omnem ambitum, & ab omni ambitu repressus*  
 „*efficiet, ut oculus semper solem visurus sit. Hoc au-*  
 „*tem experientia repugnat, cum noctu sint tenebrae.*  
 „*Nulla praeterea umbrae forent; nam lux, quae iaceret*  
 „*post corpus opacum, aequali vi premeretur, ac quae cor-*  
 „*poris latera directe stringeret, cum fluidum aequa vi la-*  
 „*teraliter, & directe stringat.* „ *Multa praeterea con-*  
 „*tra hypothesein aetheris possunt obiici; Si is ponitur gra-*  
 „*vis, diversa erit aetheris densitas, & consequenter diver-*  
 „*sa elasticitas pro varia altitudine columnae; quo posito mo-*  
 „*tus aequabilis lucis propagatae concipi nequit; gravitatis*  
 „*vero expertem dicere nihil aliud est, quam omnem ana-*  
 „*logiam naturae tollere, & amplissimae inductioni refragari.*  
 „*Pro tuendo argumento, quod supra attulimus,*  
 „*contra patronos aetheris nota primo: radius lucis per an-*  
 „*gustum foramen recta progrediens ab adstantibus ad la-*  
 „*tus percipitur ideo, quia minora eius flamina a pulviscu-*  
 „*lis nudo oculo saepe visibilibus disperguntur, non quod*  
 „*ipse radius per se diffundatur ad latus; secus projecto*  
 „*imago solis in opposito pariete depingi non posset. Se-*  
 „*cundo celeritas, qua lux propagatur, eius diffusionem ad*  
 „*latera impedire haud posset, si illa in pressione, aut mo-*  
 „*tu aetheris confisteret, sicut ea celeritas nec leges ac na-*  
 „*turam fluidorum, nec aetheris elasticitatem tolleretur. Fieri*  
 „*potest, ut celeritas motus eius propagationem ad corpora*  
 „*maiora, magisque inertia aliquando impediat; verum*  
 „*istud de subtilissimo aethere fingi non debet; cum id ne*  
 „*in aere quidem, qui maiore densitate atque inertia pol-*  
 „*let, contingat; vibrationes enim aereae certe ad latus dif-*  
 „*funduntur, & sonus aequae per recurvos tubos, quam re-*  
 „*ctos propagatur.*

### §. LXXXV.

**Propositio II.** *Lumen est vapor tenuissimus e corpo-*  
*ris lucentis massa ingiter dimanans, qui, dum in oculos*  
*incurrit, sensationem lucis excitat; Duo hic probanda*  
*sunt: primo ex corporibus lucentibus eiusmodi vapo-*  
*res reipsa emanare; secundo eosdem explicandis phae-*  
*nomenis lucis sufficere. In corporibus, quae cum in-*  
*flammatione sensibili, & igne concentrato lucent, e-*  
*missio effluviorum, & ingens evaporatio ex ipso su-*  
*mo,*



mo, corporum ipsorum consumptione &c. manifesta est: in phosphoris eandem intestinus motus, & analogia corporum ardentium (§. LXXXII.) comprobatur. Fermentatione autem, & motu intestino non potest non fieri, ut moleculæ majores dissolvantur in alias minores varii ordinis, tum paulo crassiores, quæ specie fummi avolant, tum subtiliores, & admodum subtiles, quæ ad maximas distantias evibrantur vi repulsiva speciali, quæ in fermentationibus ignis maxime sese exerit. Si effectus lucis solaris præsertim in foco concentratæ ope speculi caustici, & si maculas solis, quas a fumo, & fuligine corporum ardentium nihil differre demonstrabimus, attente spectemus, facile cognoscimus, solem esse corpus inflammatum, & vehementissimis intestinis motibus agitatum, ut adeo non mirum sit, ingentem copiam effluviarum (in quibus tum crassiora quædam, alia vero subtilissima & rarissima existant) ab eodem sole perpetuo emanare, ut potius admirandum, & incredibile videretur, atque universæ analogiæ repugnans, si nihil penitus aut parum materiæ a solari corpore avelleretur. Similia, etsi multo minore gradu contingunt in corporibus terrestribus tum ardentibus, tum phosphorescentibus, quorum quidem lucem, ac diversos colores, quos exhibent, nulla veri similitudine vibrationibus materiæ elasticæ adscribes. Quapropter dubitari non potest, quin ea, de qua hic agimus, effluviarum emissio reipsa in corporibus lucentibus detur; ut adeo ætheris quaquaversus diffusi nulla necessitas relinquatur. Eisdem porro vapores e corpore lucente dimanant, sufficere explicandis phænomenis, ipsa eorundem phænomenorum expositio docebit.

## §. LXXXVI.

## EXPLICATIO PHÆNOMENORUM LUCIS.

I. Ut palam fiat, effluvia corporum lucentium phænomenis lucis explicandis sufficere, primo loco ostendendum est, massam solis tam copiosæ & continenti luci emittendæ parem esse; putant enim non pauci, solem paulatim deficere, totumque exhauriri, ac dissipari debere, si lux, quæ tot iam annis per amplissima

coelorum spatia diffunditur, nihil sit, nisi effluvium ex ipsa solis substantia dimanans. Equidem de admiranda subtilitate partium corporis, ac divisibilitate materię disserui in Introd. ad Mechanicam §. XXII. tum etiam supra §. LXXIII. de immensa tenuitate radiorum lucis egi. Verum ut difficultas, quę in hac re facile præcipua est, magis mitigetur, raritatem ac tenuitatem aeris, quam nec ætheris luminosi patroni in dubium vocant, expendam, ut inde de lucis raritate, & subtilitate fieri coniectura possit, cum ea omnium consensu aere multo rarior, ac tenuior sit. *Primo.* Quando ope antlię extrahitur aer ex aqua, ad fundum vasis primo comparent bullę minores aeris, quam granum sabuli. Hę ascendendo per aquam crescunt, eamque in superficie instar veli elevant in hemisphęrii formam, cuius diameter sæpe æquatur sesquipollici; adeoque rupto hoc velo aqueo saltem in sphęram sesquipollicis se expandunt. Sit diameter bullę, quę in fundo vasis primum conspicitur, æqualis crassitię pili humani, sive  $\frac{1}{400}$  pollicis; erit diameter huius sphęrę ad diametrum eius, quę sesquipollicis est, & in superficie rumpitur, ut 1:900. Verum multo minor fuit aeris bulla, antequam in conspectum prodiret; & si eam intra aquas in statu naturali hærentem quadruplo minorem ponimus, adhuc vera magnitudine multo maiorem ponemus; sed ponatur duntaxat quadruplo minor, ut diameter particulę aeris intra aquam hærentis ad diametrum eiusdem in vacuo se expandentis sit, ut, ut 1:3600. Quoniam sphęrę sunt ut cubi diametrorum, erit magnitudo particulę aeris in primo statu ad magnitudinem in secundo statu, ut  $1:(3600)^3 = 46,656,000,000$ , hoc est, ut unitas ad quadraginta sex millia millionum, & præterea sexcentos quinquaginta sex milliones. Et tamen ista bulla aerea adhuc coercetur gravitate atque attractione particularum aquę, tum etiam residuo aere in antlia, qui nunquam penitus exhauriri potest. Hęc igitur si expendantur, omnino credibile sit, quod NEWTONUS & KEILLIUS adfirmant, omnem illam rarissimę lucis materiam, quę totum spatium planetarium implet, non adæquare fortassis illam, quę in unico digito cubico nostri aeris continetur. *Secundo.* Quo-

Quoniam lumen a sole intra semiquadrantem ad terram defertur, hinc intra id tempus sol implet sphaeram, cuius semidiameter est distantia terrae a sole. Concipiatur haec sphaera in tot superficies concentricas divisa, quot sunt puncta in eius radio; habebunt singulae in fine semiquadrantis eundem numerum particularum lucis, etsi sub diversa densitate, quia illae superficies versus centrum decrescunt uti quadrata radiorum. & vicissim intensio lucis ac densitas particularum eius in eadem ratione crescit. Si igitur numerus particularum lucis ad extimam superficiem delatarum multiplicetur per radium, factum dabit totam *massam* lucis, quam sol intra semiquadrantem effundit. Sit sphaerae radius  $R$ ; peripheria  $P$ ; erit circulus maximus sphaerae  $= \frac{1}{2} RP$ , & superficies, quae est quadrupla circuli maximi,  $= 4 \times \frac{1}{2} RP = 2 RP$ . Haec superficies ducta in radium praebet corpus  $= 2 R^2 P$  constans ex particulis lucis in ea densitate, quam lux habet apud nos, sive in extrema superficie sphaerae. Quaeratur 1. ratio voluminis, seu corporis istius luminosi. Dico id esse aequale cylindro homogeneo, cuius basis est circulus descriptus radio  $2R$ , & altitudo ipse radius  $R$ . Cum enim circuli sive illorum areae sint ut quadrata radiorum, erit circulus antea inventus ( $= \frac{1}{2} RP$ ) descriptus radio  $R$  ad circulum descriptum radio  $2R$ , ut  $1:4$ ; consequenter fit  $1:4 = \frac{1}{2} RP:2RP$ . Si hic circulus seu basis cylindri ducatur in altitudinem  $R$ , habebitur cylinder luminosus homogeneus sive eiusdem densitatis  $= 2 R^2 P$ . Eiusmodi cylinder est triplus coni eiusdem basis  $2RP$ , & altitudinis  $R$ . Et si porro sphaeram ceu polyedrum spectamus ex infinite parvis pyramidibus, quarum vertices in centro concurrunt, erit ea aequalis cono, cuius basis est tota superficies sphaerae ( $= 2RP$ ) & altitudo radius  $R$ . Quapropter cylinder antea inventus est triplus sphaerae, sive sol singulis semiquadrantibus horae effundit *massam* lucis, quae tres eiusmodi sphaeras homogeneas sive eiusdem densitatis implet, & quarum radius est distantia centri solis a terra (volumen enim solis, ut calculus fiat liberalior, negligitur) raritas autem sphaerarum ea, quam lux solis habet in tellure. L 3 Ut

Ut magnitudo corporis luminosi  $2 R^2 P$ , cui tres eiusmodi sphaeræ, quas descripsimus, æquales sunt, determinetur, Sit  $R = 23000$  Semid. terræ: fiatque 7:

$$22 R$$

$$22 = R: \frac{1}{2} P = \text{---} = 72286; \text{ adeoque } P = 144572.$$

$$7$$

Porro  $2 R^2 = 1058000000$ ; erit igitur  $2 R^2 P = 152957176000000$ . Hic est numerus cuborum, quorum latus est semidiameter telluris, quem continet sphaera tripla solis lumine intra quadrantem repleta. Facile poni potest, volumen globi terraquei tribus eiusmodi cubis æquale esse; hinc tripla illa sphaera, facta divisione per 3, continebit globos terraqueos

$$50985726000000.$$

Inventa ratione voluminis quaerenda est ratio densitatis, quam tripla sphaera luminosa habet ad alia nota corpora. Densitas ætheris, uti eius defensores volunt, est ad densitatem aeris ad summum ut 1:387361000. Ergo his minime invitis ponamus, densitatem lucis in distantia unius semidiametri terrestris a sole esse ad densitatem aeris ut 1:400,000000. Hæc densitas lucis est ad eam apud nos, sive quam tripla illa sphaera habere ponitur, reciproce ut quadratum distantiae  $(23000)^2$  in semidiamentris telluris. Ergo densitas illius sphaeræ sive lucis in superficie telluris est ad densitatem aeris, ut 1:211600,000000,000000. Concipiatur præterea densitas globi solaris non maior, quam aquæ marinæ; huius vero densitas sit ad aerem rotunde ut 1000:1. Ergo densitas lucis sive sphaeræ illius triplæ est ad densitatem aquæ, ut

1:211,600000,000000,000000, hoc est, sphaera lucis ea densitate, quam habet apud nos, ut adæquet massam unici globi aquei volumine terram æquantis, continere debet tot volumina globi terraquei, quot ultimus numerus exprimit, nimirum sexcenta millia billionum ultra ducentos undecim trilliones. Quoniam sol intra semiquadrantem evomit 50985726000000 eiusmodi globos, per regulam auream invenitur tempus, quo numerum globorum ultimo inventum effunderet; ac reperiuntur 4150181 semiquadrantes, qui proxime effici-

ciunt 59 annos. Ergo sol intra 59 annos massam lucis emitteret æqualem massæ globi aquei tellurem æquantis magnitudine. Est autem eiusmodi globus nondum pars millionesima globi solaris; ergo intra 59 annos sol nondum partem sui millionesimam; ergo non nisi post 59 miliones annorum materia solis penitus exhauriretur. Verum abest longissime, ut tantam copiam luminis sol intra 59 emittat. Si enim concepiamus, ventum, qui intra minutum secundum temporis 10 aut 11 hexapedas conficit, censeretur vehementissimum evertendis maximis molibus, & arboribus eradicandis parem; lumen vero, quod plus quam centies millionesies maiore celeritate advehitur, nec tenuem papyri chartulam in aere aut vacuo pendulam commovet. Quapropter non attingemus limites, si resistantiam chartæ trillionsies, aut quatrillionsies minorem, quam vim venti dicamus. Ergo vel sic ratio densitatis lucis ad densitatem aquæ ad unam quintillionsimam ascendit; qua posita raritate non iam 59, sed multa annorum millia requiruntur, donec sol per continuum effluvium millionesimam sui partem amittat. vanus ergo timor est, ne sol deficiat.

*Quæ de luminis subtilitate diximus, pertinent tum ad exilitatem ac tenuitatem singularum eius particularum, tum ad raritatem, quam earum congeries quædam habet; neque enim necesse est, ut eius particule ad organum paulatim advenientes inter se propinquæ sint; etsi enim altera ab altera in eadem linea distet 40 miliar. germanicis; nihilo minus ob summam earum celeritatem, temporis divisibilitatem, & sensuum imperfectionem constanter nos videre lucem opinabimur, præsertim quia motus quavis impressione in organo excitatus aliquantulum perseverat. Neque etiam opus est, ut quodvis minimum punctum spatii illuminati multas particulas complectatur. Satis est, si in spatio, quod pupillam oculi æquat, tot sint radii, quot ad faciendam impressionem requiruntur. Si eodem tempore sensibili multi miliones particularum per exiguum foramen transeunt, spectata temporis divisibilitate adfirmari non potest, vel duas particulas simul, sive eodem penitus tempore transisse. Frustra igitur dicunt, in transitu per tenuia foramina radiorum se invicem decussantium*

*perturbationem existere debere. Id enim argumentum Newtonianos minime premit. Sine dubio, si quis eam sibi de luce per foramellum transeunte ideam effingit, qualem confert, hominum turba, dimissa concione per fores erumpens ingerit, necessario confusionem radiorum concipiet. At si quis intra cubiculum consistens pugillum arenæ per amplam fenestram proiicit; non metuet, credo, ne arenulæ se impendant mutuo, aut fenestra angustior sit, quam ut liberum meatum præbere possit. Corpora quidem terrestria, si accenduntur, & lucent, brevi tempore consumi solent, eoquod præter subtilissimas lucis particulas alia crassiora effluvia specie fumi, ac vaporum densiorum exhalant. Contra sol, si quas eiicit partes crassiores, ex quibus eius maculæ existunt, eæ ad minorem a sole distantiam perveniunt, ac denuo relabuntur in massam solis, perinde ut vapores & halitus terrestres ex atmosphaera recidunt; secus & aqua paulatim deficeret in tellure. Denique inter magnitudinem terrestris corporis particulæ ac vastissimum solis globum comparatio fieri haud potest.*

### §. LXXXVII.

II. Newtoni sententia pro diaphaneitate corporum explicanda nil aliud requirit, quam eam pororum multitudinem, quæ longe plus spatii occupet, quam materia corporis diaphani; præterea quoniam particulæ corporum in perexiguis distantiiis in sese agunt attrahendo, & repellendo (id quod in lumine ex refractione & reflexione intelligitur) ad corpus diaphanum, per quod lumen recta saltem ad sensum transire queat, requiritur, ut æqualitas virium detur inter partes corpus diaphanum componentes, & in radios lucis agentes. His enim positis licet particula lucis directionem suam adcuratissime tenere nequeat, cum hac, & illac trahatur, aut repellatur; nihilominus viâ ad sensum rectilinea incedet, quia deviatio perquam exigua est, ac sæpe corrigitur. Exigua enim est, quoniam talis particula ob ingentem celeritatem actioni aliarum obfistendum citissime eripitur; corrigitur autem deviatio per vices ab aliis corporum particulis vi æquali & opposita in lucem agentibus. Siquo in corpore diaphano in-

ter-

teriectis novis partibus, aut aliis propriis egressis æqualitas virium turbetur aut minuatur, id fiet opacum, uti observamus in aqua & oleo terebinthinæ inter se commixtis, cum ea fluida seorsim pellucida sint: item in aqua versa in spumam, ob aerem interiectum. Charta oleo imbuta evadit magis diaphana, quia densitas & vis refractiva particularum olei ad densitatem chartæ propius accedit, quam densitas aeris poros antea obfidentis. Nec vero hoc casu quisquam dixerit interiectu olei poros chartæ evadere magis rectilineos. Quapropter ex sola rectilinea pororum serie diaphaneitas nondum intelligitur, cum vires corporum in lucem agentium tot manifestis indiciis se prodant; dein si pori-quaverfus & sub omni directione in linea recta sunt dispositi, uti nonnulli volunt, nihil iam materiæ solidæ in corpore diaphano relinquitur.

*Opacitas corporum ab inequabili compositione particularum corporis, aut virium oritur, quæ sit, ut exigua lucis copia transmittatur; maxima autem illius pars aut reflectatur a superficie, aut intra corpus opacum in omnem partem dispersa absorbeatur, aut non nisi lente, & fractis viribus emergat. Hinc corpora partium disjunctione, aut nova positione sæpe opaca, aut minus pellucida redduntur, uti in vitro contuso, gemma pluribus sulcis exasperata, liquoribus frigore concretis, aqua in vapores soluta contingit, cum præsertim aeris heterogeneæ particulæ corporibus sese misceant.*

### ● §. LXXXVIII.

III. Emissio lucis a vi repulsiva corporum lucentium repetenda est. Eiusmodi virium exempla corporum fermentationes, ac dispositiones passim præbent. Intensio illarum consideratione, & admiratione sane digna est, & ex celeritate particularum luminis colligi potest. Fortassis celeritas idcirco tam magna est, quod massa particulæ cuiusvis evibratæ, quæ lucis sensationem excitat, incredibiliter parva & exilis sit. Secundum leges quidem mechanicas eadem vis impressa movet massas diversas celeritate iisdem massis reciproca. At vis attractiva specialis non in ratione mas-

sæ attractæ, sed attrahentis crescit. Qua lege agant speciales corporum vires, ex defectu phœnomenorum consentientium determinari adhuc non potuit. Illud certum est *primo* nullam in natura legem extare, aut certe verisimili ratione defendi posse, vi cuius particulæ unius corporis totalis transire nequeant in corpus totale aliud e. g. e sole & stellis fixis in planetas. *Secundo* transmissio lucis e sole in alios planetas impediri non potest attractione contraria massæ solaris tum ob immensam lucis celeritatem, tum ob attractionem decrescen-tem in ratione reciproca duplicata distantiarum a centro solis. Si corpus terrestre ea gravitate constante, quam in superficie telluris habet, usque ad eius centrum decideret, eam lapsu libero & uniformiter accelerato acquireret velocitatem, qua si proiiceretur, nunquam ad terram deinceps rediret, sed per ramum parabolæ aut per lineam rectam perpetuo magis recederet a terra, non obstante eius attractione. Igitur concipi potest, eam subtilissimæ luci celeritatem inprimi, qua a sole penitus recedat non obstante attractione massæ solaris; atque ita per viam impressam tamdiu abibit a sole motu æquabili, donec is a causis extraneis mutetur; quod quidem mechanicis legibus perquam conforme est.

### §. LXXXIX.

IV. Lucis subtilitas non obstat, quo minus radii in foco collecti maximas in corporibus mutationes producant. Cum enim particulæ lucis condensæ plurimum convergant, earum vires, atque impetus in tenues corporum particulas plurimum augetur, uti fit in omni fluido celeriter decurrente, & in angustiore alveum repente constricto; hac lucis vi æquilibrium virium, quas minimæ corporum partes exerunt, primo turbatur; quo facto per ipsas vires internas corporum reliqui effectus resolutionis, calcinationis, explosionis &c. sponte consequuntur, id quod omni fermentationi proprium est. Universe ignis igni occurrens maximos effectus edit, eoque maiores, quo in angustius spatium condensatur. Radii solis ope vitri magni ustorii in ampliore focum collecti nondum effectus tam ingentes præ-



præstant, quam si iidem vitro secundo in arctius spatium, & minorem focum cogantur, etli per secundum hoc vitrum non exigua lucis pars iterum dispergatur, radorumque copia minor fiat, ac antea erat in ampliore foco. At nempe mutæ eorum vires, frictio, elasticitas &c. imminutis distantis augentur. Ob hunc radorum occursum fit, ut, cum nive tectum est solum, nix a radiis directis non liquefacta, mox tabescat, si murus, vel aliud corpus album solis radios reflectat, ut reflexi directis occurrant. Hinc etiam intelligitur ingens in vallibus calor, quando in montibus frigus est; nam a lateribus montium radii in vallem reperiuntur occurrunt tum aliis directis, tum reflexis a terra. Ob eandem rationem flamma oris statu densata maiorem solito effectum edit. Etli autem focus, in quem ope vitri coire coguntur radii, velut punctum sit relate ad spatium, per quod radii antea diffundebantur, tamen respectu tenuissimæ lucis focus amplissimum est spatium, maximeque extensum, quod ab innumerabilibus particulis occupari potest.

*Complura alia lucis phenomena ex theoria colorum, & principiis opticis deinceps declarabuntur. Hactenus dicta satis & abunde demonstrant, veram, minimeque fictam lucis causam assignari ab iis, qui eam in effluviis corporum lucentium consistere autumant. Hæc sententia alio argumento, eoque valido confirmatur in hunc modum: lux aut in vibrationibus materiæ ætheræ sita est, aut in effluvio e corpore lucente evaporante (nam qualitates Peripateticorum, & hypothesis Cartesii dudum explosæ sunt) non est autem sita in vibrationibus materiæ ætheræ; igitur in effluvio evaporante. De æthere supra differuimus; unde colligi potest, non eam esse inter sonum, & lumen analogiam, ut utrumque per medium quoddam elasticum explicari possit. Sonus enim ad latera diffundi debet: lux propagatur recta; quod quidem discrimen opinione meam rem decedit. Quæ præterea contra hanc thesin obijci solent, aut levioris momenti sunt, aut æque premunt patronos ætheris, quam Newtonianos. Quærent quorsum particulæ lucis, quæ in corpus solidum cuiusdam planetæ non incurrunt, denique deferantur? cur lucis vapores per amplissima spatia diffusi nihil officiant planetarum motui?*

cur

cur lux nun intendatur sola præsentia longiore corporis lucidi, uti odor & calor intenditur? nempe motus occurſus corporum extinguitur, ac tum particulæ ineptæ ſunt impreſſionibus faciendis in organo.

## CAPUT V.

### De Coloribus.

**C**olores ſpectari poſſunt, 1. uti ſunt in luce vel radiis corporis lucentis. 2. in obiectis, quæ colorata dicuntur. 3. in organo. 4. in idea animæ impreſſionem lucis percipientis. Oſtendimus ſupra, quemvis album lucis radium ex plurimis ſtaminibus componi, diverſo, eoque conſtanti & immutabili colore præditi. Hinc color, uti eſt in luce, eiſque radiis, nihil eſt aliud, niſi certa affectio particularum lucis ab earum motu, mole, figura & viribus pendens, ob quam hæc potius quam alia impreſſio in organo, indeque in anima determinati coloris perceptio conſequatur. Diverſitas quidem impreſſionis, quæ a diverſi coloris radiis fit in organo, ſatis percipi poteſt; nam rubra fulgent, & oculos perſtringunt fulgore ſuo: violacea languent: viridia grata quædam lenitate demulcent oculos. Hoc loco indagandum eſt, cur obiecta radios reflectentia hunc præ alio colorem exhibeant.

### §. XC.

Propoſitio I. Tenuiſſimæ lamellæ corporum aut medii cuiusdam pro diverſa craſſitie diverſi generis radios reflectunt. Probatur maxime ex obſervationibus:

I. Fiat lamella tenuis ex aqua paullulum ſapone imbuta, & ope fiſtulæ in bullam conſlata. Hæc bulla imponatur vitro ſupra obiectum nigrum poſito, ita ut hemiſphærii figuram retineat. Eadem tegi poteſt campanula vitrea admodum pellucida, ne colores bullæ æris agitatione turbentur. Quia aqua verſus omnem partem ex bulla in planum vitreum continuo deſluit, hæc in ſuprema parte fiet tenuiſſima, tum uſque ad infimum marginem craſſities continuo creſcet. Antequam diſrumpatur, in ſuprema parte ita tenuis fit, ut nigra  
ad-

adpareat, ac proin eo loco nihil luminis sensibilibiter reflectat: inde circa maculam nigram alii atque alii colores pro crassitie diversa bullæ aqueæ conspiciuntur; quod manifesto indicio est, ob solam crassitiei in bulla seu lamella aqueæ diversitatem hos potius quam alios radios coloratos reflecti.

II. Fiat lamella tenuis ex aere hoc modo: Lentæ vitreæ, quæ sint maioris sphaeræ segmenta, sibi mutuo imponantur, & valide comprimantur, ut lamellæ aeris tenuissimæ lentibus interiectæ obtineantur, quæ pro diversa a puncto contactus distantia certa ratione crescant, uti si (F. XVII.) lens A B D lentem F G H contingat in C; lamellæ aeræ i k, l m, n o, p q in recessu a puncto contactus C continuo crassiores fient; aut si (F. XVIII.) vitrum planum A B imponatur vitro convexo D E, lamellæ interiecti aeris m n, o p a puncto contactus C aliam atque aliam crassitiam seu profunditatem habebunt. Si in lentæ ita compressas incidit lux alba solis, in medio, seu in puncto contactus macula nigra conspicitur ob radios ibi transmissos. Hanc maculam annuli colorati cingunt vario colorum ordine. In prima serie circa maculam nigram observatur color cæruleus, flavus, viridis; in secunda violaceus, cæruleus, viridis, flavus, ruber; in tertia purpureus, cæruleus, viridis, flavus, rubeus &c. Animadvertendum autem est, primo colores istorum annulorum in quibusdam a puncto contactus distantis valde vivaces ac fulgidos esse, in aliis distantis obscuriores, & pallescentes, ita ut alternatim priores cum posterioribus misceantur. *Secundo* eiusdem generis colorem in pluribus annulis & varia distantia a puncto contactus redire, proindeque a lamellis *diversæ* densitatis reflecti; id quod sequens n. III. observatio manifestius declarabit. Si vitra lente ad se adprimuntur, alii atque alii colores circa nigricantem maculam emergunt, qui laxata pressione undarum instar versus punctum contactus, tanquam centrum circulorum coloratorum resiliunt, ibique evanescunt. Ex quo perspicuum est, diversos colores annulorum non nisi diversæ profunditati lamellarum aeris adscribendos esse; nam compressis, aut relaxatis lentibus nihil aliud fit, quam ut profun-

ditas lamellarum aeris lentibus interiectarum augeatur, vel minuatur. Ea aucta vel imminuta alii atque alii colores emergunt, aut evanescunt.

III. Si radius *homogeneus* lucis per medium *homogeneum* transmittitur, post decursum in eo certum spatium acquirit dispositionem quandam, ut reflectatur facilius, & alternatim facilius transmittatur, si nova deinceps superficies refringens occurrat. Id Newtonus sequenti experimento collegit: radius *homogeneus* lucis ope prismatis a reliquis separatus excipitur charta alba, ex qua in vitra coniuncta reflecti possit. Si dein oculus in superioris lentis superficiem vertitur, in puncto contactus observatur macula nigra: hanc cingit annulus lucidus eiusdem coloris, quem radius *homogeneus* præ se fert; anulum hunc sequitur obscurus, postea lucidus; atque ita deinceps per vices annuli lucidi & obscuri alternant. Siquis vero per vitra coniuncta & ante oculos constituta transpiciat in chartam albam radio *homogeneo* illustratam, circa punctum contactus conspicitur macula lucida, quam annulus obscurus ambit, hunc excipit coloratus, atque ita inverso ordine, ubi insipienti annulus obscurus adparebat, nunc transpicienti repræsentatur annulus coloratus. Unde perspicuum est, maculam nigram in primo casu ex transmissione radiorum fuisse ortam, uti & omnes annulos obscuros; hinc trans lentem aspicienti macula lucida, & annuli colorati iisdem locis exhibentur. De hoc experimento animadvertendum est *primo* in diversa a puncto contactus distantia lamellas aeris *homogeneas* quidem, sed diversæ profunditatis esse interiectas, per quas si radius transit, semper ad medium diversæ ab aere densitatis nempe ad vitrum pervenit, ita ut pro alia crassitie lamellæ aeræ transmittatur, pro alia reflectatur; ex quo conficitur, radium quemvis *homogeneum*, dum per medium *homogeneum* progreditur, habere dispositionem, ut decursu certo intervallo, si deinceps medium diversæ densitatis occurrit, nunc facilius reflectatur, & alternatim facilius transmittatur; & quia annuli lucidi & obscuri alternant, idem radius dispositionem, quam habet ad transmissum, sæpius in dispositionem ad reflexionem mutat; quapropter concipien-

piendæ sunt in quovis radio *vices alternæ facilioris reflexionis & transmissus*. Spatium, quod radio percurrendum est, ut a dispositione ad faciliorem reflexionem transeat ad dispositionem ad faciliorem transmissum NEWTONUS *intervallum vicium* adpellavit. *Secundo*. Hæ vices radorum non nisi in transitu per subtilissimas corporum sive mediorum quorumvis lamellas notantur; quando enim aucta lentium distantia lamellarum pariter crassities augetur, tum annuli colorati, tum obscuri evanescent. *Tertio*. Ratio huius mutationis unice quærenda est in superficiebus lamellarum lentibus interiectarum; si enim spatium inter binas lentes interiectum depulso aere impletur aqua, annulorum diametri contrahuntur, eorumque color admodum diluitur. Similiter si alterutra superficies humectatur, tum radii transmissi, tum reflexi languescunt, & pallidiores evadunt. *Quarto*. Si lentes fortius comprimuntur diametri omnium circulorum augentur. Pro varia oculi positione annulorum amplitudo mutatur; nam univærse reflexio luminis a maiore radorum incidentium obliquitate pendet; & quia radius oblique delatus ad aliquod punctum, maius spatium inter lamellam interiectam conficit, fieri potest, ut in alla dispositione sit, quam si directè pergeret. *Quinto* annuli ex radiis violaceis enati, arctiores visi sunt rubeis, & univærse, quo magis refrangibilia sunt stamina; eo magis contrahuntur tum annuli lucidi, tum obscuri.

*Eiusmodi lamellæ diversorum colorum passim observantur in tenuissimis stratis olei aquæ innatantibus, aut tenuissimis stratis aquæ corporum superficiebus adhærentis, in lapide speculari, sive seleniti, in vitro muscovitico, aut si lux dispersa in tennes chartas incidit, ut adeo pro explorato haberi debeat, non nisi a diversa profunditate lamellarum, in quas lux alba solis incidit, causam repetendam esse, cur huius potiusquam alterius coloris radius reflectatur. De causâ istarum vicium, quoniam præter hypotheses statui nihil potest, supervacaneum est disputare. Ad explicandos colores nativos corporum satis est eam lucis proprietatem certis observationibus, & experimentis innuuisse. Newtonus quidem in indaganda ea causâ*

non multum laboravit, sed præclara inventa sua perficiens, & deprehensa naturæ vestigia persequens id egit, ut rationes, quas annulorum coloratorum, & obscurorum diametri inter se habent, determinaret, atque ipsa intervalla vicium ad examen vocaret. Quapropter diametros annulorum coloratorum, ubi maxime fulgent, primo dimensus est, invenitque diametrorum quadrata crescere in progressionem arithmetica numerorum imparium 1. 3. 5. 7. 9. 11: quadrata vero diametrorum in annulis obscuris & pallentibus, qui coloratis alternatim miscentur, in progressionem arithmetica numerorum parium 0. 2. 6. 8. 10. 12. Quoniam vero alterum vitrum planum, alterum sphaericum erat, invenit, crassities lamellarum aeris, per quas annuli pallentes, aut certo modo colorati gignuntur, in eadem proportionem crescere. Sit enim (F. XVIII.) circulus  $C D E$  sectio sphaeræ eiusdem radii, quem habet vitrum convexum ad experimenta adhibitum.  $A B$  sectio vitri plani tangens vitrum, aut circulum in  $C$ ; sint  $C m$ ,  $C o$  radii annulorum; erit crassities lamellæ aeris vitris interiectæ,  $m n = C f$ ; &  $o p = C g$ . Ponatur, uti in circulo solet, diameter  $C D = a$ ;  $C f$  vel  $m n = x$ ;  $C g$  seu  $o p = X$ ;  $C m$  vel  $f n = y$ ;  $g p$  vel  $C o = T$ ; fiet ex natura circuli  $y^2 = a x - x x$ ;  $T^2 = a X - X X$ ; consequenter  $y^2 : T^2 = a x - x x : a X - X X = x : \frac{a - x}{a - X} \times X$ . Quod si iam

$C D$  sive  $a$  respectu  $x$  &  $\frac{a - x}{a - X}$  valde ingens sit, erit  $\frac{a - x}{a - X} = 1$ , proinde  $y^2 : T^2 = x : X$ , hoc est qua-

drata radiorum, aut diametrorum, quas annuli habent, crescunt ut spatiosa  $m n$ ,  $o p$ , sive ut crassities lamellarum aeris. Quia immisso in vitra coniuncta radio homogeneo circa punctum contactus macula nigra cernitur, indeque colorati annuli & obscuri alternant, recte deducitur, radios omnes traiici, ubi nulla vel minima est profunditas lamellarum aeris; reflecti vero, ubi ea determinata quantitas est: rursus traiici, ubi ea profunditas sit duplo, quadruplo, sextuplo maior; reflecti autem, ubi tripla quintupla, septupla est. Hinc instituto circa alios at-

que

que alios radios coloratos experimento eo ventum est, ut sequens problema solvi possit: data crassitudine, & densitate cuiusvis lamellæ pellucidæ, & data radiorum incidentium inclinatione, invenire colorem.

## §. XCI.

Propositio II. Colores nativi corporum pendent a subtilissimis & diaphanis eorum lamellis in superficie dispositis, quæ pro varia sua crassitudine & densitate certi coloris radios copiosius reflectunt, reliquos magna parte absorbent, vel transmittunt. Hæc propositio veluti sua sponte fluit ex iis, quæ de corporum tenuissimis lamellis paullo ante, & supra de immutabili, & constante radiorum colore diximus. Corpora enim non videntur nisi per radios, quos reflectunt: singuli autem radii sunt determinati, certique coloris, & quidem constantis, ac immutabilis; igitur corpora videri non possunt certo modo colorata e. g. rubra, aut violacea, nisi eiusdem coloris radios, nempe rubros aut violaceos maximam partem reflectant. Atqui per subtilissimas & diaphanas lamellas fit, ut certi coloris radios potissimum reflectant. Ab his igitur lamellis pendent nativi colores corporum.

In memoriam hic revocanda sunt experimenta prismatis, de quibus §. LXXVI. egimus. Ex iis enim constat, quemvis radium homogeneum prisma separatum nulla quantumvis repetita refractione, aut reflexione colorem mutare; unde recte concluditur, corpora quoque in plena solis luce constituta radios, eorumque colorem non mutare, sed reflectere omnino tales, quales inciderunt; proindeque colores nulla modificatione luminis explicari posse. Siquis radius homogeneus e. g. viridis in quodvis obiectum incidit, atque ad oculos reflectitur, id non nisi viridem colorem exhibet, etsi luci expostum alium præ se ferat colorem. Unde discimus, corpora omnis quidem generis radios aliquos reflectere; sed maiore copia eos duntaxat, qui subtilitati & densitati lamellarum eius respondent, quique proin prævalent in organo, certique coloris perceptionem excitant, cum præsertim per exigua discrimi-

M

mi-

mina ab uno ad alium colorem radii transeant, & a nobis ob organi imperfectionem parva discriminatum intensitatis, tum colorum lucis discerni non possint. Ob hanc igitur causam corpus, quod albæ luci solis expositum adparet rubrum, in lumine viridi non iam rubrum, sed viride adparet; quia in luce solari radios rubros longe maiore copia refledit, quam alios e. g. virides, etsi istorum quoque, & generum aliorum radios quosdam refleat, ob quos viride adparet in lumine viridi. Certe corpora, quæ a luna pleno lumine fulgente illustrantur, conspici a nobis possunt, etsi lux lunæ circiter ter centies milles rarior sit luce solari ut infra dicemus. Igitur ad sensationem coloris viridis, quem obiectum alias rubrum exhibet, excitandam pauci sufficient radii virides, qui reflectuntur, quique non nisi relate ad rubros in plena solis luce reflexos pauci censeferi possunt. Cæterum experientia teste languent rubra in luce viridi; viridia vero in illa luce clara nitent; imo etiam cærulea languent in luce rubra, quæ validissima est; contra nitent in luce cærulea, etsi hæc multo debilior sit. Nihil in hac theoria per hypothesein fingitur. Certis experimentis nituntur omnia, perque experimenta & observationes alias, de quibus deinceps agendum est, magnopere confirmantur.

## §. XCII.

### EXPLICATIO PHŒNOMENORUM.

I. *Albedo* est permixtio omnis generis radiorum; si enim corpus radios cuiusvis coloris satis æquabiliter commixtos, satisque magna copia refledit, corpus album adparet; quia lux alba solis non nisi radiis coloratis ita commixtis constat, & radii colorati si post separationem iterum colligantur in focus ope lentis, non nisi lucem albam solis exhibent. Ut autem reflexio lucis copiosæ & æquabiliter commixtæ fiat, necesse erit, ut particulæ corpus album componentes valde diversæ densitatis & crassitie sint, & maiora intervalla penitus vacua relinquant. Tunc enim ob medii diversitatem maior reflexio existet. Cæterum corpora alba luci solari obiecta, & in tenebras celeriter translata præ cæteris lucem videntur emittere, non quod radios



dios lucis ante copiose imbiberint, sed quod aptiora sint ad motus intestinos concipiendos, per quos lux antea latens in corporibus, & particulæ de novo attenuatæ evibrantur.

II. *Nigrum* adparet corpus, quod nullius generis radios maiore copia reflectit, sed absorbet intra se, aut lente, & successive transmittit. Sunt autem gradus nigredinis; ac si perfecta nigredo concipitur, ea in aptitudine omnis generis radios absorbendi, aut hebetato penitus motu transmittendi sita est. Hinc corpora, quatenus nigra sunt, reipsa non videmus, sed ex luce quæ limbos eorum perstringit, eorundem ideam accipimus. Sed nullum est corpus perfecte nigrum; omnia enim aliquos radios, eosque inter se æquabiliter commixtos reflectunt; unde imperfecte nigra potius alba sunt, sed in gradu infimo, & debilissimo, quia maximam eorum copiam absorbent. Violacea in obscura luce adparent nigra ob ipsam radiorum, quos remittunt, debilitatem: uti e contrario ea, quæ cinerei coloris sunt, si valde illuminentur, alba adparent. Cubiculum aperta fenestra eminus spectatum, dum lux plena exterius oculos perstringit, videtur nigrum, etiam eius parietes undique illustrati ab adstantibus conspiciantur; nempe lux per fenestras regressa respectu exterioris admodum infirma est. Siquod corpus nigrum superficiem habeat satis planam, & lævigatam, paucosque illos radios, quos reflectit, certa lege & versus certam plagam remittat, ad naturam corporis specularis accedet; ubi nota, multo plura requiri ad superficiem specularem, & imaginem corporis illuminati aut lucidi exhibendam, quam præcise ad conspicienda corpora opaca requiratur. Ut enim corpus speculare sit, necesse est, ut radii, qui ex singulis punctis physicis corporis speculo obiecti egrediuntur, certa lege, & in certam plagam sat copiose ab eodem speculo reflectantur. Pleraque autem corpora opaca eodem irregulariter in omnem partem dispergunt; ac si dein radii in oculo colliguntur, corpus opacum conspici quidem poterit, non item imago alterius corporis oppositi, nisi in speculis sit, quia eorum positio irregularis, & commixtio atque confusio post diffusi-

nem non tollitur. Cæterum ex macula nigra, quæ vitra coniuncta in puncto contactus exhibent, uti supra diximus, intelligitur, ad constitutionem corporis nigri requiri summam tenuitatem lamellarum, aut certe eiusmodi crassitiem & densitatem, ut eæ citra sentibilem coloris mutationem diaphanæ maneant; intra ipsum vero corpus multo maius virium, quæ in lucem exe-runtur. discrimen sit, ut adeo lux variis ambagibus intra corpus oberrans tardius, rariusque ac nulla certa lege emergat. Hinc igne & putrefactione corpora nigrescunt ob solutionem atque attenuationem particularum, quæ aliis exturbatis relinquuntur: parva quantitas materiæ nigræ eodem colore magnam alterius copiam imboit, ob subtilitatem particularum, in quas dividitur. Corpora nigra præ aliis incalescunt luce solis, aut si humida fuerit, exsiccantur ob copiosos radios, quos absorbent.

III. Colores *constantes* adpellantur, quando corpora qualibet directione, & sub quocunque angulo inspecta eundem semper colorem exhibent: at *variabiles* sunt, quando corpora pro diversa oculi positione alio atque alio modo colorata videntur. Hoc posterius in collo columbarum, filis araneorum, materiis quibusdam e serico contextis, caudis pavonum, bullis aquæ &c. notatur. Discrimen a diversa subtilitate particularum pendet. Si enim minimæ particulæ seu lamellæ corporum densiores sint fluido, ex quo lux in ilas transit, radius A C ad perpendicularum refringetur (F. XIX.) pergetque directione C E; proinde minus distabit a perpendicularo, eritque in eadem dispositione, ac dum perpendiculariter incidit; ut adeo species coloris transmissi vel reflexi ex obliquitate incidentiæ mutari non possit. Si vero lamellæ rariores sint ipso fluido, ex quo lux advenit, refractione fiet a perpendicularo (F. XX.) & directio radii refracti c e multo magis a perpendicularo o p discedet. Hinc etiam diversa vitium intervalla & numeri oriuntur in radiis oblique incidentibus, ut, si radius perpendicularis sit in dispositione reflexionis, obliquus eiusdem speciei radius existat in dispositione transmissus, & aliæ contra species radiorum sint in vice reflexionis. Consequenter alii videbuntur colores reflexi, quando lux

ob-

oblique incidit, alii si perpendiculariter, quapropter colores constantiores sunt in lamellis densis intra medium rarius, & magis mutabiles in lamellis raris intra medium densius.

IV. Commixtione liquorum particulæ eorundem attenuari, aut in alias massulas coalescere possunt; hinc sæpe variatur color. Idem contingit, si humectentur corpora, aut oleo perfundantur; eo modo, quo in coniunctis vitris interiecta liquorum colores mutari constat. Potest etiam actione solis, aut ignis partes attenuantis, & quasdam particulas abripiantis, alias adducantis magnopere mutari corporum color. Ratio habenda est etiam massæ; vini enim intense rubri parva gutta insensibiliter tantum rubra est, & alba adparet, quia ex omnium generum staminibus satis multa transmittit: maior vero illius massa absorptis aliis staminibus solis rubris, aut iis, ex quorum coniunctione color ruber oritur, maiore copia transitum permittit. Quæ clara solis luce illustrata sunt viridia, ad lucem obscuram lampadis cærulea adparent, non perfecte quidem, sed ut ad cæruleum colorem accedant. Nam & cæruleos radios quosdam reflectunt, & virides cum iisdem ad debilem lucem lampadis quoad obscuritatem conveniunt; hinc dum viridem colorem cæruleo mixtum & obscurum videmus, phantasia nobis ideam cærulei coloris aggerit. Denique & illud animadvertendum est, radios ex flamma lampadis non ea proportionem exire, qua ex sole exeunt. Lux solis magis albet, & ad flavum accedit, contra lampadum lux ad rubrum; quodsi igitur diversorum generum radii alia proportionem misceantur, ut in solari luce radii flavi uberiore copia insint, quam in lumine lampadis, necessario alius prodit color. Colorem cæruleum aeris sereni adscribunt multi tenuitati lamellarum; quæ vapores constant, & per quas colores omnes fortiores a terra & aere reflexi transeunt solis debilioribus, & in primis cæruleis ad nos reflexis. MUSSCHENBROEKIUS ait: cælum videmus cæruleum, quia spatia cælestia supra aerem sunt inania; idcirco adparent nigra. Verum aer reflectit lucem solis, quæ albet; proinde nigredinem cum alba luce permixtam contemplantes colorem cæruleum percipimus, eodem mo-

do, ac pictores ex albo nigroque pigmento cæruleum conficiunt. At MARIOTTUS non tantum videri, sed reipsa cæruleo colore tinctum esse aerem opinatur; quia montes elevati & remoti pariter cærulei adparent, visi scilicet per tale medium diaphanum veluti per vitrum colore tinctum omnia colorata adparent. In serenitate adparet hic color in summo aere; quia tum per magnam huius copiam transpiciamus: vicinus autem aer cæruleus non adparet, quia non sufficiens eius copia adest, quemadmodum de parva gutta vini intense rubri supra diximus. Deinde si nocte serena per duo foramina propinqua chartæ densiori inscripta immittatur in chartam albam lux lunæ, & candelæ accensæ: illa videbitur subcærulea, hæc rubra; quoniam nempe illa per magnam aeris copiam transit, hæc vero per parvam. Sole oriente, aut occidente cælum rubescit, quatenus crassiores vapores, & nubes adparent rubræ; Sunt autem eæ nubes inter nos, & solem constitutæ, ut non nisi refracti in illis radii ad nos veniant. Jam vero ob crassitiem vaporum, seu lamellarum, ex quibus formantur, plerique radii reflectuntur exceptis rubris, qui validissimi sunt. Per hos itaque nubes rubeas potissimum videmus.

*Est genus quoddam colorum, quos accidentales vocant, qui fixo in imaginem coloratam obtutu, aut in aliam superficiem albam seu nigram translato adparent. E. g. si in superficie alba contemplerur quadratulum nigrum eo usque, dum oculi eo aspectu veluti fatigentur, conversis oculis in superficiem albam illud quadratum album adparet. Contra quadratulum album in superficie nigra spectatum postea conversis in superficiem albam oculis videtur nigrum. Si parvum quadratum e charta rubra imponitur plagulæ albæ, videtur circa quadratum rubrum, ubi longiore in tempore oculus immotus in illud defixus est, species quædam coronæ viridis debili colore præditæ oriri. Si dein oculus a quadrato rubro amotus in chartam albam dirigitur, admodum distincte adparet quadratum viride dilutum, nonnihil cærulescens, quod perstat longiore tempore, prout impressio a rubro facta fortior, debiliore fuerit. Ex aspectu aliorum colorum limbi aliter colorati obti-*

obtinentur. Si interdiu immotus oculus figitur in flammam candelæ ardentis; dein vero convertitur in murum album, ibi cernitur macula obscura, & cærulescens. Plura eiusmodi phænomena recense: Scherfferus in præclara de coloribus accidentalibus dissertatione. Ratio sufficiens eorundem tum intra oculum existit, quia ex solo coloris nativi fixo intuitu sæpe oritur color alius, tum ex mixtione plurium colorum petenda est. In quem finem animadvertendum est 1. nos dominantium præcipue radiorum, qui nempe majore copia a corpore colorato remittuntur, perceptionem habere, etsi alii quoque admixti sint. Cum e luce plena in locum obscurum nos recipimus, nocturnas pæne illic tenebras nos offendere arbitramur, licet post aliquam moram ibidem percipiamus lumen aliquod; debiliior scilicet lux oculum non satis adficit, qui vehemente illa paullo ante adficiebatur. Accedit, quod pupillam ante contractam in copiosa luce, satis celeriter dilatare haud possumus

2. Colorem mixtum oriri, si non omnis generis stamina œquabiliter misceantur, sed plura omisso uno, alterove; id quod certa experientia indubitatum reddit. Hinc pro varia oculi affectione, quæ a præcedentibus impressionibus, variaque mixtione radiorum certi generis varii adparebunt colores. Admodum probabile est (inquit Scherfferus de quadratulis supra memoratis) reflexa ex albo corpore vehementiore luce fatigari quodammodo fundum oculi, & reddi velut ineptum, ut similem impressionem recipiat, nisi aliqua quiete interposita: minus vero lædi partem oculi, in qua imago nigra depingatur. Unde consequitur, quod post aspectum quadrati nigri, si oculus in superficiem albam coniciatur, hæc minus alba, & umbrosa in toto oculo adparere debeat, præterquam in illa parte, in qua imago nigra fuit depicta, quæ sensibiliior fortiorem albi sentiet impressionem; e qua re idea quadrati albi enascetur. Confirmatur hæc opinio exemplo ab aliis sensibus ducto, qui fere redduntur inepti ad impressiones homogeneas debiliores, si præcesserint fortiores. Infinitus sim, si singula ad theoriâ colorum pertinentia persequi velim. Satis est, prima eius fundamenta indicasse. De Iride, quam ad hunc locum nonnulli referunt, tum agemus, quando meteora, aliaque id genus ad cor-

porum totalium atmosphæras spectantia erunt exponenda. Cum vero deinceps de principiis opticis agendum sit; oportet oculi humani structuram habere cognitam, quæ accurate describitur a Masschenbræckio, & ex anatomia oculi bovini, aut contemplatione oculi artificialis multo melius innotescet, quam paucis verbis exponi possit: longam enim declarationem angustiae operis non admittunt,



## CAPUT VI.

### De Principiis Optices.

**O**ptica est scientia, quæ de visione agit. Dividitur in tres partes. Prima Optica nomen retinet; altera dioptrice: tertia catoptrice nominatur, prout nimirum visio fit per radios directæ, & sine flexu ad oculum venientes, aut per refractos, aut denique per reflexos. In directæ luminis propagatione considerari potest primo, quomodo intensitas lucis a diversis a puncto radiante distantis decrescat, sive per medium liberum, sive per diaphanum uniforme. Secundo quos umbrarum limites lumen habeat, si a corpore opaco intercipiatur. Tertio qua ratione afficiatur oculus ab obiectis tum quiescentibus, tum in motu constitutis pro variis distantis, & adiunctis aliis.

### §. XCIII.

**Propositio I.** *Et si intensitas luminis a puncto radiante per medium homogeneum recedentis decrescat in ratione reciproca duplicata distantiarum ab eodem puncto; (LXXII.) non tamen pro maiore distantia decrescit splendor corporum, nisi diametro sensibili carere incipiant. Nam splendor totius corporis pendet a densitate radiorum, qui eiusdem imaginem in oculo depingunt. Porro hæc imago ob minorem angulum adparentiæ (ut inferius dicetur) in dupla distantia fere quadruplo minor est, ita ut radii quadruplo densiores, & proin splendor quadruplo maior foret, nisi & in dupla distantia quadruplo minor foret intensitas lucis ob radiorum diver-*

divergentiam; consequenter in dupla, vel quomodo-  
cunque multipla distantia oculi ab obiecto idem perma-  
net splendor, qui est in simpla distantia.

Quæres: cur ergo obiecta eo obscuriora adpareant,  
minusque splendida, quo magis distant? R. ratio petenda  
est ex atmosphæra, per quam lux transit. Aer præcipue  
prope superficiem telluris est medium valde densum, & in-  
gentem radiorum copiam intercipit, ita ut obiectum magis  
remotum tum ob imminutam lucis intensitatem, tum ima-  
ginem in oculo identidem decrecentem denique omnino di-  
spareat, quia continuo minor fibrillarum nervearum nume-  
rus impellitur, ac denique nulla fit impressio satis sensibi-  
lis. Aliter ergo de singulis punctis radiantibus differen-  
dum est, aliter de splendore totius corporis lucidi vel illu-  
minati. Siquod obiectum superficiem scabram habeat, ita,  
ut non omnes illius partes quaquaversus radios reflectant,  
sed quæ intro recedentes instar vallium ab aliis partibus  
prominentibus tanquam montibus obtegantur, fieri potest,  
saltem præscindendo a nimia resistantia mediæ, ut major  
distantia majorem lucem conciliet; uti globus turri imposi-  
tus intensius lucet ad majus intervallum, quam si quis pro-  
pius adstans eius superficiem consideret scabram, & tem-  
pestatum iniuriis deformatam. Nam si propinqua sint ta-  
lia corpora; eorum imago in oculis depicta multas conti-  
net partes nullo vel modico lumine illustratas. Cum autem  
removeantur, partes opacæ semper minores evadunt, ac de-  
nique omnino insensibiles; partes autem lucidæ seu illumi-  
natæ opacis interiectæ dein contiguæ ac continuæ videntur,  
earumque lux respectu spatii, quod imago occupat, æque  
intensa est. Siquod autem obiectum superficiem habeat læ-  
vigatissimam, in medio libero & eadem oculi apertura  
visum, semper eundem splendorem per se exhibet. Cæte-  
rum quæ de luminis decremento, & radiis a puncto ra-  
diantibus divergentibus dicta sunt, non item valent de radiis  
parallelis per medium homogeneum transcurrentibus. In his  
enim, cum lucis particule eandem ubique a se invicem di-  
stantiam retineant, eadem ubique lucis intensitas manet.  
Id quod etiam in majore ab obiecto viso distantia locum  
habet, etsi radii illius reipsa divergant. Hæc enim di-  
vergentia præsertim in radiis propinquis sensibilis esse non

potest. Denique illud quoque intelligitur ex diffis, lumen oblique in superficiem corporis opaci incidens eandem minus illuminare, quam si directe incidat; nempe lumen evadit tanto rarius, quanto maius est spatium, in quod eadem illius copia extenditur. Dum autem oblique illuminatur superficies, eadem luminis copia eo magis extenditur, quo maior obliquitas est.

### §. XCIV.

Propositio II. *Intensitas luminis per medium diaphanum uniforme, seu eiusdem ubique densitatis propagati decrescit in progressionem geometricam.* Quodvis enim medium diaphanum partem quandam luminis reflectit, seu absorbet. Concipiatur ergo totum corpus diaphanum divisum in lamellas parallelas & æquales; erit inter radios in quamvis lamellam incidentes, & ab eadem reflexos, ac transmissos ubique eadem proportio; e. g. ut a quavis lamella pars dimidia radiorum incidentium reflectatur, dimidia transmittatur; eoquod tale corpus ponatur homogeneum, seu eiusdem ubique densitatis. Quapropterea si numerus radiorum in lamellam primam incidentium sit  $= n$ ; & reflectatur eorum numerus  $= \frac{1}{2} n$ ; transmittentur radii numero  $= \frac{1}{2} n$ . In alteram ergo lamellam incidet numerus radiorum  $= \frac{1}{2} n$ ; & reflexi, ac transmissi erunt  $= \frac{1}{4} n$ . Sic ex tertia reflectentur, ac transmittentur  $= \frac{1}{8} n$ ; atque ita deinceps; ut proin lumen transmissum decrescat hac serie  $\frac{1}{2} n, \frac{1}{4} n, \frac{1}{8} n$  &c. quæ est progressio geometrica. Quamobrem si luminis intensitas simul ob radiorum divergentiam decrescat, totum decrementum erit in ratione compolita ex geometrica, & ex reciproca duplicata distantiarum.

Fuere, qui lumen in transmissu per medium homogeneum æquabiliter, seu in progressionem arithmetica imminui putabant, quos Bouguerius hoc experimento refutavit. Lumen, quod exacte luci 32 cereorum æquabatur, per duo frusta vitri ad perpendicularum transmissum duplo debilius evasit, & æquale lumini 16 cereorum. Quodsi bina alia frusta eiusdem crassitudinis æquale luminis decrementum ad-



adferrent, uti istorum sententia requirit, evidens est, omnes inde radios intercipiendos fore; multoque magis id fieri deberet in transmissu per 8 aut 10 frusta. Atqui in transmissu per 10 frusta vitrea æqualia, observavit; tantum luminis superesse, ut lumini unius cerei nihil cederet. De hac luminis per corpora diaphana transmissi diminutione pluribus verbis agit Bouguerius in præclaro opere, quod Photometriam inscripsit, seu scientiam, quæ vires luminis tum a corporibus lucidis emissi, tum ab opacis reflexi metitur. Indidem pauca hic adnotabo. Primo Lumen solis non amplius perceptibile est, quando 100,000,000,000<sup>es</sup> imminutum ponitur. Idem solis lumen circiter 300,000<sup>es</sup> fortius est luce lunæ plenæ in distantia media a tellure versantis: in traiectu 10 ped. profunditatis aquæ marinæ decrescit in ratione 3 ad 2; atque in profunditate 311 ped. circiter 300,000<sup>es</sup> debilius redderetur, scilicet par luci lunæ plenæ: in profunditate autem aquæ marinæ 679 pedum lumen solis omnino dissiparetur. Secundo. Per atmosphæram seu aerem nostrum crassum, quo cingimur, in horizontali spatia 189 hexap. seu  $\frac{1}{12}$  leucæ communis, pars centesima lucis perditur; Et intervallo 7469 hexap. seu  $3\frac{1}{4}$  leuc. fere, pars tertia perit: denuo in profunditate aeris nostri crassi 518385 ped. seu 227 circiter leucarum omne lumen interciperetur. Unde nihil lucis a sideribus ad nos perveniret, si atmosphæra pari ubique densitate ad tantam a tellure distantiam protenderetur. Tertio. Quo minor est astri altitudo, seu distantia ab horizonte, eo magis lumen inde emissum debilitatur, quia tum longiori tractu per atmosphæram crassiorem defertur, quam si stella maiorem altitudinem obtinet. Hinc Bouguerius calculo observationibus nixo luminis decrementum pro quavis sideris altitudine determinavit. Idem observavit, atmosphæram ipsam in diversis partibus etiam sereno tempore diversa luce splendere. Sic sole fere 25<sup>o</sup> alto reperit lumen atmosphærae in distantia 8 aut 9 graduum a sole, quadruplo fortius fuisse, quam in distantia 31, aut 32 grad. Animadversione maxime dignum ei videbatur, quod, dum solis altitudo non nisi 15 aut 20 grad. est, Et spatia cælestia æque supra horizontem elevata observantur, lumen, post-

postquam ad definitum a sole intervallum utrinque immi-  
nutum est, dein rursus augeatur, usque ad punctum soli  
oppositum; ac proin in hoc circulo horizonti parallelo duæ  
partes dantur minus lucentes seu duo minima, quæ, quan-  
tum Bouguero visum est, a sole 110 aut 120 gradibus  
distant & contra inter hæc duo minima a sole æque re-  
mota datur in puncto soli opposito maximum, id est, spa-  
tium maxime lucidum.

## §. XCV.

Propositio III. Dum corpus opacum ab una tan-  
tum parte illuminatur, in partem directe oppositam um-  
bra proiicitur lineis rectis progrediens. Radii enim lucis  
linea recta propagati, & extimam corporis superficiem  
radentes umbram ex parte averfa terminant.

Si corpus lucidum diametrum sensibilem habeat, pro-  
be distinguenda est penumbra ab umbra vera. Sit F. I.  
Tab. II. AB sol; ED corpus opacum super solo D I.  
Quando oculus ab I ad H accedit, videbit in H integrum  
adhuc solis discum. At si ex H versus D pergit, infe-  
rior solis limbus circa A illi primum obtegetur, tum ma-  
ior continuo eiusdem pars. In G superiorem duntaxat  
partem CB solis conspiciet: denique in F ad umbram ve-  
ram D F pertinet. Unde solum HF eo minus illumi-  
nabitur, quo eius partes propiores sunt umbræ veræ; pe-  
numbra autem HF eo maior erit, quo maior est angu-  
lus FEH, seu diameter adparens solis, & distantia  
EF. Longitudo D F determinat umbram veram. Est  
autem ED: DF; ita radius ad tangentem anguli DEF  
seu ad cotangentem anguli EFD, qui altitudinem adpa-  
rentem sideris supra planum DH metitur. Quare si ED  
obsculum constans manet, erunt longitudines veræ um-  
brarum, ut cotangentes adparentium altitudinum.

## §. XCVI.

Corollarium. Si sphaera lucida illuminet opacam,  
& illa hæc minor fuerit, maior eius superficiei portio,  
minorem opaci partem illuminabit. Contrarium fiet, si  
lucida superet opacam: Si fuerint æquales, dimidia illu-  
mi-

minabit dimidiam. F. II. T. II. Sit B sphaera lucida minor; C sphaera opaca maior. Ducantur tangentes sphaeram utramque L P, K O. Evidens est, per eas determinari ultimos radios, qui a sphaera lucida in opacam venire possunt. Ad rectam B C centra iungentem ducantur normaliter diametri H I, M N; item radii ad tangentes normales B K, B L; C O, C P. Ergo arcus L R K maior arcu H R I, seu maior  $180^\circ$  exhibet partem illuminantem; & arcus P S O minor arcu M S N, seu minor  $180^\circ$  partem illuminatam. Unde & contrarium evenire liquet, si sphaera C ponatur lucida, & B opaca. Demum cum in sphaeris aequalibus tangentes parallelae evadant, eo ipso per extrema diametrorum M N, H I transibunt, ideoque arcus uterque fiet  $= 180^\circ$ .

Per se patet, umbram a sphaera maiore opaca C proiecctam fore divergentem: contra umbram a sphaera minore opaca B proiecctam convergentem: a sphaera autem aequali umbram cylindricam infinitam proici. Longitudo umbrae B A a sphaera opaca minore B proieccta haud agere determinatur datis sphaerarum radiis, & centrorum distantia. Ducatur enim K D parallela ad A C; erit ob D C, & B K parallelas (utpote normales ad A O) D C K B parallelogrammum; &  $O D : O C = D K : C A$ , seu  $O C - K B : O C = B C : C A$ ; a qua, subtracta centrorum distantia B C manet A B, longitudo umbrae. Hic casus usui est in eclipsibus lunae, si B ponatur esse terra, C sol.

### §. XCVII.

Observatio. Si lumini omnis in cubiculo aditus obstruitur (F. III. T. II.) relicto exiguo foramine O, tempestate serena in albo pariete foramini obverso N n, omnium obiectorum extra foramen positorum, siquidem maiore solis luce perfusa fuerint, imagines suis etiam distinctae coloribus, etsi languentibus conspiciuntur & immotarum quidem rerum figurae immotae, motarum vero motae cernuntur. Situs omnium inversus est; quod inde accidit, quia radii per foramen O decussatim transeunt. Sic obiecti punctum supremum A exhibetur in puncto imaginis infimo a, & punctum obiecti infimum

mum B in puncto imaginis supremo b. Jam vero ocu-  
 lus idem nobis præstat, quod camera hæc obscura. Pu-  
 pupilla foramen est, quod radios lucis in ea se interse-  
 cantes admittit, qui in fundo oculi ceu in pariete rerum  
 imagines depingunt. Videntur tamen a nobis omnia il-  
 lu erecto; cum enim de obiecti situ non aliunde facere  
 iudicium possimus, quam ex impressione in organo  
 visus per radios facta, & radius a superiore obiecti par-  
 te incidens feriat partem oculi inferiorem, eo ipso ocu-  
 lus impressionem ad partem obiecti superiorem referet;  
 igitur, ut reipsa est, superior obiecti pars etiam loco  
 superiore videbitur. *Angulus opticus* dicitur, quem in  
 pupilla efficiunt radii ab extimis obiecti punctis veni-  
 entes, cui in camera obscura analogus est angulus  
 b Q a, qui fit a radiis A a, B b in foramine O se de-  
 cussantibus. Diligenter autem distinguenda est magni-  
 tudo *adparens angularis*, sive angulus opticus, qui fit  
 a radiis ab obiecti extremitatibus ad oculum ductis, a  
 magnitudine *adparente æstimata*; quæ est ideâ magnitu-  
 dinis obiecti, quæ in mente oritur tam ex impressione  
 in oculo, quam ex iis, quæ cum illa impressione con-  
 nectuntur, quin nexum distincte advertamus.

In magnitudine *adparente æstimata* ratiocinium in-  
 tervenire minime puncto; non tamen excludo nexum, quo  
 impressiones huiusmodi sæpius connectuntur cum ideis aliis  
 tempore habitis; ita ut, velimus, nolimus, istæ rursus  
 se menti sistant; sicut ex impressionibus characterum, aut  
 vocum in organo visus vel auditus factis exeuntur ideæ  
 rerum, quæ in idiomate nobis familiari indicantur. Dis-  
 tinctionem inter magnitudinem *adparentem*, & *æstimā-*  
*tam* iam VV. Optici agnoverunt, uti Alhazenus Opt.  
 l. 7. & Vitellio L. 10. vulgo attulerunt exemplum ma-  
 nus *aversæ* parieti, eunque oblegentis; qui licet sub eo-  
 dem angulo *adpareat*, ac manus; hac tamen longe ma-  
 ior ab omnibus evidenter *æstimatur*. Quæ de magnitu-  
 dine *adparente* obiectorum dicuntur, etiam de magnitudi-  
 ne *adparente* distantiarum intelligenda sunt, cum eadem  
 quoque rationem magnitudinis habeant.



## §. XCVIII.

Propositio IV. *Magnitudo adparens æstimata obiectorum a pluribus pendet causis, seu 1. ab angulo optico, sive magnitudine angulari, 2. a distantia adparente obiecti ab oculo, 3. ab obscuritate, & confusione, quæ obiecta adspectui nostro sunt exposta, 4. a numero diversorum obiectorum; quæ inter oculum & obiectum interiacere videmus, 5. ab ipsa oculi structura, 6. denique ab ipsa consuetudine iudicandi, seu ab experientia, quam de vera obiecti magnitudine, ac distantia habemus. Hæ saltem causæ, ac conditiones, a quibus magnitudo æstimata obiectorum pendet, distinctius exponendæ sunt; fortassis enim aliæ præterea in hac re concurrunt.*

I. *Magnitudo æstimata obiectorum pendet ab angulo optico.* Nam cæteris paribus de magnitudine obiectorum non aliunde iudicare possumus, quam ex imaginibus in oculo formatis, quarum magnitudo ab angulo optico determinatur. Hæc magnitudinis æstimatio potissimum locum habet in distantis maioribus, & incognitis. Tum enim iudicium de magnitudine obiecti ex angulo optico conceptum non facile ab aliis causis corrigitur. In his ergo casibus, si obiectorum æqualium, vel inæqualium imagines in oculo eundem angulum subtendunt, videbuntur æqualia obiecta: contra si idem obiectum in diversis ab oculo distantis positum ab alio atque alio angulo adpareat, diversa quoque illius magnitudo æstimabitur. Sic F. IV. T. II. si obiectum AB magis ab oculo removeatur, & situ parallelo transferatur in a b, sub minore angulo a C b adparebit, ita ut magnitudo æstimata obiecti in distantia AC ad magnitudinem æstimatam in distantia a C sit, ut ang. ACB ad ang. a Cb.

## §. XCIX.

Corollarium I. Licet tangentes angulorum in ratione paullo maiore, quam ipsi anguli crescant; tamen si anguli valde sint acuti, ad sensum sunt ut tangentes; ita, ut si neuter angulorum, qui comparantur, excedat 23 gradus, error minor sit vicesima totius anguli par-

parte, si angulis tangentes substituantur: si autem neuter angulorum integrum gradum superet, error nun-

quam excedet <sup>'''</sup> 54. Porro tangens anguli ACB est ad tangentem anguli aCb, ut  $AB : AO = ab : AO = aC : AC$ ; proinde tangentes angulorum opticorum, adeoque & ipsæ magnitudines æstimatæ diametrorum in dictis casibus erunt in ratione reciproca distantiarum. Intelligendum vero hoc est de magnitudine diametrorum, & dimensionum simplicium. Si enim obiectum directe oculo obversum planum sit e.g. circulus; tum magnitudo adparens circuli in distantia AC erit ad magnitudinem adparentem in distantia aC  $= AB^2 : AO^2 = ab^2 : AO^2 = aC^2 : AC^2$ , seu in ratione reciproca duplicata distantiarum.

### §. C.

Corollarium II. Lineæ parallelæ ad magnam distantiam productæ videntur concurrere. Nam interval- lum duarum linearum parallelarum sub minori usque angulo optico obiiicitur, ut adeo in magna distantia omnino videatur evanescere, & parallelæ concurrere. Similiter si obiectum datur eiusdem altitudinis cum oculo supra planum horizontale; & eius distantia ab oculo quinquies vel sexies millies maior sit altitudine, vide-

bitur ista sub angulo <sup>''</sup> 40 circiter, & vix non evanescet distantia obiecti a plano. Porro, quantum videantur concurrere lineæ parallelæ, plerumque non a solo pendet angulo optico, sed ab aliis præterea causis magnitudinis æstimatæ in Propositione assignatis. Nihilominus ex illo sequentium phænomenorum ratio petitur. 1. Cur turris admodum alta videatur versus illum propendere, qui eius verticem ex pede spectat; quia perpendicularum, ad quod turris est erecta, cum perpendicularo, quod per spectatoris oculum transit, in maiore altitudine concurrere videtur. 2. Cur maris superficies eo altius vidatur attolli, quo longius distat, & quo magis editus est locus, ex quo spectatur. Item cur in longioribus portibus & ambulacris lacunar videatur deprimi, & pavimen-

mentum attolli ; & cur , si prope murum longiorem , vel seriem continuam arborum viam facimus , ea , quæ ad dextram sita adparent , videantur versus sinistram accedere ; aut si utrinque sit murus vel arborum series ; cur semper longius a se videantur recedere , quo propius accedimus ; nempe linea horizontalis per oculum transiens semper manet in eodem situ : reliquæ autem parallelæ , seu supra seu infra , seu ad latera illius lineæ sint , ad eandem accedere videntur. 3. Sæpe videntur nubes altæ magno numero in fascias circulares , modicæ latitudinis , & versus idem horizontis punctum convergere ; quia a vento horizontali directione spirante impulsæ fasciarum longarum , & horizonti parallelarum formam induunt ; hinc versus horizontem convergentes , & ob magnam distantiam velut in superficie sphaeræ cælestis sitæ , & circulares adparent.

## §. CI.

Corollarium III. *Figura obiecti adparens pendet a situ punctorum , quæ radios ad oculum emittere possunt.* Sic enim angulus opticus omnium figuræ dimensionum determinatur. Hinc perspicuum est : 1. Linea , cuius directio per oculum transit , adparet , ut punctum : superficies , quæ producta etiam per oculum transiret , ut linea : & solidum , cuius unicuique tantum planum oculo obicitur , ut superficies. 2. Si oculus constituitur in axe polygoni regularis perpendiculariter per eius centrum transeunte , polygonum adparet regulare : sed si ponatur extra hunc axem , videbitur irregulare ; quia tum latera æqualia polygoni inæqualiter ab oculo distant , ideoque adparent inæqualia , nec eodem modo collocata. Hinc circius oblique visus ellipsin refert. Animadvertite : in distantibus minoribus & circiter cognitis figura adparens & æstimata a reliquis etiam causis supra enumeratis pendet. 3. Si oculus sit in eodem plano cum linea admodum longa , & ad magnam distantiam descripta , ea sive regularis sit , sive irregularis , adparet ut arcus circuli , cuius centrum oculus occupat. Quia differentię distantiarum diverforum punctorum ab

N

ocu-

oculo non distinguuntur : hinc omnes eæ distantiae æstimantur æquales , atque eo ipso oculus putat se in centro illius peripheriæ existere. Id nobis contingit in magna planitie utut inæqualiter terminata versantibus , ubi , licet continuo progrediamur , nullum nos fecisse spatium putamus , eoquod in centro adhuc consistere nobis videamur. Ob eandem rationem cælum nobis adparet instar sphaeræ cavæ , & globi cælestes e. g. sol instar superficierum circularium : polyedrum ad medium distantiam instar globi , ad maiorem autem instar plani circularis.

## §. CII.

II. *Magnitudo adparens æstimata obiectorum pendet a distantia adparente.* Finge enim , duo obiecta eundem in oculo angulum opticum subtendere. Si unum bis, vel ter magis distare, quam alterum videatur, simul duplo , aut triplo maius altero æstimabitur , uti quotidiana experientia docemur. Proin magnitudo tota adparens æstimata cæteris paribus erit in ratione compolita anguli optici , & distantiae adparentis, non veræ; neque enim hanc, sed illam per visum mens percipit.

*Errorem veterum Opticorum, qui magnitudinem adparentem ac æstimatam obiectorum a solo angulo optico deducebant, correxit Mallebranchius cum aliis. Videatur elegantissima dissertatio Bouguerii in Hist. Acad. Paris. ad Ann. 1755. ubi scitu dignissima adnotat ad solvendum celebre Opticorum problema: geminam corporum seriem in dato plano ita collocare, ut oculo positione dato videantur in lineis parallelis disposita. Si oculus supra planum ita elevaretur, ut omnes distantiae adparentes æquales, corpora illa in arcubus hyperbolicis ponenda essent, ut series ubique parallela videretur, quemadmodum veteres Optici invenerunt. At enim & ipsæ distantiae adparentis, & elevatio plani optici supra horizontem, a cuius situ distantiae adparentes pendent, plerumque in computum venire debent. De elevatione plani optici supra horizontem ita differit Bouguerius. Sit F.V. T. II. AF horizon; oculus ab eo sit elevatus distantia AB. Videbitur per Cor. II. §. præc. totum planum horizontale elevari e. g. in AP;*



*AP* ; & obiecta sita in horizontis punctis *C* , *M* , *F* adparebunt in *c* , *m* , *f*. Etsi vero Bouguerius lineam elevationis *AP* calculo observationibus nixo hyperbolicam repererit ; fatetur tamen , eam pro recta omnino haberi citra errorem posse ob exiguam eius curvaturam. Invenit autem angulum elevationis huius plani optici *AP* supra horizontem seu angulum *PAF* nunc  $4^{\circ}$  , aut  $5^{\circ}$  : nunc  $2^{\circ}$  vel  $2^{\circ}\frac{1}{2}$  ; atque , cum non parum pendere ab intensitate luminis , quo obiecta in horizontem posita illustrata sunt. Si planum reale *AF* , cui obiecta insistant , non fuerit horizontale , sed supra horizontem inclinatum , planum adparens *AP* supra verum multo magis elevabitur , ut illius ad hoc inclinatio esse queat  $25^{\circ}$  , aut  $30^{\circ}$ . Certe quamprimum montes ad horizontem sub angulo  $35^{\circ}$  aut  $37^{\circ}$  inclinantur , iam inaccessibiles sunt , ut nisi quis per scopulos ceterosque gradus , aut arbutis , ramisque nixus ascendat , ulterius eluctari non possit. Narrat prædictus Auctor , se ascendentium per eiusmodi montes hominum oculos sæpe observasse , eosque interrogasse , quot graduum æstimarent viæ altitudinem : ipsos viam 60 aut 70 gradibus ad horizontem inclinari respondisse , etsi  $36^{\circ}$  , aut  $37^{\circ}$  maior non fuerit. Contra si planum reale infra horizontem est depressum , elevatio plani adparentis successive tota evanescit : postea in partem oppositam recedit , ita ut planum adparens infra reale sæpe  $25^{\circ}$  , aut  $30^{\circ}$  depressum æstimetur.

## §. CIII.

III. Magnitudo adparens æstimata sæpe ab obscuritate pendet , & confusione , qua obiecta adspectui nostro sunt exposita. Scimus enim ab experientia , obiecta , quo remotiora sunt , eo obscuriora ob interceptam ab aere lucem adparere. Hinc cum remota semper obscura , & confusa videre soleamus , ea quoque iudicamus remota , quæ illorum more obscura adparent : quæ vero remotiora esse credimus , eo ipso maiora existimamus , quam præcise angulus opticus exhibet per §. præc. Itaque magnitudo adparens etiam æstimatur ex obscuritate , qua obiectorum imago repræsentatur.

Hinc pictores, dum colores clariores obscurioribus rite temperant, illud efficiunt, ut depicta corpora extra tabulam emineant, & solidi speciem referant. Pariter obiecta remotiora, ut sub debita tamen magnitudine adpareant, obscuriore colore exprimunt. Inde etiam intelligitur, cur noctu ignis lucidior adpareat propinquior, quam vere sit; alia vero obiecta, ceu vicinæ domus noctu iter facientibus remotiora videntur, quam sint reipja. Porro obscuritas & confusio tum potissimum in æstimationem magnitudinis adparentis influit, quando simul conveniunt, ut in dioptrica distinctius explicabitur. Ubique autem hanc causam obtinere, adfirmari haud potest; per concava perspicilla obiecta simul clariora & distinctiora, simulque exliora, quam oculo libero, adparent. Verum de clara distinctaque visione inferius.

### §. CIV.

IV. Magnitudo adparens æstimata pendet non raro a numero diversorum obiectorum, quæ inter oculum, & obiectum visum interiacere simul conspiciuntur. Magnitudo enim spatii interiacentis, & magnus obiectorum præsertim diversorum numerus speciem magnæ distantiae exhibent. Dum vero per errorem maiorem iusto distantiam obiecto tribuimus, eo ipso obiectum maius existimamus, quam præcise angulus opticus exhibet. (§. CII.)

Hæc causa est 1. cur si quis in planitie constitutus inter oculum & obiecta alia interiectam vallem cernere nequeat, ea sibi longe viciniora arbitretur; item cur horizon usque ad cæli superficiem procurrere videatur; eo quod nimirum nullum corpus intermedium conspiciatur. Quapropter si interpositum obstaculum rerum interjacentium conspectum nobis eripit, aut si obiectum per solum canalem telescpii vitris destituti vel per exiguum foramen in charta opaca factum spectetur, longe alia eius magnitudo, & distantia adparet, quam libero oculo. 2. Inde fortassis ratio peti potest singularis casus a Smithio relati Opt. L. I. n. 160. Observatum alicubi fuit, geminas arborum parallelas series in quodam rure oculo ad certam distantiam posito aivergentes adparere. Inter oculum, &  
ini-

initium arborum parallelarum interpositum erat spatium longitudinis semimilliaris, a quo, utpote interiectis obiectis vacuo, adparens distantia inter oculum, & initium seriei arborum magnopere imminui debuit. Contra quia distantia inter primas & ultimas arbores seriei parallelæ tantopere non minuebatur; eo ipso intervallum inter ultimas arbores respectively auctum est, atque ita series divergens adparuit. 3. Ex his intelligi potest, cur cælum instar fornicis aliquantum depressi superne subsidere videatur; adeo, ut diameter horizontalis ad verticalem Smithio Londini visus sit in ratione 10 ad 3. aliis Romæ in ratione 10 : 5 $\frac{1}{4}$ . Nempe si oculos supra horizontem attolimus, pauciora nobis occurrunt obiecta, & propter obliquitatem etiam languidius oculos percellunt. Adparens igitur distantia minuitur; cumque idem gradatim contingat in maioribus elevationibus, adparentis distantie imminutio, & fornicis ad verticem compressio eo maior fit, quo magis visum ab horizonte removemus. Sunt, qui hanc cæli compressionem adparentem maiori obscuritati tribuunt, qua cælum ob vapores prope horizontem inscitur, cum circa verticem vividius sit solis, lunæ, ac stellarum lumen. Sed huic explicationi repugnare videtur observatio, qua eandem adparere cæli compressionem novimus, quando fulgente luna planum horizontale fascia quadam albicante, & lucidiore ad aliquot gradus cingitur, magisque illuminatur, quam reliquæ cæli partes. 4. Ex hac demum cæli versus medium depressione fit, ut sol, & luna in ortu multo maiores etiam præscindendo a refractione nudo oculo adpareant, eaque ratione decrescant, qua altius supra horizontem ascendunt, ita, ut secundum æstimationem Smithii diameter horizontalis lunæ se habeat ad diametrum in altitudine 65°, ut 8 ad 3. Cum enim ob cæli compressionem distantie adparentes continuo minuantur, eo magis etiam imminui debet magnitudo adparens æstimata, quo luna vertici propior est. (§. CII.)

## §. CV.

V. Magnitudo adparens æstimata obiectorum etiam pendet ab ipsa structura oculi. Convenit inter Physicos obiecta remota, & proxima distincte videri non posse,

nisi variatio quædam contingat in dispositione partium, quæ oculi fabricam constituunt. Illud proin a natura provide cautum est, ut per fibras quasdam musculares varietur in oculo dispositio partium, prout ad obiectum remotum aut propinquum distincte percipiendum opus est. Dicemus autem in Dioptrica, recurri in hac re debere ad mutationem convexitatis in cornea & in lente chrySTALLINA, aut potius ad mutationem totius complexi ex capsula lentis, & inclaso humore aqueo lentem ambiente. Ex mutata dein convexitate corneæ & lentis chrySTALLINÆ, necesse est, ob aliam radiorum refractionem angulum opticum, ipsamque magnitudinem adparentem mutari.

*Mens avida intue-ndi obiectum maxima, qua fieri potest, distinctione, ipsamque musculos movet, eoque situ continet, in quo obiectam maxime distinctum cernitur. Et quamvis initio difficultatem quandam sentiat; tamen usu edocta id facillime dein efficit. Nonne in incessu quoque, ascensu, descensu & præsertim cum lapsus periculum imminet, summa facilitate movemus membra, ut linea directionis centri gravitatis intra basin conservetur? Mutata igitur oculi dispositione ipsam imaginem adparentem mutari necesse est; id quod in obiectis vicinioribus fere locum habet.*

## §. CVI.

VI. *Demum magnitudo adparens æstimata pendet ab ipsa consuetudine iudicandi, & ab experientia, quam de vera obiecti magnitudine, ac distantia habemus. Nempe quamdiu obiecta certo intervallo continentur, intra quod distantie nobis fere cognitæ ac familiares sunt, semper æqualia nobis censentur, etsi ob maiorem, minoremve distantiam sub diversis angulis opticis adpareant. Enimvero videat quis pigmæum sub maiore angulo, quam gigantem; non tamen hic illo minor æstimabitur. Refragatur nobis non advertentibus iudicium ex ideis experientia acquisitis natum, quod eiusmodi sensationes nunquam non comitari solet. Quin insitus veritatis amor, ac deceptionis odium, quæ in rudioribus etiam plurimum valent, conatum ad veram magni-*

gnitudinem adsequendam in nobis excitant. Hinc ad-  
fuescimus augere obiecta remotiora, aut oblique posi-  
ta; quamquam in hoc augmento non raro excessu, vel  
defectu peccemus. Atque idcirco ultima hæc magnitu-  
dinis adparentis æstimatæ causa illud incommodi habet,  
quod nullis certis legibus constringi queat, pendet enim  
a consuetudine, quæ varia est pro hominum, & obie-  
ctorum diversitate.

*Certum est, magnitudinem adparentem æstimatam  
non imminui tantundem, quantum in recessu ab obiecto  
viso eius angulus opticus minuitur. Est & alia observa-  
tio animadversione digna, quæ dictis plurimum lucis ad-  
dit. Homo in eadem, in qua nos sumus, planitie con-  
stitutus & 120 pedibus a nobis distans non ad tantam  
exilitatem reducitur, quantam præ se fert, si in turri  
120 pedibus alta a nobis conspiciatur. Quia nempe præ-  
ter consuetudinem ad tantam altitudinem oculos attolli-  
mus, nec eiusmodi distantiam ab experientia satis notam  
habemus, hinc isto casu magnitudinem potius ex angulo  
optico metimur. Memorabile est, quod D. Cheffelden cele-  
ber Anatomicus Anglus de puero 13 annorum a prima  
infantia cataracta laborante, qua eum liberavit, in  
Transact. Phil. n. 402 ann. 1728 refert. Puer oculorum  
usum adeptus omnia sibi contigua esse, nec ullum inter se,  
& cubiculi parietes interiacere intervallum putabat: cuncta  
adparebant supra modum grandia; nec capiebat, totam  
domum cubiculo suo esse maiorem. De figura corporum,  
& mole nil certi poterat statuere, antequam nimirum a-  
ptissimum oculorum usum ipsa experientia & consuetudine  
discere, & ideas per visum acquisitas cum ideis ope alio-  
rum sensuum obtentis combinare potuerit. Adeo certum  
est, magnitudinem obiectorum ex familiari etiam usu a  
nobis æstimari; quo rerum visarum magnitudines inter  
se, & cum distantis experientia cognitis comparare so-  
lemus.*

## §. CVII.

Propositio V. *Obiecta moveri dignoscimus ex motu  
imaginis eorum in fundo oculi depictæ: nec tamen hoc so-  
lo indicio discerni potest, minusne obiecti sit verus & ab-*

*solutus, an adparens tantum, ac respectivus.* Cum enim imago obiecti eundem in oculo motum obtineat, seu ipsum moveatur vere, seu ipso immoto oculus pari celeritate in adversas partes moveatur; facile intelligitur, ex solo imaginis motu discerni haud posse, utrius sit verus motus oculi, an obiecti, sed solum quod alterutrum absolute moveatur. Unde fit, ut si oculus una cum obiecto eadem celeritate & directione parallela feratur, neutrius motus distingui possit (nisi ad alia obiecta non simul mota attendatur) quia nempe obiecti imago tunc in oculo immobilis ad easdem organi partes hæret. Qui navi vehitur, facile in eodem se loco manere opinatur; & quia proprium motum non advertit, obiecta vicina in partem oppositam moveri putat. Hæc fallacia Oculorum eo maior est, quo navis est maior, quia tum plures navis partes cum variis inter se distantis, eundem relate ad nos situm tenere, ac quiescere videmus. Hoc modo in dies ludimur, quando solem, omniaque sidera circa terram immotam vehi credimus. Similiter cum nubes magna celeritate feruntur, luna velocissime moveri in plagam oppositam videtur immotis (uti adparet) nubibus, quia eadem celeritate, & directione progrediuntur, nec ob similem colorem discerni possunt.

*Si datur positione locus putativus oculi S (F. VI. T. II.) in quo se putat quiescere, & quotcumque puncta A, B, C, orbitæ veræ, quam obiectum mobile reipsa describit, cum punctis m, n, r, in quibus reipsa oculus iisdem temporibus existit, determinari potest via optica obiecti, seu in qua ab oculo se quiescere putante, moveri videtur. Ductis enim rectis Am, Bn, Cr agantur per S æquales & parallele Sa, Sb, Sc singulæ singulis: erunt puncta a, b, c via optica. Cum enim recta Sa sit æqualis & parallela rectæ Am, punctum a respectu puncti S eundem situm, eandemque habet distantiam, quam habet A relate ad m. Igitur oculus existimans se esse in S, obiectum a se in a conspici opinabitur. Similiter de reliquis punctis differendum est. Quodsi vero obiectum sit innobile in A (F. VII.) facta eadem fere constructione reperietur orbita optica obiecti AlN R quæ linea æqualis est orbitæ veræ oculi mn r, & in plano parallelo si-*

fitæ, eo ipso, quia omnia puncta utriusque viæ per lineas æquales, similiter positas & parallelas determinantur. Hinc si oculus movetur in circulo, vel ellipsi; suumque motum non advertat, obiecto alteri immoto tribuet motum circularem vel ellipticum. Hæc quidem magno usui sunt in Astronomia. Porro de visione obiectorum, quæ moventur, animadvertente primo: obiectum quavis celeritate motum si describat singulis secundis spatium, quod in oculo angulum non maiorem 15 aut 20 min. secundis subtendit, immotum videtur. Sic astra nudo oculo nullum videntur motum sensibilem habere; etsi plura intra min. secundum conficiant spatium angulum 15" subtendens. In horologiis italicis horarii motus plerumque ob eandem rationem insensibilis est. Secundo. Si corpus tempore unius secundi non describat plus, quam  $\frac{1}{1200}$  suæ distantiae ab oculo, pariter immotum adparet; nam tum illud spatium non subtendit angulum maiorem 17". 12". Tertio si obiectum propinquum movetur celeritate summa, uti glans tormento excussa, videri nequit. Nullibi enim tamdiu moratur, ut visus illic figi possit. Quarto si carbo vivus admodum celeriter in gyrum agitur, igneam tæniam forma circuli exhibet. Nam impressio lucis motum quendam tremulum in fibrillis oculi exhibet aliquamdiu perdurantem cum ipsa perceptione lucis. Quinto. Si candelabrum pensile accensis candelis suspensum e fune longiore & contorto ac postea sibi permissio circa axem rotetur, contingit quandoque, ut uni e spectatoribus videatur in hanc, alteri in alteram partem moveri quamvis uterque ex eodem illud loco intueatur. Nempe in certis distantiiis discerni nequit, quænam candela in diametro per oculum transeunte sit remotior, quæ vicinior oculo. Hinc dum alius hanc, alius aliam sibi viciniorē putat, necessario uni candela sua versus sinistram, alteri sua versus dextram moveri videbitur.





## C A P U T VII.

### *De Principiis Dioptrices.*

*Cum una ex parte ingens sit particularum lucis subtilitas, adeo, ut plures ex eodem obiecti puncto radii in oculum verve debeant ad sensibilem impressionem faciendam; ex altera autem parte radii ab eodem puncto digressi continuo divergant, varioresque ex quam pupillæ aperturam ingrediantur; idcirco varia excogitata sunt subsidia, quibus iidem radii in arctius spatium denovo coniungi, & densiores, magisque sensibiles effici queant. Quæ ratione per refractionem id præstetur, nunc expl. candum est; ac primo exponendum, quomodo focus in variis vitris, ac lentibus inveniatur: quid deinde ad claram distinctamque visionem sit necessarium: qui denique usus sit telescopiorum, & microscopiorum, quaque ad corrigendas eorum imperfectiones spectent.*

### §. CVIII.

Lex generalis Dioptricæ constanti observatione & experientia cognita est hæc: radii, qui ex medio rariore in densius transeunt, ac oblique in eius superficiem incident, refringuntur ad perpendicularum: contra radii, qui ex medio densiore in rarius exeunt, a perpendicularo. Atque hæc radiorum sub quocunque angulo incidentium refractione constanti lege peragitur, vi cuius sinus anguli incidentiæ ad sinum anguli refractionis constantem rationem tenet. Dum radius ex aere in vitrum vulgare transit, ea ratio est, ut 3: 2 vel exactius ut 31: 20. ex aere in aquam pluviam, ut 4: 3; ex vitro in aquam, ut 9: 8. Porro ex refractione fit, ut radii, dum per superficiem quandam sphericam transeunt, inde vel exeant paralleli, vel in aliquod punctum convergant, quod focus adpellari solet, vel ut a superficie ita dispergantur, ut retro producti in punctum aliquod coeant; quod quidem vocatur punctum dispersus, vel focus virtualis aut imaginarius. obiectum lucidum O (F.VIII.) emittat in lentem utrinque convexam AIBT oblique radium OI. Ducatur ex centro K superficiæ AI semidiameter KI, & producto indefinite radio incidente OI in G, demittatur ex K perpendicularum KG, fiatque: sinus anguli incidentiæ ex aere in vitrum est ad  
si.



finum anguli refracti, ut  $KG : KH$ . Radius  $KH$  descripto arcu, ducatur per  $I$  tangens ad arculum; eritque perpendicularum  $KH$  ut sinus anguli refracti  $KIH$ : ipse vero radius refractus  $IHP$  cum axe concurreret in  $P$ . At vero radius a prima superficie  $AI$  ita refractus, oblique incidit in superficiem alteram  $BT$  directione  $IP$ . Producat hic radius indefinite in  $D$ , & ex centro  $C$  superficiei  $BT$  demittatur perpendicularum  $CD$ ; fiatque rursus: ut est sinus anguli incidentiæ ex vitro in aerem, ad finum anguli refracti; ita  $CD$  ad  $CE$ . Ducatur per  $E$  &  $T$  recta  $ETF$ ; erit hæc via radii secundo refracti, eiusque cum axe concursus, seu focus punctum  $F$ .

*Paullo aliter se res habet, si radius incidit in superficiem concavam, F. IX. a puncto lucido  $O$  emittatur oblique radius  $OI$ ; ducto ex centro  $K$  semidiametro  $KI$  demittatur perpendicularum  $KG$ , fiatque: sinus anguli incidentiæ est ad finum anguli refracti, ut  $KG : KH$ . Radius  $PHS$  erit primo refractus, & in  $P$  focus virtualis; & sic porro constructio continuari potest. Unde totum discrimen in eo consistit, quod hoc casu radius in parte opposita iaceat, adeo, ut in formulis, quas pro casu priore adferemus, non nisi signum radii situm exprimentis mutandum sit, ut solutio pro superficiebus concavis obtineatur.*

## §. CIX.

**Problema.** Sit obiectum lucidum  $O$  (F. VIII.) in semidiametro  $KA$  producto; & radius  $OI$  incidat quam proxime ad rectam  $OA$  in superficiem sphaericam utrinque convexam, cuius superficiei semidiametri sint data: sit præterea cognita ratio sinus anguli incidentiæ, & refracti; oportet invenire focum, seu concursum radii post binam refractionem cum axe  $OB$  in  $F$ .

**I.** Ducantur ad axem normales  $IN$ ,  $TM$ ; & ponatur semidiameter  $AK = a$ . Distantia  $OA = d$ .  $KG = p$ ;  $KH = q$ . Quoniam radius maxime vicinus axi ponitur, haberi potest  $OA = ON = OI$ , &  $AP = PI$ ; quod intervallum modo inveniendum ponatur  $= y$ ; erit  $PH = PK = AP - AK = y - a$ . &  $OK = OA$

+

+AK=d+a. Ex similitudine triangulorum OKG,  
ONI fiat OK:KG=OI:IN= $\frac{OI.KG}{OK}$ . Et

ex similitudine triangulorum PKH, PNI fiat: PK:  
KH=PI:IN= $\frac{PI.KH}{PK}$ . Erit itaque  $\frac{OK}{OI.KG}$

= $\frac{PI.KH}{PK}$ , & substitutis literis  $\frac{dp}{a+d} = \frac{qy}{y-a}$ ;

Hinc erit dpy—adp=aqy+dqy; & dpy—  
aqy—dqy=adp. Demum y= $\frac{dp-aq-dq}{dp-aq-dq}$ .

II. Similiter ponatur semidiameter CB=b=CT;  
crassities AB=e, & CD=q; CE=p; erit PT=  
PB=y—e; & PC=PB+CB=y—e+b. De-  
mum fit BF=TF=x. Ex similitudine triangulorum

PCD, PMT erit PC:CD=PT:MT= $\frac{PT.CD}{PC}$ .

Et ex similitudine triangulorum FCE, FMT erit FC:  
CE=FT:MT= $\frac{FT.CE}{FC}$ . Itaque  $\frac{PT.CD}{PC}$

= $\frac{FT.CE}{FC}$ , seu  $\frac{y-e \times q}{y-e+b} = \frac{px}{b+x}$  five

bqy—beq+qxy—eqx=pxy—epx+  
bpx; & bq x—beq=pxy—epx+bp x—  
bq(y—e)

qxy+eqx. Demum x= $\frac{py-ep+bp-qy+eq}{bdp}$ .

Si ponitur e=0. & b=a; erit y= $\frac{d(p-q)-bq}{d(p-q)-bq}$

& x= $\frac{bqy}{bp+(p-q)y}$ ; inde substituto in hac æqua-

tione valore  $y$ , factaque reductione invenitur  $x =$   
 $\frac{b d q}{2 d (p - q) - b q}$

five quia  $b = a$  ex hyp.  $x =$   
 $\frac{a d q}{2 d (p - q) - a q}$

$$\frac{a d q}{2 d (p - q) - a q}$$

*Dum lumen ex aere in vitrum transit, habetur  $p :$*

$$q = 31 : 20 ; \text{eritque tum } y = \frac{31 a d}{11 d - 20 a} ; \text{aut si ra-}$$

tione minus adcurata utamur ponendo  $p = 3 ; q = 2 ;$   
 $\frac{3 a d}{6 a b d - 2 b d e + 4 a b e}$

$$\text{fiet } y = \frac{3 a d}{d - 2 a} \text{ Et } x = \frac{3 a d - e d + 3 b d - 2 a e - 6 a b}{2 a b d} ;$$

Et quoniam crassities vitri plerumque negligi potest, posi-

$$\text{to } e = 0, \text{ fiet } x = \frac{d(a + b) - 2 a b}{2 a b d} . \text{ Ex his iam de-}$$

monstrabimus refractionum leges, quas alii duntaxat re-

## §. CX.

Corollarium I. In vitris planis, quorum superfi-

$$\text{cies parallelæ sunt, radius uterque } a \text{ \& } b \text{ infinite ab}$$

$$\text{iis superficiebus distabit, eritque } a \text{ \& } b = \infty ; \text{ \& } x$$

$$= \frac{2 \infty^2 d}{2 \infty d - 2 \infty^2} = -d . \text{ Hinc primo si divergentes}$$

incidunt, ut solutio problematis supponit, transibunt  
 irrefracti, ac proin divergentes; habebunt enim focum  
 virtualem  $-d$ , id est, in ipso puncto lucido. *Secun-*  
*do.* Si incidunt *convergentes*, distantia  $d$  capienda est cum  
 signo negativo, quia contra hypothesin iacet translen-  
 tem; consequenter erit  $x = d$ ; sicque rursus irrefra-  
 cti transeunt, & concurrunt cum axe eo in puncto,  
 in quo sine refractione concurrissent. Vnde colligitur,  
 quodsi in verticem  $A$  lentis etiam concavæ aut conve-  
 xæ aut plano-convexæ incidat aliquis radius oblique  
 $VA$  (F.IX.) haberi possit pro eiusmodi, qui sine re-  
 fra-

fractione transeat, eoquod tangentes & lamellæ vitreæ, in ingressu & egressu sunt parallelæ. *Tertio* Si radii in vitrum utrinque planum incidant *paralleli*, erit  $d = \infty$ ; hinc etiam  $x = \infty$ , seu exhibunt paralleli.

### §. CXI.

Corollarium II. *In vitris utraque ex parte concavis* radius uterque signo negativo est adficiendus, erit-

que tum  $x = -\frac{2abd}{d(a+b)+2ab}$ . Hinc *primo* radii di-

vergentes, quos formula supponit, reproducti habebunt focum virtualem  $= x$ ; & si obiectum lucidum fuerit in centro radii  $a$  incidentis, sitque  $b = a$ , &  $d = a$ ; fiet  $x = -a$ , seu radii ex ipso centro, ubi obiectum lucidum est, irrefracti transibunt. *Secundo*. In radiis *convergentibus*  $d$  signo negativo adfici debet, est-

que  $x = -\frac{2abd}{-d(a+b)+2ab}$ . Hinc si radii ad centrum len-

tis concavæ convergant, adeo, ut sit  $d = a = b$ ; erit  $x = \infty$ , seu radii exhibunt paralleli. Quodsi vero radii ultra centrum lentis convergant, adeo, ut sit

$d > a$ ; erit, posito  $a = b$ ,  $x = \frac{ad}{-d+a}$ . Quanti-

tas negativa, seu dabitur focus virtualis, & radii transibunt divergentes: contra si radii citra centrum lentis convergant, erit  $d < a$ , &  $x$  quantitas positiva, id est, radii transibunt convergentes. *Tertio* Si radii, *paralleli* incidant, sitque  $d = \infty$ , &  $a = b$ , fiet  $x = -a$  seu radii ex lente progredientur, ac si via recta ex illius centro exissent.

### §. CXII.

Corollarium III. *In vitris utrinque convexis* habetur,

ut dictum est,  $x = \frac{2abd}{d(a+b)-2ab}$ . Hinc *primo*

radii *divergentes* ab obiecto, si sit in distantia radii  $a = b$ , five

sive in centro superficiei, exhibunt paralleli. Fit enim  $x = \infty$ ; si vero obiectum lucidum sit in minore distantia, quam quæ semidiametrum æquat, sitque  $d < a$ ;

erit posito  $a = b$ ,  $x = \frac{a d}{d - a}$  quantitas negativa; pro-

inde radii exhibunt divergentes: si autem sit  $d > a$ , fiet  $x$  quantitas positiva, & radii prodibunt convergentes, & tum dabitur focus verus, sed longior, quam in ra-

diis parallelis; erit enim  $\frac{a d}{d - a} > a$ , seu  $d > d - a$ .

*Secundo.* Radii convergentes, posito  $-d$ , loco  $d$ , con-

venient in distantia  $x = \frac{-2 a b d}{-d(a+b) - 2 a b} =$

$$\frac{2 a b d}{d(a+b) + 2 a b}$$

; proin citius concurrent. Et si fuerit convergentes ad centrum convexitatis, utpote superficiei perpendiculares, sine refractione transibunt.

*Tertio.* Radii paralleli habebunt focum in ipso centro; nam posito  $d = \infty$ , fiet  $x = a$ .

In lentibus plano convexis, si crassities vitri negligatur, perinde quidem erit, quænam superficies obiecto obvertatur, ut ex allatis formulis facile eruitur. At vero si computetur etiam vitri crassities, etsi ponatur  $d = \infty$ , reperietur in casu, quo superficies plana obiecto obvertitur,  $x = 2b$ . Si vero superficies convexa obiectum respi-

ciat, reperietur  $x = 2a - \frac{2e}{3}$ , & si sit  $a = b$ , fiet fo-

corum discrimen  $= \frac{2e}{3}$ . Quod observandum est in tele-

scopiis, ne dum forte eiusmodi lens ad abstergendas maculas e tubo eximitur, contrario situ reponatur; nam  $\frac{2}{3}$  partibus vitri crassitiei focus mutari potest. Cæterum distantia obiecti prope infinita censi potest, si fuerit milles maior semidiametro  $a$  seu  $b$  in vitris utrinque æque convexis. Sit enim  $a = b = 10$  digit. &  $d = 10000$  dig.

repe-

$a d$

reperietur  $x = \frac{a d}{d - b} = 10.01$ . Posito vero  $d = \infty$ ,

fiet  $x = a$ , adeo ut differentia unam centesimam non superet. Focus, quo radiorum parallele incidentium concursus vulgo intelligitur, in lentibus convexis practice invenitur, si in camera obscura foramini ad fenestras relicto adplicetur vitrum, & radii obiectorum remotiorum, per vitrum transeuntes excipiantur charta eoque remota, donec imago obiecti minima, maximeque distincta representetur. Distantia inter chartam & vitrum erit ipsa foci distantia. Si autem vitrum est concavum, tegatur charta nigra foraminibus pluribus in circuli peripheria excisis; radii solis per ea transmissi, atque post refractionem tabula excepti divergent, totidemque albas maculas depingent, quæ in circuli eo maioris peripheria sitæ erunt, quo longius tabula removetur: dum ergo diameter huius circuli dupla erit illius, in quo foramina chartæ sunt incisa, tabulæ a vitri puncto medio distantia æquabitur longitudini foci quæsita. Quia nempe radii omnes e foco virtuali via recta divergere usque ad chartam concipiuntur; hinc si peripheria circuli in charta dupla est veræ, vitrum erit in medio foci virtualis, & chartæ: ac proinde distantia vitri a charta æquabit distantiam foci virtualis a vitro.

### §. CXIII.

Observatio. Ut intelligatur, unde clara, & distincta visio obiectorum pendeat, observa, quid radiis luminis in cameram obscuram per lentem convexam immissis eveniat: nempe post transitum per lentem ita in focum uniuntur, ibique obiecti lucidi imaginem depingunt, ut siue cis siue ultra focum in tabula quapiam excipiantur, obiecti quidem imaginem exhibeant, sed tanto maiorem, minusque vivacem, ac distinctam, quo maior tabulæ a foco distantia fuerit. Hæc radiorum extra focum divergentia, & consequens inde imaginis extensio facit, ut duorum obiectorum vicinorum imagines extra focum confundantur, & si diversi coloris sint, sub colore ex utroque composito adpareant. Porro in oculo nostro vices foraminis pupilla, & officium lentis

tis convexæ agunt humores aqueus & chryſtallinus ; demum tabulæ loco , quæ radios excipit , eſt retina. Itaque viſio *diſtincta* non tantum requirit angulum ſenſibilem , ſub quo partes diſtinguendæ videntur , ſed etiam convenientem radiorum a quavis parte ſenſibili obiecti , venientium collectionem in oculo , adeo , ut viſio diſtincta ſit , quando apices conorum luminorum , qui e ſingulis obiecti punctis egrediuntur , in ipſa retina iterum efformantur. At viſio *confuſa* erit , dum lux ad retinam pervenit vel ante vel poſt radiorum in focus concurſum. Demum *claritas viſionis* pendet a numero radiorum , quibus pars quælibet in oculo depingitur , & cæteris paribus ab apertura pupillæ aut lentis definitur. Sicut autem in camera obſcura , ſi obiectum a lente convexa nunc recederet , nunc ad eam accederet , diverſa eſſet foci a lente diſtantia cum focus per problema ſuperius a diſtantia obiecti pendeat ; ita quoque ſi oculus immutatus manet , non niſi in unica obiecti ab oculo diſtantia focus in retina efformaretur , ac viſio diſtincta fieret : in aliis obiectorum diſtantiis radii ante aut poſt retinam in focos concurrerent , & ſemper viſio confuſa daretur. Robinſonius quidem in Append. ad Phyiicam Helſhamii inito calculo oſtendit , obiecti ab oculo diſtantiā deberē eſſe  $5\frac{1}{4}$  dig. ut viſio diſtincta oculo non immutato detur. At vero experientia conſtans demonſtrat , poſſe a nobis obiecta intra certum intervallum diſtincte conſpici , etſi nunc magis , nunc minus remota ſint , ſive etſi radii modo magis , modo minus divergant , aut prope paralleli ſint. Quapropter ad habendam in his caſibus omnibus diſtinctam viſionem , neceſſe eſt , ut diverſa in oculo mutatio fiat , qua radii non eodem modo oculum ſubeuntes , in retina tamen ceu in foco coniungantur. Is ergo optimo gaudebit viſu , qui oculum pro quacunque obiecti diſtantia & radiorum incidentia tam expedite componere valet , ut eius imago quovis caſu in retina depingatur. Tam perfecti quidem oculi vix reperiuntur : ii tamen pro valentibus vulgo cenſentur , qui obiecta tum vicina , tum etiam remotiora ( intra certum intervallum ) ſat diſtincte vident.

Dubium est, in quonam hæc oculi eiusque structuræ mutatio consistat, nec certi quidpiam habetur compertum. Sunt, qui distantiam retinæ vel choroidis ope muscutorum mutari dicunt: verum tantum vulgo datur distinctæ visionis intervallum, ut retina per  $\frac{7\frac{3}{4}}{100}$  unius lineæ in mensura pollicis duodecimali moveri deberet; id quod Anatomicis vix possibile videtur. Alii putabant, humorem chrySTALLINUM mobilem esse, & nunc versus fundum oculi posse adduci, nunc removeri. Verum nec id sufficere ostendit SURINUS, qui confugiendum putat ad immutationem convexitatis in cornea, & in humore chrySTALLINO, qui cuidam membranæ ceu capsulæ inclusus, hac capsula ope ligaminum ciliarium adducta complanatur, ea vero rursus laxata magis convexus evadit. Hæc quidem omnia subsidia fortassis sufficiunt, ut distincta visio ad plures pedes extendatur. Vide dissertationem M. PETIT in *Act. Acad. reg.* 1730. Quod ad angulum attinet, sub quo obiectum, ut sensibile sit adparere debet, constat experientia, ab oculo valente, & valde acuto, obiectum, licet ægre, adhuc percipi, si eius magnitudo non multo plus quam 50000 in sua distantia continetur. Occupat in hoc casu imago obiecti partem 0.008 unius pollicis in retina, quæ pars ceu punctum retinæ sensibile assumi potest ad formandam distinctam visionem.

## §. CXIV.

Corollarium. Intellectis iis, quæ ad distinctam visionem requiruntur, oculorum quoque vitia faciles explicatus habent. Si humor chrySTALLINUS, aut anterior pars corneæ, quæ facilioris explicationis gratia instar lentis utrinque convexæ considerari possunt, aut nimium, aut minus quam oportet, convexa sit: oculi autem musculis aut fibris se pro quovis casu contrahendi, vel dilatandi facilitas desit, obiecta non nisi intra certos limites constituta distincte videri possunt.

I. Si humor chrySTALLINUS, vel anterior pars corneæ sit nimis convexa, locus imaginum, quæ a radiis obiectorum valde remotorum parallelis depinguntur, est humori chrySTALLINO admodum vicinus, adeo ut radii in  
fo-



focum ante concurrant, quam ad retinam perveniant. Nam cæteris paribus longitudo foci in radiis parallelis est. ut radius convexitatis, uti colligi potest ex Cor. III. §. CXI. n. 3. Idcirco eiusmodi oculis obiecta tantum vicina, ex quibus radii divergentes oculum subeunt, distincta adparent. In hoc enim casu distantia imaginis seu focus magis removetur a lente chrySTALLINA, quam in radiis parallelis; erunt enim longitudi-

ad

nes focorum  $\frac{a}{d} : a = d : d - a$  (loc. cit. n. I.) Qui

$d - a$

hoc vitio laborant, dicuntur *Myopes*, & dum obiecta remota intuentur, lentes concavas pro perspicillio adhibent; radii enim paralleli per eiusmodi lentes ingreſſi exeunt divergentes ceu ex centro lentis (Cor. II. §. CX. n. 3.) cæterum dum *Myopes* ad obtinendam radiorum divergentiam obiecta propius sibi admovent, ob vicinitatem maiorem lucis copiam excipiunt, sicque clariore perceptione gaudent.

II. Si humor chrySTALLINUS, aut pars anterior corneæ tam exiguum habeant convexitatem, ut obiectorum longe distantium imagines duntaxat colligantur in retina: radii autem divergentes ab obiectis vicinis emissi trans retinam in focum coire deberent, tunc obiecta vicina confuse, remotiora distincte videntur. Hoc vitium eorum est, qui *Presbytae* dicuntur, maxime senum, in quibus ætas humores exsiccat, convexitatem humoris chrySTALLINI minuit, efficitque, ut anterior pars corneæ paulum subsidat. Juvant hos lentes convexæ, per quas radii divergentes fiant convergentes aut paralleli (Cor. III. n. I.) Inde datur ratio, cur urinatores sub aquis demersi obiecta confuse tantum conspiciant. Nam refractionis radiorum ex aere in aquam incidentium tanta fere est, quæ sit in oculo nostro. Itaque oculo intra aquam posito refractionis solita in humore aqueo nulla fit: reliqua autem est exigua; hinc radii non nisi post retinam colliguntur. Unde in piscibus humor chrySTALLINUS est densior, ut maiores pariat refractiones, & globosus, ne maius inter ipsum, & oculi fundum spatium relinquatur.

III. Huc etiam pertinet oculorum vitium, quod *Strabismus* dicitur, dum nempe alteruter oculus a re, in quam obtutus desigendus est, detorquetur. Origo huius vitii repetitur a nimia oculorum inæqualitate; si enim in uno obiecti imago distincta, in altero confusa depingitur, ex naturali conatu distincte videndi contrahitur consuetudo oculum debiliorem ab obiecto detorquendi, ne imago distincta a confusa impediatur. Si oculorum inæqualitas ultra  $\frac{3}{4}$  intervalli distinctæ visionis non excedat, constat, huic malo remedium adferri posse, claudendo nimirum sepiissime oculum valentem, solumque vitiosum adhibendo; sic enim debiliior adfuescit, dirigere sese ad obiectum.

*Nec Myopes nec Presbytae ullum quoad distinctionem defectum sentirent, si pupilla non tam late pateret. Nam si aditus in oculum per unicum punctum foret, ut e singulis obiecti punctis unicus tantum radius admitteretur, radii singuli in singula & separata retinae puncta incidere, distinctamque imaginem efficerent. Hinc obiecta per parvum foramen visa multo distinctiora, licet minore claritate videntur; quia plurimis exclusis radiis confusio vicinorum conorum lucidorum, si eorum apices in retina non terminantur, impeditur. Ob paucitatem autem radiorum eo ipso visio erit minus clara. Indidem intelligitur, cur presbytae minuto charactere scripta legere non possint, nisi vehementi lumini exponantur. Nempe per copiosum lumen pupilla contrahitur, eoque ipso visio ceu per exiguum foramen fit distinctior. Deinceps ad telescopia & microscopia progrediar ceu arma; & remedia oculorum, quorum opè radii quidem ita refringuntur, ut ex lente ultima oculari paralleli ingrediantur oculum. Hæc parallelorum radiorum directio myopibus nil servit, qui ad distinctam visionem radios divergentes requirunt; at nec pro presbytis, aut oculis bene valentibus parallela radiorum directio aptissima est. Nam, ut Caillius observat, etiam illi, qui nullo oculorum vitio laborant, putant se in luna plena quandam faciei humanæ figuram cernere. Oritur hoc quidem ex maculis lunæ magis, minusque lucidis. Accedit præiudicium, quod facies lunæ plenæ ita vulgo depingi solet. At si per telescopium luna conspici-*

citur, quo nempe maculæ distinctius exhibentur, nullam cum humana facie similitudinem refert; itaque cum lunæ maculæ semper confusæ, magnæ, maleque terminatæ (licet per foramen conspiciantur, nullo tamen adhibito telescopio) adpareant, necesse est, lunæ distantiam esse maiorem, quam visio distincta oculi cæterum excellentis admittat. Et cum radii ad nos missi ad sensum sint maxime paralleli, sequitur, parallelismum radiorum, cum oculum subeunt nullo vitio laborantem non efficere visionem distinctam, sed ad hanc potius requiri, ut radii tantillum divergant. Verum id discrimen in telescopiis, ut Caillius fatetur, vix est perceptibile: magis autem advertendum in microscopiis est. Expediit nihilominus generatim tuborum lentes ita combinare, ut radii ex lente oculari paralleli egrediantur; cum enim radiorum directio ad visionem distinctam requisita haud multum a parallelismo discrepet, observator ipse perbrevis tentamine & motu lentis ocularis aptissimum illius situm determinare poterit. Quodsi radii paralleli oculum subirent, illd quoque commodum accederet, quod, in quocunque axis puncto oculus constitueretur, obiectum sub eodem angulo, proin eiusdem magnitudinis videretur. Sic F. XIII. anguli  $b o c$ ,  $b a c$  &c. omnes sunt æquales, eundemque angulum opticum in oculo formare debent.

## §. CXV.

Telescopium primo inventum *Hollandicum*, seu *Galileæanum* dicitur; F. X. constat ex vitro oculari P Q una saltem ex parte concavo, quod intra vitrum obiectivum M N convexum, aut plano-convexum, ac eius focus o ita collocatur, ut axes utriusque in eandem rectam D o, & foci in idem punctum o coincidunt. Unde patet 1. Radii a puncto O in axe producto posito; & admodum remoto emissi fere paralleli ingrediuntur lentem obiectivam M N, ceu radii O o, O o, & absente lente oculari unirentur in foco o (Cor. III. §. CXI. n. 3.) Quoniam ergo hi radii ad lentem P Q ita convergunt, ac si tenderent ad eius focus o, exhibunt inde in oculum paralleli (Cor. II. §. CX. n. 2.) 2. Radius B D b qui transit per verticem lentis obiectivæ irrefractus (Cor. I. §. CIX.) cum re-

liquis radiis parallelis ab eodem puncto B emissis B b, B b absente lente oculari unirentur pariter in b. Cum ergo in lentem ocularem ita incident, ac si imago foret in centro b o, radii exhibunt paralleli, & quidem directione C F, ad radium principalem irrefractum b K parallela. 3. Itaque magnitudo adparens sine tubo erit ad magnitudinem adparentem per hoc telescopium, ut angulus O D B ad ang. C F o, seu ut ang. b D o: ang. b K o. Si iam angulis tangentes substituantur (§.XCIX.) & b o habeatur pro sinu toto, erunt o K, o D cotangentes angulorum b K o, b D o; tangentes autem sunt reciproce ut cotangentes: itaque erit o K: o D; ita tangens anguli b D o, ad tangentem ang. b K o seu fere ut ang. b D o ad ang. b K o, id est, ut magnitudo adparens sine telescopio ad magnitudinem adparentem visam per telescopium. Augetur ergo magnitudo adparens in ratione foci lentis ocularis ad focum lentis obiectivæ. 4. Obiectum per hoc telescopium videtur erectum. Nam partem inferiorem obiecti B oculus secundum impressionem P C factam refert directione C P, adeoque versus partem inferiorem, uti revera est (§.XCVII.) 5. Cum radiorum fascis P C divergit, idem oculus nequit ambas imagines C & o capere, nisi pupilla sit admodum ampla, & vicina puncto F, ipsique adeo lenti. Hinc campus horum tuborum, seu spatium uno obtutu comprehensum eo minus est, quo maior est focus seu radius lentis ocularis (proin & obiectivi (quia certam inter se proportionem, uti explicabimus, tenere debent) item quo lucidius est obiectum, quoniam pupilla nimis ingente lucis copia coartari solet. Unde usus horum tuborum pro obiectis remotioribus pœne est abolitus, utpote quæ tubos longiores requirunt. Idem adhibentur maxime pro vicinioribus, ut theatris; unde tubi *theatrales* vocantur.

## §. CXVI.

*Telescopium Astronomicum* (F.XI.) componitur ex duabus lentibus convexis, aut plano-convexis, altera oculari P q, altera obiectiva M N ea lege dispositis, ut communis earum focus inter easdem sit in o. Hinc

1. Radii ex punctis O & B venientes, & lentem obiectivam paralleli ingressi colliguntur in focos o & b, ibique satis distincte obiecti imaginem depingent (Cor. III. §. CXL.) cum vero in o sit centrum lentis ocularis PQ, radii ex illa imagine in lentem incidentes, ac per eam refracti exhibunt paralleli. 2. Radii ab obiecto B, eiusque imagine b prodeuntes exhibunt directione PCF ad radium principalem irrefractum bK paralleli. Hinc magnitudo adparens per telescopium erit ad magnitudinem adparentem oculo libero, ut angulus PFK seu bKo ad angulum bDo seu ut oD: oK, id est, magnitudo adparens augetur in ratione foci lentis ocularis ad focum lentis obiectivæ. 4. Obiectum per hoc telescopium videtur situ inverso; nam punctum obiecti inferius refertur directione radii FCP sursum, seu ad superiorem partem. 5. Amplitudo campi potissimum pendet a magnitudine spatii bo, quod totum ab oculo in F constituto videtur. Illud vero spatium bo eo maius est, quo amplius, maiorisque spatii lens obiectiva sit.

## §. CXVII.

*Telescopium terrestre* ab astronomico non differt, nisi quod aliæ duæ lentes oculares addantur, ut inversa obiectorum imago situi naturali restituatur. F. XII. Sic autem lentes oculares PQ, RS, TV in uno axe collocantur, ut cuiusque focus utrinque congruat cum focus aliarum: unde & lentes & intervalla æqualia esse solent. Radii igitur paralleli primam lentem obiectivam MN ingressi, in eius foco depingent imaginem inversam bo; ex hoc foco in lentem PQ incidentes refringuntur ita, ut inde exeant paralleli, & in F decussentur. Parallele igitur ingredientes lentem RS, ab ea in focum  $\alpha\beta$  colliguntur, ibique imaginem situ erecto formabunt; ex hoc demum foco radii per lentem ultimam transmissi exhibunt in oculum paralleli: & punctum obiecti infimum B referetur directione fV, id est, versus partem infimam, ut revera est. Telescopium astronomicum saltem in usu astronomico, huic terrestri longe præfertur, tum quod in illo minus radiorum pereat, qui non nisi per duo vitra traici debent, tum

quod tubus astronomicus maiorem admittat campum, lentemque ocularem foci minoris, ut proinde maioris augmenti capax sit.

*Myopes, qui ad distinctam visionem radios divergentes requirunt, dum utuntur telescopio Hollandico, lentem ocularem propius admovere ad obiectivam debent. Idem in telescopio astronomico & terrestri observandum est. Nam dum lens ocularis obiectivæ admovetur, eo ipso distantia lentis ab imagine b o minor fiet lentis radio; hincque radii egredientur divergentes.*

### §. CXVIII.

*Microscopii usus est in spectandis rebus minutis. Simplex constat unica lente convexa (F. XIII.) ita adplicata, ut eius focus O cadat in obiectum OB; unde radii in oculum subibunt paralleli. Hinc primo obiectum videbitur distincte sub angulo B o O, qui illud eo magis augebit, quo obiectum vicinius est, quam sit intervallum distinctæ visionis. Cum igitur distincta visio plerumque non fiat, nisi obiectum 8 dig. circiter ab oculo distet; ponatur hæc distantia =  $\omega$  o; obiectum B O videbitur esse in  $\beta$  o; eritque magnitudo adparens ad veram, ut  $\epsilon \omega : B O = \omega o : O o$ ; hinc si ponatur distantia foci O o =  $\frac{1}{4}$  dig. erit magnitudo adparens ad veram, ut  $8 : \frac{1}{4} = 32 : 1$ . Secundo. Si lentis loco substituatur sphaera vitrea, & quæretur focus O o = x ex formula (§. CVIII. Schol.)*

$$6 a b d - 2 b d e + 4 a b e,$$

ponendo  $a = b$ ;  
 $3 a d - e d + 3 b d - 2 a e - 6 a b$

&  $e = 2 a$ ;  $d = \infty$ ; fiet  $x = \frac{1}{2} a$ . Adeoque obiectum O B collocandum erit in distantia dimidii radii a sphaerula, eoque maius erit augmentum, quo minor est radius. Quapropter hoc casu erit distantia integra O o

obiecti a centro  $\frac{1}{2} a + a = \frac{3a}{2}$ . e g. Sit a  $\frac{1}{6}$  dig.

erit O o =  $\frac{3}{12} = \frac{1}{4}$ ; & magnitudo diametri adparens  
 ad

ad veram erit, seu  $oo : Oo = 8 : \frac{1}{4} = 32 : 1$ . Superficies autem adparens ad veram erit  $oo^2 : Oo^2 = 1024 : 1$ .

*Microscopium compositum constat duabus lentibus convexis (F. XIV.) prima MN exigui est foci, ultra quem tantillo collocatur obiectum BO, ut eius imago bo tanto magis removeatur ab axe, sicque increseat. (§. CXI.) focus autem lentis ocularis Pq congruit cum imagine ob, adeoque radii inde per lentem PQ refracti, paralleli subibunt oculum. Quapropter obiectum OB eo magis augeatur, quo magis eius imago bo removetur a lente obiectiva. Cum porro mutata obiecti OB distantia etiam locus imaginis variet, necesse est, obiectum aut tubulum pro commodiore usu mobilem esse.*

## §. CXIX.

*Duplex in tubis dioptriciis imperfectioprehenditur; altera figuræ lentium, altera lucis in varios colores dispersioni tribuenda est. Figura lentium, quæ sphaerica solet esse, etsi politissime elaboretur, non colligit incidentes radios in unum punctum; sed quo longius hi ab axe incident, eo citius cum axe concurrunt; & quidem tanto plura dantur id genus concursuum puncta, quo plures gradus comprehendit arcus radios excipiens; unde confusionem quandam in imagine fieri necesse est, quæ locum maxime habet in microscopiis, quorum lentes admodum curvæ esse solent. F. XV. Sit A G B lens plano-convexa. In F sit focus radiorum proxime ad axem incidentium: in I autem concursus radii q B refracti per BI; erit IF aberratio, ut dici solet, in longitudinem, quæ quidem haud ingenti opera ostenditur esse in ratione directa duplicata aperturæ, cuius radius est e. g. CB, & reciproca simplici radii. Si dein radius AE producat, donec in H occurrat perpendicularo HF erecto in foco F, exprimet recta FH aberrationem lateralem; quæ demonstratur esse in ratione triplicata aperturæ, & reciproca duplicata radii. Denique si per intersectiones radiorum intimorum, & extimorum ducatur diagonalis DE; erit hæc aberratio*

in latitudinem seu diameter circelli, in quem radii omnes per lentem refracti colliguntur: unde maxima ibidem est densitas radiorum; & quo maior hic circellus fuerit, eo maior erit in imagine obiecti confusio. Porro aberratio maxima in latitudinem reperitur æqualis quartæ parti aberrationis lateralis, & circellus radii ZE distat a foco I extimorum radiorum ceu qB parte quarta totius aberrationis IF in longitudinem.

Quoniam aberratio maxima in latitudinem est in ratione triplicata aperturæ remedium ad tollendam hanc imperfectionem habebitur, si vitro obiectivo exigua tribuatur apertura: aut si prope focum lentium ponatur diaphragma, seu planum rotundum nigro colore tinctum, exciso in medio circulari foramine, cuius diameter imaginis ibi depictæ diametrum fere æquet. Limbi diaphragmatis inutiles radios arcebut. At cavendum est, ne iusto minor apertura luminis claritati obsit. Excogitatae quidem fuerunt curvæ superficies lentium, ceu ellipticæ, hyperbolicæ, per quas omnes radii in unum punctum colligerentur; verum cum ea perdifficili labore efformentur tam accurate, ut opus est, adhiberi non solent, præsertim cum animadversum sit, imperfectionem hanc, quæ a figura spherica pendet, omnium minimam esse earum, quibus tubi dioptrici subiacent.

## §. CXX.

Altera tuborum dioptricum imperfectio ex diversa radiorum refrangibilitate oritur; cum enim radii rubri, omnium minime refrangibiles tardius axem secant, quam violacei, qui maximam habent refrangibilitatem, fiet ex hoc etiam capite aberratio in longitudinem, & latitudinem, per quam obiecti imago non confusa tantum, sed variis etiam coloribus ceu iride cincta exhiberi debet. F. XVI. Si radii paralleli per vitrum plano-convexum A G B transmittantur, radius quidem violaceus axem secabit in I, rubeus vero tardius in F. Producto semidiametro RA in H, ductaque HE, erit HAL angulus incidentiæ: HAD angulus refractionis pro radiis rubris; pro radiis autem violaceis angulus HAE angulus refractionis.

New-



Newtonus cum aberrationem ex radiorum refrangibilitate ortam multo maiorem reperisset ea, quam figura sphaerica parit, nec remedium deprehenderet, quo illam tolleretur, omiſſis tubis dioptriciſ totum ſe ad perficienda te-  
leſcopia catadioptrica convertit. Supponebat enim, in quovis medio ſinum reſractionis unius coloris ad ſinum reſractionis coloris alterius ſemper conſtantem rationem tenere, adeo, ut ſi cæteris paribus radii per lentem cuiusvis materiæ transmittantur, aberratio in latitudinem  $DE$  & in longitudinem  $IF$  ſemper eadem ſit. Quo poſito radii nunquam ſine coloribus in focum cogi poſſent, ſed tantum ſi paralleli ferantur, coloribus carerent. Newtonum ſequuti ſunt reliqui Mathematici uſque ad Eulerum; qui Newtoni ſuppoſitum ex ipſa viſionis natura primo impugnavit; cum enim radii parallele oculum ſubeuntes per humorem aqueum, & chryſtallinum in focum ſuper retina colligantur, nulla daretur viſio niſi conſuſa, omniaque obiecta variis coloribus, & velut iride cincta adpa-  
rerent. Neceſſe igitur eſt, tolli poſſe radiorum in colores diſperſionem, etſi radii non parallele tantum ferantur, ſed in focum etiam coeant. Quæſitum ergo eſt, quæ radiorum curvaturæ proportio in duabus lentibus ex diverſa materia confectis ſtatui debeat, ut radii a lente poſtérieure egreſſi in unum omnes punctum colligantur; inventaque hæc lex: ſi lentes ex diverſa materia diaphana combinentur, in quibus diverſa reſractionis ratio detur, tum radii in unum focum cogi poſſunt, quando radii curvaturæ lentium, unius utrinque convexæ, alterius concavæ ſe habent directe ut differentiæ reſractionis in una alteraque lente, ſeu directe ut aberrationes in latitudinem. Sic Dollondus angluſ deprehendit, diſperſionem in chryſtallo anglica ſeu Flintglas ut vocant eſſe ad diſperſionem in vitro communi ut  $3:2$ . Quare ex ultimo hoc lentem utrinque convexam radii ut  $2$ ; ex altera vero utrinque concavam confecit radio  $= 3$ . Hæ lentes iunctæ vitrum obiectivum conſtituebant focuſ  $= 5$  ped. quod obiectum repræſentabat abſque ulla iride clarum, & diſtinctum valde; ac præſtabat hic tubuſ alteri vulgari  $15$  ped. Cæterum id genus, tubos acroamaticos ſeu colorum expertes adpellare placuit. Dollondus prioris filiuſ regiaſ ſocietati Londinenſi tubum  $3\frac{1}{2}$  pedum cum obiectiva lente ex

tri-

tribus, duabus nimirum convexis vitreis, & una conca-  
va ex chrystallo exhibuit qui aperturam admisit  $3\frac{3}{4}$  pol-  
lic. Diametrum vero obiectorum 150es auxit, quod alias  
tubo non nisi 60 ped. longo competit. Resolutiones chemi-  
cæ chrystalli anglicæ monstrabant, eam multum plumbi  
continere. Quare D. Zeiher Chemicus Acad. Petropol.  
dirigente Eulero ex silice & minio varia quantitate inter  
se mixtis vitra confecit, pucæ variam dabant refractio-  
nem. Hæc compositio multum affinis est illi, quæ vulgo  
stras vocatur. Verum nisi magna arte & industria tra-  
dretur, constat prodire vitra striis, & inæqualibus fusæ  
materiæ ductibus ita depravatâ, ut nulli usui esse possint.  
Hoc incommodum verisimiliter a fumo, & evaporatione  
plumbi oritur; nam minium non nisi calx plumbi est;  
nec aliud huic malo remedium videtur adferri posse, quam  
repetita eiusdem massæ fusio, donec in fundo nulla plum-  
bi grana deprehendantur. Qui vitris vulgaribus uti co-  
gitur, solam prope experientiam consulat oportet, ut,  
quod ea optimum, maximeque ab erroribus liberum o-  
stendit, præ cæteris seligat. Addo hic dimensiones ex  
Caillio, quas peritiores artifices in constructione telescopia-  
rum magis usitatorum observare solent.

Long. foci vitr. obiect.	Diam. apert. vitr. obiect.	Long. foc. vitr. ocul.	Aug. diam. adp. circiter
1. ped. -	0 dig. $6\frac{1}{2}$ lin.	0. dig. 8. lin.	- 20.
2. - -	0. - 9. -	0. - 10. -	- 28.
3. - -	0. - $11\frac{1}{2}$ -	1. - $\frac{1}{2}$ -	- 34.
5. - -	1. - 1. -	1. - 4. -	- 44.
7. - -	1. - $5\frac{1}{2}$ -	1. - $7\frac{1}{2}$ -	- 53.
10. - -	1. - 9. -	1. - 11. -	- 63.

## Pro Telescopiis 4 Vitrorum.

Long. foci vitr. obiect.	Diam. apert. vitr. obiect.	Long. foc. vitr. ocul.	Diam. diaph in foc. vitr. oc.	Aug. diam. adp.
3. ped. -	9. lin. -	26. lin. -	$7\frac{1}{2}$ lin. -	17 <sup>ies</sup>
5. - -	12. - -	30. - -	10. - -	24.
7. - -	14. - -	34. - -	11. - -	30.

Pro

*Pro microscopiis trium vitrorum oculare sit foci digitalis, & diametri circiter 9. lin. quod in medio ad distantiam 8 fere linearum ab oculari collocatur. Focum 18. lin. habeat, & diametrum unius digiti. Cum his variae lentes obiectivæ coniungi possunt e. g. 1. 2. 4. 6. lin. Sed istarum aperturæ admodum sint exiguae & bonitati vitrorum proportionatæ.*

## CAPUT VIII.

### De Principiis Catoptricar.

*Catoptrica lumen a superficiebus politis, quas specula vocant, reflexum, & visionem, quæ inde consequitur, examinat. Generalis Catoptrica lex est: lumen ita reflectitur, ut angulus reflexionis sit æqualis angulo incidentiæ. Agam autem primo de speculis sphericis concavis & convexis: tum de planis, aliisque notatæ dignioribus. Demum dictorum usum in telescopiis catadioptricis exponam.*

### §. CXXI.

*Problema. Sit (F. XVIII. T. II.) EAM speculum cavum sphericum, in cuius axe AC producto ponatur obiectum lucidum O; & radius OM proxime ad axem in speculum incidat; quæritur focus F, seu concursus radii reflexi MF cum axe. Ducto radio CM fiat angulus FMC æqualis angulo CMO; & radius incidens OM reflectetur in F. Ponatur enim AC = a. AO = MO = d. (nam radius OM axi proximus est ex hyp.) sit præterea AF (= MF) = x; erit FC = AC - AF = a - x; & CO = AO - AC = d - a. Itaque cum in triangulo FMO ob angulum bisectum sit CO: FC = MO: FM; erit d - a: a - x = d: x; unde sit d x - a x = a d - d x; & 2 d x - a x = a d; de-*

$$\text{mum } x = \frac{a d}{2 d - a}.$$

### §. CXXII.

## §. CXXII.

Corollarium I. Ex solutione problematis facile deducuntur leges reflexionum in speculis concavis. Et quidem si de focorum, & imaginum situ quaeritur, 1. si radii ex distantia infinita in speculum concavum incident, erit posito  $d = \infty$ , distantia foci a speculo  $x = \frac{1}{2} a$ , seu focus a speculo distabit dimidio radio A c (F. XVIII.)  $= \frac{1}{2} A C$ . Et generatim hoc punctum c, in quo radii paralleli prope axem incidentes colliguntur, *focus speculi dicitur*. 2. Si obiectum ex distantia infinita versus centrum C accedit, imago a speculo magis magisque recedet: in distantia autem  $d = 2a$ , fiet  $x = \frac{2}{3} a$ . Demum si obiectum fuerit in ipso centro C, fiet  $d = a = x$ , seu obiectum, & imago simul in centro erit. Unde fit, ut oculus in centro speculi constitutus se ipsum non nisi confuse videat, quia radii maxime convergentes oculum subeunt. 3. Si obiectum ultra centrum pergit ad speculum accedere; imago a speculo centroque recedet magis, magisque, sic in distantia obiecti  $d = \frac{2}{3} a$ ; fiet  $x = 2a$ . Hinc si oculus in linea c C constituitur, se ipsum videre nequit; quia ipsius imago post oculum in linea CO efformatur. Demum si obiectum ponatur in dimidia radii distantia c; erit  $x = \infty$ , seu imago erit in distantia infinita, & radii exhibunt paralleli. 4. Si obiectum ultra c ad speculum accedit, erit  $x = \frac{ad}{2d-a}$  quantitas negativa;

quia in hoc casu  $d < \frac{1}{2} a$ , &  $2d < a$ ; & propterea dabitur focus virtualis intra speculum, ex quo radii divergentes prodire videntur; eo minus tamen imago a speculo intra ipsum distabit, quo propius obiectum illi fuerit, adeo, ut cum distantia obiecti a speculo etiam distantia imaginis denique evanescat. 5. Si radios ponas convergentes incidere; concursus O radii incidentis cum axe erit ultra speculum adeo, ut ponendum sit  $-d$  loco d. Fiet autem tum  $x = \frac{ad}{-2d-a}$

$\frac{ad}{2d+a}$ , quæ quantitas cum in nulla obiecti a speculo distantia negativa fieri possit, nunquam in hoc casu dabitur focus virtualis, nec radii unquam divergentes reflectentur; quia in minore a speculo distantia concurrent, quam sit distantia  $d$  &  $a$ ; est enim  $\frac{ad}{d+a} < a$  &  $< d$ .

## §. CXXIII.

Corollarium II. Ut de *magnitudine adparente* accuratius quid statuatur, sit (F. XIX. T. II.) obiectum circulus  $OPQ$  speculo concentricus; unde fiet, ut etiam imago  $opq$  a radiis reflexis depicta fiat circulus: si enim per commune centrum  $C$  radii ducantur superficiei utrinque normales, quodvis punctum obiecti æqualiter distabit a speculo, ac proin & singulorum foci  $Bo$ ,  $Ap$  erunt æquales. Erit autem  $OQ : oq = PC : Cp$ , seu posito  $OQ$  obiecto  $= M$ ; imagine  $oq = m$ .  $PA = d$ .  $CP = d - a$ ;  $pC = x$ ; fiet  $M : m = d - a : a - x$ ;

itaque erit  $m = \frac{ad}{d-a}$ ; Est autem

$x = \frac{ad}{2d-a}$ ; quo substituto fiet diameter imaginis ad-

parentis  $m = \frac{aM}{2d-a}$ . Imago autem, ut ex figura

adparet, ob radios in centro se decussantes adparebit inversa. Itaque imago erit maior obiecto, quamdiu est

$\frac{a}{2d-a}$  quantitas maior unitate, seu quamdiu est  $a$

$> d$ ; id est, quamdiu obiectum existit intra speculum & centrum: Animadvertite nihilominus, quod in distantia  $d = \frac{1}{2}a$  imago in distantiam infinitam remota fiat infinita; tum vero ex parte contraria intra speculum re-

diens

diens situm priori contrarium, nempe rectum acquirit;

quod quantitas negativa, in quam formula  $\frac{aM}{2d - a}$

abit, satis indicat. Cæterum eadem formula perget indicare magnitudinem imaginis ab obiecto intra speculum & dimidium radium posito reflexæ; adeo, ut imago in infinitum prius aucta intra speculum ad speculi superficiem accedens perpetuo rursus minuat, donec evanescente obiecti a speculo distantia eandem cum obiecto magnitudinem obtineat.

*Quæ de magnitudine imaginis ab obiecto concentrico reflexæ diximus, ad alia obiecta exacte transferri non possunt, nisi exiguæ latitudinis sint. imo quo superficies maior fuerit, eo imagines dissimiliores fient obiectis. Si linea recta opponatur speculo, eius imago curva adparebit, quia ob inæquales punctorum distantias, eorundem etiam imagines inæqualiter a speculo distabunt.*

2. *Si imago a speculo concavo reflexa duplici spectetur oculo, duplex adparebit; modo distantia oculorum ab imagine sit valde exigua, cum enim radii in imagine decussentur; qui a sinistra speculi parte reflectuntur, ingredientur oculum dextrum, & qui proin imaginem ad sinistram speculi partem referet: contra ob eandem rationem imago ab oculo sinistro ad dextram speculi partem refertur. Quodsi vero oculus ab imagine magis removeatur, cum eadem maneat oculorum inter se distantia: angulus autem radiorum imaginem in utroque oculo depingentium continuo minuitur, videbuntur imagines in speculo magis magisque ad se accedere, donec in unam demum confundantur.*

3. *Si obiectum ex sinistra speculi parte collocetur, imago reflexa erit ad partem dextram situ inverso, ut ex ductu radiorum reflexorum facile intelligi potest.*

## §. CXXIV.

Corollarium III. Allatæ formulæ etiam in speculis convexis usum habent; modo radius speculi signo negativo adficiatur; uti ex solutione problematis haud  
obscu-

obscure colligitur; erit itaque  $x = \frac{-a d}{2 d + a}$ ; unde

patet *primo*: in speculis convexis semper datur focus virtualis intra ipsum speculum, ex quo radii divergentes prodire videntur; & posito  $d = \infty$ ; erit  $x = \frac{1}{2} a$ , seu imago a superficie distabit dimidio radio. *Secundo*. Si radii convergentes incident, fiet etiam  $d$  quantitas

negativa, &  $x = \frac{-a d}{a - 2 d}$ . *Tertio* magnitudo ad-

parens  $m$ , quam prius invenimus  $= \frac{a M}{2 d - a}$ , fiet  $=$

$\frac{-a M}{2 d + a}$ , proin videbitur situ recto, & minor, quam  $M$ .

### §. CXXV.

Corollarium IV. In speculis planis radius concavitationis speculi fit infinitus; unde posito  $a = \infty$ , prodit  $x = -d$ ; seu, imago adparet tanto intervallo trans speculum, quantum cis speculum distat obiectum. Itaque

I. *Imagines partium obiecti speculo viciniorum, post speculum viciniores quoque erunt, & remotiorum imagines intra speculum remotiores.* Unde in speculo plano horizontaliter collocato obiecta verticalia adparent inversa, & vicissim. Quodsi speculum est inclinatum, omnia obiecta adparent inclinata in contrarium adeo, ut si angulus inclinationis sit  $45^\circ$ , obiecta verticalia fiant horizontalia & vicissim. Similiter pars dextra obiecti in imagine intra speculum depicta adparet ad sinistram, & sinistra ad dextram; sic dum manum moveo a sinistra ad dextram, imago mea movebit a dextra ad sinistram. Demum cum lineæ perpendiculares ab extremis obiecti punctis ad speculum planum ductæ omnes sint inter se parallelæ; patet, imagines inter illas comprehensas quoad singulas dimensiones obiectis suis æquales esse.

P

II.

J. Zallinger, T. III.

II. *Imago obiecti ad superficiem speculi plani paralleli videtur in superficie speculi duntaxat dimidium illius spatii occupare, quod obiectum occupat.* Sit (F. I. T. III.)  $AB$  obiectum;  $a b$  eius imago intra speculum; erit  $FI = aI$ , &  $FE = Eb$ ; ac proin spatium  $IE$  in superficie comprehensum dimidium est imaginis  $ab$ , vel obiecti  $AB$ . Unde si quis situ recto in speculo totum se videre velit, speculum dimidiam ipsius altitudinem, & latitudinem habeat, oportet.

III. *Si speculum circa axem movetur, motus angularis imaginis duplex est motus angularis speculi.* Sit (F. II. T. III.)  $AB$  speculum in primo situ:  $EO$  radius incidens:  $OP$  perpendicularum,  $OD$  reflexus; erunt anguli  $EOP$ ,  $POD$  æquales: radio  $AO$  describatur circulus, & speculum  $AO$  abeat in  $ao$ ; radius incidens  $EO$  reflectetur in  $Od$ ; eritque ducto ad  $aO$  perpendicularo  $Op$  arcus  $Ep = pd$ ; hinc etiam erit  $Ep = EP = pd - PD$ , seu  $Pp = pD + Dd - Pp = pD$ : demum  $2Pp = Dd$ ; Est vero  $Dd$  motus radii, seu imaginis angularis; &  $Pp$  est motus angularis perpendiculari, qui ipsum motum angularem speculi  $Aa$  æquat. Ob hanc causam imago reflexa solis in speculis tam celeriter moveri videtur. Similiter eadem solis imago a superficie aquæ prope stagnantis reflexa videtur admodum agitata. Si sol in aquam fluentem radiat, in eius superficie tractus quidam adparet longus, lucidus, tremulus, & interruptus; nempe partes aquæ aliæ super alias decurrunt instar tenuissimarum lamellarum, quæ vices totidem speculorum planorum varie inclinorum agunt, omniq[ue] momento magnitudinem, locum, inclinationem mutant, planitiem nunc ad spectatorem, nunc in partem oppositam vertentes.

IV. *Si duo specula plana (F. III. Tab. III.)  $AC$  &  $BC$  sint ad se invicem inclinata, sic, ut in angulo  $C$  sibi occurrant, & inter ea obiectum ponatur in  $F$ ; oculus in alterutrum conversus videbit plures imagines in circumferentia circuli sitas cuius centrum est in  $C$ , & radius  $CF$ .* Ducatur primo in speculum  $CA$  perpendicularum  $FD$ ; & fiat  $KD = FK$ ; erit in  $D$  imago prima. Hæc erit instar obiecti respectu speculi



li CB; ducatur in illud normalis DE; fiat HE = DH; erit in E imago secunda; & sic porro. Sunt autem rectangula FCK, KCD ob  $FK = KD$ , & latus CK commune æqualia proin erit  $CD = CF$ . Ob eandem rationem æqualia sunt triangula rectangula ECH, HCD; &  $EC = CD = CF$ ; idcirco per omnia puncta E, F, D transibit peripheria circuli, cuius radius = CF. Haud ægre colligitur, quo maior est angulus BAC, eo minorem esse numerum imaginum, quæ efformari possunt, quia catheti eo citius extra speculum cadunt: item quo magis augetur ille angulus, eo propius imagines ad verticem C accedunt utpote imminuta CF. Demum si duo specula parallela sint, infinitæ dabuntur imagines, quæ tamen perpetuo fient remotiores, & eo ipso ob repetitam reflexionem luminis, quæ sine dissipatione radiorum & decremento intensitatis fieri nequit, usque debiliores reddentur.

*Hæc de speculis opacis, quæ unicam superficiem reflectentem habent, potissimum intelligenda sunt. Nam in speculis vitreis una ex parte mercurio obductis duplex fieri reflexio, pluresque obiecti imagines efformari possunt: aliqui enim radii a superficie prima reflectuntur: alii vitrum facta refractione ingressi a secunda reflectuntur ad primam, & refracti inde egrediuntur: alii primam ingressi, a secunda versus primam, ab hac rursus ad secundam superficiem reflecti, demum refracti egredi possunt. Vid. Helshamii Phys. Lect. 23. de Catopt. Caillius de multitudine imaginum in Optica §. 327. ita describit, ut vitrum ex pluribus stratis sibi invicem incumbentibus compositum spectet, quarum superficies singulæ instar speculorum sunt.*

## §. CXXVI.

Corollarium V. Specula alia celebriora sunt I. *Cylindrica*, & *Conica*; quæ tamen præter spectatoris delectationem vix alium usum habent; dum vel deformem exhibent obiectorum speciem, vel imagines obiectorum studio deformatas; obiectis similes restitunt, nempe eiusmodi specula partim recta, partim curvilinea sunt; unde ratio phenomenon a varia compo-

sitione legum in speculis planis & curvis obtinentium petitur. Si obiectum figura debita præditum situ verticali ante speculum cylindricum verticale constituitur, patet, dimensiones verticales non deformari: at dimensiones horizontales figuram suam amittent, prout obiectum plus minusve a figura speculo concentrica abest.

II. *Specula Parabolica* (F. IV. T. III.) id singulare habent, quod omnes radios  $RM$ ,  $rm$  axi  $AB$  parallelos in focus eundem  $F$  colligant. Ratio est, quia anguli  $RMS$ ,  $TMF$ , qui a rectis axi parallelis, & ad focus ductis ad idem perimetri punctum  $M$  fiunt, ubique mutuo æquales sunt. Hinc vicissim si obiectum lucidum constituitur in foco  $F$ , radii omnes a speculo reflectentur directione axi parallela. Quare si bina talia specula sibi opponuntur, ut amborum axes congruant, haud mirum erit, si globus ignitus in foco  $F$  positus accendat fomitem, vel nitratum pulverem in altero foco  $f$  collocatum. Eadem ratio caloris est, adeo, ut quidam interioribus parietibus camini italici formam parabolicam præbeant succenso ad focus igne, magno caloris incremento.

III. Similiter si arcus  $MA$ ,  $BR$  sint elliptici focorum  $AF$ , &  $Bf$  æqualium; radii in speculo elliptico ab uno foco  $F$  emissi reflectentur per unam reflexionem in alterum focus  $f$ ; quia rursus anguli  $FMT$ ,  $SMf$  in ellipsi æquales sunt.

*Effectus speculi parabolici in excitando igne, calore, in corporibus concremandis aut calcinandis sunt oppido stupendi. Eorum tamen opinio probabilis haud videtur, qui Archimedis speculo, quo naves Marcelli Syracusas obsidentis ad spatium 150 ped. inflammasse fertur, figuram parabolicam tribuunt. Nam ut de speculi positione nil dicam, quæ requirebat ut sol, naves, & centrum speculi in una linea existerent, focus huius speculi ut naves incenderentur, in ipsis navibus esse debuit; proinde distantia foci a vertice seu quarta pars parametri fuisset = 150 ped. & tota parametr. =  $4 \times 150 = 600$  ped. Si iam profunditatem speculi seu abscissam duntaxat ponamus = 1 ped.; respondentis ordinatæ seu dimidiæ speculi amplitudinis quadratum, fuisset ut factum*  
ex

ex abscissa in parametrum  $= 1 \times 600$ , ipsaque dimidia amplitudo  $= \sqrt{600} = 24.4$  & amplitudo tota 49. Jam tale speculum quis conficiet aut tractabit? Caterum corpora ad magnam etiam distantiam liquefieri aut comburi possunt, si adhibeantur plura specula plana, sed in hemisphærici formam ita disposita, ut singula suos radios in certum punctum reflectant; quo modo cl. Bouffon lignum ad 200 pedes combussit, & stannum ad 140 ped. liquefecit.

## §. CXXVII.

Optimus speculorum usus est in telescopiis catoptriciis. Newtonianum instructum est speculo sphærico cavo D N (F. V. Tab. III.) quod radios parallele incidentes colligit in focus  $\alpha\beta$  ad dimidiam radii distantiam (§. CXXI. n. 1.) His radiis ad focus convergentibus oppositum est speculum planum n d sub angulo  $45^\circ$ . Unde radii eadem convergentia reflectentur in b o; quæ quidem in puncta fere etiam focus lentis ocularis convexæ cadit; unde radii exhibunt paralleli. Solet tamen lens ocularis una cum speculo n d versus eandem partem simul esse mobilis, ut, cum mutata obiecti distantia etiam focus n d mutetur, radii nihilominus in lentem ocularem semper reflecti possint. Obiectum per hoc speculum visum adparebit inversum; quia illius pars dextra B in imagine b o fit sinistra. Singularis commoditas huius tubi catoptrici præ dioptriciis est, 1. Quod possit esse brevior, eundemque ac illa, effectum præstare; nam in lentibus vitreis focus radiorum parallelorum distat integro radio (§. CXI. n. 3) in speculis autem dimidio radio. 2. Tubus catoptricus admittit ocularia diversorum focorum, ac foci etiam brevissimi; cum dioptrica parum diversa ocularia patiantur.

## §. CXXVIII.

Telescopium Gregorianum (F. VI. Tab. III.) speculo concavo D N excipit radios parallele incidentes, & imaginem in F depingit situ inverso; paullo ultra

hanc imaginem ponitur aliud speculum cavum d n foci brevioris f, & aperturæ etiam minoris, ea lege, ut amborum speculorum axes congruant, & imago F ceu obiectum speculi d n existat intra focum f, eiusque centrum C; quare efformabitur imago obiecti altera in I tanto remotior a centro, quanto obiectum F propius fuerit foco f. Speculum vero DN in medio pertusum est ut imago I adhibita lente PQ conspici possit: unde, cum imago I inversa sit, imaginis F inversæ, patet, obiectum situ recto videri debere. Muniri hæc telescopia solent micrometro obiectivo, cuius descriptionem cum omnibus dimensionibus tubi Gregoriani vide in dissert. P. Cæsarii AMMAN de lumine & visione §. 57.

*Juvat hic mentionem facere de laterna magica, in qua ( F. VII. Tab. III. ) AC est speculum cavum: B lumen candelæ, aut lampadis crassioris ellychnii paulo intra focum & centrum speculi collocatum, ut radii a speculo reflexi versus lentem DD convergant. Lens ista ita collocatur, ut B sit extra eius focum; hinc radios directos & reflexos magis adhuc colliget. EF est obiectum coloribus transparentibus in tabula vitrea pictum, & situ inverso positum. Radii per hanc tabulam transeunt, & incidunt in lentem GH ita collocatam, ut eius focus inter ipsam, & obiectum EF sit: Hinc radii a lente GH refracti convergent, & imaginem in K efformabunt, ubi diaphragma radios inutiles intercipit. Post intersectionem in K radii incidunt in lentem LM foci valde longi, atque ita collocatam, ut alter eius focus ultra K versus GH cadat; hinc radii ex lente LM egressi admodum divergent, ac tandem in tabula alba ad maximam, qua fieri potest, distantiam excepti habita ratione vivacitatis, & distinctionis imaginis se, hanc situ recto depingent.*

*Imperfectiones in speculis catoptricis multo minores sunt, quam in dioptricis; docetque experientia imagines reflexione formatas longe minus confusione subiacere, quam quæ per refractionem fiunt. Illa enim imperfectio, quæ ex diversa radiorum refrangibilitate oritur, prope evanescit; etsi enim non nulla existat per reflexionem radio-*  
rum

rum separatio, eoquod radii maxime refrangibiles etiam maxime reflexibiles sunt; nihilominus radii paralleli manent, ad sensum. Illud animadvertitur duntaxat, fascem radiosum reflexum tantillomagis dilatatum adparere, ac antea fuerat. Exigua in imaginibus confusio partem ex illa dilatatione radiorum lucis, partem ex figura sphaerica speculorum oritur; sed inito calculo aberratio in longitudinem reperitur in lentibus noncuplo maior, quam in speculis; pariter aberratio in latitudinem plus quam duplo maior in illis, quam istis deprehenditur. Idcirco specula obiectiva telescopiorum & microscopiorum longe ampliorem aperturam ferunt quam vitra eiusdem foci; ex quo fit, ut imagines reflexione depictæ multo vivaciores sint in speculis. Dimensiones, secundum quas telescopia Newtoniana construenda sunt, ut debitum effectum præstent, Smithius T. I. in hunc modum recenset.

Long. speculi concavi.	foc. Ped.	Diametr. aperturæ speculi. digit. lin.	Long. med. ocr. foc. vitr. ocul. lin. centes.	Aug. Diametrorum adpar. obiecti circiter
$\frac{1}{2}$	-	0. - 11.	2. - 00.	- - 36.
1.	-	1. - 6.	2. 39. -	- - 60.
2.	-	2. - 6.	2. 83. -	- - 102.
3.	-	3. - 3.	3. 13 -	- - 138.
4.	-	4. - 1.	3. 37. -	- - 171.
8.	-	6. - 11.	4. 01. -	- - 287.
12.	-	9. - 4.	4. 44. -	- - 390.

Speculum planum n d (F. V. T. III) figura ovali terminatur, cuius demensiones petuntur a spatio, quod imago a speculo concavo reflexa ibi, occupare debet. Caillius ad speculum concavum, cuius focus erat 2 ped! Adhibuit planum, quod minus fere 7 lineis in maxima sua habuit latitudine, quinque in minima.



## CAPUT IX.

## De Electricitate Generatim.

*Ex ingente phaenomenorum electricorum copia & varietate, quae vastis voluminibus implendis sufficerent, ea maxime seligimus hoc loco, ex quibus leges quaedam generales de actione fluidi electrici, certisque notis stabiliri queant: Ab hisce legibus Analytice inventis coniectura de natura ac viribus fluidi electrici, corporumque electricorum pendet.*

## §. CXXIX.

Definitio. *Electricitas* ab Electro vel succino dicta est, quod bituminis genus aliquando ad litora Britanniae, maxime autem maris Brussici reperitur. Dudum observarunt Veteres, ab illo, cum fricatur, seu ad alia corpora attrahitur, paleas festucas aliaque leviora corpora nunc attrahi, nunc repelli. At RR. Physici tum casu, tum instituto vario tentaminum genere praeter attractionem & repulsionem alia observarunt plurima phaenomena, quae ad electricitatem referebantur, qualia sunt scintillae erumpentes, ac pungentes, penicillus seu floccus electricus, id est, fasciculus longior tenuissimorum lucis radiorum inter se divergentium: ventulus seu aura tenuis, quae ad mota manu aut facie sentitur instar subtilissimae lanæ cutem adficientis: odor sulfureus, stridor, ac crepitus, qualem edit folium viride arboris igni adhibitum: tum & concussio, quæ omnia corporis animalis membra celerrime & vehementer quatuntur. Hæc sunt electricitatis indicia, ac corpora, in quibus ea deprehenduntur, vocantur *electrifata* seu *electrica*, nempe actu; nam observatum præterea est, omnia prope corpora cuiuscunque generis aut speciei esse electrica *potentia*, sive fieri posse actu electrica, si rite tractentur. Ex duplici autem modo, quo tractanda sunt corpora, ut indicia electricitatis actu edant, ad binas classes omnia referuntur. *Idioelectrica* sive electrica *origine & per se* vocantur, quæ per frictionem, aut tensionem acquirunt vim electricam, sive eam, qua indicia electricitatis edant: *Symperielectrica*, sive *per communica-*  
tio-

*tionem* electrica sunt, quæ nulla frictione aut tusione sed ab idioelectricis ante attritis, & percussis vim electricam acquirunt. Ad primam classem præter ipsum electrum pertinent vitra sive colorata, sive non colorata, chrystalli, gemmæ omnis generis genuinæ seu spurix, porcellana, alumen, resinæ terrestres duræ, sive permixtæ sint cum aliis particulis terreis, sive puræ, thus, pix, asphaltum, cera, colophonium, mastix: ligna valde exsiccata, & arborum folia, ebur, ossa, capilli, corium, sericum, plumæ, & pili animalium; denique aer. Ad secundam classem pertinent inprimis aqua, omniaque humentia, animalia glabra, non pilosa, aut plumosa, metalla, semimetalla, silex &c. Porro quatenus corpora idioelectrica vim electricam in se continent, neque propagant, nisi symperielectricum admoveatur, eatenus *cohibentia* dicuntur: Symperielectrica vero, quæ eandem communicant & propagant versus alia sui generis, adpellantur *deserentia*.

## §. CXXX.

Experimentum I. *Tubus vitreus duos vel tres pedes longus una manu prehensus, altera bene tersa & sicca, aut mediante charta inaurata, aut vestis laneæ lacinia celerrime aliquoties fricetur: observabis: 1. Tubum hunc si leniter manui aut faciei admoves sine contactu, senties quasi ventulum, & si frictio vehementior fuerit, in eius vicinia exiguos crepitus. 2. Folia metallina, papyracea, pulveres in vicinia tubi subsiliunt, ad eum advolant, eidem adhærent, resiliunt, & postquam alia corpora tetigerunt, iterum redeunt, iique motus cietur ad distantiam eo maiorem, quo maior præcessit frictio, cæteris manentibus iisdem. 3. Diuturniore frictione corpora fricta odorem exhalant fere sulfureum, ac nitrosum. 4. In tenebris inter admotum digitum, & tubum prosilit scintilla crepitans; idemque fit, quodcumque corpus ex secunda classe eorum nempe, quæ symperielectrica diximus, tubo fricto admoveatur; si id fiat iterato, scintillæ sensim fiunt debiliores, ac tandem cessant citius, vel tardius pro varietate corporum, & quantitate vis electricæ: Si tubo fricto admoveatur*

corpus idioelectricum, uti frustum vitri; nulla prodit scintilla, nulla, ut prius, sit crepitatio. 5. Si tubus actu electricus imponitur tabulæ vitreæ, vel alteri corpori idioelectrico, post moram plurium etiam horarum vis electrica se prodit attractione, repulsionem, scintillatione.

### §. CXXXI.

Experimentum II. *Corpus symperielectricum imponatur tabulæ pice obductæ, aut vitreæ, vel suspendatur, aut sustentetur funiculis sericis, ex quibus cærulei sunt aptissimi: tum huic corpori sæpius adplicetur tubus frictus, aut pone illud rotetur globus vitreus ad manum, vel pulvillum: observabis:* 1. Corpus istud symperielectricum omnia dabit phænomena instar tubi fricti: trahet corpora leviora: scintillabit admoto digito, aliove corpore sui generis. 2. Filum ferreum cuspidatum continuata globi rotatione per vices e cuspe emittet penicillum lucidum, & quidem maiorem, & ad maiorem distantiam, si digitus cuspidi adpropinquat. 3. Si cessante rotatione sæpius eliciuntur scintillæ sine tactu; vis electrica identidem minuitur, & paulatim extinguitur: 4. Tactu vero corporis symperielectrici paullo propiore & longiore tota perit. 5. Si id corpus symperielectricum cum serie aliorum sui generis coniungatur, uti si fila ferrea eidem connectantur, & quaquaversum producantur in omnem partem, a reliquis corporibus symperielectricis pariter separata per funiculos sericos, vis electrica sive per unum, sive per plura simul celerime propagatur; ac observatum est, eam per catenam quingentorum pedum usque ad eius extremitatem pervenisse.

intra  $\frac{1}{2}$ ''; per funiculum cannabinum eiusdem longitudinis siccum intra  $3\frac{1}{2}$ '', per humefactum intra  $1\frac{1}{2}$ '' 6. Vitrum, vel aliud corpus idioelectricum interpositum inter corpora symperielectrica abruptit propagationem; hinc prioris generis dici *cohibentia*, posterioris *deferentia* diximus.



Utroque experimento habes corpus actu electricum: indicia electricitatis sunt attractio, repulsio, scintillæ, flocci electrici, odor, crepitus &c. de concussione paulo post. Vis hæc, seu adfectio corporis, qua istiusmodi indicia edit, eius electricitas nuncupatur. In quovis experimento tria maxime spectantur: Primo Machina electrica, sive corpus fricans cum omni coherente adparatu, cujus ope corpus idioelectricum, seu tubus aut globus vitreus fricatur; sic machina censetur manus, vel charta, pulvillus cum rota. 2. Corpus frictum, sive idioelectricum, seu tubus, aut globus vitreus. 3. catena, sive corpus symperielectricum quodcumque, cui applicato, a priore communicatur electricitas, seu catena ferrea, pertica metallica, vel lignea (nisi sit exsiccata) quæ ipsum globum rotatum, seu tubum frictum proxime contingit. Corpus communicans vocatur, quod vel ipsum per se se vel mediate per alia corpora deferentia humum contingit. Corpus separatum, vel ut aiunt, isolatum, sive in insula constitutum, quod non nisi aer ambiens, & alia corpora cohibentia contingunt, uti siquod symperielectricum imbutur vel sustentatur filis sericis, tabula vitrea, picea.

## §. CXXXII.

Propositio I. Phænomena electrica pendent a fluido subtilissimo, quod in corpore idioelectrico primum excitatur, sive ad motum concitatur frictione, tunctione, vel quavis ratione alia. Nam istiusmodi fluidum subtilissimum omnibus prope sensibus se manifestat. Dein sicut quodvis corpus ob motum intestinum partium minimarum, & ob aeris ambientis agitationem, ac materię igneæ omnia pervadentis motum continuo vapores quosdam, & exhalationes eiicit, ob quas peculiari atmosphæra gaudet, uti tellus pro maiore massa & volumine longe maiorem habet: ita per frictionem, tunctionem, quibus electricitas excitatur, ob intestinum motum, tremorem, oscillationem minimarum partium necessario id fluidum concitari debet, atque ad phænomena electrica quoquo modo determinari; quod quidem legibus, & analogiæ naturæ admodum consentaneum est. Sicut enim corpora materiam lucis, ignis, caloris, etsi hæc in omni-

omnibus præsto sit, non eadem copia continent, vel admittunt, vel admissam, aut contentam non eodem modo conservant, seu cohibent; sic idem de hoc fluido concipiendum est; de cuius natura statui hoc quidem loco nil potest. Satis est in præsentī præ oculis habere inductionem valde generalem, qua omnia corpora cuiuscunque generis aut speciei reperiuntur electrica origine, vel per communicationem: dein ipsum fluidum, a quo phænomena pendent; denique eius incredibilem subtilitatem, ipsaque subtilitate lucis, ut nonnulli suspicantur, maiorem; cum id per densissima metalla, ipsumque Mercurium intime transeat; etli enim catenæ ferreæ superficies alicubi pice inducatur, quæ propagationem vis electricæ per se se sistit; tamen eadem illius propagatio observatur, cum nempe intimam ferri substantiam pervadit: eadem per Mercurium in tubo vitreo contentum transit.

### §. CXXXIII.

Propositio II. *Actio fluidi electrici, ex qua phænomena proxime pendent, non exeritur, nisi turbato eius æquilibrio: Probatur.* Id fluidum semper & ubique præsens est in corporibus; nec tamen semper & ubique indicia electricitatis præsto sunt: frictione, & tusione, qua id excitatur, non nisi æquilibrium eius turbari potest, ut alicubi magis abundet, alibi deficiat. Universe fluida in se, aut vicina corpora non nisi perturbato ipsorum æquilibrium singulares actiones exerunt. Idem præter hanc fluidorum legem comprobant omnia phænomena electrica recte expensa; quorum expositio ne in incertum vagetur, sumatur instar hypothæsis id (parum enim interest) quod hoc loco asseritur, & cum ea comparentur phænomena deinceps recensenda; Ea hypothæsis a Franklinio Anglo in America primum procusa, deinceps a plurimis illustrata, fere eiusmodi est. *Primo* cuivis corpori tum spectata dimensione tum aliis specificis proprietatibus certa fluidi electrici copia competit; quam si actu tenet sine excessu vel defectu, in *statu naturali* (relate ad fluidum electricum) esse dicitur. *Contra positive*, vel *per excessum* electricum est, quando maior eius fluidi copia in ipso corpore, vel  
circa

circa illud , quam naturalis eius status poscat , colligitur : *negative* , sive *per defectum* electricum , si quadam eius parte spoliatur , & minus tenet , quam naturali suo statu possideat. Est ergo electricitas excessus , sive positiva , est alia defectus , sive negativa ; & si bina inter se corpora coniunguntur ad aliquod spatium , ad quod sphaera virtutis electricae pertinet , sequentes statuum combinationes locum habent : 1. si unum est positive electricum , alterum in statu suo naturali. 2. si unum electricum negative , alterum denuo in statu naturali. 3. si unum positive , alterum negative electricum. 4. si utrumque positive : 5. si utrumque negative electricum ponitur. *Secundo.* Aequilibrium materiae electricae tollitur duplici modo : si cui corpori maior eius portio accedit , aut si eripitur plus , quam ei statu suo naturali competat. *Tertio.* Materia ab uno corpore non transit in aliud , nisi sublato in alterutro aequilibrio : effluxus autem fit ex illo corpore , in quo est maior eius fluidi copia vel *absolute* , hoc est , quod ultra materiam sibi naturaliter debitam praeterea aliam continet , ac proinde positive electricum est : vel *relative* , si non maiorem quidem copiam tenet , quam naturaliter debitam : at si alterum minus materiae sibi debitae tum habet. *Quarto.* Materia electrica circa corpora saltem positive electrica atmosphaeram format : nam fila , globuli , pulveres ab iis ad 2 vel 3 pedes nonnunquam attrahuntur : scintillae in distantia quadam a corpore electrico elici possunt : si catenae , aut fila deferentia alicubi abruptantur , sic , ut exiguis intervallis adhuc dentent : sub initium rotationis globi vitrei successive per intervalla filorum scintillae existunt , tandem vero continuata rotatione , conquiescunt omnia , & singula fila deprehenduntur electrica , ita , ut extremum si contingas , singula scintillent. Nempe incremente per rotationem filorum atmosphaera fluidum propagatur per singula.

Quae de statu corporum naturali , de electricitate excessus vel defectus , de aequilibrii perturbatione , effluxu materiae , & atmosphaera electricae proposita sunt hoc loco , ea experimentis confirmanda , sine potius analytica methodo indaganda sunt , ut ex iisdem explicatio aliorum phaenomenorum synthetice deduci , & coniecturae quaedam de viri-

*viribus & natura huius fluidi, ac corporum electricorum constitutione fieri recte queant.*

### §. CXXXIV.

*Experimenta de separatione aut communicatione catenæ vel machinæ.* Spectata hac separatione, aut communicatione quadruplex experiendi est modus.

I. Si machina communicat cum corporibus deferentibus, ipsoque solo, catena autem separatur. Hoc casu electricitatis indicia in catena sunt, nulla in machina: quantum enim ex machina in catenam effunditur de fluido, tantum illa ex contiguis corporibus deferentibus, & solo haurit; hinc etiam cessante rotatione mox statum naturalem recuperat, etsi ea durante continuo parte quadam spoliatur: catena autem cum fluidum recipiat, & in insula consistat, live a corporibus cohibentibus cingatur, sit positive electrica; ad motis igitur corporibus, quæ minus resistunt ingressui materiæ electricæ, quam sit vis eiusdem in catena condensatæ, hæc in ea effunditur ad æquilibrium restituendum, atque ita indicia electricitatis præbet. Porro quod fluidum non modo ex vitro, sed etiam manu, pulvillo, & solo ope vitri in catenam transeat, patet ex casu.

II. Si enim & catena separetur, & machina suppositis eidem densioribus vitri frustis, aliove corpore cohibente, ita ut homo ipse fricans tubum, aut globum circumagens scabello electrico insistat velut in insula; tum excitati in vitro electricitas communicatur statim catenæ: & si quis pavimento insistens eam contingat, prorumpente scintilla mox extinguitur: sed reviviscit continuata rotatione: contactu iterum perit: per rotationem tertiam, quartam &c. rursum se prodit, sed ita, ut continuo debilior fiat, & tandem omnino desinat, eoque citius, quo minoris molis est machina; nempe dum fluidum ex pulvillo & corporibus cohererentibus in globum, a hoc in catenam migrat, e catena vero sæpius extracta per contactum alio desertur: ipsa demum machina exlauritur, quæ cum separata sit, nihil ex aliis corporibus recipere, & globo suppeditare potest.

potest : contra si ea cum aliis corporibus communicat, defectum materię in globum transmissę, ex iisdem supplet; hinc post attactus quantumvis repetitos electricitas in catena semper reviviscit.

III. Si *ſ* machina & catena communicant cum sola, in neutra ulla indicia electricitatisprehenduntur; nam fluidum ex solo in machinam, ex machina in globum, ex hoc in catenam, inde in solum denuo diffunditur, mox restituto, quod turbabatur, in catena & machina æquilibrio.

IV. Si machina separatur, & communicat catena, electricitatis indicia sunt in machina, nulla in catena; quidquid enim fluidi ex machina in catenam effunditur, id ex catena desluit in pavementum; hæc ergo in statu suo naturali persistit: machina vero, cum continuo partem quandam fluidi in catenam dimittat, fit negative electrica; ita ut homo fricans tubum, & scabello electrico insistens, si ex tubo per alterius hominis attactum repetitum extrahitur materia, indicia electricitatis edat. Ex hoc & secundo casu intelligitur, posse reipsa corpus spoliari (saltem magnam partem) materię electrica, idque fieri per separationem machinæ a corporibus symperielectricis; porro eiusmodi corpus electricum esse ex eo liquet; quia in eo relate ad alia corpora sublatum est æquilibrium fluidi electrici; atque idcirco eo maior effectus erit, quo maior inter bina corpora statuum differentia est, & quo plus materię electricæ habet corpus alteri negative electrico admotum, uti si ipsum est electricum positive; tum maior scintilla & sonitus oritur. Ex his concluditur, dari reipsa electricitatem positivam, sive excessus, & negativam seu defectus, atque vim maximam haberi inter corpora, in quorum altero summus est excessus, in altero summus defectus.

### §. CXXXV.

*Experimenta in laminis vitreis seu quadrato Franklini.* Superficies tabulæ vitreæ unius pedis longæ & latæ, aut etiam maioris tegatur utrinque foliis metallinis, ita, ut limbus tabulæ intervallo duorum vel tri-

trium pollicum hoc indumento, seu indusio, uti vocant, careat; eiusmodi tabula passim *quadratum* Franklini adpellatur. I. Ex catena filum ferreum demittatur in faciem superiorem tabulae, ut fluidum eo deferri queat: si inferior facies ope fili pariter cum catena communicet, nulla in tabula electricitas apprehenditur: si inferior superficies separetur, sive a corpore idioelectrico sustentetur, pariter nulla se prodit electricitas in tabula, quantumvis fatigetur machina. II. Filum ex catena deductum distet a tabula uno digito & in nodum vel anulum desinat apici digiti æqualem: inferiori faciei in eadem distantia & directione cum filo opponatur digitus hominis pavimento insistentis; cæterum tabula sit separata, ut e. g. scyphis vitreis in angulis incumbat: agitata machina fluidum cum scintilla ex filo erumpit in faciem superiorem, eodemque tempore scintilla adparet in facie inferiore circa digitum: idque iterato, ac sæpius observatur; quid igitur? num materia ex catena in filum derivata, & ex filo in faciem superiorem tabulae prorumpens per vitrum, ipsamque intimam eius substantiam usque ad inferiorem faciem transit? haud sane; Ex hoc enim & plurimis phænomenis instar certæ legis intelligimus fluidum *electricum per vitrum non transmitti*. Secus peracta ea fluidi eruptione, ac scintillatione tabula in statu foret naturali, neque indicia electricitatis postmodum ederet; atqui edit sane cum insigni concussione, siquis eodem tempore indicem faciei inferiori, pollicem superiori admoveat. Sic igitur statuendum: fluidum electricum ex catena & filo in tabulam prorumpens in facie eius superiore ita accumulatur, ut tantundem ex facie inferiore tabulae eliciatur, & in digitum scintilla pungente irruat, ut adeo supra electricitas excessus, infra electricitas defectus habeatur, siquis dein utramque superficiem una attingit, fluidum cum impetu & concussione ex superiore facie, ubi accumulatum est in inferiorem, ubi deficit, per ipsa attingentis membra irrumpt: si utraque superficies cum catena communicat, in ipsa tabula vitrea æquilibrium fluidi nunquam tollitur; cum id in vitro tolli haud possit, nisi tantundem detrahatur ex una superficie, quantum in altera accedit.

Æque

*Æque hanc legem constans docet experientia: vitra in faciebus oppositis affectant electricitates contrarias æquales.* Si inferior facies separata sit penitus a corporibus deferentibus, fluidum inde avehi nequit, proindeque nec in superiore facie accumulâri, nullaque æquilibrii perturbatio fit.

III. Filum ferreum curvatum in arcum circularem, & in binos cuspides inflexos seseque respicientes delinens immitatur ope ceræ sigillatoriæ in tabulam actu electricam, ita, ut cuspis una faciem superiorem, altera inferiorem respiciat; & utraque a facie vitri binis tribusve digitis distet: conspicua erit utrinque lux, nulla postmodum in tabula, nullo in filo recurvo electricitas, etsi id a corpore cohibente sustentetur: nempe fluidum hac via ab una in alteram superficiem transiens æquilibrium, ipsaque tabula statum suum naturalem recuperat; & quoniam nulla, uti modo dicebam, electricitatis indicia postmodum præbet, necesse est, ut excessus in facie superiore penitus æquarit defectum in inferiore; secus certe filum postea electricum quoquo modo, positive, aut negative, deprehenderetur. Si id filum eiusmodi sit, ut superficiem utramque prope tangat, & adhibeatur tum, cum electricitas in tabulam urgenda esset, nunquam ea redetur electrica; quantum enim fluidi effunditur in unam superficiem, tantundem in alteram transire potest; nunquam igitur æquilibrium turbabitur. Ob eandem causam si indumentum tabulæ proxime ad limbos accedit, facilis erit fluidi electrici transitus ab una superficie ad aliam, nullaque electricitas existet, aut celeriter evanescet.

*Passim extant similia experimenta, quibus comprobentur ea, quæ de electricitate vitri hoc loco indicata sunt. Experimentis tabularum vitrearum affine est experimentum Leydense, ut vulgo dicitur a natali solo, quod est Lugdunum Batavorum, ubi primo innotuit. Hinc & lagenæ Batavæ nomen est.*

## §. CXXXVI.

*Experimenta in Lagena Batava.* Impleatur lagena ultra medium circiter aqua: obturetur subere transacto filo ferreo in aquam descendente; cuius extremum extaps unci figuram habeat, ut catenæ connecti possit. Filum hoc *conductor internus* dicitur externa superficies vitri munda sit, præsertim circa collum. Corpus symperielectricum cum externa vitri superficie communicans, uti est manus lagenam tenens, aut circulus metallinus eam ambiens, *armatura exterior*, sicut aqua *armatura interior*, dicitur; filum ferreum circulo exteriori annexum, vel quod instar istiusmodi fili est, *conductor externus* nominatur. I Adhibeatur istiusmodi lagena ita, ut eius conductor internus cum catena electrica, externus cum corporibus deferentibus & pavimento communicet: tum externus conductor admoveatur interno; fiet displotio vehemens cum insigni erumpente flamma. Nenpe superficies utraque sit electrica, & hoc quidem casu interna positive, externa negative; cum igitur vis maxima sit inter corpora, in quorum altero summus est excessus, in altero summus defectus, fluidum admotis conductoribus ex interna superficie, ubi abundat, in externam, ubi deficit, cum impetu irruet. Facta hac irruptione, cum restitutum sit æquilibrium, tota electricitas extinctaprehenditur.

II. Si binas istiusmodi lagenas ventreprehendens electricam alteram, alteram non item admoveo invicem ipsarum uncus; scintilla emicat inter uncus, nempe a fluido redundante, quod ex lagena electrica effundit sese ad æqualitatem in superficiem interiorem lagenæ non electricæ, & quatior ego a fluido naturali lagenæ non electricæ quod ex superficie eius exteriori effundit se ad æqualitatem in exteriori electricæ fluido nativo carentem. Similiter si duæ lagenæ electricentur inæqualiter, & conductor internus unius admoveatur alterius pariter interno, dabitur scintilla, postquam utraque æqualiter reperitur electrica.

III. Sit hominum series iunctis manibus consistentium; conductorem externum primus teneat, alter, posteaquam electricitas immissa est in lagenam, internum tangat; erumpente scintilla vehementer concutien-



tientur omnes, ictu per brachia trans thoracem ab ultimo ad primum propagato. Vehementia ictus oritur a coniunctione superficiei externæ, in qua electricitas negativa habetur, cum interna, in qua præsto est positiva, ita ut fluidum per membra hominum una iunctorum ab altera superficie ad alteram transeat.

*Lagena aut vitrum onerari dicitur, cum in una eius superficie fluidum electricum condensatur, in altera pari copia euicitur. Si conductor externus cum catena electrica communicat, similis effectus habetur; modo alter conductor non communicans cum catena cum corporibus deferentibus communicet, per quæ fluidum auehi possit. Secus si e. g. interno conductore ad catenam adhibito externus cum ipsa superficie & armatura externa lagenæ separatur, vis modica obtinetur, quoniam fluidum externæ faciei auehi ægre potest; habetur tamen aliqua vis, si cætera faveant, uti infra dicemus. Lagena aut vitrum oneratum dicitur exonerari, si coniunctis conductoribus, aut quovis corpore deferente ad externam simul, & internam superficiem admoto via datur fluido æquilibrium recuperandi. Circulus succussionis seu ictus est omnis corporum deferentium series, quorum primum conductori uni, ultimum alteri admovetur. Eiusmodi lagenæ aut vitra passim fortificatoria nuncupantur; augent enim effectum. Eadem loco aquæ variis aliis liquoribus aut corporum solidorum segmentis, scobe ferrea, imo & lignea replentur. Ipsæ lagenæ intus & foris ad certam altitudinem lamellis metallinis ceu indumentis obducuntur, aut foliis speculorum. Hæ vero lamellæ aut folia pro armatura serviunt: idque efficiunt, ut fluidum electricum in una vitri superficie facilius & copiosius accumuletur, in altera subducatur. Nec vitri figura quidquam confert; modo nimia crassities absit, aut etiam tenuitas nimia.*

## §. CXXXVII.

*Experimenta in perticis ferreis, & globulis subereis. Sit filum aut pertica ferrea utroque extremo valde acuminata, imposita stypho vitreo mundo, & sicco. Ei tubus frictione electricus circa medium adpropinquet in distantia 6. poll. circiter maiore vel minore pro*

maiore, vel minore vi electrica tubi. Videtur pertica fieri *negative* electrica ob fluidum nativum ex ea per cuspides erumpens. Indicia electricitatis negativæ sunt 1o. si utrique extremitati huius perticæ adiungantur in eadem linea horizontali binæ aliæ similes, & similiter collocatæ, & tubus mediæ admotus non ante removeatur, quam post aliquod temporis spatium postquam vitra extrema cum perticis suis a media sint separata: tum remoto tubo alterutra extremarum admoveatur mediæ, scintilla existet cum crepitu: si extremæ inter se committerentur, nullum edent indicium electricitatis, nisi perexiguum fortassis ob vim inæqualem. Ex his conficitur, mediam esse *negative* electricam, extremas *positive*, propterea quod hæc fluidum a media eiectionem hauriant: si extrema quævis & media electricitatem homologam haberet, utraque *positivam*, vel utraque *negativam*, nulla ex coniunctione scintilla existeret, sed singulæ seorsim indicia darent admoto digito. 2do. Si perticæ, antequam *negative* electrica fiat, adiungantur globuli suberei filis 8 circiter dig. suspensi, seque contingentes, ii inducta electricitate recedent; tum si infra eosdem iam repulsos quoddam spatio teneatur alius tubus electricus ad quandam distantiam, primo magis recedent ac antea; postea ad sese iterum accedent; contra si pertica cum filis ac globulis fuisset *positive* electrica, admoto tubo electrico infra globulos iidem primo magis ad se accessissent, postea recessissent. Cuius rei ratio ut intelligatur, nota: si tubus electricus certo intervallo adpropinquat perticæ eo, quo primo posuimus, modo, tanta fluidi copia utrinque per cuspides eiicitur in aerem, quæ binis aliis perticis utrinque admotis electricitatem excessus inducit; quapropter si corpus sit *negative* electricum, eius fluidum eiicitur & circa illud atmosphæram format, perinde ac corpora *positive* electrica suam habent atmosphæram: igitur in coniunctione corporum, quorum electricitas æqualis est, & homologa, semper repulsiō sit, nisi moles & massa eorundem prævaleat vi expansivæ atmosphære ad recessum urgenti. Globuli *positive* electrici repellunt sese ob conatum atmosphærarum se expandendi magis per aerem: si iidem  
sint

sint negative electrici, pariter se repellunt: nam fluidum nativum ab iisdem eiectum, & circa eorum superficiem condensatum nititur utrinque per superficiem ingredi: hinc mutua pressio existet, constipatio inter utrumque globulum, qua globuli coguntur recedere. Posita iam electricitate negativa globulorum vis electrica tubi infra eos adpropinquantis atmosphæras eorum densiores reddit ob resistantiam aeris, donec resistantia, quam superficies globulorum in fluidum circumfusum exerunt, victa sit; ad quod opus est tempore quodam continuo, intra quod fit repulsio eorundem: victa resistantia fluidum in globulos redit, qui recuperato statu naturali ad sese dein denuo accedunt. Si vero electricitas globulorum est positiva, ob quam pariter recedunt a sese, admoto inferius tubo electrico magis accedent primo, postea recedent; hoc enim casu aucto in globulis fluido naturali id undique ex superficiebus erumpit, & atmosphæram efformat, neque aer cohibendo egressui materię par est; at accedens vis electrica tubi una cum aere fluidum intra globulos compellit tempore quodam continuo, quo dein ad sese magis accedunt: remoto autem tubo erumpente maiore copia fluidi quam antea, magis etiam, quam antea, a se recedunt: atque ita in casu electricitatis negativę vis repellens per vim electricam tubi primo augetur, postea minuitur: in casu positivę primo minuitur, postea augetur; quę quidem res explorando generi electricitatis servit; facile enim corpori electrico ope frusti vitrei eiusmodi globuli adiungi, iisque tubus electricus admoventi potest.

*Animadvertite: Si tubus electricus non adpropinquet in medio: sed adhibeatur alterutri cuspidi perticę, quam primo posui, ea sit positive electrica; plus enim fluidi & maiore vi intruditur hac parte, quam ex altera remotiore cuspide egredi queat; si sint plures perticę in linea collocatę, sibi que vicinę, & extremę cuspidi tubus electricus admoveatur, omnes evadent electricę positive: prima tamen magis, quam secunda, hæc magis, quam tertia, atque ita porro. Si binę cuspides perticę, cuius medio tubus electricus imminet, frustis vitri perforatis accurate teguntur, eadem impedito*

egressu fluidi electricitatem excessus acquireret. De tribus perticis quas supra suo quamque scypho imposuimus, notandum, nullum earum electricitatis indicium haberi, si tubus mediæ immotus ante removetur, quam vitra cum perticis separentur, fluido ab extremis in mediam redeunte, & recuperante æquilibrium, quam primum vis tui cessat. Maximam vero attentionem meretur atmosphæra, qua corpora etiam negative electrica pollent. Resistit aer fluido, ne dilabatur, tum ne egrediatur ex corporibus: at resistantia superari potest vi electrica corporum: quæ si positive electrica sint, eorum fluidum ab axe vel centro illorum ex omni parte versus aerem tendit: si negative, opposita directione ab aere circumfuso versus axem; hinc corpora leviora homologue electrica si coniunguntur, ob vim oppositam fluidi eorum recedunt: at si in uno globulo electricitas positiva in altero negativa adest, ad sese accedunt; nam atmosphæra positive electrici a centro versus aerem, & negative electrici ab aere versus centrum tendens utrinque directionibus conspirat, & conatus fluidi tendentis versus centrum adiuvatnr a fluido alterius tendente a centro: defectus unius compensatur excessu alterius, fitque restitutio æquilibrii. Similia de electricitate negativa experimenta extant in Trans. Anglicanis N. LIII. Fol. XLVIII. P. I. instituta a D. Canton. Suspenditis globulos magnitudine pisi æquaies ex filo lineo 8 vel 9 digit. qui se contingebant. Tubo electrico in distantia 3 vel 4 pedum posito iidem recedebant, adpropinquante magis tubo augebatur recessus: remoto tubo concidebant: Si globuli ex filis sericis pendeant, recessus non obtinetur, nisi tubus saltem ad distantiam 18 digit. accedat: ac tum remoto etiam tubo aliquandiu manebunt disiuncti. Si primo casu globuli ponuntur negative electrici, intelligi potest, cur altero casu, quo nihil de fluido per fila serica vehi potest, tubus propius admoveri debeat, donec recedant: contra si casu utroque ponitur electricitas positiva, citius & in maiore distantia ea induceretur in secundo, quam primo casu. Videtur genus electricitatis aliquando pendere a distantia & vi tubi electrici: si enim adpeticam utcumque acuminatam ita admoveatur tubus electricus, ut eam penitus contingat, fit ea positive electrica, maiore fortassis copia irrupente, quam ut fluidum nativum perti-

*ca infra statum naturalem imminui queat : in maiore autem tubi distantia electricitas defectus observatur ; fortassis limes est quidem distantiae , in quo neutra obtineretur. Nec obest , quod is non deprehendatur , cum repetitis tentaminibus nec vis electrica tubi semper eadem sit , & aer etiam circumfusus subeat mutationem.*

## §. CXXXVIII.

*Experimenta electricitatis homologae in oppositis faciebus laminarum aut phialarum vitri. Constat ex §. CXXXV. Vitra in faciebus oppositis affectare electricitates contrarias, & aequales ; at eadem circa utramque laminæ aut phialæ oneratæ faciem sæpe homologue adparent. Eius rei rationem reddidit cel. BECCARIA in dissertatione , quam inscripsit de electricitate vindice , ubi ostendit , easdem homologas adparere debere , quia reipsa contrariæ sunt , quæ faciebus vitri insident , electricitates , & quia vim exerunt , quæ suam tuentur in contrarietate æqualitatem. Phiala nunc statur unco catenæ : electricitas in eandem urgeatur , quin ipsa tangatur exterius : collo prehenso , & semota a catena repellat unco & ventre bracteolam excessu electricam : adparet igitur electricitas homologa ; videtur enim bracteola positive electrica attrahi debere a ventre phialæ , si ut oportet , negative electricus est ; non attrahitur autem : igitur positive erit electrica facies phialæ exterior perinde , ut interior. Hæc igitur explicanda est anomalija , quæ plurimis , certisque experimentis refragatur. Nempe si fluidum vi machinæ intrudatur in faciem interiorem phialæ , fluidum nativum faciei exterioris hoc casu , quo phiala exterius solo aere circumdatur , non nisi in aerem ambientem disiici potest ; qui cum dein circumquaque abundet fluido , bracteolam excessu electricam repellat : hinc adparens in aere exterius ambiente homologa interiori electricitas reipsa effectus est electricitatis contrariæ in oppositis faciebus vitri. Si uncum huius phialæ tango , scintilla existit , quæ omnis utrinque electricitas , quæ modica est , mox perit ; nam tactu fluidum demo interius , & circa uncum redundans ; hic*

materiam faciei exteriori debitam in aerem urget, unde in locum suum redit, ut facies utraque habeat dosin nativam. Si phialam catenæ nexam aliquamdiu tango, ut fiat ex parte ad explosionem electrica: tum pergo electricitatem urgere in ipsam seiunctam exterius a corpore omni. tanto debilior est, quæ exiit deinceps in aere exterius ambiente, electricitas homologa electricitati unci, quo diutius fuit phiala attrectata exterius, quia fluidum exterioris faciei disiectum est in manum, ac solum, & modica eius pars reliqua est, quæ in aerem ambientem disiciatur. Si manum tum primum dimoveo, quando materia in faciem interiorem iniecta, & ab exteriori eiecta est tanta, quanta potest (sunt enim certi limites vis electricæ uti paullo post adnotabimus) exterior electricitas adparet nulla in aere; quia fluidum nativum faciei exterioris alio dilapsum est: nulla in facie exteriori, etsi reipsa sit negative electrica; quia fluidum interius redundans, quod vi sua materiam nativam disiecit ex facie exteriori, eadem vi sua facit, ne eius in facie exteriori defectus, & vacuitas sentiat, id quod in istiusmodi experimentis vitrorum electricorum universe observandum est. Hæc vacuitas deprehenditur hoc modo: Si phiala ad explosionem electrica unco prehendatur: erumpet ex facie interiore materia tanta, quantam exteriori suppeditare potest ambiens aer; hic igitur exutus fluido suo bracteolas excessu electricas attrahet, repellet electricas defectu. Ex his generalis veluti lex huius anomalie adparentis concluditur: *Si electricitas aliqua exurgit in facie una laminæ cohibentis, dum facies opposita manet seiuncta (isolata) necesse est, in aere ambiente faciem oppositam, exurgere electricitatem illi ipsi proportionalem, & homologam, quæ in facie altera exurgit.* Unde ratio sequentium observationum derivatur:

1. Si filorum fasciculus (quæ instar electrometri sunt) utrique conductori separato lagenæ batavæ aptatur, inter globi rotationem utrinque fila electrometri divaricantur. De electrometro conductoris interni positive electrici certa est ratio, & obvia; Sed cum vitrum exterius ponatur armatum, pars materię electricæ a superficie externa expulsa recipit se in armatu-

turam, & conductorem externum, vel in aerem ambientem: hinc ista per excessum fiunt electrica, ac fila recedunt, præsertim dum continuata rotatione nova semper e globo in lagenam succedit materia, ac proin ab extrema facie nova in armaturam, conductorem externum, & aerem eiicitur II. Folium auri sub campana suspensum admoto tubo electrico versus eum accedit. Perperam inde inferebatur, materiam per vitrum transire. Nam cum in loco contactus tubi & campanæ necessario materia quædam colligatur, ex interiore superficie ea in aerem proxime ambientem expellitur, qui proinde electricus excessu folium attrahet, III. Conductor internus cum catena communicet, externus cum corporibus symperielectricis; tum onerata lagena separetur una cum conductore externo; admove globulum ex filo serico pendentem exterius vitro, aut conductori externo, is non movebit sese; quia; ut ante diximus, vis interioris fluidi efficit, ne eius in facie exteriori defectus persentiscatur: admoveatur idem conductori interno, a quo primum attractus mox repellitur: tum illico facta hac repulsione, quæ electricitatem excessus prodit, admoveatur iterum exterius vitro: rapietur is velocissime versus faciem externam;educta enim parte fluidi ex facie interna par quantitas in externam ex aere redire debuit; hic igitur nativa quantitate spoliatus globulum excessu electricum attrahet. Si talis globulus prope faciem externam maneat suspensus: scintilla ex facie interna per digitum elicitamox globulus ad vitrum advolabit, idque iterato extracta scintilla iterato faciet ex adducta mox ratione.

## §. CXXXIX.

*Experimentum de coniunctione binarum laminarum electricæ, & non Electricæ.* I. Sint binæ laminæ, A electrica, B non electrica. Binæ facies oppositæ in priore sint AB, & a b in posteriore MN, & m n. Lamina A in AB vestita, & recenter a catena electrica remota, inferiore facie a b nuda imponatur alterius non electricæ faciei MN. Ab opposita huius faciei m n

lineis decem distet circellus chartaceus iacens in abaco. Is non commovetur, attrectato autem indumento laminæ A continuo circellus emicat ex abaco, oscillatur, & circuit sub facie *mn* laminæ B. Hæc igitur, cum nullam antea habuerit electricitatem, nunc adepta est. Dum enim in AB excessus aliquis detrahitur per attrectationem, in a b detrahitur defectus, hoc est, a facie a b fluidi nativi pars ex MN facie contigua laminæ B hauritur: igitur hæc facies MN fit electrica defectu; & consequenter opposita *mn* electrica excessu; Circellus igitur attollitur, & adhæret vi fluidi, quod in superficiem *mn*, versus quam attollitur, derivatur. II. Lamina A inducta in AB, ibidemque electrica a catena, inferiore facie a b nuda rite iungatur alteri non electricæ pariterque nudæ in MN, qua parte se contingunt, sed inferius in *mn* vestitæ; Siquis iam, dum indumentum in *mn* indice attrectat: indumentum AB contingat pollice, quatitur, & momento temporis lamina inferior acquirit electricitates earum dimidias, quas habet superior immixtas a catena. Id ipsa ratio æquilibrii poscit, ut consideranti perspicuum est. Quod vero ob attrectationem velut momento temporis hic contingit, idem si laminæ sibi relinquantur, fit lente & successive. Nam III. Si laminæ eodem ut prius, statu ac modo coniungantur, cum facies a b sit electrica defectu, fluidum nativum ex MN lente ( si nulla intercedit attrectatio ) in eam se effundit; atque hinc ob defectum in MN nascentem fluidum extraneum lente affluit in faciem *mn* ad gignendum excessum æqualem defectui, qui oritur in MN: vicissim autem materia redundans in AB lente effluit ad minuendum excessum in ea ratione, qua defectus minuitur in a b. Durante hoc affluxu circellus chartaceus attolli & faciei *mn* adhærere debet: post huius fluidi motum decedet, cum a nulla iam præterfluente materia sustineatur ob illatam in laminam inferiorem electricitatem æqualem illi, quæ residua est in superiore. Si deinde lamina superior semovetur ab inferiore, facies a b vindicans sibi met partem prioris electricitatis negativæ hoc est, fluidum in MN relinquens defectum in hac facie MN minorem facit excessu in *mn* hinc fluidum ea *mn* effluit ad



minuendam excessum illum; quo effluxu circellum de-  
nuo attrahi oportet, & adhærere. Nova dein faciei  
ab & MN coniunctione, brevi ad æqualitatem re-  
ducuntur defectus reliqui, quos eadem facies ab,  
& MN habent; pariterque excessus respondentes in  
AB, & mn; unde per coniunctionem iterum tolli-  
tur adhæsiō circelli plerumque post aliquot minuta  
secunda; quo tempore restituitur æquilibrium; atque  
ita circellus alternatim assurgit inter disiungendum ad  
faciem mn, alternatim decedit inter coniungendum.  
Porro hæc effectio qua lamina cohibens, cum eius  
indumentum detrahitur, aut si ab alia disiungitur,  
electricitatem vi sua imminuit, aut eius partem recu-  
perat, sibi que vindicat, a Cl. BECCARIA dicta est *Electricitas*  
*vindex*; de qua plura disserere angustia præfixæ vetant.

### §. CXL.

*Experimenta de campanulis.* I. Sicut globulus sub-  
ereus filo serico suspensus a corpore electrico primum  
attrahitur, moxque resilit, & vicinæ tenentis vesti ad-  
hæret; a quo rursus redit ad corpus electricum, ite-  
rumque recidit; dum alternatim vim electricam iam a  
campana recipit attractus, iam repulsus illam corpori  
deferenti communicat, & velut exonerat; sic malleo-  
lus metallicus inter duas campanulas ex filo serico su-  
spendi solet, quarum altera separata, id est, filo pariter  
serico suspensa cum catena communicat, altera cum cor-  
poribus deferentibus; unde malleolus alternatim attra-  
ctus & repulsus lusum iucundum efficit. II. Sint duo  
paria campanularum distinctis singula fulcris cum suo  
malleolo instructa; par unum cum catena seu condu-  
ctore interno lagenæ, alterum cum externo & arma-  
tura exteriori vitri communicet. Si lagena cum utro-  
que conductore separetur, globo rotato celeriter sonant  
campanulæ conductoris interni; at scintilla elicitæ mox  
tacent. Si vero conductor externus communicet cum  
corporibus simpliciter electricis diutius rotandus erit globus,  
quam antea, donec campanullæ; conductoris interni sona-  
re incipiant: elicitæ ex eo scintilla, quiescunt campanulæ; at  
siquidem maior antea extitit vis electrica, incipient spon-  
te sua iterum sonare, sed debilius: si iterum contin-

gatur conductor, iterum tacebunt, & rursus post moram sonabunt, idque per vices eo plures, quo diutius ante rotatus fuit globus. In primo casu lagena parum electricitatis, aut nihil recepit conductore externo separato: aqua vero & filum ferreum conductoris interni, cum vim electricam facile arripiant, mox eam ad campanulam propagabant; unde attractio malleoli, ac sonus statim oriri debuit; in altero casu cum lagena materiam electricam recipit, longiore tempore opus est, ut ea saturetur, fluido ex conductore in aquam, ex aqua in faciem internam lagenæ diffuso, & accumulato: Nec vero simplici contactu vis tota lagenæ extinguitur, cum vitrum, uti materiam difficilius recipit, ita receptam difficilius dimittit, utroque modo exerens maiorem resistantiam, quam metalla, aliave corpora symperielectrica. Reviviscit autem vis electrica post contactum velut sponte sua, & per se ipsam; quod genus quoddam electricitatis vindicis, uti eam Cl. Beccaria adpellat, videtur esse; dum partem amissam sibi denuo vindicat. III. Adhuc otiosæ manebant conductoris externi campanulæ; Sed urgeatur eo, quo nunc diximus, modo electricitas in conductorem internum, & lagenam; sonabunt illius campanulæ: tum conductor externus separetur, & admoto digito ad conductorem internum huius campanulæ conticescent: at sonare incipient conductoris externi: tangatur iste, aut facies externa vitri; quiescent campanulæ externi, & sonare incipient conductoris interni: hunc si tangis, rursus tacebunt hæ, illæ sonabunt, & sic per vices decem, viginti, plures. Est igitur aliquid in superficie externa, quod nexum quendam habeat cum interna, & vicissim; facta enim per attractionem quadam mutatione in una facie contingit & mutatio in altera. Puto, rem totam succedere in hunc modum. In primis ut campanulæ sonent cuiuscunque conductoris, necesse est, conductorem, quocumque communicant, fieri electricum excessu, vel defectu. Si conductor externus post operationem lagenæ non separatur, & attrahatur internus, tum ex hoc, tum ex aqua erumpit fluidum, & restituitur æquilibrium: quiescunt ergo campanulæ; sed quoniam internam faciem lagenæ fluido abundat, aqua, & conductor internus

aliquam partem quamvis lente sensim attrahit, externa autem facies a conductore suo, aliisque corporibus tantundem haurit, ut imminuto excessu in facie externa minuatur defectus in externa; atque hoc modo reviviscet vis electrica conductoris interni, & redibit campanularum eiusdem sonus. Campanulæ conductoris externi non se movent hoc casu, quia is in statu suo est naturali. At si post operationem is separetur, tum extracto per attractionem interni fluido, per quod etiam interna facies lagenæ excessum suum minuit, necesse est, ut pars æqualis a facie externa attrahatur nempe ex ipso conductore externo separato: qui cum defectum supplere haud possit, sit negative electricus una cum campanula communicante. Hinc dum cessant priores, hæ commoventur. Si iam attrahatur conductor externus, redit ad statum nativum; & quoniam fluidum attractu immissum etiam versus externam faciem urgetur, & aqua cum interno conductore idem ex interna facie paulatim attrahunt, necesse est, ut campanulæ conductoris interni denuo electricæ fiant, & sonare incipiant, quiescentibus campanulis externi; sicque pervices obtinentur alterni campanularum sonitus donec in utraque facie lagenæ, & in conductore utroque restitutum sit æquilibrium.

*Ex Phænomenis electricis sub sensum cadentibus, & quasdam etiam ad leges reductis coniecturæ quædam colligendæ sunt, quæ ad intimiorem naturæ cognitionem pertinent. Absit vero, ut ea, quæ deinceps dicturus sum de constitutione corporum electricorum, & ipsius atmospheræ electricæ, de discrimine idioelectricorum, & symperielectricorum, de causis physicis attractionis aliorumque phænomenorum, de natura fluidi electrici, & corporum viribus, quas in illud fluidum exerunt, pro certis & indubitatis veritatibus haberi velim. fortassis nimis pauca adhuc phænomena innotuerunt, de hac re quam ut theoria quædam tuto condi possit. Præcipitantia condendi systemata, & causas remotiores assignandi nimium quantum officit progressibus philosophiæ, & segnes nos reddit in explorandis naturæ arcanis, cum eam nobis opinionem ingerat, rem totam nobis exploratam, penitusque cognitam iam esse. Quapropter quæ*

*quæ dicenda sunt hoc loco, ea non nisi pro coniecturis Physicis habere me profiteor.*

## §. CXLI.

### CONIECTURÆ DE CONSTITUTIONE CORPORUM RELATÆ AD ELECTRICITATEM.

Quæstio I. *Quænam est generatim constitutio interna corporum, ob quam actu electrica fieri possint?* R. Superficies externa corporis cuiusvis, & superficies singularum molecularum, inter quas vacui meatus dantur, circumfusæ sunt fluido electrico ad aliquam altitudinem in statu iam nativo corporum, etsi actu non sint electrica. 2. Singula corpora, & singulæ eorum molecule resistunt tum subductioni fluidi nativi, quo gaudent, tum adiunctioni novi fluidi, quibuscunque demum a viribus internis corporum oriatur ea resistentia. 3. Alia corpora adiunctioni novi fluidi, aut subductioni nativi magis resistunt, alia minus resistunt. 4. Sunt limites quidam, ultra quos nec augeri id fluidum in corporibus, nec diminui potest. Si status naturalis corporis est immutatus fluido in illo vel accumulato, vel infra dosin nativam imminuto, semper resistentia exeritur in reducendo statu naturali eius corporis; quæ resistentia varia est pro corporum, & varii generis adiunctorum varietate. 6. Ea restitutio corporis in statum naturalem non fit sine adminiculo externo vel per sese occurrente, vel industria nostra oblato. Hæc quidem ex diligente phænomenorum consideratione de constitutione corporum relatæ ad electricitatem generatim videntur concludi posse. Sed singula, quæ modo asseruimus, expendenda sunt.

I. *De fluido electrico superficies omnium corporum, & molecularum ambiente.* Per frictionem excitatur id fluidum in corporibus idioelectricis, & communicatur symperielectricis: ex machina separata, si electrica fiat, id magis partem admoto corpore deferente extrahitur; igitur id in corpore idioelectrico præsto est. Machina separata, & electrica post repetitas extractiones fluidi nullum porro indicium edit, ut fluidum

do suo, quantum fieri potest, exspolietur: si vero machina communicet cum corporibus symperielectricis, nunquam exhauritur, quia ex his aliud fluidum succedit: ergo in corporibus quoque symperielectricis id fluidum præsto est. Si porro scindantur corpora in lamellas tenues, æque indicia electricitatis edunt: aqua a fluido electrico dispérgitur in guttas: in his pariter indicia electricitatis observantur, si in laminam cohibentem incidunt: igitur hoc fluidum non modo externam corporum superficiem ambit: sed circa moleculas, in quibus vacui meatus eidem locum relinquunt, circumfunditur.

II. *De resistentia, quam corpora exerunt in adiunctione novi, vel subductione nativi fluidi.* In corporibus idioelectricis ea resistentia satis manifesta est; neque enim e. g. vitrum fit electricum, & admoto digito fluidi partem dimittit, nisi adhibita vi quadam frictionis: quantum vero dimittit, tantundem si potest, ex symperielectricis recipit: eadem corpora adhibita ad aliud actu electricum ægre admodum ultra dosin nativam aliud fluidum arripiunt, imo propagationem fiunt. In corporibus symperielectricis pauci admodum Philosophi resistentiam quandam, aut difficultatem augendi fluidum nativum, vel dimittendi agnoscunt. Alii eadem statuunt quodam modo indifferentia ad maiorem, vel minorem fluidi copiam continendam: alii cum aviditate etiam fluidum electricum ab illis excipi, & citra difficultatem dimitti censent. Sed opinor, eam indifferentiam, & aviditatem duntaxat *relativam* esse, spectatis nimirum corporibus idioelectricis, in quibus resistentia multo maior, multoque apertius deprehenditur. Sit tubus vitreus in bina crura æqualia inflexus: impleatur magnam partem mercurio: postea inversi utrumque crus immittatur vasculo: habebitur parte superiore circa curvaturam spatium aere vacuum: si ex catena electrica in alterutrum vasculum derivetur fluidum, ex crure eius vasculi per columnam mercurii torrens lucidus in spatium vacuum erumpit, & in columnam cruris alterius ingreditur: ea lux in transitu per spatium vacuum æque densa cernitur; at circa superficiem mercurii in crure altero multo clarior, æ  
proia

proin densior adparet: hæc densitas ex resistantia, quæ in superficie mercurii exeritur, provenit, tantumque increfcit, donec a fluido magis accumulato vincatur: idem observatur circa superficiem cruris prioris, si torrens lucidus ex altero crure in illam transeat, aut si inducitur electricitas negativa. Quapropter recte conficitur, fluidum etiam in corporibus symperielectricis, quale est mercurius, resistantiam quandam sentire. Istud experimentum extat in Trans. Vol. 47. p. 370. Hæc resistantia quæ ingressui, & accumulationi fluidi opponitur, ab ipso fluido corporum & molecularum superficies obsidente videtur proficisci. Fortassis hæc resistantia, quam corpora excessui, & defectui fluidi electrici opponunt, eiusdem rationis & indolis est, eandemque causam habet, ac illa resistantia, quam radii lucis tum in ingressu in vitrum, tum in egressu sentiunt, & ob quam eadem celeritate reflectuntur radii, qua ingredi in vitrum, vel egredi conantur, certe ob resistantiam quandam ingens copia radiorum in superficiebus vitri reflectitur; qua quidem remota iidem libere permearent, ac observavit Newtonus, eam resistantiam iam ante exeri in lucis radios, quam ipsam vitri, qua ingrediuntur, vel egrediuntur, superficiem attingant. Certe vitrum, uti mox dicemus, in statu etiam naturali fluidum electricum magna copia, & tenacitate circumfusum tenet præsertim circa superficies extimas, & primas lamellas, in quibus illud etiam ab aere cohibetur, & ex omni parte affluit: Si vero electricum ponitur excessu, vel defectu, utroque casu atmosphæram circa superficiem maxime externam corporum a fluido efformari constat.

III. *De varietate resistantiæ, quam alia atque alia corpora in fluido nativo accumulando; vel subducendo exerunt.* Resistantia maxima exeritur a vitro, cera, resina, sulfure, aliisque id genus, quæ vocantur idio-electrica, si satis crassa sint; item a serico, capillis, si sint satis longa eorum stamina. Vitrum enim difficillime fit electricum, & nisi in altera eius facie tantumdem fluidi depellatur, quantum in una congeritur, omnino electricum non fit; Nihilominus dici potest, vitrum quoque per communicationem fieri posse electri-

etricum, sed ita, ut materia collecta maneat in ea superficiei parte, qua proxime recipitur; Francklinus laminis vitreis utraque parte adplicuit plumbeas; his inducta in vitrum electricitate dein remotis, ex iis maxime vitri partibus, quibus plumbum anteadhæsit arctius, scintillas, & iterato quidem ex iisdem elicuit: in aliis vero, quæ a plumbo non contingebantur, nullum indicium deprehendit. Si onerata lagena conductor internus eximitur, ac tum externus admoveatur aquæ, fit displotio; imo si effusa priore aqua infunditur nova ex fonte, hæc non secus, ac altera, scintillam edit. Igitur vis electrica per communicationem ex catena inducta in ipsa superficiei sive primis eius lamellis insidet. Et quoniam ex resina quoque, pice, colophonio, cera & similibus corporibus tabulæ efformari similitudine vitrearum possunt, quæ similes effectus edunt, patet, quæ de vitro dicta sunt, ad alia quoque corpora idioelectricæ posse extendi: hæc tamen omnia difficilius induunt vim electricam, sive magis resistunt excessui, & defectui fluidi electrici, non aliam, ut opinor, ob causam, quam quod fluidum nativum densiorem in his, quam aliis corporibus symperielectricis, atmosphæram formet, & arctius adhærentem superficiei. Certe vitrum, cera, pix, resina imo & adamas, si certum caloris gradum acquisierunt, eadem facilitate, ac ferrum & alia metalla fiunt electrica, eamque vim propagant; nempe calor omnia corpora rarefacit, fluida æque, ac solida; fluidum autem quodcumque si rarefit, minus resistit, ac ante: calore igitur atmosphæra fluidi nativi, quæ vitri superficiem ambit, rarefit, vimque suam singularem amittit; quo magis dein iterum, frigescit vitrum, eo magis resistere fluido electrico animadvertitur. Quamobrem admodum verisimile est, resistentiam, quam corpora maxime idioelectricæ exerunt, ab eorum densiore atmosphæra provenire; eadem fortassis in causa est, cur, si vitrum convexum, & planum sibi imponantur, nunquam earum superficies se penitus contingant, nisi singulari adhibita vi mutuo comprimentur, uti NEWTONUS observavit. Cera & corpora resinosa, etiam magis, quam metalla resistunt fluido ele-

R

etri-

étrico, tamen cum multo citius ac facilius vitro incallescant, etiam citius resistere desinunt. Sed post vitrum vi electricæ maxime aer videtur resistere; si satis purus sit, neque vaporibus, & exhalationibus abundet; vel admodum sit rarus; certe nisi aer ad corpora cohibentia & idioelectrica pertineret, vis corporum electricorum, quæ undique ab aere ambiuntur, cito exstingueretur, haud aliter ac per contactum corporum symperielectricorum; hinc vis electrica citius disparet in aere humido, quam sicco; nec ea admodum longo tempore in corporibus conservari potest, quia aer nunquam non variis heterogeneis particulis oppletus est, in quas abundans materia paulatim derivatur. Idem aer, cum effluvio electrico obstat, facit, ut materia effluens circa corpus electrificatum diffundatur, & atmosphæram constituat. Intra tubum aere vacuum lux electrica liberius, & maiore spatio diffunditur. Laminæ vitreæ indumentis metallicis vestiuntur, quia ab his accessui, vel recessui fluidi minus resistitur, quam ab aere superficiem vitri ambiente, & tenaciter premente. Nihilominus vinci quodam gradu posse aeris resistantiam supra ostendimus. Denique in regno minerali, & fossili, in vegetabili, animali minima deprehenditur resistantia in fluidi electrici accessum, vel decessum, exercita. Est tamen etiam in his quædam resistantia, & maior quidem si superficies eiusmodi corporum valde politæ sint, & latius extendantur ea parte, ubi vis electrica applicatur, quam si sint asperæ, & perexiguæ, aut si vi electricæ opponantur cuspides, & anguli corporum; hac enim via celeriter & ingreditur fluidum, & si abundat, diffuit.

IV. *De limitibus vis electricæ positivæ, & negativæ.* Si vis electrica in laminam vitream inducitur, ingressum fluidi in unam faciem, & egressum ex facie altera produnt scintillæ ex catena hinc irrumperentes in vitrum, inde ex vitro erumpentes versus digitum quodam spatio distantem: ex scintillæ paulatim cessant, ut supra adnotavimus. Id claro indicio est, vim electricam laminæ suos limites attigisse; nec vero ulterior machinæ usus quidquam deinceps efficiet, nisi



nisi ut aer circumpositus inordinata fluidi ex catena eruptione turbetur. Si catena, in quam ex globo fluidum dimanat, in cuspidem desinat, post continuatam globi rotationem denique fascies radiosos per cuspidem emittit, ii indicio sunt, catenam ultra eum limitem maiore vi onerari haud posse; quod præterea infunditur, disfluet ea maxime parte, ubi minor est resistentia, nempe circa cuspides, uti paullo ante diximus, tum quod in iis materia in angustius coacta spatium magis constipetur, tum quod ibi materia arcuata minus aeris voluminem sibi oppositum facilius disicere valet, ac penetrare. Igitur dubium esse haud potest, quin corpora electrificata non nisi determinatam quantitatem fluidi electrici & recipiant, & dimittant; crescente enim in vitro defectu materiae in facie una excessus in altera crescere deberet; cumque hæc materia maxime adhæreat superficiebus corporum, & molecularum, haud fieri posse arbitror, ut corpus quoddam eadem penitus privetur.

V. *De resistentia, quæ exeritur in reducendo statum naturali corporum.* Cum phaenomena electrica a turbato æquilibrio huius fluidi pendeant, videtur, reductio status naturalis citra resistentiam, si possit, fieri debere, cum præsertim fluida sponte ad æquilibrium se componant. At enim si recte expendantur omnia, in ipso reducendo statu naturali deprehenditur quædam resistentia. Nam etsi maxima sit fluidi celeritas, tamen per quemvis contactum non extinguitur omnis vis electrica catenæ: corpora negative electrica atmosphæram circa se habent, quin materia eam efformans mox redeat in corpus, cui debita est: lamina electrica separata ab altera, quæ primo non electrica erat, vindicat sibi in disiunctione partem electricitatis negativæ antea amissam. Ex quibus videtur colligi posse, hanc, de qua in præsentia agimus, resistentiam non modo ab aliis corporibus admotis provenire, sed ab ipso corpore electrico per excessum, vel defectum. Solers naturæ explorator fortassis multa alia huius resistentiæ indicia, multosque illius effectus deprehendet.

IV. *De adminiculis extraneis, per quæ corpus ele-*  
*R 2* *ctri-*

*Electricum statum naturalem recuperat.* Si corpora electrica resistantiam exerunt in recuperando statu suo naturali, quæ a viribus internis corporis aut ipsius fluidi proficiscitur, consequens est, ut reductio status naturalis sine adminiculo externo non fiat, nisi in ipso motu, aut situ fluidi fortassis mutatio quædam paulatim contingat, ob quam dein status naturalis velut sua sponte recuperetur. Phænomena satis generatim docent, semper adminiculum quoddam extraneum præsto esse, cum ea restitutio contingit. Pertica ferrea, posteaquam vim electricam recepit sat copiosam, imposita filis sericis, siccis & mundis, ac longioribus, & aere sicco circumdata, satisque distans ab aliis corporibus minus resistantibus sat longo tempore eandem conservat; si corpus electricum rite separatum sibi penitus relinquitur, semper aer ambiens, varixque partes heterogeneæ adsunt, per quas restitutio status naturalis paulatim fieri intelligatur.

*Adparet, multas hoc loco coniecturas, incertasque opiniones esse indicatas. At enim satius est, caute dubitare, recteque suspicari, quam de rebus parum cognitis & exploratis temere pronuntiare sententiam.*

## §. CXLII.

### CONIECTURÆ DE INDOLE, ET NATURA FLUIDI ELECTRICI.

Quæstio II. *Quæ sunt proprietates illæ & adfectiones fluidi electrici, ex quibus de eius natura. & indole fieri coniectura queat?* R primo, Hoc fluidum admodum subtile est: nam metalla libere pervadit, ac celeriter, quæ sunt corpora valde compacta. Supra diximus, vim electricam per catenam quingentorum pedum intra  $\frac{1}{2}$ " propagari. Hæc propagatio duplici modo contingere potest *rapidissimo refluxu materiæ* ex tubo vel globo electrico in catenam, sic ut primo materiæ effluentis portio mox per totam catenam dispensetur; unde & primi effectus vis electricæ satis exigui sunt, attractiones debiles, scintillæ, mi-

nimæ; dein concitatione materiæ in catena iam ante contentæ, ut materia ex globo primum erumpens fluidum nativum catenæ concitet, turbet, & expandat; nam *Secundo* fluidum electricum valde elasticum est, quatenus ingenti vi se expandendi gaudet, si æquilibrium eiusdem quaque ratione perturbatur; Si plures se se expandendi vias nanciscitur, eodem tempore, non via brevissima progreditur, sed ubi minima est resistentia. Si pro conductore externo lagenæ batavæ fumitur catenula, cuius annuli citra tensionem catenæ laxi inter se iacent in mensa, & manu altera ad faciem externam adhibita, catenulæ extremitas admovetur ad conductorem internum, fluidum sese exonerans per manum, totumque hominem transit: tensa vero catena vel adhibito filo ferreo continuo, hac via pergit illæso homine. *Tertio*: Hoc fluidum motus intestinos ciet in corporibus, vel potius auget: lucis radios eiicit; partes sulfureas & volatiles in corporibus latitantes expellit, uti ex odore patet. Observatum præterea est, vi electrica evaporationem promoveri; & quamvis tum lucis, tum caloris materiam secum vehat; tamen nec pura materia luminis, nec pura caloris dici potest; nec eodem, ut lumen & calor, modo propagatur, quippe tardius lumine, & citius calore; differt igitur ab utraque, quamvis instar materiæ caloris æquilibrium affectare videatur; corpus enim abundans materia electrica, eam in aliud transfundit, & ex æquo partitur, ut eadem vi polleant ambo, si separata sint; Nec id duntaxat in corporibus symperielectricis fit, sed, quamvis lente, etiam in laminis vitreis sibi impositis (§ CXXXIX.) Nec maiore ratione hæc materia ignis dici potest, quam aer sonus. Uti enim sonus existit, si aer certo ac regulari motu concitatur, ex quo, si in organo fit sufficiens impressio, ea in animo preceptio consequitur, cui nomen soni imponimus; sic fluidum istuc in se spectatum hæud ignis est, nisi & certo motu concitetur, & aliis præterea misceatur materiis heterogeneis, uti cum aere, & partibus propriis corporum, maxime sulfureis, & volatilibus, ac ipsis etiam particulis efficiendæ impressioni lucis maxime idoneis. Cæterum cum ubique

copiose diffusa sit materia electrica; & corporum, ac molecularum superficies cingat, quarum aliæ humidæ terreæ vel mercuriales sunt ex natura sua symperielectricæ, aliæ sulfureæ & pingues idioelectricæ, dubium esse haud potest, quin plurimæ corpora præsertim vegetabilia, & animalia perpetuo fere mutationem quandam subeant, & nunc electrica excessu, nunc defectu existant; necdum enim omnes modi, quibus excitari electricitas potest, explorati sunt; ex hac autem electricitate naturali, & insensibili corporum plurimas operationes arcanas peragi in natura admodum verisimile est: hinc fortassis animalium motus interni oriuntur, ex quibus dein nunc mutæ appetitiones, nunc aversiones existunt: hinc alimenta digerî succus plantarum distribui &c. quæque sunt istius generis infinita probabiliter possunt. In atmosphæra telluris electricitatem excitari veluti sua sponte sine artificio hominum paullo post ostendemus. Similes electricitates exiguo quodam & insensibili gradu in corporibus particularibus identidem excitari suspicor; uti enim per superficiem universæ telluris, eiusque atmosphæram immensa huius fluidi copia diffusa est; ita particularia corpora eodem liberaliter imbuta, simulque circumfusa sunt: eadem copiosum aerem, cui id fluidum maxime adhæret, continent, & partibus constant diversi generis, uti atmosphæra telluris. Nemo sapientum sibi persuadebit, hanc materiam a providentissimo conditore frustra, aut duntaxat delectandi hominum oculos causâ in experimentis electricis tam liberaliter, cæcisque legibus per tellurem nostram, eiusque atmosphæram & quævis particularia corpora dispersam esse.

### §. CXLIII.

#### CONIECTURÆ DE DIFFERENTIA CORPORUM SYMPERIELECTRICORUM, ET IDIOELE- CTRICORUM.

Quæstio III. Unde fit, ut vitrum, aliæque id genus corpora, quæ idioelectricæ dicimus, frictione, infusione aut caloris certo gradu fiant electricæ: globus  
au-

*autem ferreus, eaque corpora, quæ vocantur symperielectrica, nulla frictione, percussione, calore, sed sola communicatione induant vim electricam?* R. differentia corporum origine, aut communicatione electricorum proxime & immediate ex diversitate atmosphæræ, quam fluidum nativum circa superficies corporum & molecularum format, proficisci videtur. In idioelectricis ea atmosphæra densior est, & tenacius adhæret superficiebus: in symperielectricis rarior, facilius mobilis, & cum nova materia commiscenda: nam etiam prioris generis corpora inducto certo caloris gradu, quo ea atmosphæra necessario rarefit, vel si vis electrica adjuvetur per armaturas remoto ex superficiebus ære, per communicationem fiunt idioelectricæ: idem usuvenit, si humectentur, ut per humorem ceu armaturam quandam adjuvetur vis electrica irrumpens, aut certe status prioris atmosphæræ mutetur; & vicissim cum lignum viride sit symperielectricum, expulso humore redditur idioelectricum. Porro constans diversitas atmosphærarum fluidi nativi in hisce corporibus non nisi a compositione virium internarum, quas primigeniæ partes exerunt, videtur repeti posse: ob eandem fit, ut idioelectricæ semper definitam materiæ electricæ quantitatem contineant, nihil ut addi possit ex una parte, quin tantundem detrahatur ex altera. Vices autem virium illarum attrahentium & repellentium examinare hoc loco, aut intervalla metiri velle, ad quæ eadem pertinent, supervacaneum puto, & nimis hypotheticum, neque ad progressum faciendum in cognitione huius partis Physicæ ullo pacto necessarium. Non est autem prætereundum discrimen, quod inter ipsa corpora idioelectricæ deprehenditur; alia est enim electricitas *vitrea*, seu a vitro orta; alia resinosa, quæ per resinam, sulfur, gummata, ceram &c. inducitur. Jam olim Cl. Du FAY Academicus Parisinus observavit, corpora per globum sulfureum electricis attrahi a corporibus electricis a vitro: contra bina corpora, quorum utrumque a vitro, vel utrumque a sulfure electricum est, sese repellere. Nempe resinosa & sulfurea cum frictione statim increscant, & nimis emolliantur, liberiores materiæ nativæ exitum relinquunt, eamque ex

aliis etiam corporibus quadammodo exfugunt; unde & habent ipsa, & in alia inducunt electricitatem negativam: vitrum autem & fit, & catenam facit positive electricam. Porro corpora, quorum utrumque electricum est per excessum, vel utrumque electricum per defectum, sese repellere: ea autem, quorum unum positive electricum est, alterum negative, sese attrahere supra ostensum est.

## §. CXLIV.

### CONJECTURÆ DE CAUSSIIS PHYSICIS EFFECTUUM ELECTRICORUM.

Quæstio IV. *Attractio & repulsio, quam corpora electrica exerunt, sitne impulsu; & ex causa mechanica, an viribus internis mutuis? unde scintillæ, flocci, odor, succussio, crepitus efficiuntur?* R. Etli diversitas atmosphæræ fluidi nativi in diversis corporibus, ac definita eius quantitas, quam nonnulla constanter obtinent, præterea æquilibrium, quod fluidum adfectare cernitur, sine viribus internis partium primigeniarum corporis & ipsius fluidi intelligi haud possit; tamen ipsi effectus electricitatis proxime & immediate ab actione mechanica fluidi videntur pendere, præsertim cum attractio & repulsio ad maius intervallum sese extendat, quam quæ ad vires in distantissimis minimis agentes referri queat. *Attractio* hoc fortassis modo fit: Atmosphæra corporis electrici circa ipsam eius superficiem externam rarior est; inde ad aliquod intervallum crescit, seu condensatur, donec ab aere vel fluido ambiente cohibeatur; corpus igitur negative electricum, vel in statu naturali constitutum, si in atmosphæram hanc imergatur, cum a tergo prematur fluido densiore, ad superficiem corporis electrici, ubi minor est densitas, accedet. Quomodo repulsio contingat inter bina electrica seu per excessum seu per defectum, indicatum est. §. CXXXVII. Siquod corpus levius, uti foliolum auri, æquis & oppositis viribus materiæ electricæ premitur, in medio citra motum hærebit. Fortassis etiam aer inter superficiem corporis electrici, & exti-

extimam atmosphære eiusdem partem extenuatur a fluido electrico, ut dein alter a tergo corpora leviora urgeat, etsi ab eodem unica recessus & accessus causa repeti haud possit. Si foliolo electrico adpropinquat digitus, vel aliud corpus gravius non electricum, illud attrahetur; nam fluido inter digitum & foliolum interiecto in digitum irruente, alterum, quod in opposita folioli facie est, necessario ad accessum determinabit. Odoris perceptio, uti etiam saporis, quem non nulli in corporibus electricis animadvertisse sibi visi sunt, a particulis propriis corporum electricorum a fluido turbato avulsis, vel eiectis & avectis oritur. Sonus sine dubio ex fluidi cum aere collisione celeri & vehementi proficiscitur. Lux electrica ex condensatione fluidi electrici, mutisque particularum viribus consequitur: hinc enim molecule tenues vel attenuatæ ea celeritate exploduntur, quæ ad organum visus afficiendum necessaria est. Condensatio autem fluidi fit maxime circa apices & angulos corporum electricorum, ubi materia vi expansiva pollens in arctum spatium redigitur; item si corpora in diverso statu constituta coniunguntur; ubi mutuo occursum materiæ æquilibrium affectantis condensatio quædam fieri, & scintilla existere debet.



## CAPUT X.

*De Electricitate Naturali.*

*Quæ de Electricitate naturali & insensibili corporum dicta nunc sunt, ea magnopere confirmantur ex indiciis electricitatis atmosphericæ, quæ pariter naturalis est, sive citra nostram industriam excitatur, sed ob vim copiosam materiæ electricæ, & vastitatem nubium, montium, ipsiusque globi terraquei, aut corporum in superficie terræ positorum, circa quæ ea electricitas exercetur maxime in sensus cadit, & stupendos effectus edit. In corporibus particularibus regni vegetabilis, mineralis & animalis, quæ ipsa quoque atmosphas habent, aliæque idonea ad operationes electricas, occultis tacitisque naturæ actionibus peragi censemus id, quod tanto strepitu & vi observamus in globo terræ, eiusque atmosphaera.*

## §. CXLV.

*Propositio. In atmosphaera telluris sæpe electricitas est quædam naturalis. Probatur*

*I. Ex indiciis electricitatis.* Sit pertica ferrea in cuspidem definens, loco editiore exposita libero aeri, & separata a corporibus symperielectricis. Hanc sponte sua sæpe fieri electricam, præsertim æstivo tempore, si nubes fulminibus graves imminet, docent solita indicia vis electricæ, ceu repulsio filorum & globulorum ex ea pendentium, attractio aliorum in statu naturali constitutorum, scintillæ, flocci ex cuspe erumpentes. Vim electricam ex atmosphaera in perticam separatam, ceu ex machina in catenam influere hisce calibus manifestum est.

*II. Ex cervo aut dracone volante.* Solertissimus naturæ explorator BECCARIA supra duos bacillos ligneos in formam crucis compactos telam lineam extendit: uni angulo annexuit caudam, reliquis tribus funiculos, quos cum alio funiculo regulatore in centro crucis affixo iungebat: regulatori duo fila argentea inaurata intexuit. Cum his communicabat filum crassius metallinum ex cymbalo, quod ultra angulum, qui caput cervi repræsentabat, prominebat. Vento op-



portuno dum in altum levabatur draco, funiculi extremitati iungebatur alius funiculus sericeus, quo se-  
parabatur machina a corporibus symperielectricis. Ob-  
servationes potissimum erant hæ: tribus cæli conditio-  
nibus ait, se aut nulla aut valde debilia electricitatis  
indicia notasse, primo cælo sereno, simulque vento  
valde sicco & vehementissimo; dein si cælum undique  
nubibus tectum erat, sed maxima in altitudine confi-  
sistentibus; dein cælo valde humido, neque tamen plu-  
ente. Aliis vero temporibus etiam maxime pluviis, &  
ventis flantibus contrariis electricitatem valde notabi-  
lem, qua scintillis erumpentibus brachia pedesque cum  
pectore concuterentur deprehendit. Electricitatem ne-  
gativam a positiva discernebat per bacillum e cera hispa-  
nica, quem manui affrictum admovebat filis; attractio  
filorum signum erat atmosphæram esse negative ele-  
ctricam; cera enim resinosa per frictionem fit electri-  
ca defectu: repulsio indicabat negativam electricitatem  
atmosphære. Refert & cl. HARTMANNUS factò hoc  
tentamine sæpe penicillos lucidos, longos, ac den-  
sos ingenti vi eiecidisse, & in subiectam tellurem ir-  
ruisse cum impetu.

III. *Ex analogia tempestatis fulmineæ, & electrici-  
tatis artificialis per machinam excitatæ.* Adhibita ma-  
china ex apicibus corporum lux emicat, scintillæ urentes  
erumpunt in admotum digitum: exonerata lagena vivax  
flamma cum insigni strepitu se prodit. Hisce indiciis  
fulgur, tonitru, fulmen, quæ in atmosphæra telluris  
deprehenduntur, maiora sunt quidem, sed similia. Si  
binæ nubes diverso electricitatis gradu præditæ ad sese,  
vel montium iuga accedunt, fulgur emicabit: ac si  
materia electrica parum condensata fuerit, vel liberio-  
rem exitum inveniat, uti si nubes in superiore regione  
cingantur aere rariore, *coruscatio* existet, id est, ful-  
gur sine tonitru, uti fit in apicibus, vel angulis corporum  
electricorum, ubi non nisi tenuis sibilus percipitur. Si  
vero materia densiore nube positive electrica irruit in ne-  
gative electricam, uti fit exonerata lagena, vel si ex nube in  
terram aut ex terra in nubem irruit, & maiorem resi-  
stentiam sentit ob densiorem, & fortassis etiam per  
ventos accumulatum aerem, is facta inflammatione im-

mani vi expansus & circumquaque retentus tonitru efficit, seu fragorem, qui e nubibus aut montium iugis percussus sæpe diutius durat. Fulmen aliud non est, quam materiæ electricæ, aliarumque partium quæ agglomerantur, condensantur, repentina explosio. Dum enim materia densior, & per corpora symperielectrica celerrime decurrens adiunctis aliis particulis in glomerem ignitum colligitur, is obiecto obstaculo ceu corpore idioelectrico, aut facta per vehementem motum, & internam fermentationem accensione, repente exploditur, & in plures sæpe minores glomeres disiicitur. Sicut autem lux electricitatis artificialis in charta vel tabula parergis aureis signata, aut in catena metallica, cuius annuli diverso situ iacent, per sinuosos flexus discurrit; sic ignis fulmineus pro varia positione corporum, per quæ facilius propagatur, aut materia per lineas varie flexas dispersæ deorsum, sursum, ad latera propagatur. Exhalationes inflammabiles in atmosphæra dispersæ facta accensione lucem exhibebunt hac illac per ductus serpentinis emicantem; uti fit accenso pulvere pyrio secundum varias lineas disseminato; testis huius rei est odor sulfureus fulminis, eique similis, qui in electricitate per machinam percipitur. Sicut autem materia electrica præ cæteris corporibus sequitur metalla ceu ferrum, aurum; ita & fulmen, si eiusmodi metallum tangit, non ante dimittit, nisi totum percurrerit; id observatur in regulis inauratis tabularum, in filis ferreis, quæ ex horologiis in turribus pendent. Nihil frequentius, quam ut præaltæ turres, proceræque arbores tangantur fulmine; perinde ac materia electrica ex cuspidatis corporibus maxime erumpit, vel in ea citissime irruit. Fulmen metalla fundit; idemque per lagenam batavam effici potest. Inter duas lamellas vitreas politas ponatur fasciola auri vel metalli lamellati, ita, ut in utraque extremitate aliquantum promineat. Lamellæ filo serico colliguntur, atque in hunc modum si una extremitas fasciolæ conductori externo, altera interno admoveatur, elicit quodam fulmine liquecet aurum, & vitro non nunquam ita adhærebit, ut teste Franklino nec aqua regia extrahi queat; qui idem fila metallica, & acus

liquefecit, imo easdem etiam magneticas reddidit; uti id a fulmine sæpe fieri compertum est; certe testatur Mussichenbrœckius, nullum sibi fuisse magnetem, qui virtute æquasset frustum crucis ferreæ e turri quadam præalta vi fulminis deiectæ; denique sicut fulmine, ita pariter ictu electrico animalia nonnunquam enecantur, moxque rigent. Nihil igitur ad perfectam analogiam inter tempestates fulmineas, & vires electricas arte excitatas deesse videtur.

Queritur nunc, unde electricitas atmosphærae habeatur, ab aere, an a terra? an solæ nubes electricæ sint, an & ipse aer electricus fieri queat; & qua ratione vis electrica in atmosphæra excitetur. Jam olim Desaguliersius suspicabatur, aerem actu esse & semper electricum, eiusque particulas & animas se invicem repellere ea vi electrica: ab iisdem autem attrahi aquam; quo quidem modo elevationem vaporum explicare conabatur. Franklinus primo putabat, vapores distinguendos esse in marinos, & terrestres; continuo enim aquæ & salis attritu electricitatem excitari, & vapores per eam eici existimabat. Eidem electricitati tribuebat lumen undarum maris noctu frequenter comparens, quod alii quibusdam in locis vermiculis, aut pisciculis lucentibus deberi autumant. quare marinos vapores dicebat electricos terrestres vero non electricos. Eiusmodi dein vapores in nubes collecti, quando vel inter se colliduntur, vel montibus, impinguntur, aut ventis transportati aliis occurrunt, materiam nunc effundunt, nunc eliciunt, sicque oruscationes, fulgura, fulmina progignunt. Verum sententiam suam mutavit Franklinus; neque enim per solam agitationem aquæ marinæ electricitatem excitari, neque vaporibus e terra surgentibus eam denegari posse perspexit. Ac ipsum etiam aerem frequentissime esse electricum; eamque non minus recipere quam cum aliis corporibus communicare posse, patet ex aere faciem externam lagenæ batavæ ambiente (§. CXXXVIII.) ex dracone volante, de quo dictum est supra (§. CXLV.) aliisque experimentis a cl. Beccaria institutis. Reliquum est, ut investigetur, quomodo vis electrica excitetur in atmosphæra.

## §. CXLVI.

## §. CXLVI.

Propositio II. *Electricitas atmosphæræ non uno modo excitari potest*; Probatur. Constat, quædam corpora, uti magnes, marmor non nisi calore fieri electrica: præterea experimur, æstivos calores maxime a fulmineis tempestatibus excipi; cur idem in tellure; eiusque atmosphæra fieri non possit? præsertim cum tempore æstivo maior copia materiæ sulfureæ exhaleetur, quæ variis motibus agitata, & multiplici frictione collisa fermentari, incallescere, & vim electricam induere debeat. Dein quoniam corpora libero aeri exposita, & separata, uti pertica ferrea, draco volans &c. nunc excessu, nunc defectu electrica fiunt, vicissitudo electricitatis positivæ, & negativæ manifesto adparet, ut adeo nunc tellus, nunc atmosphæra fluido electrico abundare debeat. Hinc confici potest, continuam dari huius materiæ per tellurem, & atmosphæram circulationem; certe spectata multiplici exhalatione corporum terrestrium, & constante evaporatione fluidorum, quarum particularum aliæ excessu, aliæ defectu electricæ sunt, necessario consequi debet, ut atmosphæra quodam loco abundet eo fluido, alio deficiat, & aer materiam electricam nunc hauriat ex iis particulis, nunc cum iisdem communicet. Inde ratio habetur, cur teste experientia non raro præsertim post pluvias electricitas positiva in negativam abeat, cum aer sese exonèrans materiam electricam antea ex ipsis vaporibus forsan hauserat. Fortassis alii suppetunt modi, quibus electricitas actu excitatur, quos quidem solerti observationum studio compèriet posterior ætas. Per ventum, quem in auxilium non nulli advocant, nubes quidem iam antea electricæ inter se, vel cum montium iugis, aliisque corporibus collidi possunt, uti materiam electricam modo effundere, modo attrahere cogantur; at quomodo vis electrica excitetur, non satis adparet, præsertim cum venti nec tempore hiberno desint.

## §. CXLVII.

## §. CXLVII.

Corollarium. I. Ex cognita electricitate naturali Franchlinius primus velut practicum corollarium deduxit usibus vitæ adcommodatam; ac modum tradidit, quo fulmina a tectis domorum & fastigiis navium averterentur, cum enim materiam electricam, & fulmineam metalla maxime sequi, ac per cuspides potissimum attrahi nosset, præaltas perticas ferreas fastigiis ædificiorum præfigendas censuit, quibus ea materia exciperetur e nubibus. Per hasce perticas didicit, nubes non modo positive; sed alias, & quidem frequentius negative electricas esse; alii vero intra temporis spatium haud ita magnum, quo tempestas pertransiit, experti sunt per vices transire nubes electricas nunc excessu, nunc defectu. Verum utcunque ista se habeant, certo compertum est, perticam ab atmosphæra incumbente fieri electricam, eandemque excipere posse fulmen e nube positive electrica; quapropter nisi materia fulminea exitum habeat innoxium, plus damni aut periculi adferet pertica, quam utilitatis; si enim ea materia viam invenit interruptam, non modo in scintillas erumpit sed in proxima corpora cum dispendio se coniicit. Ad avertendum igitur fulmen haud opus est quidem, ut pertica per corpus idioelectricum separetur; (materia enim a metallo, quod amplexa est, non recedit) at requiritur, ut per filum ferreum, idque crassius eidem perticæ annexum via continua sternatur fulmini, ut exitum in terram vel aquam inveniat: præterea procul ab hoc adparatu semovendæ sunt materiæ inflammabiles, ut ligna exsiccata, quæ, si vicina sint, haud ægre flammam elicient ex ferro. Visi sunt enim fascis ignei ad 5 vel 6 pedes versus terram spargi a catena, aut filo ferreo per nubem fulmineam electrifato. Eiusmodi pertica domum quidem tutam præstabit a fulmine desuper irruente, non autem ab alio surgente a solo, aut penetrante trans aliam domum, centenas enim vias inire potest, antequam ad perticam perveniat. Quapropter opus foret dispositis per domum perticis, & filis ferreis inter se iunctis, viam fulmini quali præ-

præcludere, ut ægre elabatur, nisi arrepto quodam vicino conductore eiusmodi, quo in perticam, & ab hac in alium conductorem derivetur; cumque materia fulminea admodum accumulata facile in plures glomeres diffiliat; ne id quidem periculum satis aversum per fila ferrea videtur.

### §. CXLVIII.

Corollarium II. Illud ex dictis clare colligi videtur posse, de quo aliquando acriter disputatum fuit, fulmen non modo intra nubes nasci, sed satis frequenter ex ipsis etiam corporibus, quæ tanguntur, oriri. Si enim nubes exhausta, & electrica per defectum corporibus terrestribus, aut superficiei telluris incumbit, ex his materia subito collecta in eam magna vi prorumpit, vicinaque corpora inflammabilia accendit. Nec alia magis conveniens stellarum cadentium, ignium fatuorum, ac etiam bolidum, ut vocant, origo statui potest, quam eadem materia electrica quæ subito accensa fulget maiore aut minore copia lucis; ac si eidem alia forte materia oleosa aut sulfurea magis constipata pro pabulo accedit, facto ventorum turbine terribiles etiam, & perniciosos effectus edere potest.



## SECTIO III.

### CAPUT I.

#### *De Proprietatibus aeris.*

**S**i aeris proprietates observationum, & experimentorum ope indagassent antiquiores Philosophi, & causarum, atque effectuum magnitudines revocassent ad calculum; nunquam instar generalis principii adoptassent id, quod a veritate abest longissime: Natura vacuum horret. Ne idea quidem, aut definitio aeris, uti nec alterius cuiusvis corporis physici, citra experiendi atque observandi studium haberi potest. Proprietates aeris post inventam Anslam pneumaticam, tubum Torricellianum, hemisphaeria Magdeburgica &c. maxime innotuerunt. Cum vero descriptio istiusmodi instrumentorum, & machinarum aliena sit ab instituto meo; peno, lectores eorundem cognitionem quandam dudum sensibus accepisse.

#### §. CXLIX.

**Definitio.** Aer est corpus fluidum, valde subtile, pellucidum, grave, elasticum, variorum corporum halitus & vapores in se continens, in omnibus prope corporibus terrestribus praesens, totumque teluris globum ad insignem altitudinem ambiens.

*Hæc definitio, uti fit in rebus physicis, ex proprietatibus aeris coagmentata est; quarum singulae deinceps exponendæ sunt. Sola diaphaneitas luce meridiana clarior est.*

#### §. CL.

**I.** Aer est corpus fluidum, valde subtile; facili enim impressione cedit corporibus; motusque comparativos admittit (uti cum pila per æerem proiicitur) id quod fluidorum proprium est. Dein corporum plurimorum meatus admodum angustos penetrat, ceu per ligna, si e. g. infra vas cavum ligneum subiectus

S

aer

J. Zallinger, T. III.

aer removeatur ope antliæ: per coria sicca, per chartas omnis generis, non pari quidem facilitate; difficilius enim madefactam permeat.

*Fluiditas aeris nulla concretionem, coagulationem, conglutinationem tollitur, uti id liquoribus contingit; sola implicatione cum partibus corporum aliorum ad statum fixum videtur redigi; uti infra exponemus. Neque eius subtilitas tanta est, ut per omnia corpora, eorumque poros aditum habeat. Non transit per chartas oleo imbutas, nec per metalla  $\frac{1}{4}$  pollicis tenuia, neque per vitrum, lapides duros, ceram, picem, resinam, pinguedinem.*

## §. CLI.

II. *Aer est corpus grave.* Id quidem inductio, qua attractionem materię stabilivimus, prope indubitatum facit. Sed non desunt argumenta singularia. Ac primo corpora in aere suspensa partem amittunt sui ponderis; uti id fit, si immergantur aliis fluidis gravibus. (Mechan. §. CCVII.) frustum suberis ad æquilibrium reducatur in libero aere cum particula auri. Tolleitur id æquilibrium in vacuo, prævalente subere, utpote maioris voluminis, ob quod antea plus sui ponderis amisit, quam auri particula. Secundo. Si vas sphæricum notæ capacitatis ab omni aere, quantum fieri potest, evacuetur, atque sic vacuum primo, dein aere plenum ponderetur, innotescit pondus aeris sub dato volumine. Secundum KRAFFTIIUM, dum ea vasis capacitas fuit, ut 283 pollices-Rhen. cubicos contineret, deprehensum est id pondus = 100 granis, qualium 7680 efficiunt libram hollandicam. Porro si 283 pollices cubici aeris appendunt grana 100; unus pollex habebit  $\frac{100}{283}$ , aut fere  $\frac{1}{3}$  gran. Pes autem cubicus aeris (sive pollices cubici 1728) habebit  $610\frac{170}{283}$  grana. Tertio Ex hemisphæriis Magdeburgicis, ac tubo Torricelliano colligi potest pondus totius columnæ aeris in datam basin prementis. Cum vero gravitas aeris diversis locis ac temporibus diversa sit, ita ut modo columna mercurii 31 pollices modo 28 alta aeri æquiponde-



deret, sumatur ex his altitudo media  $29\frac{1}{2}$  pollic. Porro columna mercurii, cuius basis est pollex quadratus, altitudo  $29\frac{1}{2}$  poll. circiter 15 libras appendit; qua proinde vi ea columna in pollicem quadratum premit, & consequenter in pedem quadratum vi = 2160. Eadem pressio exeritur ab aere, quando mercurium ad  $29\frac{1}{2}$  pollices tenet suspensum. Si tota superficies corporis humani continet pedes quadratos  $14\frac{1}{2}$  (ut in homine mediocris staturæ) ea premetur ab aere vi = 31320 libris. Similiter dato numero pedum quadratorum, quos tota superficies globi terraquei continet, invenitur pressio tota aeris eidem incumbentis.

*Rationem gravitatum specificarum aeris & aquæ Newtonus posuit = 1:860, si ratio earum gravitatum in aqua & mercurio sumitur, uti vulgo, = 1:14. Erit gravitas aeris ad gravitatem mercurii = 1:12040. Sed aeris gravitas, imo etiam aquæ valde inconstans est. Musschenbrœkius ait, gravitates specificas aeris & aquæ contineri inter hosce limites 1:606, & 1:1000. Quæri potest, cur tantum aeris pondus, quod supra defini-  
vimus, nihil incommodi adferat corpori humano, cui incumbit? R. quia aer, uti alia fluida gravia versus omnem partem premit æqualiter, & intra ipsas corporis partes versus externum aerem reagit, uti palam fit, si manus imponitur disco antliæ; extracto enim embolo partes molliores ab aere, quem continent, in cavitatem urgentur; Similiter caro & cutis urgetur in cucurbitam scarificatoriam, intra quam aer calore rarefactus est. Ob æquabilem aeris pressionem corpora etiam mollissima eidem exposita, ceu bullæ saponaceæ & plantulæ tenerri-  
mæ nec figuram mutant, nec diffringuntur. Conf. §. CCXVI. Mech. Cur vim aeris incumbentis, vel motui nostro obfistentis nisi maiore impetu in ventos cieatur, non sentiamus, ab assuetudine provenit; nam pressionem aeris iam inde ab eo tempore, quo in lucem edimur, sustinemus. Si disco antliæ cylinder metallicus utrinque apertus imponitur, isque superne obtegatur vitro plano; id subducto aere interno disrumpitur in multas partes ob inæqualem nempe pressionem. At vasa recipientia campaniformia pressionem aeris externi*

*citra detrimentum sustinent, cum in fornicis modum constructa sint. Similiter etiam pectus nostrum in formam fornicis excavatum validissimæ pressioni sustinendæ par est.*

## §. CLII.

III. *Aer elasticus est, & comprimi potest.* Sit (F. VIII. T. III.) tubus vitreus ita curvatus, ut bina crura sint parallela, verticaliter erecta, cylindrica, & eiusdem diametri per totam longitudinem; alterum brevius sit hermetice clausum in A: in alterum, quod multo sit longius, infundatur mercurius ceu pondus comprimens; erit is, quando in utroque crure ad eandem libellam BC consistit, in statu suo naturali, quem obtinet a pressione columnæ incumbentis. Hæc in loco, ubi experimentum captum est, æquipollebat altitudini mercurii 28". Spatium AB, quod aer in hoc statu occupat in crure breviori, concipiatur divisum in 12 partes æquales. Tum infuso successive per os tubi longioris mercurio ad altitudines supra libellam BC, 14, 28, 84 dig. aer cruris brevioris redigetur in spatia minora, quorum altitudines respectively sunt 8, 6, 4. Erunt igitur altitudines mercurii supra libellam - - - 0. 14. 28. 84. spatia ab aere compresso occupata - - 12. 8. 6. 3. Sed ad pondus comprimens mercurii *addendum* est pondus columnæ incumbentis æquipollens altitudini mercuriali 28". Unde altitudines mercurii sunt - - - 28. 42. 56. 112. & spatia aeris his respondentia - - - 12. 8. 6. 3 quæ quidem spatia sunt in ratione inversa altitudinum mercurii, seu ponderum comprimentium; nam  $28:42=8:12$ . &  $56:112=3:6$ . Ex his colligitur *primo*. Aer comprimi potest, & quidem ea lege, ut spatia, in quæ aer a ponderibus incumben- tibus comprimitur, sint in ratione inversa ponderum comprimentium, saltem quamdiu aer superfici ei terræ incumbens nondum valde condensatus est. Observarunt enim complures, posteaquam aer in crure breviori in volumen quadruplo minus redactus iam fuit, eum maiore vi resistere, ac antea, compressionemque a lege indicata aber-

aberrare. Præterea observatum fuit a gallis Academi-  
cis, experimentum hoc non nisi in ea aeris densitate,  
quam is prope terræ superficiem obtinet, successum habere.  
*Secundo.* Quoniam densitates corporum, si massa est constans,  
sunt in ratione inversa voluminum, seu spatiorum occupato-  
rum: spatia autem occupata ex dictis reciproce ut pondera  
comprimantia; erunt densitates aeris directe, ut hæc  
pondera. *Tertio* quoniam elasticitates per se sunt, ut  
vires comprimantes, seu pondera, aut compressiones  
ipsæ, quæ causis suis proportionales sunt, eadem ela-  
sticitates erunt uti densitates directe, aut reciproce ut  
spatia occupata. Si in superficie maris altitudo baro-

metri sit  $\overset{11}{= 28}$ , & in loco quodam edito  $\overset{11}{= 20}$ ;  
erit elasticitas aeris illa ad hanc ut  $28:20 = 7:5$ .  
Verum infra dicemus, elasticitatem aeris non modo a  
pondere comprimente, sed etiam a calore, frigore, &  
vaporum varia constitutione pendere.

Sunt alia experimenta innumera, quæ aeris elasti-  
citatem comprobant; uti si vesica, quæ parvam aeris  
quantitatem continet, filo circumtorto exacte claudatur, &  
subiiciatur recipienti; aere remoto ea modica quantitas in  
vesica paulatim se expandit, ita, ut tota vesica intume-  
scat & aliquando etiam disrumpatur: simul vero, ac aer  
rursus admissus eidem incumbit exterius, ea in pristinam  
formam collabitur. Similiter pomum vetustate corruga-  
tum intumescit sublato aere. Sit phiala vitrea mercurio  
ad certam altitudinem repleta; eius collo inseratur tubu-  
lus vitreus utrinque apertus. Orificium phialæ, ubi tu-  
bulus immittitur, ita claudatur, ut nullus aeri externo  
ingressus, nullus ei, qui inter mercurii superficiem, &  
orificium phialæ continetur, egressus pateat. Si hæc  
phiala cum tubulo campanæ subiicitur, aere extracto  
mercurius ex phiala intra tubulum ascendit ad eam fere  
altitudinem, ad quam in tubo Torricelliano solet. Hunc  
ascensum expansioni aeris intra phialam contenti adscri-  
bendum esse nemo non videt. Si vasculum tubi cuiusdam  
torricelliani, in quo mercurius stagnans continetur, her-  
metice clauditur, modica relicta aeris quantitate, hæc  
par est mercurio ad eandem altitudinem sustinendo. Nem-

pe aer inclusus, priusquam a reliquo aere externa se-  
gregaretur, compressionem & elasticitatem habuit toti  
respondentem. Verum intercepta iam aeris interni, &  
externi communicatione mercurius in tubulo contentus nul-  
las deinceps mutationes sub:bit, quam quas calor & fri-  
gus efficiunt, ut non iam barometri, sed thermometri ra-  
tionem habeat. Caterum elaterium in plerisque corpori-  
bus diu aut sæpe compressis, aut incurvatis demum lan-  
guere incipit, in aere similis defectus deprehendi nun-  
quam potuit. Spatium, ad quam aer omni adhibita vi com-  
primi potest, varium statuitur. Sunt, qui eum redigi  
posse arbitrantur ad præcedentis spatii partem  $\frac{1}{4}$ , alii  
 $\frac{1}{12}$ ,  $\frac{1}{20}$ ,  $\frac{1}{100}$ ; Halesius ad partem  $\frac{1}{1551}$ . Nec de quan-  
titate rarefactionis conveniunt. Boyleus aerem sola vi  
sua elastica absque caloris ope ita dilatari expertus est,  
ut locum occuparet 13769 vicibus maiorem, quam in  
statu naturali. Si igitur secundum Halesii mensuram  
aer, uti in statu suo est naturali, condensari potest in spatii  
sui partem  $\frac{1}{1551}$ . & expandi in spatium 13769 maius;  
perspicuum est, spatium, in quod condensari aer potest,  
se habere ad spatium, in quod ab omni compressione li-  
ber sese explicat, ut  $\frac{1}{1551}$  ad 13769, seu ut 1 : 2135519.  
Alii haud paullo minorem aeri dilatationem tribuunt.

### §. CLIII.

IV. Aer plurima heterogenea in se continet corpuscula,  
tum quæ nebularum, & fumi speciem exhibent, tum  
alia subtiliora quaquaversus dispersa, ceu odores plan-  
tarum, olea, salia, sudores animalium, quidquid arte  
chemica aut naturali fermentatione quadam volatile fit.  
BOERHAVIUS Tom. I. chem. censet, omnem mate-  
riam, quæ animantium corpora ante constituebat, in  
aerem rapi, & cito quidem, si urantur, tardius, si in  
campis deserta iacent, adhuc tardius, si sepeliantur.  
Natant præterea in aere plurima non tantum semina  
plantarum, sed etiam plantulæ, animalcula diversa,  
atque eorum ovula, præter immensam prope copiam  
fluidi electrici. Nihil igitur mirum est, si aer pabu-  
lum præbet corporibus aliis post alia destructa nascitu-  
ris.

ris. Aquam in quavis aeris parte præsentem esse ostendunt campanæ vitreæ, quarum interior superficies educto aere, vel duntaxat rarefacto, ut vaporibus ferendis par non sit, nebula aquosa obduci solet. Quapropter verum chaos rerum omnium inter se permistarum habendus est aer; qui quidem, uti eiusmodi exhalationibus & vaporibus inquinatus est, *Atmosphæra* nuncupatur, id est, *atomorum*, seu *ατμων*, hoc est exiguorum corpusculorum, aut vaporum sphaera.

*Esti aer halitibus & vaporibus omnis generis abundet; tamen ab iisdem distinguendus est & pro corpore fluido sui generis habendus. Nam iisdem per pluvias, fulmina, & fulgura deiectis vel dissipatis; aer superest, multo, ac ante, purior, sincerior, qui animalium respirationi servit, mercurio ad certam altitudinem elevando, novisque ferendis nubibus par. Præterea aer multis annis constrictus retinet indolem & naturam suam, vimque elasticam longe alia lege, ac vapores solent, exerit.*

## §. CLIV.

V. *Aer in omnibus prope corporibus præsens est; patet id primo ex bullis, quas fluida emittunt remoto aere externo, qui eas intra fluidorum partes, aut meatus continebat: tum ex bullis iis, quæ adherent corporibus solidis intra aquam demersis, aut inde eluctantur, quemadmodum in metallis, lapidibus, vitris &c. observatur, ut proin vel saltem externæ eorum superficiei adhærescere, vel intra ampliores poros hæere debeat. Secundo dum farina in panes coquitur, aer in ea contentus a furni calore expanditur, & patulos poros efficit. Tertio inest aer in plantis omnibus, in lignis, quæ, dum aere expulso aquam recipiunt in interstitia, graviora fiunt aqua, & submerguntur. Quarto ova integra vacuo inclusa vi aeris dissiliunt, & si testa alicubi perforetur, inde extruditur albumen, & vitellus. Aerem e corporibus operatione quadam passim eductum *factitium* vocant, qualis obtinetur putrefactione ac lenta fermentatione quadam, solutionibus chemicis corporum, aut eo-*

rum præcipiti effervescencia, aut dissplosione, quemadmodum intenso pulvere pyrio deprehenditur. Animalium, ac plantarum partes recipienti evacuato inclusas magnam aeris copiam exhalare, descensus mercurii in vacuo, ut supra exposui, ascendentis declarat. Innumera sunt Halesii in eam rem experimenta, quibus ex omnium prope corporum speciebus, quas ad examen vocavit, aerem factitium elicit, eiusque adeo quantitatem definivit; ut iam pro indubitato haberi debeat, volumen aeris ex corporibus educti volumen massæ, cui ante inhæserat, multis vicibus sæpe excedere. Uti vero corpora eiusmodi aerem vi operationis cuiusdam emittunt; sic alia eundem absorbent, atque in intimos recessus attrahunt ceu vapor accensi sulfuris aut candelæ ardentis, fomes, & flamma, halitus animalium tum viventium, tum emorientium. HALESIUS recipiente vitreo, qui 594 pollices cubicos aeris continebat varia subiecit corpora ut observaret, quantam aeris partem absorberent; expertusque est a tela linea in modum fomitis adusta, & liquato sulfuri immersa, si accendatur postea sub recipientem, quartam aeris illius partem absorberi: a vapore flammæ, quæ defectu novi aeris sub recipiente extinguebatur, partem aeris undecimam: a glire mediocris magnitudinis intra 10 horas sub aere constricto emoriente, partem 45. Cum igitur corpora, si rite tractentur, magnam aeris copiam emittant, eundemque etiam non raro absorbent; dubium non est, quin is in corporibus reipsa præfens sit, etsi fortassis si penitus implicetur cum eorum partibus, longe alias vires, effectusque habeat, quam si iis vinculis liber aliis partibus homogeneis aeris misceatur.

„ Memorabilia sunt verba Musschenbrækii de aere  
 „ hoc factitio: Sed an non ex corporibus firmis fit aer, &  
 „ firma ingressus tota ea, vel maximam eorum partem  
 „ constituit? licet id non nulli opinentur nullum tamen  
 „ hucusque inventum fuit corpus firmum, quod totum  
 „ ex aere constat, aut in eum redit. Opinio orta fuit,  
 „ quia omnia corpora variis tractata modis fluidum  
 „ elasticum suppeditant, quod aerem vocant. Huic ta-  
 „ men aliæ injunt proprietates, quam aeri naturali;  
 „ quam-

„ quamvis fatear , aerem naturalem corporibus in quo-  
 „ rum meatus irrepfit nonnunquam hinc inde vehementer  
 „ adhærescere , partem conficere cum illis solidam : postea  
 „ interdum separari , Et in aerem redire pristino simi-  
 „ lem , non insalubrem , non impurum , quando solida diu in  
 „ evacuata clauduntur campana , sive ea sicca sint , sive humida ,  
 „ ut aer adhærescens superstite vi elastica concurrente  
 „ aliquo calore , se solvere a corporibus lente possit , eaque  
 „ relinquere . Hic aer distinguendus est a fluido elastico ,  
 „ quod combustionē corporum , putrefactione , fermenta-  
 „ tione &c. progignitur : etiamsi in hoc fluido elastico  
 „ etiam sit aer , sed qui in iis naturæ operationibus ce-  
 „ leriter , Et cum impetu a corporibus avulsus una cum  
 „ partibus plurimis salinis , oleosis , spirituosiss , aqueis  
 „ evolutibus , elasticis confunditur , elasticam illam mas-  
 „ sam efficit compositam , insalubrem , foetentem , mul-  
 „ torumque causam effectuum , qui a permixtis totidem  
 „ corporibus oriuntur , pendentque . Simili modo aer  
 „ naturalis fluidis , in quibus diu latuit , adhærescit ;  
 „ sed ex iis iterum elici potest in vacuo lenta actione .  
 „ Sed vapor ille elasticus , qui collisione fluidorum in  
 „ igne vehemente oritur , a nemine perito vocabitur aer ,  
 „ licet inter vaporem etiam verus aer a fluido iam so-  
 „ lutus delitescat . „ Ex his colligitur , verum aerem in  
 „ corporibus inesse , atque ad statum fixum redigi , sic ut  
 „ inter corporum principia indubitato recenseri debeat ; sed eun-  
 „ dem , cum ex corporibus solvitur , plerumque cum aliis corp-  
 „ sculis heterogeneis , quorum va-ria est indoles , misceri .

## §. CLV.

VI. Aer totum telluris globum ambit ad insignem  
 altitudinem . Nam fluidus est , & gravis ; hinc fluido-  
 rum gravium more non potest non disfluere , atque omnia  
 inundare , qua terræ globus patet . Quæcunque tel-  
 luris loca unquam homines accessere pedettri itinere , aut  
 navigationibus circa totam tellurem sæpius iam absolutis ,  
 semper , & ubique aerem inspirarunt , & exspirarunt ,  
 nubes in eo suspensas observarunt , aves volitantes ,  
 naves ab eo propulsas , mare in fluctus incitatum . Al-  
 titudo aeris superficiei terræ incumbentis , si is con-

stantis esset densitatis, faciliè inveniretur ex legibus hydrostaticis, secundum quas altitudines fluidorum in tubis communicantibus æquilibrantium sunt reciproce ut eorum gravitates specificæ (Mech. CCV.) quoniam

columna mercurialis <sup>''</sup>29, 5 æquilibrium tuetur cum tota columna aeris (CLI) & gravitas aquæ ad mercurium se habet, ut 1: 14 (ibid. in Schol.) quærat<sup>r</sup>ur altitudo aquæ æquilibrantis cum columna mercuriali

29, 5 dig. fiatque  $1: 14 = 29, 5: 413 = 34$  ped. 5

dig. Erit hæc altitudo aquæ cum mercurio ad <sup>''</sup>29, 5 suspenso, & proin cum tota aeris columna in æquilibrium consistentis. Ex eadem lege indagetur altitudo aeris æquilibrium tuentis cum aqua ad 34, 5 ped. elevata. Et quoniam gravitas aeris ad gravitatem aquæ est  $= 1: 860$  (§. cit.) erit reciproce altitudo aquæ 34, 5 ped. ad altitudinem aeris  $= 29670$  ped. seu  $1\frac{1}{2}$  mill. germanico proxime. Sed densitas aeris constans non est, uti calculus supponit; cum enim gravitate polleant singulæ eius partes, ipseque comprimi possit in angustius spatium, necessario inferior aer a pondere incumbente compressus densior erit superiore, sic ut eius densitas a superficie terræ ascendendo continuo decrescat. De ratione & quantitate decrescentis densitatis infra agemus.



## C A P U T II.

### *De æquilibrium aeris generatim.*

*Plurima phenomena non nisi a perturbatione æquilibrii aeris pendent, seu venti, diversi status atmospheræ nostræ, mutationes barometri &c. quapropter ut eorum ratio investigari possit, generalia quædam de aeris æquilibrium, eiusque perturbatione principia consideranda sunt, præsertim quia præter communes flui-*



*fluidorum leges multa concurrunt in aere, ex quibus columnarum eius pressio, altitudo, vel motus pendet.*

## §. CLVI.

Propositio I. *Duplex in aere spectandum est æquilibrium, hydrostaticum, & elasticum.* prob Aer gravis est, ac fluidus, ut proin partes superiores necessario premant inferiores sibi subiectas, atque istæ & premant, & premantur æqualiter in omnem partem, ut adeo, nisi æqualis undique actio & reactio concipiatur, æquilibrium dari non possit; siqua columna altius extet cæteris, cum nullis obstaculis cohibeatur hoc fluidum in suprema regione, eius partes quaquaversus diffluent ad latera. Per compressionem & elaterium aeris nec gravitas nec fluiditas illius tollitur; Ergo præscindendo ab elasticitate æquilibrium hydrostaticum, cuius ratio in gravitate & fluiditate continetur, in aere spectari debet. Nec alterum propositionis membrum difficilem probationem habet. Concipiatur enim, aerem secundum hydrostaticas leges perfectum æquilibrium iam tueri. Quoniam partes aeris compressi sese continuo expandere nituntur vi elaterii, atque hæc vis tum a varia compressione, tum ex aliis causis ceu calore, frigore, diversa vaporum constitutione augeri vel imminui possit, & spectatis mutationibus atmosphæræ reipsa debeat; æquilibrium non habebitur, nisi actio & reactio ab elateriis proveniens quaquaversus æqualis sit in æquali nempe crustæ aeræ a centro terræ distantia. Quapropter præter hydrostaticum æquilibrium etiam elasticum, & præter actionem aut pressionem a gravitate ortam actio & pressio ab elaterio proveniens consideranda est.

## §. CLVII.

Propositio II. *Æquilibrium hydrostaticum aeris ex pluribus causis perturbari potest.* Nam secundum hydrostaticas leges id pendet ab altitudine columnarum, & pondere seu densitate partium columnas constituentium. Utraque mutari potest pluribus ex causis. Nam

I. Al-

I. *Altitudo columnarum augetur.* 1. Si venti opposita directione simul spirantes aerem loco quodam accumulent. 2. Si aer in locis circumiectis pluribus vehementius dilatetur, & versus mediam quandam regionem se expandat, diffundatque. Contra minuitur altitudo, si frigore in quodam tractu exorto aer constringatur; quamquam dein ex lateribus novus adfluat, & si tota columna subsedisse concipitur, aer vicinus in suprema regione diffuens hiatus expleat.

II. *Densitas partium columnam constituentium mutatur frigore, quo augetur; calore, quo minuitur.* 3. Si in vicinia dilatatus aer in nostrum tractum adfluat. 3. Ex directione ventorum non tam pondus singularum partium, quam actio & pressio earundem mutari debet; si enim recta vel oblique sursum impellatur columna, eius vis deorsum agens minuitur: contra augetur, si recta vel oblique deorsum agatur: horizontalis venti directio actioni aeris deorsum non videtur obesse; quia tantundem semper aeris advehitur ex illa plaga, e qua ventus ad nos spirat, quantum ex nostrate ablatum est in eam plagam, in quam venti directio fertur. Nec vero id magnopere dubium videri potest ei, qui actionem gravitatis continuam esse, motumque horizontalem effectui gravitatis nihil obesse recte expenderit. 4. Multo implicatio de vaporibus quaestio est, augeantne densitatem & pondus aeris, an minuant. De qua re animadvertendum est primo vapores in utrumque aeris æquilibrium, eiusque perturbationem influunt. Quatenus enim *iners eorum pondus* spectatur, quo gravitas aeris augetur vel minuitur, ad æquilibrium hydrostaticum pertinent: quatenus vero vim elasticam intendunt, vel debilitant, ad æquilibrium elasticum referri debent, de quo mox infra disseremus, *Secundo.* Quam certum videtur pondus columnæ aereæ mutari a vaporibus, tam incertum puto, augeri ab iisdem, an imminui debeat. Si aere specificè leviores sunt, & per leges hydrostaticas eleventur, certe non augetur pondus columnæ a vaporibus intermixtis, quoniam volumen aeris specificè gravioris suo volumini æquale excludunt in hac hypothesi. Nec vero desunt argumenta, ascensum vaporum se-

cun-

cundum leges hydrostaticas explicandi. Si vero aliis de causis, seu attractione aeris vapores eleventur, uti fit ascensus fluidorum in tubis capillaribus, vel distributio corporis soluti per menstruum; concipi demum potest, pondus & gravitatem columnæ aeræ, cui maiore copia immixti sunt, ab iisdem augeri. *Tertio* iisdem vapores, halitusque, qua parte copiosius ascendunt, aerem leviores faciunt; quippe ascendendo sursum urgent aeris particulas suo motui oppositas, eiusque versus terram actionem imminuunt, vel sustentant. Nec vero ipsi, dum sursum moventur quacunque vi, effectum gravitatis deorsum premendo habere possunt. Tota igitur regio aeris, in qua copiosi vapores ascendunt, tanto fit levior, quo celerior, & copiosior fuit ascensus. *Quarto.* Si vapores aeri innatantes in guttulas collecti decidunt, pondus columnæ, in qua existunt, certe minuitur. Quamdiu enim in aere hærent suspensi, toto suo pondere agunt: cum vero decidunt, ea duntaxat ponderis parte premunt, quam guttæ, aut flocci nivis secundum hydrostaticas leges in aere amittunt, nimirum quantum est pondus aeris sub æquali volumine; quod quidem aeris pondus certe minus est pondere guttarum, aut floccorum nivis, aut grandinis pondere.

## §. CLVIII.

*Propositio III. In æquilibrio elastico, eiusque perturbatione non sola compressio a pondere incumbente orta, sed etiam aliæ præterea causæ spectandæ sunt. Nam*

I. Calor intendit elaterium non mutato pondere incumbente, præsertim si aer satis se expandere, & versus latera diffluere non potest. Patet id in vesica flaccida, modicam aeris quantitatem continente, & superius constricta. Nam calore se expandens aer eam intumescere cogit, aliquando etiam cum fragore disrumpit. Si calore in tractu ampliore telluris exorto elevatur atmosphæra, altiorque evadat; is diffluet superius versus latera; indeque laterales columnæ fortius pressæ & prementes versus partem eandem, ubi aer calore rarefactus est, refluunt; atque ita mutata

vi elaterii non modo utrumque æquilibrium perturbabitur, sed directio contraria ventorum superiorum, & inferiorum, quam motus nubium sæpe indicat, & aeris circulatio quædam existet.

II. Vis elastica aeris a diversis vaporibus non eodem modo adficitur; ab aliis enim augetur, ab aliis minuitur. Exhalationes præsertim sulfureæ elaterio officere videntur, vel quod aerem absorbeant magna copia, & ad statum fixum redigant, uti supra indicatum est, vel quod singulari modo rarefaciant. Certe aer sulfureis halitibus multum inquinatus respirationi animalium ob ipsum elaterii sufficientis defectum inutilis est; & orto alicubi terræ motu valde descendere observatus est mercurius; cum eo casu sulfureæ exhalationes maxime erumpant. HALESIUS in Statica vegetabilium invictis experimentis ostendit, per vapores sulfureos aeris elasticitatem minui: contra ab aqueis aeri immixtis eam augeri censet MUSSCHENBRØEKIUS qui in cella vinaria maiorem aeris dilatationem ab aqua ebulliente deprehendit, quam in specula. Quare dubium non est, quin a vaporibus elaterium aeris diverso modo adficiatur, eiusque æquilibrium identidem perturbetur, præsertim cum omnia omnino corpora copiosum aerem in se contineant, eumque calefactione, fermentatione, solutione, putrefactione, & destillationis genere quodam atmosphæræ iterum restituant, quemadmodum §. CLIV. exposuimus.

*Ex respirandi facilitate, aut difficultate semper colligi haud potest, aerem leviores, rarioremque, aut contra densiorem & graviorem esse. Fieri enim potest ob corporis constitutionem, aut longam assuetudinem, ut pulmones non satis dilatentur, nisi aer gravior, magisque elasticus sit: eo autem præsentente liberior promptiorque fiat respiratio. Præterea aer vi gravitatis & elasticitatis fibras ac nervos corporis debito modo comprimet, ut sanguis, partesque fluidæ corporis alacrius, celeriusque decurrant. Quo casu multo facilius peragentur a nobis operationes naturales, etsi aer minime levior, uti temere iudicamus, sed reipsa gravior sit. Maxime autem hoc loco puritas aeris spectanda & querenda est.*  
Aer

*Aer enim halitibus fœtens sine dubio valetudini officit. Hiæ varia excogitata sunt instrumenta, & genera machinarum ex urbando aeri inquinato ac fœtenti, puriori-  
que accersendo idonea.*

## C A P U T III.

### De Ventis.

*Posteaquam de aeris æquilibrio actum est, ipse rerum ordo, ac nexus, ut de ventis differamus, nos monet; cum iidem non nisi ex perturbatione æquilibrîi aeris existant, si ea perturbatio satis vehemens, & velut repentina sit. Non quivis enim aeris motus (nunquam enim is penitus quiescit) ventum constituit, sed is duntaxat, quo tractus quidam æreus notabili impetu ex uno in alium locum transfertur. Eiusmodi motus ut existat, maiorem, ac subitam æquilibrîi turbationem poscit: Si enim pressio partium ærearum sive a gravitate, sive elaterio orta mutetur sensim, & per gradus modicos, æquilibrium non tam tollitur, quam commutatur in aliud, fluido æreo sponte se ad æquilibrium componente, sicut fere aqua maris aut lacus amplioris non quavis impressione, sed vehementi & subito impetu in fluctus cietur.*

### §. CLIX.

*Propositio. Ventus est motus sensibilis aeris atmospherici a sublato æquilibrîo sive hydrostatico, sive elastico proveniens. Duo hic asseruntur; primo ventum re ipsa a motu aut fluxu aeris non differre. Secundo eum motum a turbatione æquilibrîi ortum parem esse ac sufficientem vi ventorum explicandæ.*

*I. Ventum esse motum aeris de loco in locum ostendit ipse motus sensibilibus corporum vento impulsorum; & quoniam aer cum innumeris vaporibus ubique mixtus est, nulla est ratio, cur aer purus sine vaporibus, aut vapores soli sine aere facta impressione atripiantur; cum impressio utrumque fluidi permixti genus æque adficiat. Hinc ventum adpellavimus motum*

tum aeris atmosphærici, non peculiaris cuiusdam materiæ aut specificæ substantiæ ab aere diversæ, quemadmodum non nulli antiquiores halitus siccos, vel humidos, vel anhelitus terræ frigidos pro materia ventorum confinxerunt.

II. Ut intelligatur, motum aeris atmosphærici e turbatione æquilibrîi ortum, parem esse ac sufficientem vi ventorum explicandæ, concipiatur eam *repente* existere differentiam virium pressionis in binis voluminibus aeris contiguis, ut per eam mercurius in tubo Torricelliano ad tres lineas cogeretur ascendere; & quæritur celeritas, sive spatium, quod aer intra 1" motu æquabili conficere deberet, si ab alio impelleretur vi tanta, quæ mercurio ad tres lineas elevando par est. In hunc finem primo investigetur spatium  $x$ , quod mercurius ea, qua diximus, impressione facta intra 1" motu æquabili percurreret. Impressio, qua mercurius ad certam altitudinem elevatur, æqualis est vi, quam mercurius ex eadem altitudine per gravitatem libere decidendo acquireret. Sit altitudo mercurii  $a = 3'''$ , ex hyp. spatium vi gravitatis a mercurio & corpore terrestris quocunque intra 1" confectum  $= c = 181'''$ . Tempus  $t = b$ . & quæritur ex Mechanica §. LXXXVII. Tempus per spatium a hac analogia:  $c : a =$

$$\frac{ab^2}{c}$$

$b^2 : \frac{ab^2}{c}$ ; ultimus terminus exprimit quadratum tem-

$$c$$

poris, cuius radix  $\sqrt{\frac{ab^2}{c}}$  denotat ipsum tempus,

$$c$$

quo mercurius vi gravitatis conficeret spatium  $a$ ; hoc autem eodem tempore celeritate *constante* conficeret spatium  $= 2a$  (Mech. §. LXXXIV.) Hinc erui potest spatium  $x$ , quod is intra 1" conficeret per eandem factam impressionem, & motu æquabili; cum enim celeritas per spatium  $2a$ , & per spatium intra 1" conficiendum sit constans, erunt spatia ut tempora;

hinc  $\sqrt{\frac{ab^2}{c}}$ ;  $2a = b$ ;  $x = 2ab \times \sqrt{\frac{c}{ab^2}} = 2\sqrt{ac}$ .

Quo-

Quoniam ex hyp.  $a = 3''$ .  $c = 181'' = 2172$ ; erit

$ac = 6516$ . &  $\sqrt{ac} = 80, 7$ , &  $2\sqrt{ac} = 161, 4 =$

$13, 7''$  hoc est, spatium a mercurio tali impressione intra

confectum motu æquabili proxime æquaret 13 polli-

ces, & lineas septem. Si iam talis impressio non

fit in columnam mercurialem, sed in aerem contiguum

debiliorem; quantum spatium is motu æquabili intra

$1''$  conficiet? Ex iis, quæ de motu fluidorum in me-

chanica diximus, colligi potest, velocitates fluido-

rum ad aliquam altitudinem elevatorum esse in ratio-

ne subduplicata altitudinum; Altitudines autem fluido-

rum, ad quas ob æquales pressiones, seu æqualem factam

impressionem elevantur, sunt in ratione reciproca gra-

vitatum specificarum. Sit ratio gravitatis mercurii &

aeris  $= m : n$ . Altitudo, ad quam elevatur mercuri-

us sit  $= a$ , uti supra. Erit altitudo, ad quam ele-

vatur aer  $= \frac{am}{n}$  ex analogia  $n : m = a : \frac{am}{n}$ .

Quoniam velocitates sunt in ratione subduplicata altitudi-

num seu  $\sqrt{a} : \sqrt{\frac{am}{n}}$ ; eademque si motus ponitur

æquabilis, & tempus æquale, sint ut spatia confecta;

ponatur spatium a mercurio intra  $1''$  confectum  $= s$ ;

idemque calculi facillioris & liberalioris gratia sumatur  $= 1$

ped. seu minus ac antea reperimus; spatium vero ab aere

impulso intra idem tempus conficiendum dicatur  $y$ ; erit

$$\sqrt{a} : \sqrt{\frac{am}{n}} = s : y$$

$$\text{seu } n : m = s^2 : y^2 = \frac{s^2 m}{n}$$

Unde erit  $y = S \sqrt{\frac{m}{n}}$ . Rationem gravitatis mercurii

rii ad aerem in Schol. §. CLI. posuimus 12040 : 1. Unde erit  $y$ , seu spatium ab aere intra 1" percurrendum = 109, 7 ped. Ex his iam tuto licet concludere, motum aeris ex modica, sed repentina æquilibratione ortum omnino parem esse validissimis ventis & procellis etiam vehementissimis explicandis; Nam venti sat validi secundum observationem Mariotti non nisi 24 pedes, aut si sint vehementissimi secundum Derhamum 66 pedes Londinenses intra 1" conficiunt. Quapropter venti etiam validissimi celeritas minor est ea, qua aer ex volumine fortiore irruit in debilius, existente virium differentia non nisi tanta, quanta mercurium in tubo torricelliano ad altitudinem 3 lin. elevare valet; unde multo etiam minor virium differentia sufficiet, ad eos, quos experimur ventos, utut sat validos producendos, si modo *repente* inducatur; quod cum rarissime contingat, satis intelligi potest, cur venti multo sint pacatiores, etsi mercurii altitudo longe ultra 3 lineas in regionibus polum spectantibus, minusque a superficie terræ elevatis mutetur.

*Etsi venti ex turbato aeris æquilibrio oriantur. & in motu locali maioris voluminis consistant; non tamen ventus, qui unam infestat regionem, per omnem late atmosphæram necessario propagari debet. Motus enim in voluminibus aeris remotioris eo magis semper debilitatur, quo magis illa distant ab eo, quod primo moveri captum est, ob incursum nempe, & actionem columnarum lateralium quaquaversus irruentium, uti fere motus, qui in aqua stagnante, & ipso mari per vasta navigia excitatur, non æque propagatur ad partes remotiores, sed paulatim languescit, ac deficit. Porro quoniam fluida eo moventur maxime, ubi minor est resistentia, & æquilibrio aeris non in omnem semper partem turbatur æqualiter, intelligi potest, cur ventus certam sequatur directionem etiam in regione libera, nullisque obstaculis circumsepta; quam quidem directionem maxima virium, & resistentiæ inæqualitas determinat.*

### §. CLX.

Corollarium I. Quoniam ventus ex perturbato aeris



ris æquilibrio oritur: quidquid turbando æquilibrio par est, ad causas ventorum pertinet. Huc igitur referri debent omnia, per quæ altitudo aut densitas columnarum in tractu quodam augetur vel minuitur: Vis elastica intenditur, aut debilitatur. Ac *primo* si in inferiore, aeris regione tractum quendam maior calor, aut maius frigus corripit; in primo casu augebitur eius elasticitas, & aer versus loca frigidiora se expandet: in altero casu elasticitas non augebitur, sed aeris partes arctius coibunt; hinc lateralis irruet in vacua spatia: utroque casu existet ventus; sic in umbroso nemore ad solem meridianum ambulantes leni flatu recreamur, & ex loco calidiore in minus calidum auram frigidiusculam spirare experimur, præsertim si aer calidior versus loca frigidiora se expandens non omnino expeditum habeat transitum. *Secundo*. Exhalationes terrestres non modo pondus & elaterium aeris immutant, sed non raro, cum diversa earum genera concurrunt, maiores fermentationes, æstus, & celeres dispoſitiones partium generant, quæ aer rapidissime propellitur, uti observamus cælo fulminante, & tonante. *Tertio* particulæ nitrosæ salinæ ex regionibus maxime borealibus advectæ in atmosphæræ portionem quandam, maius producant frigus, quo aeris æquilibrium turbari debet. *Quarto* Halitus ex montibus ignivomis, aut visceribus terræ per spiracula quædam emissi, tum vero & aer factitius ex fermentatione, et putrefactione corporum terrestrium magna copia genitus temperiem & æquilibrium aeris necessario turbant, ventosque creant. *Quinto* Sol in corpus aereum æque, ac vapores per aerem dispersos, corpora item terrestria continuo agens, multiplicem in atmosphæra variationem quoad calorem & frigus inducere potest, præsertim si radii solares parte quadam interiectu nubium intercipiatur, aut nubes cavæ instar speculorum causticorum magnam radiorum vim versus certum locum reflectant. Accedit, quod ipsius telluris diversa constitutio, aut montium interiectus actionem solis diversis modis determinare, & ingentem caloris frigorisque variationem inducere queat.

Siqui sunt venti constantes, qui per longiorem atmospheræ tractum toto fere anni tempore spirant: aut periodici, qui certo duntaxat anni tempore, certisve diebus oriuntur; postea iterum conquiescunt; iidem constantem pariter aut periodicam causam habeant, necesse est. Inter ventos constantes ab omnibus prope habebantur is, qui intra tropicos spirat. Sed memoratu digna sunt verba cel. Pauli Frisii LII de gravit. omn. Partic. c. 10 in Scholio, quæ ad verbum prope exscribimus.

„ Halleus in transf. Phil. anni 1686 n. 183 orientis  
 „ venti, qui intra tropicos habetur in mari libero, eam  
 „ esse dixit constantem legem, ac directionem, ut, cum  
 „ sol ab æquatore declinat ad cancri tropicum, in mari-  
 „ bus intra æquatorem positis ventus ex æquatoris &  
 „ horizontis intersectione videatur flare; & in maribus  
 „ aliis ultra æquatorem spiret tunc temporis ex interse-  
 „ ctione horizontis & tropici capricorni; & contra cum  
 „ sol versatur ultra æquatorem, in maribus ultra æqua-  
 „ torem positis, orientalis ventus ex æquatore, & in ma-  
 „ ribus citra positis, ex tropico cancri adveniat; quod  
 „ Halleus ex vi caloris, & legibus æquilibrii deriva-  
 „ vit. - In eandem Hallei sententiam Dampierius, Mus-  
 „ schenbrækius, alique plures conveniunt. At in hi-  
 „ storia Parisiensis Academiæ Anni 1760 cl. Nux suis,  
 „ aliorumque observationibus probare voluit, generalis  
 „ illius venti phænomena ac leges omnes non ita ratas,  
 „ constantesque esse, quemadmodum Halleus, ac Dam-  
 „ pierius retulerunt. Ait enim, quod, cum diu ipse in  
 „ insula Borbonia moratus esset, deprehenderit, genera-  
 „ lem ventum, quo anni tempore est austro-orientalis,  
 „ in orientalem sæpe, ac borealem, occidentalemque, ac  
 „ deinde austro-occidentalem, & australem denique con-  
 „ verti, totumque horizontem circuire. Animadvertit  
 „ insuper, has venti inæqualitates non exiguo tractu  
 „ contineri, & ab orientali Africæ litore ad usque Ja-  
 „ vam insulam protendi: esse vero adeo frequentes, ut  
 „ minus mensis intervallo quandoque ter, aut etiam qua-  
 „ ter immutari directionem venti contingat, neque ultra  
 „ intervallum mensis ventus ipse regularis permaneat.  
 „ Hac ipsa irregularitas ostendit, perpetuum ac  
 „ generalem ventum zonæ torridæ nihil habere, quod  
 „ flu-

„ fluxui ac refluxui maris sit analogum, & perturbatrices  
 „ solis ac lunæ vires neque in varianda altitudine mercu-  
 „ rii in barometris suspensi, neque in atmosphæra omni  
 „ agitanda sensibiles evadere. Siquæ primitus ex im-  
 „ presso diurno motu oscillationes in atmosphæra oriri  
 „ potuerunt, eæ iam diu desierunt, & motu continua-  
 „ to particulæ aeris eandem velocitatem angularem debue-  
 „ runt concipere, eodemque tempore periodico simul  
 „ cum terra circa axem revolvi. Hinc etiam diurnus  
 „ telluris motus ad explicandum orientalem ventum nil  
 „ conferet, & solæ irregulares causæ supersunt, quæ  
 „ in medium proferri possunt, nempe caloris solis & al-  
 „ ternæ aeris condensationis, & expansionis. Ob igno-  
 „ tam autem caloris naturam, actionem, variationesque  
 „ atmosphære, phænomena inde orta ad calculum revo-  
 „ cari nequeunt. „

## §. CLXI.

Corollarium II. Atmosphæra totam tellurius su-  
 perficiem ambit, & causæ æquilibrium aeris turbantes  
 nulla non illius parte locum habent; hinc aer infinitis  
 directionibus sursum, deorsum, & oblique qua-  
 quaversus, ac horizontaliter moveri potest. Venti  
 igitur, spectando eorum directionem diversissimi ha-  
 bentur.

Hodierni Geographi in usum præcipue nautarum  
 ventos 32 distinguunt, quatuor scilicet cardinales, & 28  
 collaterales, seu intermedios. Cardinales a quatuor pun-  
 ctis cardinalibus horizontis nomen habent: & quidem a  
 puncto ortus æquinoctialis Solanus, OST; a puncto oc-  
 casus æquinoctialis Favonius, WEST; a puncto meri-  
 diei Auster, SUD; a puncto septentrionum Septentrio,  
 NORD nuncupatur. Inter hos medii ab iisdem nomen  
 compositum accipiunt; nempe medius inter septentrionem  
 & ortum NORDOST, Aquilo; inter meridiem & or-  
 tum SUDOST, Eurus; inter septentrionem & occasum  
 NORDWEST, Caurus; inter meridiem, & occasum  
 SUDWEST, Africus adpellatur. Demum inter cardines  
 & hos collaterales intermedii rursus ab utrisque  
 compositam adpellationem recipiunt e. g. OJ - Nord-OJ,

*Of gen Nord &c. uti ex rosa ventorum ( F. X. Tab. III. ) colligi potest, ubi initiales literæ vocabulorum singulos ventos a plagis denominatos denotant.*



## CAPUT IV.

### *De Tubo Torricelliano, eiusque usu in altitudinibus locorum definiendis.*

*Mercurium in tubo Torricelliano ex pressione aeris hærere suspensum, eiusque altitudinem mutata pressione variari debere, solo experimento Antlia evidentissime cognoscitur, nec disputatione eget. Quapropter de usu illius in determinandis locorum altitudinibus maxime agam hoc loco; quæ res cum per se scitu digna est, tum ex eo capite maximum usum habet, quod positio locorum supra libellam maris dimensionibus geometricis aut trigonometricis sæpe definiiri haud possit.*

### §. CLXII.

Observatio I. Quo magis elevatus est locus quidam supra libellam maris, aut superficiem terræ, eo minor erit altitudo mercurii in tubo Torricelliano; quia ascendendo a mari, aut superficie terræ columna aeris eidem incumbentis continuo fit brevior, eiusque & densitas & elasticitas perpetuo minuitur. Ac si calor, & vaporum diversa constitutio nullam anomaliam induceret: accurate demonstrari posset, densitates aeris, ac proinde elasticitates in progressionem Geometricam crescere, cum aeris altitudines a libella maris aut superficie terræ ascendendo in progressionem arithmetica crescant. Est hoc fundamentum praxeos, quæ ex altitudine barometri in dato loco eiusdem supra libellam maris elevatio definiiri solet. Anomalie enim a calore aut vaporibus inductæ in inferioribus duntaxat partibus locum maxime habent, & evitari quadam ratione, aut corrigi possunt. Id fundamentum, seu  
lex

lex decrefcentis denſitatis aeris obſervationibus comprobatur; inventum eſt enim, in diſtantiâ 7 milliari-um Italicorum a libella maris denſitatem aeris quadru- plo minorem eſſe; hinc duplex progreſſio obtinetur, prima diſtantiarum a mari, ſeu altitudinum, altera denſitatum decreſcentium hoc modo:

I.	7.	14.	21.	28.
II.	$\frac{1}{4}$ .	$\frac{1}{16}$ .	$\frac{1}{64}$ .	$\frac{1}{256}$ .

## §. CLXIII.

Obſervatio II. Altitudo media barometri in litore maris paſſim cenſetur = 28 dig. ſeu 336 lin. (quam- quam non deſint, qui eam binis etiam lineis maiorem ſumant) Invenitur autem *media* altitudo, dum plu- res obſervatæ altitudines adduntur, ac ſumma per nu- merum obſervationum dividitur. Quapropter non ſufficit ex maxima & minima altitudine obſervata mediam ſumere. Præterea ſi ex obſervationibus diurnis menſium ſingu- lorum capiuntur altitudines mediæ ſingulis menſibus re- ſpondentes, eæ non inveniuntur ſingulis menſibus æ- quales, ſed minores menſibus hybernis, maiores æſti- vis. Si dein altitudines mediæ ex obſervationibus plu- rium annorum in ſingulos menſes colliguntur, eæ pa- riter differunt ab altitudine media ex obſervationibus menſis unius collecta.

*Ut exemplo res illuſtretur, exprimatur altitudo mer- curii in lineis, & partibus decimalibus lineæ, ſitque e. g. altitudo media in menſe Januario anni unius = 257, 50; in alio anno = 261, 21; ruruſque in alio = 258, 96; erit facta primo additione harum altitudinum, tum diſiſione per 3, altitudo ex omnibus mediis media = 259, 22.*

## §. CXLIV.

Obſervatio III. Maxima & minima altitudo mer- curii, quæ non niſi poſt obſervationes plurium anno- rum deprehendi poſſunt, *limites* ſunt variationum, quas ſubit; ſpatium inter maximam & minimam alti-  
tu-

tudinem interceptam adpellari potest *intervallum variationum*. Dimidium elus intervalli maximam æquilibril perturbationem denotat. Hi limites, & intervalla variationum in diversis locis admodum diversa sunt; crescunt enim pro latitudine geographica locorum ab æquatore versus polos: minora sunt cæteris paribus in locis a libella maris magis elevatis; maiora mensibus hybernis, quam æstivis. In Peruvia intervallum maximæ variationis ad libellam maris deprehensum est 3 lin. Iamaicæ 4 lin.. Ad promontorum bonæ spei 10 lin. In circulo Parisiis parallelo 28 lin. Petropoli 31 lin. In Islandia 3 dig. Ex observationibus SCHEUCHZERI maxima variatio Tignari est  $18\frac{1}{2}$  lin. At in monte edito S. Gotthardi non nisi 12. lin. Si maximæ variationes singulis mensibus occurrentes ex observationibus plurium annorum determinentur, facta mensium comparatione præ cæteris maiores sunt, quæ mensibus hybernis respondent, minores, quæ æstivis mensibus. Si dein variatio, quæ ex observationibus plurium annorum in mensem Januarium incidit, dividatur in 100 particulas, sequens existet ratio intervalli variationum secundum D. Lambert

Jan.	-	-	-	100.	Jul.	-	-	-	48.
Febr.	-	-	-	95.	Aug.	-	-	-	56.
Mart.	-	-	-	85.	Sep.	-	-	-	74.
April.	-	-	-	73.	Oct.	-	-	-	89.
Mai.	-	-	-	61.	Nov.	-	-	-	96.
Jun.	-	-	-	52.	Dec.	-	-	-	99.

### §. CLXV.

**Problema.** *Data altitudine media barometri in dato loco, invenire altitudinem loci eiusdem supra libellam maris.* Ref. Altitudo barometri in dato loco exprimitur per lineas pedis Parisini. Quærat logarithmus numeri linearum, quæ altitudinem mercurii in dato loco exprimunt. Is subtrahatur a logarithmo numeri 330 altitudinem mediam barometri in litore maris exprimentis. Residuum logarithmi omittis semper tribus ultimis numeris, & primis quinque numeris nempe cha-

characteristica cum quatuor sequentibus adhibitis dabit elevationem loci supra libellam maris in *perticis* Parisinis; aut si data sit differentia altitudinum mercurii in binis locis, differentia logarithmorum earum altitudinum in lineis expressa dabit locorum distantiam in *perticis* iterum Parisinis, quarum quævis continet 6 ped. Parisin. Hoc quidem modo non ita deprehenditur vera locorum altitudo, ut non aberratio contingat, quæ in maioribus altitudinibus valde notabilis fit. Hinc D. Lambert ex observationibus, quas nancisci potuit, accuratissimis correctiones determinavit, ex quibus dein tabellam confecit, in qua pro singulis altitudinibus a

" " 27. II, usque ad 14, o respondentes locorum altitudines computavit. Ea Tabella una cum dissertatione viri clarissimi de altitudinibus barometri, earumque variationibus inserta est Tomo III. monumentorum Academiæ Electoralis Boicæ; unde eam excerptimus.

Alt.	Merc.	Hexaped.	Alt.	Merc.	Hexap.
"	"		26,	4	252, 9
27.	II	12, 0	—	3	266, 3
—	10.	24, 1	—	2	279, 6
—	9	36, 3	—	1	293, 1
—	8	48, 6	26,	0	306, 6
—	7	60, 9	"	III	" "
—	6	73, 3	25.	II	320, 1
—	5	85, 7	—	10	333, 7
—	4	98, 2	—	9	347, 3
—	3	110, 8	—	8	361, 1
—	2	123, 3	—	7	374, 8
—	1	136, 0	—	6	388, 7
27,	0	148, 7	—	5	402, 5
"	III		—	4	416, 5
26,	II	161, 4	—	3	430, 5
—	10	174, 4	—	2	444, 6
—	9	187, 4	—	1	458, 7
—	8	200, 4	25,	0	472, 8
—	7	213, 5	"	III	
—	6	226, 5	24,	II	487, 0
—	5	239, 7	—	10	501, 2

Alt.	Merc.	Hexaped.	Alt.	Merc.	Hexaped.
—	9	515, 5	—	9	1069, 9
—	8	529, 8	—	8	1086, 4
—	7	544, 3	—	7	1103, 0
—	6	558, 8	—	6	1119, 7
—	5	573, 4	—	5	1136, 4
—	4	588, 0	—	4	1153, 2
—	3	602, 7	—	3	1170, 1
—	2	617, 4	—	2	1187, 1
—	1	632, 1	—	1	1204, 1
24,	0	646, 9	21,	0	1221, 2
<hr/>					
"	III		"	III	
21,	11	661, 8	20,	11	1238, 4
—	10	676, 8	—	10	1255, 6
—	9	691, 8	—	9	1272, 9
—	8	706, 8	—	8	1290, 3
—	7	721, 9	—	7	1307, 7
—	6	737, 1	—	6	1325, 2
—	5	752, 3	—	5	1342, 7
—	4	767, 6	—	4	1360, 4
—	3	783, 0	—	3	1378, 2
—	2	798, 4	—	2	1396, 0
—	1	813, 9	—	1	1413, 9
23,	0	829, 5	20,	0	1431, 8
<hr/>					
"	III		"	III	
22,	11	845, 0	19,	11	1449, 8
—	10	860, 7	—	10	1467, 9
—	9	876, 4	—	9	1486, 1
—	8	892, 2	—	8	1504, 4
—	7	908, 1	—	7	1522, 8
—	6	924, 0	—	6	1541, 2
—	5	940, 0	—	5	1559, 7
—	4	956, 1	—	4	1578, 3
—	3	972, 2	—	3	1597, 0
—	2	988, 3	—	2	1615, 7
—	1	1004, 5	—	1	1634, 5
22,	0	1020, 8	19,	0	1652, 5
<hr/>					
"	III		"	III	
21,	11	1037, 1	18,	6	1768, 0
—	10	1053, 5	18,	0	1887, 4



Alt.	Merc.	Hexaped.	Alt.	Merc.	Hexaped.
17,	6	2009, 3	15,	6	2534, 9
17,	0	2134, 8	15,	0	2677, 0
16,	6	2264, 0	14,	6	2824, 0
16,	0	2397, 3	14,	0	2976, 2

Ut hæc tabella usui sit, sequentia oportet animad-  
verti. Primo quia differentia altitudinum in binis locis  
variabiles sunt; hinc ex pluribus differentiis sumenda est  
differentia media. Secundo. Si media altitudo mercurii  
loci cuiusvis seorsim quaeritur, ea, ut supra diximus,  
non recte colligitur ex altitudine summa, & infima; tum  
quia hæc varius incidunt, tum quia medium ex iis de-  
sumptum differt a medio ex pluribus observationibus col-  
lecto. Tertio interest sane, cuiusnam potissimum mensis  
altitudo media sumatur, an vero ea omnino colligatur  
ex altitudine media omnium mensium anni totius coniun-  
ctim. Nam media altitudo mensis unius differt a media  
altitudine mensis alterius, etsi utraque ex observationi-  
bus mensuris plurium annorum colligatur; hinc admo-  
dum diversa locorum altitudo inde eruitur. Sic in  
monte S. Gotthardi media altitudo mercurii tempore hye-  
mis ex observationibus plurium annorum reperitur =

" " "  
21, 6. Huic in tabella respondent hexapedæ 1119, 7

seu 1120. At media altitudo æstiva inventa est = " " "  
21, 9. cui respondent hexapedæ 1069, 9 seu 1070; differentia  
est 50 hexapedarum haud sane contemnenda. Sunt au-  
tem menses hyberni cæteris præferendi pro obtinenda al-  
titudine media; quia eo tempore minor est diversitas ca-  
loris & frigoris in infima & superiore aeris regione.  
Hinc anomalie a calore & vaporibus ortæ, quæ in lo-  
cis humilioribus præcipue inducuntur, minores sunt men-  
sibus hybernis. Accedit, quod variationes in hyeme ma-  
iores sint, quam æstate; hinc facilius medium quoddam  
inde deduci potest. Ob hanc causam cl. D. Lambert  
tabellam confecit, ex qua corrigi potest numerus hexape-  
darum in tabula inventus, si altitudo media alio quovis  
mense quam ex Januario desumpta est. Sic autem habet

Mensis	Ratio	Mensis.	Ratio
Jan. - -	1000	Jul. - -	1047
Febr. - -	1003	Aug. - -	1043
Mart. - -	1010	Sept. - -	1036
April. - -	1019	Oct. - -	1027
Mai. - - -	1029	Nov. - - -	1016
Jun. - - -	1038	Dec. - - -	1007

Ut usus huius tabellæ pateat, sit altitudo media  $26, 6''$  ei respondent in tabula  $226, 5$  hexapedæ, seu duentæ sex & viginti perticæ Parisinæ cum quinque partibus decimalibus; si iam tota altitudo mercurii ponitur desumpta ex observationibus mense Augusto captis, inventus numerus hexapedarum augendus est in ratione  $1000 : 1043$ , hac analogia  $1000 : 1043 = 226, 5 : 236$  proxime. Si media altitudo ex omnibus, vel pluribus annis coniunctim eruta est, numerum eidem in tabula respondentem cit. Auctor augeri vult in ratione  $1000 : 1023$ .

### §. CXLVI.

Problematis resolutionem alii aliam dedere; ac I. Cel. de Luc in præclarissimo opere de Barometris ac thermometris hanc præscribit regulam. Differentia logarithmorum duarum altitudinum barometri in lineis expressa dat distantiam duorum locorum (quoad altitudinem verticalem) in perticis Parisinis, si numeri logarithmorum una cum characteristica adhibeantur solum quinque, & si thermometrum Reaumurianum in gradu  $16\frac{3}{4}$  supra 0 versetur. Si vero thermometrum tempore observationis in alio consistat gradu; tum, si illius gradus sit infra  $16\frac{3}{4}$  pro quolibet gradu thermometri subtrahenda erit  $\frac{1}{2\frac{3}{5}}$  pars totius altitudinis inventæ; Si vero gradus thermometri sit supra  $16\frac{3}{4}$ , pro quolibet gradu thermometri addenda erit  $\frac{1}{2\frac{1}{5}}$  altitudinis.

Sit altitudo media in litore maris  $= 28'' = 336'''$ ; in alio loco ea sit  $= 26'' = 312'''$ . Quæratur differ-

rentia logarithmorum datis numeris respondentium hoc modo :

$$\text{Alt. in lit. maris } 336^{\text{'''}} \log. = 2. 5263$$

$$\text{Alt. in dato loco } 323^{\text{'''}} \log. = 2. 5092$$

$$\text{Differentia in perticis Parisin.} = 171$$

Eodem modo si differentia altitudinum mediarum in binis locis detur, differentia logarithmorum indicabit locorum distantiam in altitudine verticali, nisi ex observatione thermometri correctio sit adhibenda. Atque hæc methodus peritissimis Physicis admodum adcurata videtur.

II. Regula Bernoullii hæc est: differentia altitudinum mercurii in binis locis reducatur ad lineas pedis Parisin. ac dein multiplicetur per 22000: productum dividatur per numerum altitudinem minorem mercurii, five in loco altiore exprimentem: quotus dabit altitudinem huius loci in *pedibus Parisinis*. Sit altitudo

barometri in superficie maris  $= 336^{\text{'''}}$ . Altorfii  $= 317\frac{1}{2}$ . Erit differentia  $= 18\frac{1}{2}$ . Porro  $18\frac{1}{2} \times 22000 = 407000$ . Hoc productum si dividatur per  $317\frac{1}{2}$  obtinentur prope 1282 ped, Parisin. pro altitudine Altdorffii.

III. Data differentia altitudinum mercurii in binis locis, expressa lineis pedis Paris. dicatur  $n$ ; erit formula distantiam verticalem locorum in *pedibus Paris.*

$$\frac{n^2 \times 121n}{2}$$
 exprimens hæc:  $\frac{n^2 \times 121n}{2}$ . Sit data differentia  $= 33^{\text{'''}}$ .

fiet distantia verticalis  $= 2541$  ped.  $= 424$  hexap.

*Dubium non est, quin priores methodi, quæ correctionem præscribunt hisce binis posterioribus haud parum sint adcuratiores. De observationibus autem tubi Torricelliani præterea animadvertendum est: 1: in primis curandum est, ut instrumentum sit idoneum faciendis observationibus, quæ cuidam usui sint. Diameter tubuli  $\frac{1}{4}$  pollicis non multo minor sit. Facta enim compa-*

*ra-*

ratione duorum tubulorum, quorum diametri erant in altero  $1\frac{1}{4}$  lin. in altero 4 vel 5 lin. discrimen altitudinis in eodem loco fere dimidii pollicis deprehensum est. Profundius enim hæret mercurius in tubulo angustiore ob affrictum ad latera, vel maiorem partium mercurii inter se, quam vitri attractionem, nisi eundem vitrum omnino repellat. 2. Interior tubi superficies, dum is pro barometro adhibetur, penitus pura sit, ac recens, nullisque antea facibus, quas liquida relinquunt, inquinata: similiter mercurius a stanno, plumbo, aliisque partibus heterogeneis quam fieri potest, accuratissime sit purgatus; quod quidem destillatione maxime obtinetur. 3. Inter cavitatem tubuli, & amplitudinem vasculi tanta sit differentia magnitudinis, ut etsi pars mercurii ex vasculo nunc attollatur intra tubum, nunc deprimatur, tamen linea libellæ a summa superficie mercurii stagnantis desumpta pro constanti haberi possit. Inde enim fit initium numerandi gradus altitudinis. 4. In binis tubis eodem loco positis sæpe differentia altitudinis, nec ea semper constans, observari potest. Ea oritur ex inæquali puritate, aut impuritate mercurii, eiusdemque mixtione cum partibus heterogeneis: ex ipsa diversa gravitate mercurii quæ valde notabilem differentiam inducere valet, multasque comparationes altitudinum in diversis locis per diversa borometra observatarum suspectas, incertasque facit: ex inæquali diametro tuborum, uti supra adnotavimus ex ipsa constructione, qua plus minusve aeris relinquitur in superioe parte, cum omnis penitus abesse deberet: ex improportione vasculi ad tubulum, ob quam linea libellæ sensibilibus mutatur. 5. Quando fit observatio altitudinis, oculus non multum altior vel depressior sit linea horizontali per supremam mercurii superficiem transeunte. 6. Ipsum instrumentum ante observationem paulum concutitur: hoc enim facto sæpe altius ascendere, nonnunquam descendere visus est mercurius, cum antea ob affrictum, attractionemve impediretur. 7. Superficies suprema mercurii digna observatu est. Cum enim altius ascendere parat, ea fit convexa: cum descendit, concava: quando ascensum in descensum, aut vicissim, mutat, ea planior est. Cæterum de præsagiendis ex barometro tempestatibus in hunc fere modum differit cel. Musschenbrækius: diversa mer-

curii

curii in tubo altitudo futuras aeris tempestates non præ-  
sagit, sed tantum indicat præsentem atmosphære condi-  
tionem, & quidem duntaxat vim, qua corpora terre-  
stria premit. Ascensum, vel descensum mercurii inter-  
dum comitantur non nulli in atmosphæra effectus, cum  
utrumque ab eadem pendeat causa; sed effectus in at-  
mosphæra non semper sequuntur iidem, licet eadem caus-  
sa adsuerit, quia constitutio atmosphære eadem non est:  
eam autem ex altitudine mercurii sola cognoscere non pos-  
sumus; ideo nullæ certæ præagiendi regulæ possunt tra-  
di, uti ex multorum annorum observationibus adfirmare  
possum. Nihilominus aliquid, quod sæpe contingit; ex  
diligente observatione detectum est. 1. Si mercurius  
tubum alte subierit, & cælum iam sit serenum, deinde  
is non parum descendere cæperit, sequenti die cælum nu-  
bibus opacatur, - - 2. Si mercurius descendere adhuc per-  
gat, pluvia sequitur, & eo copiosior, quo mercurius  
plus & citius descenderit, nec sequitur serenitas, nisi  
alte iterum ascenderit in tubum. 3. Si mercurio humili  
ningat, grandinet, pluat; & mercurius ascendere cæ-  
perit, brevi cæli constitutio corrigetur in melius. 4. Con-  
tra si pluat, & mercurius celeriter descendere per-  
gat tempestas crescit in maius vitium instante procella;  
quæ, cum regnat, nec mercurius ascenderit, perget  
sævire; nec minuetur, nisi mercurius ascendere cæperit.  
- 5. Mercurio humili cælum potest esse serenum, vel cum  
paucis, rarisque nubibus, vel prænubilum, vel pluvio-  
sum, vel ventosum, vel pigrum: mercurio admodum al-  
to cælum potest esse serenum, nubilum, prænubilum, plu-  
viosum, ventosum vel pigrum, quales cæli & barome-  
tri constitutiones sæpe sensi. ita cit. Auctor. adde. 6 mu-  
tationes celeres mercurii celerem sed non diuturnam tem-  
pestatis mutationem indicant. 7. Si præter morem cadit  
mercurius nec intemperies cæli in eo tractu consequitur, id  
indicio est, in vicino quodam loco procellas, fulmineas  
tempestates, aliquando etiam terræ motus contigisse.

## CAPUT V.

*De phænomenis quibusdam & experimentis aeris.*

*Innumerable sunt aeris phænomena, & experimenta, quæ stabilitis iam proprietatibus eiusdem non tam exponi multis verbis, quam paucis indicari debent pro instituti nostri ratione.*

## §. CLXVII.

I. Cohæsiõnem hemisphæriorum cavorum, quæ ab OTTONE GUERICHIÒ consule Magdeburgensi *Magdeburgica* adpellantur, ab aeris pressione provenire satis per spicuum est; cum ea aere iterum immisso, aut intra recipientem exhaustum posita facile separentur. Porro vis, qua cohærent; invenitur facile data eorum diametro, altitudine mercurii in barometro, ac pondere mercurii. Nam pressio aeris in hemisphæria, id est, in circulum maximum eorundem tanta est, quanta in eundem circulum oriretur a mercurio ad eam altitudinem affuso, quæ in barometro dato loco ac tempore observatur. Sit diameter hemisphæriorum =  $a = 3$  digit. Area circuli maximi æquatur factò ex periphèria in quartam diametri partem; periphèria autem data diametro  $a$ , & ratione generali diametri ad periphèriam 113: 355 reperitur hac analogia:

$$113: 355 = a: \frac{355a}{113}$$

$$\text{unde circulus maximus erit} = \frac{a}{4} \times \frac{355a}{113} = \frac{3195}{452}$$

=  $7 \frac{31}{452}$  digitis quadratis. Si columna mercurii, cuius basis est pollex quadratus, & altitudo  $29 \frac{1}{2}$  dig. 15 Libras adpendit, (§. CLI.) atque hæc pro dato loco ac tempore sumatur altitudo mercurii in barometro,

tro, erit vis aeris, qua hemisphaeria compressa tenet

$$= \frac{31}{452} \times 15 = 106 \frac{13}{452} \text{ libris.}$$

*Si hemisphaeria penitus evacuata sint aere, vis co-  
hesionis paullo maior erit, quam pressio aeris efficeret.  
Attractio enim marginum lavigatorum; praesertim si  
sebum interponatur, suum quoque effectum habet.*

### §. CLXVIII.

II. Si tubus utrinque apertus GFH (F. IX. T. III.) aquae stagnanti in vase ABCD immergatur; ea primum intra tubum ad lineam libellae AB assurgit; quodsi vero embolus E, qui cavitatem tubi exacte expleat, attollatur, orietur inter embolum & superficiem aquae spatium ab aere vacuum. Quare aer externus aquae stagnanti incumbens eandem intra tubum eo usque elevabit, dum columna aquae elevatae in aequilibrio sit cum tota columna aeris, hoc est, ad altitudinem 34 pedum circiter (§. CLV.) Atque hoc est fundamentum ascensus aquae in *Anthas sufforias*, uti adpellant. Similiter fere transfluxus aquae per syphones inaequalium crurum explicatur.

### §. CLXIX.

III. Experimenta, quae ope antliae pneumaticae fieri possunt; ad omnem prope Physices partem pertinent. Ac 1. intelligitur corpora terrestria inaequalis ponderis seu plumbum & pluma remota aeris resistantia aequali celeritate decidere. 2. Vim expansivam aeris ipse descensus eiusdem in cylindrum antliae embolo extracto ostendit. 3. Ex resistantia aeris externi in extrahendo embolo post plures suctiones difficultas continuo maior sentitur. 4. Ob eandem causam recipiens adhæret disco antliae. 5. Si intra recipientem maiorem ad latus ponitur recipiens minor; aer vi sua elastica etiam ex minore circa infimum limbum erumpit. Immissio dein in maiorem celeriter aere, is

U

mi

minori incumbens corium, cui insitit, comprimit. 6. Ex fluidis intra recipientem positis copiosus aer erumpit, qui proin aeris externi pressione antea cohibebatur. 7. Si cuprum, ferrum, stannum &c. immerguntur aquæ, exhausto recipiente aer se expandit, & globulorum instar per aquam eluctatur, dein superficiæ instar roris innatat. 8. Si suberi tantum ponderis additur: ut ægre tandem mergatur; remoto aere ascendet una cum pondere, quia aer intra poros contractus, dum sese expandit, & fortassis etiam bullæ aeris superficiæ suberis adhærentes volumen levius efficiunt. 9. Vesica flaccida relicto paucillum aere pondus impositum attollit. 10. Eadem ope ponderis in aqua submersa postea ascendet, ære interno maius volumen efficiente. 11. Similem ob causam pisces, etsi non emoriantur, tamen superficiæ innatare coguntur. 12. Animalia non tamen insecta, aere exhausto euecantur immiti experimento, quo eundem ad respirationem necessarium esse demonstrare volumus cum id nemo in dubium vocarit. 13. Carbores vivi & flamma expirant remoto aere, ac fumus & vapores deorsum vergunt, aut campanæ adhærent. Sic dum aer atmosphæricus rarefcit, vapores decidunt; quorum sustentatio certam densitatem poscit. 14. Vitrum oblongum utroque extremo adcurate secetur cultro, ut planum sit; tum imponatur mercurio; aer dum exhauritur, e poris ligni se explicabit: immissus iterum & superficiæ mercurii incumbens, hunc in poros ligni intrudet; unde & pondus istius, & color mutabitur. 14. Aere remoto deficit sonus: condensato intenditur.

---

## C A P U T VI.

### *De Sono.*

*In motu aeris, quo eius particule seu maiora etiam volumina velocitate quadam constante de loco transferuntur in locum alium,*



um, ventum constituimus; est vero alius eiusdem motus: quo particulae concitantur ad tremorem, dum subito compressa ad spatium quoddam excurrunt, sed cessante compressione se iterum expandunt, & ad pristinum locum redeunt. Motus hic tremulus, qui & vibratorius adpellatur, sonum efficit, de quo nunc differendum est. Distinguitur autem sonus ab ortu, qualis est in ipso corpore sonoro, diciturque primitivus: a propagatione, dum communiscatur medio, cuius ope ad organum deferitur, estque is derivativus; denique a sensatione, uti organum auditus ita adficiatur ut sensatio soni in anima existat.

## §. CLXX.

Propositio I. *Sonus primitivus consistit in celerissimis oscillationibus corporis sonori, aut motu tremulo partium eiusdem maiorum.* Prob. Quotiescunque a corpore sonoro per medium quoddam ad organum deferatur sonus, eiusque perceptio in nobis existit, reipsa oscillationes illae, ac tremores corporis sonori aut maiorum illius partium habentur, eademque phaenomenis explicandis sufficientes sunt: igitur causa soni primitivi hic proposita omnino genuina est. Corpora sonum non edunt, nisi percutiantur, fricentur, vellicentur: quae magis rigida sunt, magisque elastica, sunt etiam magis sonora: mollia vix sonant, nisi percussio maior sit: Chordae tam metallicae, quam ex ovium intestinis confectae sonum non praebent, nisi tensae; atque ob vim elaterii ad oscillationes dispositae, si postea fricentur: admota panni lacinia, aut plectro; quod sebo inunctum fuit, percussae tacent. Campanae gossypio involutae, nolae manu compressae, cum tremores hoc modo habentur, debiles edunt sonos. Aer ipse leniore motu; seu vento translatus non sonat; at si per rimas ianuarum & foramina penetret; comprimaturque per angustos meatus prorumpens, sibilos edit: Si tabulae lignae ad unam extremitatem imponatur vasculum mercurio plenum, eaque ex parte altera percussatur, ad quemvis ictum licet exiguum undulationes mercurii conspiciuntur, quae tremoris, qui in partibus tabulae lignae percussione oriuntur, manifesto indicio sunt. Nec tamen quovis motu vibratorio sonus editur; patet id in chorda sebo illita, quae vibrat: nec

sonat: in forcipe quadam compressa, quæ post multiplicem vibrationem se restituit; & nec ipsa sonat. Imo & aer sæpe movetur sine sono, vix tamen sine aliqua compressione, & continua succedente restitutione. Vulgo distinguitur a Physicis vibratio totalis corporum, & partialis. *Totalem* vocant, quando omnes partes coniunctim eodem prope inter se conservato situ moventur, ceu virga penduli. *Partialis* est motus vibratorius, & tremulus partium seorsim, quo inter se colliduntur, vibrantur, & oscillando hinc inde a suo relate ad alias situ excurrunt. Porro hæc vitæ tres partiales non minimas moleculas seorsim, sed maiores corporum partes adficiunt; nam corpora præsertim magis sonora componuntur ex fibris aut filamentis, quorum partes singulariter inter se cohærent. Eiusmodi sunt chordæ ex animalibus, quarum fila contorta sunt, dein metallicæ, quæ in longum fortissime tendi possunt. Campanæ tum vitreæ tum metallicæ ex infinitis veluti circulis, aut annulis elasticis constant, quæ valida percussione campanæ facta figuram adeo immutant, & per vices ellipticam induunt, id quod admotis in distantia minima stilis deprehenditur, quos campana per vices attingit. In vegetabilibus, ceu lignis fibræ oblongæ in ipsos oculos incurrunt. Alia corpora ex lamellis aut stratis tenuissimis componuntur; quæ æque ac chordæ motus tremuli recipiendi capaces sunt, ut, in lapidibus sit, ac marmoribus. Hæc filamina ergo aut lamellæ ad vibrationes concitantur, dum sonus editur, non vero singulæ illorum moleculæ seorsim. Imo nec illud requiritur, ut singula fila distinctam semper vibrationem & diversam a vibratione totali habeant. Siqua chorda ea vi percutitur, ut intra 1" efficiat 100 circiter oscillationes, ea sonum edit, secundum experimenta Kraftii. Hinc in fidibus videtur motus partialis filamentorum omnino communis esse ac similis motui totius chordæ.

*Nisi oscillationes seu totales, seu partiales, uti eas explicavimus, sint admodum celeres, sonum non producent, quia eo casu aerem duntaxat removebunt, nec compriment, quantum satis est ad percipiendum a nobis sonum. Id contingit, si brachia forcipis focariæ primo*  
con-

coniungantur manu, postea dimittantur, Enimvero tremunt illa, sed nimis tarde hoc casu, vix ut decem oscillationes conficiant intra 1". At si forceps alliditur ad corpus durum, cum tremorem concipit, ut sonus distincte percipiatur. Cum enim aer ob celeritatem oscillationum cedere non possit, comprimi debet, motumque vibratorium concipere. Sic tremor chordæ aut fuscinulæ vulgaris ad corpus durum allisæ tam celer est, ut vix oculis percipi possit, admoto autem digito manifeste percipiatur. Qui per vibrationes partiales motum singularem molecularum denotant, hoc adferunt experimentum: si guttula mercurii imponitur laminæ chalybeæ atque ista percutiatur, illa tremit, & subsultat, etsi in unico prope puncto laminam contingat. Igitur illud punctum, seu pars minima guttulæ subiecta tremit, quando sonus editur; At enim ex hoc colligi quidem potest, partem minimam laminæ infra guttulam tremere non vero eandem tremere seorsim & solitarie; quia mercurius æque subsultabit, si integra fibra aut maior lamella chalybis una tremat, uti chartula, quæ chordæ imponitur, hac percussa tremit etsi tota chorda non sola pars chartulæ subiecta tremat. Sint bini tubuli vitrei similes, & eiusdem diametri, sed longitudinis in ratione dupla. Hi allisi ad corpus durum circiter consonant in octava. Si iam sonus in tremore partium minimarum consistit, nulla erit ratio diversi toni; quia partes minimæ utrinque æquales, ac penitus similes sunt. At si integræ fibræ longitudinales, quibus vitrum constat, concipiuntur tremere; in breviori tubulo oscillationes erunt celeriores, ac duplo plures intra idem tempus, si in octava consonat cum longiore, uti de chordis similibus, & quarum una est subdupla alterius, mox exponemus. Denique quia corpora sonora percussione facta per solam vim elaterii tremunt; is tremor non nisi secundum certam directionem concipi potest, uti nimirum elaterium secundum directionem quandam tenditur, aut comprimitur. Quapropter vibrationes partiales corporum sonantium non alio, quam supra declaravimus, sensu intelligi possunt.

## §. CLXXI.

Observationes de oscillatione chordarum, seu *Ædium*. I. Sumantur fides eiusdem longitudinis, *diversæ tamen crassitie*, & tendantur singulæ ponderibus æqualibus. Hæ percussæ eodem prorsus modo, eademque vi, singulæ singulos sonos dabunt diversos, tenuissimæ acutissimum, & ut quæque crassior est cæteris, graviolem. Vis ponderis tendentis apud singulas eadem quidem est; sed cum hæc vis dividatur in totam massam singularum, non æque tendet fibras singulas, sed magis has quidem in chorda tenuiore, minus in crassiore; quoniam ergo vis elastica chordæ est in ratione tensionis, necesse est, ut alia sit vibratio in chorda tenuiore, alia in crassiore. Dicatur massa chordæ M, pondus P; erit vis elaterii in his chor-

$$\text{dis} = \frac{P}{M}.$$

II. Si duæ chordæ æqualis longitudinis, & crassitie *inæqualibus ponderibus* tendantur; illa item acutius sonabit, quæ maiore vi tenditur, utpote aucta vi elateris: cum igitur elateres, si longitudes sint æquales, ex priore formula sint directe ut pondera, & reciproce ut massæ; sequitur, ut si & pondera sint æqualia; ob valorem P constantem, iidem sint reciproce ut massæ, seu 
$$= \frac{1}{M};$$
 si vero massæ sint æqua-

les, elateres  $= P$ , seu directe ut pondera.

III. Chordæ ex materia homogenea æqualis massæ & æqualium etiam ponderum, si longitudine differunt, non eundem sonum dabunt; sicut enim alia est oscillatio penduli brevioris, alia longioris; licet idem sit pondus tam virgæ, quam massæ adpensæ; sic etiam hic, etsi eadem vis adplicetur, & massæ æquali; alium tamen effectum habebit in longiore, quam brevioris, ut vis in effectu revera se habeat reciproce ut longitudes. *Ex his infertur, diversitatem soni in corporibus homogeneis a tribus pendere, esseque in ratione quadam composita ex aliqua directa ponderum tendentium, & inversa tam massarum, quam longitudinum;*

ut adeo si vis elateris ad vibrationem exprimatur per  $\frac{P}{M}$ , & longitudo chordæ per L, fiat  $\frac{P}{LM}$ ; quo

quidem modo diversitas soni in homogeneis examinanda est. Hinc tot quoque existent diversi soni, quot sunt combinationes diversarum rationum, exceptis iis, in quibus æqualitas rationum compositarum intervenit.

IV. Si ( F. XI. T. III. ) chorda AB in A fixa, in B trochleæ circumvoluta tendatur pondere P, & a situ recto ACB detorqueatur in situm ADB, ea per vim tensionis duabus quasi viribus agitur BD & AD, quæ in parallelogrammum constructæ æquipollent vi DF huic vi compositæ æqualis est, & opposita vis elaterii agens directione DF, per quam fit restitutio cessante tensione, ita, ut punctum D motum suum acceleret usque ad C, atque ita celeritate aucta in alteram partem versus F excurrat, donec extingatur, eo fere modo, uti fit, in pendulis. Et quoniam omnes partes chordæ motum habent communem, quævis pars in arcum suum seu minimam lineolam in eodem tempore percurrat, quo suam percussit punctum D, ut proinde vis semper sit proportionalis spatio percurrando; Hinc autem recte infertur, quodvis punctum in chorda haud aliter oscillare, ac pendulum in cycloide. Sicut enim in tali pendulo vis semper est in quovis puncto curvæ, ut eius distantia ab infimo puncto cycloidis, ut proinde quivis arcus sive maior, sive minor, per eiusmodi vim æquali tempore percurratur, atque omnes oscillationes isochronæ sint; sic pariter vis elateris in chorda semper est proportionalis spatio percurrando, & manente eadem tensione chordæ arcus maior aut minor intra idem tempus absolvitur.

V. Quemadmodum ergo in cycloide tempora, sive durationes singularum oscillationum sunt in ratione composita ex directa subduplicata longitudinum & reciproca subduplicata virium ( Mech. §. CCXLIX ) ita tempora vibrationum in chordis eandem servabunt rationem, idque solum discriminis intercedit, quod vis tota, qua vibratio fit in chordis, per massam & pon-

mus exprimenda sit, uti ex n. I. huius §. patet. Quapropter si binæ sint chordæ diversæ ponderibus inæqualibus tensæ, erunt vibrationum tempora  $T$  &  $t$  hoc modo exprimenda :

$$T : t = \sqrt{\frac{LM}{P}} : \sqrt{\frac{lm}{p}}$$

Et quia numerus vibrationum intra datum tempus confectarum est reciproce ut tempora seu durationes singularum vibrationum, erit

$$N : n = \sqrt{\frac{P}{LM}} : \sqrt{\frac{p}{lm}}$$

Si iam ratio numeri vibrationum in chordis homogeneis quæritur, in quibus massæ sunt ut crassities sive quadrata diametrorum ( $D^2 : d^2$ ) ductæ in longitudines  $L$ , formula abit in hanc  $N = \sqrt{\frac{P}{D^2 L^2}} =$

$\frac{\sqrt{P}}{DL}$ , & formula exprimens durationes singularum

oscillationum erit  $T = \frac{DL}{\sqrt{P}}$ , hoc est, durationes sin-

gularum oscillationum in chordis homogeneis sunt directæ ut diametri, & longitudines chordarum, & reciproce ut radices quadrata ponderum tendentium. Hinc facile colligitur ratio durationum in binis chordis homogeneis, si unus aut bini termini comparationis in formula ponuntur constantes.

## §. CLXXII.

Propositio II. *Differentia soni gravis & acuti pendet a numero, & celeritate vibrationum intra certum tempus factarum.* Probatur. (Teste experientia chordæ eo acutius sonant, quo maiore vi tenduntur : quo minoris sunt longitudinis & diametri. Hoc autem modo nihil aliud fit, nisi ut numerus oscillationum intra certum

tum tempus augeatur; nam ex §. præ.  $N = \frac{\sqrt{P}}{DL}$ .

Quemadmodum igitur sonus, uti est in corpore sonoro, generatim in oscillationibus consistit; ita sonus magis minusve acutus a numero & celeritate oscillationum repeti debet.

*Ex numero oscillationum species soni, id est tonus gravis & acutus pendet; idem autem sonus acutus, aut idem sonus gravis aliam præterea differentiam admittit, quatenus intensior, aut remissior esse potest. Quapropter ea quoque res explicanda est.*

### §. CLXXIII.

*Propositio III. Differentia soni intensi & remissi pendet a magnitudine seu amplitudine singularum oscillationum.* Prob. Quo fortius percutitur, aut vellicatur chorda, manente, eadem tensione, longitudine & diametro, eo maiores seu ampliores oscillationes facit, sive eo intensius sonat manente pariter eodem numero oscillationum intra certum tempus peractarum, quia, ut §. CLXXIV. n. IV. diximus, vires elaterii semper sunt ut arcus seu spatia percurrenda, & oscillationes isochronæ. Sicut ergo in pendulis spectari debet tum celeritas singularum oscillationum, ac numerus earundem; tum amplitudo arcuum, in quos pendulum excurrit; ita in sono spectanda est celeritas ac numerus oscillationum, ac præterea magnitudo earundem. Numero diverso oscillationum in pendulis, si sint diversæ longitudinis aut virium acceleratricium, respondet diversa species soni gravis, vel acuti: amplitudini vero oscillationum in pendulis respondet intensio, vel remissio soni.

### §. CLXXIV.

*Propositio IV. Aer a corpore sonoro concitatus tremores concipit ipsis tremoribus seu oscillationibus corporis sonori analogos.* Probatur.

I. Ex binis chordis æqualiter tensis & unisonis una percussa, sonat & altera, & tremorem concipit oculis sensibilis: Si duo vitra æqualia ad eandem altitudinem fluido repleta iuxta se ponantur, & super unius marginem digitus madefactus circumducatur; ad huius sonum titillat & alterum eodem modo; quatenus nempe tremor chordæ aut vitri unius communicatur ambienti aeri: & ab hoc chordæ aut vitro alteri. Similitudo motuum utriusque chordæ aut vitri manifeste ostendit, aeris tremores pariter similes fuisse tremoribus corporis sonantis.

II. Sit ( F. XII. T. III. ) portio aeris A B C D in statu naturalis suæ densitatis. Impellatur hæc portio celerrime a chorda oscillante, ut conficiat spatium E F. Ob resistantiam alterius aeris in G, versus quem movetur, comprimuntur partes extremæ B D, & per has aliæ contiguæ interiores; cum intremæ partes alterius extremi A C moveri pergant, & similiter partes anteriores in spatium arctius comprimant, ut adeo puncto E delato in F spatium aeris non iam sit A B C D, sed a b c d, vel m n p q, prout nimirum impulsio fortior, aut minor fuerit. Eiusmodi spatium portionis aeræ, quæ una movetur, comprimitur, & post compressionem se restituit, a Newtono vocatur *pulsus*, ab aliis ob analogiam quandam cum undis *latitudo pulsus sive undæ aeræ*. In eadem autem latitudine pulsus, sive portione aerea A B C D spectari præterea potest *spatium compressionis*; quia eadem portio comprimi potest in spatium a b c d, vel m n p q, ut proinde latitudines sive spatia pulsuum a spatiis compressionis diligenter distinguenda sint. Sed cessante iam portionis aeræ A B C D compressione in spatium a b c d, motuque in F extincto, si utraque ex parte nullum esset obstaculum, ea portio se ibidem æquabiliter restitueret in statum pristinum, ac in volumen A B C D quiescente puncto E in F, fieretque restitutio æquali vi ac tempore. quo facta est compressio. At vero, cum altera portio aeris, versus quam prior movebatur, etiam ipsa aliquantum iam compressa resistat, agente vi elastica haud secus, ac duo globi eadem celeritate, qua concurrunt, utraque portio resiliet, prima ex F in E sese

ex-



expandendo, altera versus H, ubi explicato superius modo & ipsa comprimetur, & impellet tertiam, qua resistente, secunda resiliet se expandendo in G; tertia in partem contrariam ibidem compressa impellet quartam; & sic deinceps propagabuntur pulsus in infinitum, manente eadem medii densitate, & elasticitate. His iam præmissis analogia tremorum aeris cum tremoribus corporis sonori e. g. chordæ in eo consistit, quod spatia pulsuum respondeant celeritati aut durationi singularum oscillationum chordæ, & spatia compressionis amplitudini arcuum, in quos chorda, excurrit, quique intra idem tempus, quo oscillatio durat, maiores, vel minores esse possunt. Ac primo quo celeriores sunt chordæ oscillationes, & quo minore tempore durant, eo minora sunt spatia pulsuum: quo tardiores, & longioris moræ, eo maiora; ut, si chorda datæ longitudinis portionem aeris A B C D commovet, alia, quæ duplo citius ac celerius vibrationes suas absolvit, non nisi portionem eius dimidiam commoveat, quæ triplo citius, triplo minorem. Nam univèrse, *Siquod medium, aut duo media æqualiter elastica impelluntur diversis celeritatibus, spatia pulsuum sunt in ratione inversa celeritatum corporum impellentium, sive in ratione directâ temporum, quibus impulsus fit.* Nam quo maior est celeritas corporis medium impellentis, eo minus est tempus, quo vis est adplicata; & quo minus est tempus, quo vis est adplicata, eo minus est spatium pulsus, quia continuo quodam tempore opus est, ut particulæ ad se accedant. Probari hæc quidem propositio in hunc etiam modum potest: quo minus est tempus, quo vis est adplicata, eo minus particulæ impulsæ possunt effugere; quo minus autem effugere possunt, eo magis resistunt: & quo magis resistunt, eo minus est spatium, per quod impulsus propagatur. Sic quo maiore celeritate glans plumbea ianuam versatilem, vel pinnulam ferit, eo magis immota manet; quia vis impressa per reliquas partes ianuæ, vel pinnulæ tam brevi tempore, quo glans plumbea adplicata est, satis propagari non potest. Ex his patet, quod in sono acuto ob maiorem celeritatem spatia pulsuum sint minora: in sono gravi

ma-

maiora; ita, ut sonus acutus in octava habeat spatium pulsus subduplum eius, quod sono gravi respondet. *Secundo* Si chorda intra idem tempus maiores in arcus excurrat & vi validiore tremit, manente eodem spatio pulsus dabitur maior portionis aeræ compressio. Dum enim aer maiore excursu chordæ urgetur per maius spatium usque in F, quam debiliore usque in P, portio eadem aeris ABCD magis etiam compressa erit in F; ubi occupabit spatium mnpq, quam in P non nisi ad spatium abc d coacta. Verum hoc non obstante, quoniam oscillationes chordæ sunt isochronæ, & vis se restituens, uti & celeritas ex hac genita semper proportionalis est vi comprimenti; aer live in P, sive in F compressus, in reditu se ad idem spatium, eodemque tempore restituet. Quam ob rem tum experimentis, tum ratione colligi potest, tremores aeris analogos esse tremoribus, & vibrationibus corporis sonori. Ratio huius rei tum a diversa celeritate & amplitudine oscillationum corporis sonori, tum ab aeris elasticitate, & propagatione motus in fluido elastico excitati petitur; nec vero opus est, ut ad undas in aquis excitatas confugiamus, quæ in superficie earum maxime hærent; cum vibrationes aeris a corpore sonoro veluti quaquaversus per superficies concentricas propagentur.

## §. CLXXV.

### EXPLICATIO PHENOMENORUM.

I. Quicumque sonus gravis & acutus intra æquale tempus ad æquale spatium propagatur. Etsi enim vibrationes soni acuti celeriores sint vibrationibus soni gravis; tamen eædem sunt magis concisæ ut aiunt, sive minora spatia pulsuum habent in aere; quia, ut diximus paulo ante, spatia pulsuum sunt in ratione inversa celeritatum corporum impellentium. Spatiis autem pulsuum respondet tempus restitutionis in aere compresso, & ratio propagationis motus; nam in medio elastico, quo maius est spatium pulsus, sive quo plures particulæ in directum positæ vibratione quadam chordæ fuerunt impulsæ & compressæ, eo maius est tempus, quo omnes simul ad restitutionem indigent; quia restitutio singu-

larum

larum particularum fit successive, & continuo quodam tempore eget; ut adeo, quo plures una impulsæ & compressæ fuerunt, eo maius ad restitutionem earundem tempus requiratur. In sono igitur gravi, si spatia pulsum duplo maiora sint, quam in acuto, etiam duplo tempore ad restitutionem particularum aeris pulsum constituentium opus est; & in sono accuto, etsi plures eodem tempore in aere fiant impulsus, quia corpus acutius sonans intra idem tempus *sæpius* oscillat; at spatia singulorum pulsum sunt minora, quia idem oscillat *celerius*, ut proinde restitutio particularum aeris pulsum constituentium breviori tempore peragatur. Sint spatia pulsum in sono acuto (F. XIII:) i c, c a, a e &c: in sono gravi, qui octavam prioris efficit, spatia pulsum sint o p; p q &c: duplo maiora. Quo tempore in sono acuto fit compressio in parte aeris i c; in sono gravi fit sola compressio partis o p; dum vero in hac parte fit restitutio, nova compressio & restitutio fit in pulsu c a soni acuti.

II. Pro inveniendâ velocitate soni varia instituta sunt tentamina dispari eventu non enim eadem reperiebatur celeritas soni, sine dubio ob diversam aeris densitatem, & elasticitatem. Quin dubium iam nullum superest, secundo vento soni propagationem accelerari, adverso retardari. Pro media velocitate soni passim ex Anglorum observationibus sumitur, ea qua is intra 1" conficit 1142 pedes Londinenses, seu 1070 Parisinos = 12840 dig. Si ventus velocissimus, ac vehementissimus intra 1" conficit 66 ped. Londin. (: §. CLIX.) erit velocitas eiusmodi venti ad velocitatem soni = 1:17 $\frac{1}{2}$ .

III. Ponatur chorda, quæ 100 oscillationes peragit intra 1" quoniam intra hoc tempus sonus propagatur per 1070 ped. Paris. erunt intra talem tractum aeris, qui 1070 pedes continet, simul centum pulsus ad finem minuti secundi; hinc invenitur spatium pulsus unius =  $\frac{1070}{100}$  = 10,7 ped. Cl. SAUVEUR observavit, tubum apertum vitreum 5 circiter pedum Paris. eundem tonum edere, quem chorda centies oscillans intra 1". ob similitudinem toni dicendum, totidem oscillationes intra  
idem

idem tempus peregrisse tubum, ac proin spatium pulsus  $\approx 10,7$  prope duplum fuisse longitudinis tubi. Accepto alio tubo 2 circiter ped. reperit, eundem ab eo tonum edi, qui editur a chorda 243 oscillationes peragente intra 1". magnitudo pulsuum ab hac chorda, & tubulo effectorum in aere erit  $\approx \frac{1070}{243} = 4\frac{2}{3}$  proxime, id est, duplo iterum maior longitudine tubuli. Porro sonus acutissimus dicitur habere 6400 pulsus, seu vibrationes intra 1"; gravissimus vero  $12\frac{1}{2}$ . diviso igitur per hos vibrationum numeros spatio soni propagati, prodit spatium pulsus aerei pro sono acutissimo rotunde 2 digit. pro gravissimo 86 ped. proxime. Claritas & intensio soni aere sereno, ac puro, magisque elastico maior est, quam caelo vaporoso & pluvio: noctn item maior, quam interdiu, ubi aer actionibus & motibus animalium haud parum agitur.

IV. Ex antlia, si horologium vitrum contingit, vel corpori duro inlinit, patet, quod medium, per quod sonus propagatur, sit omne corpus elasticum tremori concipiendo, & propagando aptum, certe corpora etiam dura, ac vasta observamus constare fibris ad tremores recipiendos idoneis, vel stratis aut laminis maioribus, quæ facta percussione non segniter tremunt, uti fit in trabe oblonga. Imo si tellus, cui ædificium, est impositum, in loco etiam satis distante percutiatur malleo, vel ungulis equorum plurium una incedentium, totum ædificium tremit, uti observavit P. *Grimaldi* ope radii in speculum immissi, qui percussione telluris alio in loco facta tremuit, ac tremorem totius ædificii prodidit. Sonus etiam per aquas propagatur. Etsi enim aqua, & alia liquida aquosa vulgo dicantur dura, & compressionis incapacia non tamen id ita intelligendum est, ac si nulla iis elasticitas competeret, & compressi nullo modo possint; sed quod compressionem valde modicam admittant, longeque maiori vi resistent, quam aer, aliave corpora plurima. Certe aquæ gutta ex alto delapsa, & in aquam subiectam incidens sonum edit; quod sine tremore quodam fieri non potest. *CASSENDUS* refert, urinatores ad 10 orgyas infra aquam demersos fragorem tormenti bellici haud ita procul exonerati

nerati minime audiisse; iidem teste *Sturmio*, cum venatorium cornu sub aquis inflarent, toto corpore contremuere; quia aer infra campanam magis compressus est ab ipsa incumbente aqua, ac præterea undique constrictus diffluere prohibetur; unde repetitis vibrationibus exagitatus, reflexus & in se ipsum rediens vehementius solito contremiscit. Si campana opere figulino elaborata percutitur pertica ferrea suspensa ex binis filis, quorum extremitates auri utrinque immittuntur a manu; sonum maximæ campanæ percipit is, qui perticam ita suspensam, & auribus ope fili applicatam tenet. Nam tremor fibrarum elasticarum perticæ filis communicatus concitat aerem in organo auditus existentem; cum aer externus maneat immunis a vibrationibus ad clarum sonum sufficientibus. Idem tentari potest forcipe, vel quovis alio ferramento ad corpus durum alliso.

V. Cistula arbitrariæ magnitudinis ex ligno abiegnō excavata, instruatür iam chorda una, iam pluribus: uno earum extremo fixo alterum tendatur per pondera varia: chordis supponantur fulcra, seu ponticuli mobiles in ea distantia, qua chordam decurtare placet: quapropter ne elaterium intendatur a fulcro, id chordam radere, non a situ rectilineo detorquere ac tendere debet. Istiusmodi instrumenti genus vocant *Sonometrum*, & pro numero chordarum *Monochordum*, *tetrachordum* &c. Si iam chorda unica in Monochordo ope ponticulorum in partes aliquotas varie dividatur, ac diversis etiam tendatur ponderibus, invenitur ratio numeri vibrationum secundum formulam §. CLXXI demonstratam, eaque chorda tonos edit harmonicos; ut si ponticulus in medio chordæ ponitur, tonus chordæ dimidiæ erit octavus prioris a chorda integra: binæ vero partes sunt unisonæ: numerus autem vibrationum dimidiæ & totius, ut 2: 1. Si retenta eadem longitudine hi duo toni effici deberent per pondera; sumenda hæc forent in ratione 4: 1. Si chorda dividatur, ut partes sint 2: 3; vibrationes erunt his numeris reciprocae, & dabitur consonantia quinta: pondera vero ad hanc requisita, si longitudo manet eadem, sunt 4: 9. Pro con-

sonantia tertia divisio chordæ est 5 : 6 pro minore : & 4 : 5 pro maiore. Pro quarta 3 : 4. Sexta minor postulat 5 : 8, maior 3 : 5. Ex quibus intelligitur, suavitatem illam, quæ in consonantiis reperitur consistere in rationibus primorum fere numerorum, quas nemo non facile percipit ; hinc LEIBNITIUS musicam adpellavit exercitium arithmeticæ occultum nescientis se numerare animæ nostræ. Si chorda ita dividitur, ut longitudines sint ut 1 :  $\sqrt{2}$ , quæ est ratio surda ; erunt etiam toni quasi incommensurabiles, eritque dissonantia auri displicens, & ut KRAFFTUS vocat, essentialis ; quia vibrationes harum chordarum post nullam periodum unquam conveniunt ; prout in harmonicis reipsa contingit. Ex tonis diversis pro chordarum longitudine in Monochordo obtentis petitur explicatio cymbali lignei, vel xylorgani ; quod ex bacillis prismaticis ligui durioris ac probe exsiccati componitur ; quamquam vitrum & metallum pro ligno nonnunquam adhibeatur. Cum bacillorum longitudo varia sit, certæque rationis, facile intelligitur, cur tonos harmonicos edunt.

VI. Principia generalia, quæ adhuc exposuimus, diversis instrumentis musicis, dein campanis, tympanis &c. applicari possunt. Tibiarum sonum ante EULERUM vulgo tribuebant tremori ipsius tibie, seu laterum interiorum fistulæ. Sed observat vir celeberrimus, omnes tibias, quacunque fiant, crassitie, & ex quavis materia, si eiusdem sint longitudinis, eundem prorsus sonum edere ; quod fieri haud posset, si sonus a vi elastica aut crassitie laterum penderet. At inquires, intra tibias diversæ amplitudinis diversa etiam massa aeris, ac columna diversæ crassitie continetur ; ergo a sola longitudine tibie sonus pendere nequit. R. Sine dubio massa aeris in tibiis inæqualis amplitudinis est diversa ; verum ita, ut crescente massa etiam pondus comprimens crescat, nempe columna atmosphæræ premens in ratione baseos. R. tota perspicua fit ex formula exprimente numerum vibrationum, a quo tonus pendet ;

$$N = \sqrt{\frac{P}{LM}}$$

Si longitudo tibiæ ponitur eadem, quacunq̃ue ex ma-

teria constet: erit  $N = \sqrt{\frac{P}{M}}$ . Porro quia pondus

comprimens est, ut massa aeris contenti, erit etiam

$\sqrt{\frac{P}{M}}$  quantitas constans, = 1, ergo si eadem est

longitudo tibiæ, numerus vibrationum intra certum tempus peractarum, ac proin tonus quoque constans, idemque manet. Quæres, quomodo aer instar fibræ aut chordæ possit concipi; cum eius partes non cohæreant: in quavis autem chorda cohæreant? R. Aer per tibiæ orificium subtus ingrediens propellit aerem in tibia contentum: is illiditur ad oram tibiæ superiorem, & a resistente atmosphæra comprimitur, qui cum se restituit, aer impulsus per totam tibiæ longitudinem se extendit, & chordam aeream ad latus tibiæ premit; hinc oscillatio totius chordæ, seu columnæ aeræ existit.

VII. Echo ex reflexione soni nascitur non quacunq̃ue, sed ordinata, quæque fit ab idoneo obice ad certam distantiam remoto. Quia sonus intra 1" percurrit 1070 pedes; & sonus in se reflexus eandem viam bis percurrit; hinc, si obicis distantia a caussa 535 pedibus distet, & auris prope causam sonantem ita sit, tum inter sonum prolatum & redeuntem tempus minuti secundi intercedet; adeoque omnes voces, quas aliquis intra hoc tempus profert, ipso desinente loqui, iterum audientur. Quo maiore intervallo obex a sono emissio remotus fuerit, eo plus temporis inter reditum intercedet; idcirco huiusmodi Echo erit polysyllaba, id est, plures syllabas aut voces repetens, quæ ab obice propinquiore duntaxat redditur monosyllaba. Pro distantia igitur obstaculorum Echo fit *polysyllaba*, pro numero eorundem, si idonea sint, & apto ordine collocata, fit *polyphona*, id est, eandem syllabam aut vocem sæpius repetens.

X

Re-

Reflexio soni, quæ sit a speculis sphaericis, parabolicis, ellipticis eodem prope, uti in luce explicavimus, modo continget.

VIII. Sonus, uti in obiecto existit vel aere, nihil est, nisi motus celerior, vel tardior, plurium aut pauciorum partium simul oscillantium. Pariter uti sonus in organo auditus existit, non nisi motus est mediante aere fibrillis nerveis impressus: hinc vero secundum leges commercii, quod inter animam, corpusque intercedit, sensatio soni in nobis oritur. Constructio organi auditus ipsa auris artificialis inspectione multo citius, quam solis verbis aut delineatione percipi potest. Quapropter eius descriptione superdere me posse censeo. Vocem humanam, & animalium ex analogia tiliarum explicabant non pauci; Sed FERRENIUS ad chordarum analogiam recurri debere docet. Institutis enim experimentis ostendit, glottidem ex plurimis nervis componi, qui cartilaginum ope diversis modis tendi, laxarive possunt; ut adeo, velut peten super chordas variæ longitudinis, diversoque modo tensas tonos admodum differentes edit; sic aer in nervos illos vario modo tensos incurrens tonos itidem varios efficere debeat.

*Mirum videtur quibusdam, plures, diversosque sonos eodem tempore citra confusionem excitari, & distincte percipi a nobis posse. At enim spectata temporis divisibilitate, ac subtilitate partium aeris, nec in eadem minima molecula nec eodem penitus tempore motus ac tremores diversi in aere concipiendi sunt. Organum auditus non sane punctum est indivisibile, sed proportionatam habet dimensionem; quæ pro varietate partium varias impressiones eodem etiam tempore valet recipere. Accedit, quod soni, quos simul a nobis, eodemque tempore percipi indicamus, reipsa haud simul adveniant, sed succedant alteri alteris; verum ob ingentem celeritatem, mentisque ac organorum imperfectionem exigua intervallo, successionemque haud discernimus. De distantia obiecti sonori, & positione eiusdem, ac directione soni iudicium ferimus quoquo modo partim ex intensione & remissione soni, partim ex adfectione quadam experimentali,*



tali, qua iam inde a primis annis didicimus, organum, hoc potius, quam alio modo adfici, quando obiectum hac parte non alia, in hac potius, quam alia distantia situm est. Saepe autem in his iudiciis ratiocinium quoddam intervenit, quo distantiam, Et positionem obiecti colligere adlaboramus. Nonnunquam ex defectu rationum, quibus eiusmodi ratiocinia constant, nihil iudicare possumus, ut si repente, nobisque non cogitantibus oritur sonus, strepitusve; tum enim aures arrigimus, Et circumspicimus in omnem partem.





## SECTIO IV.

### CAPUT I.

#### *De Proprietatibus aquæ.*

*Nemo est, teste Boerhavio, qui ex ipso usu quotidiano non indices, aqua naturam satis sibi esse perspectam; at vero, si quis eius proprietates diligentius scrutatur, facile intelligit, quantum a cognitione intimæ illius naturæ etiam nunc post observationes & experimenta plurima absumus.*

#### §. CLXXVI.

*Definitio. Aqua est corpus diaphanum, constans particulis subtilissimis, valde modicæ compressionis capax, multa corpora dissolvens, ipsumque facile resolubile in vapores, saporis omnis & odoris per se expers, plurimis partibus heterogeneis passim mixtum, aere circiter octingenties sexagies gravius.*

*Passim aqua corporibus fluidis adnumeratur; cum vero sola imminutione ignis interlabentis vis attractiva in Massam solidam illam redigat, fluiditatem aquæ non magis naturalem esse censent non nulli, quam metallis, quæ igne fundi possunt.*

#### §. CLXXVII.

*I. Diaphaneitas aquæ tam in statu glaciali, quam fluido competit, quamquam non æquali gradu. Teste Musichenbroëkio nautæ in oceano limpidissimo fundum maris 100 & ultra pedes profundum non nunquam conspiciunt.*

#### §. CLXXVIII.

*II. Subtilitas particularum aquæ ex transitu earundem per angustissimos corporum poros, & tenuissima vasa vegetabilium corporum, & animalium perspicua est. Cl. NIENWENTITIUS vaporem aquæ ex Æoli  
pila*

pila erumpentem tantæ subtilitatis invenit, ut guttula cuspidi acus tenuissimæ adhærens saltem 13000 particulas continere debuêrit. CL. KRAZENSTEINIUS vult guttam aquæ grani unius in 51733074 vesiculas resolveri. Siquis igitur eiusmodi vesiculas ex plurimis aliis multo minoribus aquæ particulis componi cogitet; facile intelligit, subtilitatem aquearum particularum velut in immensum excrescere. Unde non defuere, qui minimas aquæ particulas aereis subtiliores censerent; transeunt enim per ea etiam corpora, per quæ aeri via non patet, ceu per membranas & velicas animalium, per sphæras metallicas cavas ingente vi compressas, per quas aquam rosis instar transfudere celebri experimento observarunt florentini. Aqua chartam præsertim bibulam vix bene tactam permeat, per crassissima etiam ligna, ipsaque adeo marmora &c. quæ tamen corpora aeri transitum intercludunt. Verum etsi hæc quidem miram particularum aquæ exilitatem probent; haud tamen inferri continuo posse arbitror, aquam aere subtiliorem esse; transitus enim per angusta interstitia non a sola magnitudine particularum, sed a viribus etiam specialibus corporum pendet, per quas alia fluida magis, alia minus attrahuntur, uti experimenta tuborum capillarium, atque ipse transitus lucis per corpora diaphana ostendit. Accedit, quod corpora valde rigida, ceu aqua, vi adhibita citius perumpant obstacula, quam elastica, quæ comprimi se patiuntur.

## §. CLXXIX.

III. *Compressio aquæ* haud nulla est penitus, uti supra adnotavi de sono in aqua excitato, In Transf. Phil. Volum. 52 P. 2da observat D. Joannes CANTON, compressionem aquæ per bis sumtum pondus atmosphære esse unam partem ex 10820 totius molis. Alii etiam paullo maiorem compressionem recentissimis experimentis aquæ tribuunt. Hæc tamen non obitant, quo minus aqua corporibus durissimis adnumeretur; nulla sunt enim perfecte dura, uti nec perfecte mollia, aut elastica. Hinc lignum

planitie sua in aquam adactum finditur, ac si in corpus durum impactum fuisset. Globi plumbei ex catapultâ oblique in aquam explosi complanantur ( ut refert MUNSCHENBRÆKIUS ) perinde, ac si lapides incurris-  
sent, imo sæpe in partes dissiliunt. Ideo si vitrea la-  
gena adcurrate impleatur aqua, & os subere clauda-  
tur; si suber attingens iam aquam ulterius introrsum  
premitur, frangitur lagena. Hinc discimus, inquit cit.  
Auctor, quomodo aliquot subera ( quæ comprimi se  
patiantur ) lagenis immittenda sint, si hæ aquis plenæ  
ad loca calentia sunt transmittendæ.

### §. CLXXX.

IV. *Solvit aqua sales fossiles, vegetabiles, ani-  
males, singulos varia quantitate, ut Boerhavius obser-  
vavit, nec intra idem tempus: solvit etiam olea ve-  
getabilium, fermentatione valde attenuata, ceu spiri-  
ritum vini, aut alcohol. saponem tum naturales, tum  
arte factos, & ope horum olea: tandem terrestria fe-  
re omnia, quæ prius spiritus acidus absorpserunt.*

### §. CLXXXI.

V. *Resolutio aquæ in vapores, eiusque volatilitas  
ex modico calore orta ex ipsa illius evaporatione, cor-  
porumque humidorum exsiccatione colligitur. De qua  
re memorabiles observationes extant in Aët. Acad. Pa-  
ris: ad Ann. 1764. I. Post lapsas pridie pluvias non  
terra modo die altera aquis largiter imprægnata est, sed  
etiam illas passim ob varias suas inæqualitates in lacu-  
nulis collectas exhibet. Aquæ istæ, ex quibus per  
noctem fere nihil in vapores abit, orto sole sensim  
imminuntur, terraque exsiccari incipit, ita, ut de-  
crementum eo maius successive observetur, quo magis  
aer incalescit; & exsiccatio maxima sit ad maximum  
diei illius caloris gradum, atque sub vespertinum cum  
ipso calore imminuatur, uti horis matutinis per gradus  
aucta est. Atque hic ordo non æstivo solum, sed  
verno etiam, autumnali, imo & hiberno tempore ob-  
tinet: celerrime tamen evaporatio & exsiccatio per  
dies*

dies fit æstivos, tardius per autumnales, & verpos, tardissime per hiemales. II. Evaporationis quantitatem exactius determinavit Cl. D. HALLERUS salinarum in Bernatenſi republica Præfectus. Is in provincia Aqueſi, cum calor per omnes fere menſis Julii dies in thermometro Reaumuriano ad 28 circiter gradus intenderetur, expoſuit libero aeri atque ſolis radiis aëna, ſeu lebetes prægrandes aquis ſalinis repletos. Lebetes iſti ex marmore ſecti  $24\frac{1}{2}$  pedes longi, & 14 latierant. Continuata per 6 omnino annos ſolertia obſervavit primo, per hyemem fere nihil aquarum in vapores abiſſe, ventis licet borealibus, magisque ſiccis per intervalla ſpirantibus. Comparatis omnibus in ſingulos menſes obſervationibus per integrum ſexennium evaporation media inventa eſt pro menſe Martio = 15 lin. Pro menſe Aprili =  $35\frac{3}{4}$ . Pro Maio = 48. Pro Junio = 49. Pro Julio = 47. Pro Auguſto =  $35\frac{1}{2}$ . Pro Septembri =  $25\frac{1}{2}$ . Octobr. 15. Secundo Maxima diurna exhalatio per totum annum, & quacunquæ aeris ac tempeſtatis temperiæ nunquam exceſſit 3 lineas. Tertio Ad eundem caloris gradum, atque eadem aeris ſerenitate, diverſa diverſis diebus evaporation frequentiffime obſervata eſt. Quarto Ad maiorem caloris gradum non raro evaporation minor erat, maior ad minorem.

*De cauſſa aſcenſus vaporum alio loco agendum eſt. Nunc autem vis expansiva vaporis aquei digna videtur animadverſione. Certe vapor aquæ calentis, eſſi a pondere totius atmoſphæræ comprimatur, ſeſe ad minimum in volumen decies quater millies maius expandit, cum pulvis pyrius præſtantiffimus non niſi in volumen quater millies maius ſe explicet. Eadem vis expansiva vaporis aquæ colligitur ex ſphæra vitrea, in qua aquæ gutta recluſa eſt. Hæc enim igni iniecta maximo cum fragore diſſiliit. Eandem ob cauſſam lapides multi, ligna itidem igni impoſita favillas cum crepitu eiiciunt, aut cum fragore rumpuntur. Effeſtus machinæ Papinianæ vi vaporis aquei maxime adſcribendus eſt.*

## §. CLXXXII.

VI. Quo purior reperitur aqua, aut quo accuratius purgatur ab heterogeneis corpusculis, eo magis *destituitur sapore, odoreque*; ut minime dubium sit, quin ab alienis particulis oriatur, quidquid sapidi, vel odorati habet. Verum aqua naturalis raro, aut forsitan nunquam pura omnino est, sed fere subtilissimis omnium prope corporum terrestrium partibus inquinatur. In quem finem animadvertendum est, aquarum species vulgo sex recenseri. Prima est, quæ ex atmosphæra telluris decedit, forma pluviarum, nivis, aut grandinis. 2. Fontana. 3. Fluviatilis. 4. Putealis. 5. paludosa, 6. Marina. Porro aqua pluvia, dum per aerem decedit, eundem quodam modo lavat, secumque defert teneberrimarum plantarum semina, animalcula in aere natantia, sales volatiles, subtiles terras, plurimæque alia, quæ in atmosphæra circumvolitant. Aqua fontana, cum ex pluvia originem fere ducat, ea vix purior est. Præterea inquinatur iis partibus, quas in terra, quam perfluit, solubiles invenit, sive hæ sint terræ, vitriola, metalla, sulfura, vel alterius generis corpora. Putealis aqua per filices exiguos, purumque sabuletum fluens admodum pura est; cæteroquin & terrestribus partibus, uti fontana, inquinatur. Impura est aqua paludosa, & fluviatilis, utpote limos vehens, sordesque omnis generis, quas ventus, aer, homines, pisces aliaque animalia iniiciunt. Aqua marina præter sales continet bitumina, sordesque varias, quia flumina in mare se exonerant. Esse vero non modo aquam salfam, patet, quia sale aquis pluviiis iniecto, nunquam marinam efficies. Sapor amarus aquæ marinæ a bitumine ex fontibus submarinis fluente, tum oleis plantarum, animalium, & sale nitroso pendet. Modi, quæis aquæ impuræ vulgo purgari solent, sunt 1. *Percolatio*, si per sabulum purum, lapides porosos, ceram virgineam traicitur. 2. *Evaporatio*; Sic nautæ sublatos aquæ marinæ vapores spongiis, linteis, ac lana excipiunt, aptosque potioni experiuntur. 3. *Præcipitatio*; dum admixta materia

teriarum diffimili heterogenea corpuscula ad fundum de-  
 iiciuntur. 4. *Clarificatio*, seu admixtio corporis glu-  
 tinosi, e. g. lactis, butyri, albuminis ovi &c. quod  
 sordes omnes ad se attrahat. 5. *Destillatio*, quæ sæ-  
 pius iterata aquam dat omnium purissimam. Ex mi-  
 xture partium heterogenearum cum aquis ortum ha-  
 bent *thermæ*, *acidulæ*, *fontes soterii*, *salini*, aliæque  
 aquæ *minerales* pro varia minerarum indole, co-  
 pia, mixturaque diversa. Hinc PLINIUS tales, in-  
 quit, sunt aquæ, qualis terra, per quam fluunt.

*Utilitatem*, quæ in omnia naturæ regna ex aqua  
 dimanat, his verbis extollit Musschenbrækius in *elemen-*  
*tis Physicis*, „ 1. omnibus animalibus cedit potui; neque  
 „ potest aliquod utile vitæ & sanitati præparari potulen-  
 „ tum, cuius maxima pars non sit aqua. 2. Dissolvit  
 „ cibos in ore, & causa omnium saporum, ab anima-  
 „ libus perceptorum, existit: aridorum enim in sicco ore  
 „ nullus est sapor. 3. Est vehiculum omnis nutrimenti  
 „ animalis ad quascunque corporis partes. 4. Causa vi-  
 „ tæ existit; cum sanguinem per vasa meabilem reddat,  
 „ eumque diluat. 5. Causa vegetationis; & incrementi  
 „ omnium vegetabilium est. 6. Sed nec fossilia incre-  
 „ scerent in terræ gremio, nisi aqua partes non nullas  
 „ aliis adferret. Nullus lapis, flex, gemma daretur,  
 „ nisi ex aqua cum terris permista succus lapidescens  
 „ præpararetur, qui aliis allapsus terris in saxa, &  
 „ filices convertitur. 7. Piscium est vehiculum; 8. Ut &  
 „ navium, quibus mercaturam exercemus cum remotissi-  
 „ mis populis. 9. Pluviam format, quæ lapsu suo lavat  
 „ aerem: & eius ope abluimus quascunque sordes. 10.  
 „ Sed & fontium & fluviorum sola est causa; atque  
 „ ita movendis molarum alis, innumerisque aliis usibus  
 „ mechanicis inservit.



## CAPUT II.

*De Origine Fontium , & Fluminum.*

**T**res sunt celebriores de fontium , fluminumque origine hypothes. Prima est cartesii, qui maris aquas per canales subterraneos ingressas ad remotissima spatia contineatis, & radices montium a mari longe distantium infra terræ superficiem deferri censeat, & calore subterraneo in vapores extenuatas efferri in altum, & in locis frigidioribus concretas, perque occultos terræ meatus collectas eo pervenire, ubi fontes scaturiunt. Altera hypothesis pariter a mari derivat fontes ac flumina eo discrimine, quod salcedinem & amaritiem aquæ marinæ non calore, & destillatione quadam naturali, sed per filtrationem in locis arenosis deponi statuat. Tertia demum opinio ex vaporibus aqueis ex atmosphæra deciduis, & per rimas terræ ingressis, atque in hydrophilacia collectis fontes, ac flumina deducit: vaporum nomine pluvie, nives solutæ, grando, guttulæ roris matutini, & auræ serotinae, & quidquid aquarum per stillicidia insensibilia in terram, ac præcipue montium iuga decedit, intelligatur. Quævis istarum opinionum, si pro causâ generali sumatur, quidquam hypotheticum continet, quod per coniecturam, & ob pauca exempla sumi potest: pro vero, ac præsentî probari non potest.

## §. CLXXXIII.

Observatio I. Quævis scaturigo seu fons altior est alveo fluminis, qui ex ipso nascitur: & quivis alveus fluminis per superficiem terræ decurrentis altior est mari, in quod se exonerat. Aqua enim ex fonte in alveum fluminis, & ex alveo in mare non decurreret, sed quaquaversus diffunderetur, nisi loca humiliora inveniret. Idem ex altitudine media barometri colligitur, ipsoque situ fontium, qui fere ex ipsis montium iugis, vel ad radices montium aut collium scaturiunt. Nec tamén in ipsis montium cacuminibus ulli existunt fontes, nisi alii maiores circumstant montes, per quorum internos meatus ceu tubos communicantes aqua eo derivetur, sursumque agatur pressione alterius deorsum tendentis.



## §. CLXXXIV.

Observatio II. Dum quæritur, an origo fontium, fluminumque ex pluviis, nivibus &c. uno verbo ex vaporibus atmosphæra delapsis peti queat; in primis ad calculum vocanda est quantitas aquæ ex iis vaporibus collectæ; ut intelligi quaquâ ratione possit, eane sufficiat alendis fontibus, ac fluminibus præsertim perennibus. Pluviarum & nivium quantitatem annuam determinavit vir præclarissimus D. MARIOTTE in hunc modum. 1. observavit, pluvias annuas, quæ in solum Parisiense decidunt, si diligenter colligantur, ad altitudinem 20 pollicum ascendere; verum ut liberalior sit calculus sumatur altitudo media = 15 digit. 2. Inde data hac altitudine & basi e. g. tractu quodam telluris 60 leucas longo, & 50 lato, qui inter fontem Sequanæ, & pontem Parisinum interiacet, facile invenitur tota quantitas aquarum intra annum per pluvias & nives decidentium. Nam in spatio pedis quadrati unius, qui 144 continet quadratos pollices, posita altitudine aquæ = 15 poll. habebuntur pollices cubici aquæ =  $144 \times 15 = 2160$ ; & in pertica quadrata (quæ 36 pedes quadratos continet) erunt pollices cubici aquæ =  $2160 \times 36 = 77760$ ; sive quia 1728 pollices cubici pedem cubicum efficiunt, facta divisione in pertica quadrata habentur pedes cubici aquæ 45. Quia leuca continet 2300 perticas; & proin leuca quadrata perticas quadratas 5290000; facile invenitur quantitas aquæ pluviae in leucam quadratam toto anno decicens. Quoniam denique tractus telluris 60 leucas longus, & 50 latus continet perticas quadratas 3000; efficiet quantitas pluviarum annua in hunc tractum delapsa pedes cubicos aquæ 714130000000, id est septingenta quatuordecim millia millionum, centum & quinquaginta milliones.

*Calculus nititur altitudine annua pluviarum, quæ etiam iusto minor assumpta est. Eadem Pisis in Italia ex observationibus plurimum annorum inventa est = 33 dig.*

*Liburni ex observationibus 4 ann. maior 35; Londini 19, in*

in *Lincaſtria* *Brittaniae* provincia 41, *ultraieſſi* in *Belgio* 24; *Delphis* *Hollandicis* 27, *Medioburgi* in *Zeelandia* 33; *Lugduni* 37; *Ulmæ* 26, *Berolini* 19. Conſtat, plurimis locis intra zonam torridam pluvias copioſas per plures continenter meſes effundi, ut altitudo annua veriſimiliter ad 60 vel 80 digitos pervenire debeat. Cate-rum quoniam vapores aquei non modo pluviarum, nivis, aut grandinis forma decidunt, ſed etiam per ſtillicidia tenuiſſima, quorum quantitas ad calculum revocari nequit; hinc patet, quantitatem vaporum aqueorum quotannis decidentium quacunque forma multo maiorem eſſe quantitate annua pluviarum ſupra inventa; ac proinde etiam quantitas vaporum aquæ aſcendentium, ſive evaporationis aquæ maior erit annua pluviarum quantitate. Enimvero id ipſum experientia confirmat. Sedileavius enim obſervationibus per tres annos continuatis animadvertit, ſeptem ultimis meſibus anni 1688 altitudinem aquæ ob avuſſos vapores 22 dig. & amplius imminutam fuiſſe, altitudine media pluviarum eodem loco, & intra eoſdem meſes exiſtente 11 digitorum. Anno 1689 vapores 32 digitos, pluviae 18, anno 1690 vapores 30, pluviae 21 digitos æquarunt. Sunt, qui pro evaporatione diurna aquarum maris  $\frac{1}{2}$  pollicis ſumi poſſe arbitrantur; ut adeo evaporationis intra 360 dies, ſive annua proxime efficeret 90 pollices. Sed ſupra indicatum eſt §. CLXXXI. evaporationem diurnam 3 trium linearum, ſive  $\frac{1}{2}$  poll omnium maximam eſſe, quæ intra totum annum quacunque aeris, & tempeſtatis regione contingit. Accedit, quod in maiore aquarum profunditate, præſertim ſi fundo molliori incumbunt, haud paullo fortassis minor evaporationis aquæ fit, uti tum minor eſt caloris intensio, ac conſervatio, e contrario creſcet evaporationis aquarum maris ob liberrimum radiorum ſolis acceſſum, ventorumque ſtatus & perpetuam agitationem aquarum; cum obſervante *Halleio* multo minor ſit evaporationis in locis, ubi nec ſol, nec venti ulli nec aeris agitatio ſuperficiem liquidorum attingit.

### §. CLXXXV.

Obſervatio III. Exploratum eſt, in interioribus plu-

*plurimorum* montium colliumque visceribus reperiri hydrophilacia magna, & parva, seu cavitates, quas pluviae, nives solutæ, & vapores omnis generis per terræ rimas, lapidum fissuras, glebam spongiosam, & arenarum cumulos penetrant, colliganturque alio dein loco exitum reperturæ. Id Valisnerii observationes, Kircheri mundus subterraneus, & ipsa fossorum experientia indubitatum reddit, post duodecim enim fere a pluviis delapsis horas intra fodinas etiam perquam profundas adnadvertunt paulatim penetrare aquas, ac per tenuissimas vias stillare. Nec alium aqua putealis explicatum habet. Sic ERNDTELIUS in Waravia illustrata testatur, se in puteum descendisse 1600 pedes altum, atque observasse in diversis altitudinibus aquam per rimas terræ in puteum stillantem. Le MONNIER in fodinis lithantracum Arvernæ observasse se ait, pluvias ad altitudinem 250 pedum in solum irreplisse. Sine dubio pro diversa constitutione interna telluris aut montium diversam profunditatem attingent aquæ, cum partes interiores teste Cl. LE PLUCHE e crustis diversissimis componantur, quæ poris plenæ sunt sat amplis, ac rimis quàm plurimis. Per has igitur aquæ necessario penetrant, usque dum in stratum incidant argillaceum vel lapideum, quod ulteriorem descensum prohibeat, guttasque colligat in fontem quendam deinceps derivandas.

Ex hac observatione duo colligenda sunt: primo aquas & vapores in guttulas concretas ad notabilem profunditatem penetrare in terram, montiumque viscera, & maiore copia in receptaculis quibusdam congregari. Nec dubium videtur, quin id locis quàm plurimis contingat. Cl. de La Hire experimentum observationibus certis obstare non potest. Is vas plumbeum ad profunditatem 8 pedum in terra defodit, deprehenditque, nihil aquæ pluviae per annos quindecim lapsæ in illud defluxisse. Verum nec satis penetrant aquæ, ne colliguntur quovis loco, nisi aptas vias strataque commoda inveniant. Pro varia constitutione soli, ac situ stratorum quidam montes, collesque fontibus abundant, alii destituuntur.

## §. CLXXXVI.

**Propositio.** *Origo fontium, fluminumque a vaporibus ex atmosphæra decidentibus potissimum repetenda videtur.* Probanda est primo veritas sive realis existentia, ac præsentia causæ adsignatæ & secundo sufficientia.

I. Durante siccitate flumina minuuntur, ac quidem fontes, putei, ac torrentes omnino exarescunt: uti Cl. Mariotte anno prioris seculi octogesimo primo, cum in galliis æstas esset siccissima contigisse refert: e contrario post diurnas pluvias fontes vel iterum manare incipiunt, vel liberalius aquas effundunt: flumina quoque intumescunt. 2. Rari sunt fontes in iis regionibus, ubi raræ sunt pluviae, aut nives; eiusmodi sunt plurima loca Africæ ob hanc causam parum habitatæ. Plerique fontes in montibus vel ad pedem montium oriuntur, a quibus non modo ingens pluviarum, niviumque solutarum vis absorbetur; sed vapores humidos maxima quantitate attrahi constat. 4. Montes, qui stratis argillaceis, lapideisve continendæ aquæ idoneis destituti sunt, aut in quibus stratorum situs recipiendis aut continendis aquis aptus deficit, fere nullos emittunt fontes. 5. Quidam fontes aut lacus primum ineunte, vel adulto vere manare incipiunt, sub autumnum minuuntur aut penitus exarescunt; nempe solis vi liquatæ nives in hydrophilia desluunt, & ita fontes scaturiunt, vel in alveum latiore collectæ lacum efficiunt. Hæc quidem omnia manifesto indicio sunt, fontum, fluminumque aquas non nisi a vaporibus ex atmosphæra delapsis originem ducere.

II. Sufficientiam aquarum ex atmosphæra quotannis decidentium pro alendis fontibus ac fluviis Cl. MARIOTTE collegit in hunc modum. Quantitas aquæ alendo per annum Sequanæ requisita ne quidem sexta pars est aquæ pluviae annuæ, quæ prope Sequanæ fontem in tractu 60 leucas longo, & 50 lato intra annum decedit. Id quidem perspicuum est, si utraque moles aquarum comparatur. 1. Cum latitudo media Sequanæ sit 400 pedum profunditas media 5 pedum, erit

erit sectio verticalis dicti fluvii = 1000 ped quadr.  
 2. Experimentis & principiis hydraulicis deprehendit Mariottus quovis minuto primo aquam fluminis 100 pedes circiter infra pontis fornicem procurrere; ex quo collegit, in tota sectione verticali intra minutum primum pedes cubicos aquæ 200000 devolvi: quavis hora 12000000: quovis die 288000000; demum integro anno 105120000000. Si hæc quantitas comparetur cum annua quantitate pluviarum, (§. CLXXXIV) erit illa ad hanc, ut 1: 6, 7. Igitur sexta pars aquæ pluviae annuæ alendo Sequanæ facile sufficit; cumque in aliis zonæ temperatæ regionibus par, & in quibusdam maior aquæ pluviae copia decidat; verisimile est, illius quoque sextam circiter partem aliis fluminibus alendis sufficere.

*Celeritas aquæ fluentis minime constans est, ac sæpe plus, quam duplo maior deprehenditur præsertim si pluviiis vade crescunt: at non raro eadem etiam minor, uti & latitudo ac profunditas pariter minor, quam in calculo sumebatur, visa est. Si fontibus & fluminibus duntaxat sexta pars vaporum ex atmosphæra delapsorum cedit, reliqua moles aquarum ad nutriendas plantas & animalia, ad irrigandam terram &c. haud ægre sufficiet. Equidem novi, secundum observationem d. De La Hire plantas immodicam aquæ copiam haurire; verum dici minime potest, eas radice telluri inserta tantundem sugere, quantum caudice in aquam mersa attrahunt; quo quidem modo experimentum ab Hirio institutum est. Dein nec totum id, quod plantis in alimentum cedit, fontibus & fluviiis continuo detrahitur. Nam ob continuam evaporationem magna pars humoris iterum separatur a plantis, & sub specie roris aut nebulæ decidit, & a ventis ad montium iuga & fontium incunabula deferri potest.*

## §. CLXXXVII.

### RESOLVUNTUR QUÆDAM DUBIA.

I. *Esti vapores ex atmosphæra decidui fontes & torrentes temporarios gignant; tamen fontibus, & fluminibus perennibus alendis haud sufficiunt præsertim duran-*  
*te*

*te siccitate; quod enim iugiter manat, iugi affluxu eget; qui a pluviis incertis provenire haud potest.* R. 1. vaporum, ac tenuium nebularum fluxus quidam, ac stillicidium satis continuum ac perenne est; et si pluviae ac nives duntaxat per intervalla, incertisque vicibus labantur. Tenuissimæ autem guttulæ iugiter destillant, dum per varias rimas hauriuntur, & velut tubulis quibusdam capillaribus exceptæ evaporationi minus obnoxie sunt, ingentem vim aquarum in hydrophilacia perpetuo conferre debent, præsertim quia pluviis deficientibus multo largius vapores stillant, & solutio nivium ac glaciei in montibus ob calorem siccitati vulgo coniunctum maior est. Præterea fontes & flumina non utique parem aquæ copiam profundunt durante siccitate, ac dum pluviae statò tempore cadunt. Fateor, difficultatem facessere huic sententiæ Americæ fluvios, qui, cum & plurimi sint, & maximi, iidemque perennes, vix originem ex pluviis habere possunt. Ricciolus Geog. L. X. C. 7 fluvios solius Americæ australis æquiparat 2240 Padis Italiæ; qui numerus superat molem reliquorum totius orbis fluviorum simul sumtorum. Nam Americæ Boreali tribuit Pados 619, Africæ 190, Asiæ 465, Europæ 88. Verum hæc quidem moles aquarum nec satis explorata est, nec quantitas pluviarum quotannis decidentium. Id constat, eos fluvios e tenuibus initiis ad tantam vastitatem pervenire, ac montes Americam per inde ac Europam continuo tractu dividere; quapropter excipiendis vaporibus canales maiores deesse non possunt. Certe cum maris aquæ, et si tot fluvii augeatur, minime exundent, eosdem circulatione quadam exonerari necesse est; quatenus nimirum aqua in vapores mutata fontium originem efficiat, præcipue circa loca montosa, quo vapores maiore copia recidunt.

II. *Complures sunt fontes, qui fluxum & refluxum maris imitantur; hos igitur cum mari communicare admodum verisimile est.* R. Hæc æstus species non nisi in fontibus mari vicinis deprehenditur; ac tum, si fontes falsi sint; ea sine dubio ex communicatione quadam cum aqua maris oritur; si autem sint fontes dulces, for-

fortassis aer, dum mare affluit, conclusus in cavitate aquam subterraneam continente comprimitur, & aquam extrudit, qua viam reperit; uti in machinis quibusdam aut fonticulis artificialibus contingit; neque enim cavitates, subterraneas, in quas maris aqua sese infundat, negamus, si ad distantiam non adeo magnam ab ipso mari pertineant. Quod vero istiusmodi cavitates in omnibus locis præsto sint, ubi fontes & flumina oriuntur, profecto mera hypothesis est.

III. *Sub montium arcuatis cavernis non modo receptacula aquarum reperiuntur, sed integra flumina decurrunt.* R. Extant enimvero quibusdam locis fluvii subterranei, sed qui dulces iam aquas vehunt; neque ex mari versus cavernas, sed ex his versus mare se effundunt.

IV. *Sunt fontes, qui non nisi certis horis, & per intervalla manant.* Hi originem trahere videntur ex nivibus montosa loca obidentibus; quarum partes sol certis duntaxat diei horis dissolvere potest.

V. *Insulæ in medio mari sitæ suos fontes habent, qui perennes aquas suppeditant.* In insulis ob circumfusum mare admodum copiosus est, ac perpetuus vaporum ascensus, qui ab insularibus terris aliisque corporibus attracti, aut in rorem, nebulam, pluvias concreti incredibilem aquæ copiam suppeditare debent. In insulis quidem Philippinis fere per mediam anni partem densissimæ cadunt pluvix.

*His expensis sententia a nobis proposita admodum verifimilis videatur necesse est; præsertim si difficultates, & arbitrariæ hypotheses aliarum opinionum, quas recensuimus, eidem opponantur. Qui maris aquas filtratione purgari autumant, atque ita purgatas in fontes dulces derivari, contrariis experimentis, & rationibus cito confutantur. Valisnerius centies percolavit aquam salinam per varia filtra, nimirum per arenas, spongas, terras diversarum minerarum; sed irritò semper conatu. Dein quia pes cubicus aquæ marinæ soli expositus peracta evaporatione, minimum duas salis libras reliquit,*

Y

116

incredibilis salium vis a maris aqua, priusquam ad scaturiginem pertingit, deponi deberet. Cartesii sententia nimis hypothetica videtur; nam sine sufficientibus argumentis sumuntur innumeri meatus subterranei a mari per centum milliaria & amplius pertingentes: fingitur in iisdem calor admodum intensus, quo aqua in vapores extenuari queat cum vulgo eo maius frigus observetur in fodinis, quo profundius descenditur. Ne vapores per easdem vias, quibus ascendunt, denuo recidere debeant, sumuntur meatus superne sinuosi, aliaque id genus, quæ fictæ ad libitum hypotheseos notam vix effugiunt.



## C A P U T, III.

### De Cursu Fluminum.

**E**a fuit plurimorum opinio, leges de velocitate, & quantitate fluidorum e vasis erumpentium ad motum fluidorum per canales, fluminumque per alveos suos decursum transferri posse. Verum experientia, adcurataque observationes tot in hac re leges, & theorias doctissimorum virorum subverterunt, ut is motus aquarum decurrentium aque systematum, quam repagulorum, aggerumque impatiens videatur. Accedunt anomaliam innumera ab ipsa fluminum indole, soli natura, litorum riparumque constitutione, & alveorum adfectionibus variis, ob quas generatim definire quidquam vix ac ne vix quidem potest. Quapropter potius, indicanda & monenda quadam capita, quam explicanda, aut demonstranda hoc loco sunt.

### • §. CLXXXVIII.

Definitiones. I. Aqua sat copiosa per canalem superius apertum, seu alveum iugiter defluens, vocatur *flumen*. II. *Sectio fluminis*, vel alvei est planum ad fundum, & motus fluminis directionem perpendiculari, cuius termini congruunt cum terminis aquæ per alveum decurrentis. III. *Alvei regulares* dicuntur, quo-



quorum sectio est rectangulum; quales fere sunt soli artificiales. Nam naturales alvei admodum irregularis figuræ sunt; Neque in iis altitudo seu profunditas, nec latitudo fluminis est constans; hinc, quæri solet ex pluribus observationibus altitudo media; quarum factò æquatur sectio fluminis; ut si ea exprimantur literis initialibus, sit  $S : s = AL : al$ . IV. *filum fluminis* vocatur linea, quæ in singulis sectionibus transit per punctum, in quo celeritas aquæ fluminis est maxima; neque enim per totam sectionem æqualis est aquæ decurrentis velocitas, sed minor prope fundum, & ad ripas, quam e. g. in centro sectionis regularis præsertim si maior est fluminis altitudo. V. *Celeritas absoluta* aquæ est certa ratio spatii ad tempus, qua exhibetur spatium, quod intra datum tempus motu æquabili percurri debet: celeritas relativa est ratio celeritatum inter unum aquæ filum per punctum quoddam sectionis transiens, & aliud filum per aliud punctum transiens. VI. Flumen in *eodem statu manere*, aut *statum permanentem retinere* dicitur, quando in eodem loco semper eadem manet altitudo aquæ.

## §. CLXXXIX.

Axiomata. I. Quantitas aquæ per datam sectionem in tradatum tempus transeuntis æquatur factò ex sectione in celeritatem; uti cum supra §. CLXXXVI. sectionem sequanzæ posuimus = 2000 pedum quadratorum, & celeritatem = 100, qua nimirum intra minutum primum centum pedes percurrantur; quantitas aquæ intra hoc datum tempus devolutæ necessario æquatur 200000 pedibus cubicis aquæ. Quia celeritas in diversis punctis sectionis diversa est, sumitur ex pluribus observationibus celeritas *media*, ut quantitas aquæ defluentis proxime obtineatur. Sint quantitates diversæ  $Q$  &  $q$ ; sectiones  $S$  &  $s$ , celeritates  $C$  &  $c$ ; altitudines sectionum  $A$  &  $a$ ; latitudines  $L$  &  $l$ ; erit  $Q : q = CS : cs$ ; cumque sit  $S : s = AL : al$ ; erit  $Q : q = ACL : acl$ . II. Dum flumen in eodem statu permanet, æqualis aquæ quantitas defluit eodem tempore per sectiones quascunque; Secus enim flu-

men intumesceret quodam loco, vel detumesceret, proindeque constans non maneret in eodem loco altitudo aquæ, nec flumen in eodem statu. Erit igitur ( si flumen in eodem statu permanet ) in quavis sectione  $Q = q$ ; igitur  $CS = cs$ ; consequenter  $C : c = s : S$ ; hoc est, in flumine status permanentis celeritates sunt reciproce sectionibus. III. Ex æquatione  $Q = CS$ ; facile intelligitur ratio quantitatum aquæ defluentis, si sectiones, aut celeritates, vel ambæ ponuntur æquales, seu constantes. IV. Sint bini fluvii, alter in alterum influens, uterque retinens, quamdiu in suo alveo sunt, statum permanentem, ut, si diversæ sectiones fluvii influentis considerentur, sit  $Q = q$ ; proindeque  $C : c = s : S = a l : A L$ ; ac proinde erit velocitas fluvii influentis  $C$  ad velocitatem eiusdem in alieno alveo ( loquimur enim duntaxat de aqua, quæ de novo accedit ) in ratione inversa latitudinis alveorum, & intumescentiæ  $a$  ad altiudinem

$$ACL$$

priorem  $A$ ; hæc autem intumescencia  $a$  erit  $= \frac{ACL}{cl}$ .

Sit  $C = 4$ ;  $c = 3$ .  $L = 20$ ,  $l = 30$   $A = 10$ ; erit intumescencia  $= 8 \frac{1}{3}$ . V. Auçto fluvio quantitas aquæ decurrentis est ad quantitatem pristinam in ratione composita altitudinis, & velocitatis; est enim  $Q : q = ACL : acl$ ; & in eadem sectione  $Q : q = AC : ac$ .

## §. CXC.

Observationes. I. Omnia flumina, uti in alveis suis decurrunt naturalibus, plurima subeunt motus obstacula in fundo, ripis tum ab ipsa istarum asperitate, tum a partibus prominentibus, vel dehiscantibus & excavatis. Cohælio dein partium fluidorum facit, ut resistentia, quam aliquæ partes subeunt reliquæ massæ communicetur; crescit ea resistentia crescente celeritate fluminis. Accedunt multiplices vortices, dum aqua obstaculo quodam impedita, quo minus cursum suum libere prosequatur, loco quodam altius ascendere cogitur, indeque decidens undas efficit, partim vero reflectitur, partim ad latera diffluit semper cum diminutio-

tionem quadam celeritatis. Eiusmodi obſtacula ſunt fulcra, piſcinæ, ſaxa maiora, ripæ, herbæ ex fundo eminentes, ramuſculi &c. exoneratio rivi, torrentis, vel unius fluvii in alterum; nam flumina aquas ſuas non ab uno quodam fonte hauriunt, ſed a tenui vena ad ingentem amplitudinem perveniunt ab aquis in ea concurrentibus, ceu rivis, torrentibus, aliis fluviis minoribus, aut ſcaturigine non una ex ipſo fundo alvei erumpente. Ac ſi torrens aut rivus copioſus, aut fluvius in alium influit, tum ſectio aquæ, quæ percutitur ab influente, tum celeritas, ac directio incurrentis ſpectanda eſt; eritenim ceteris manentibus iisdem reſiſtentia maxima, quando directe, ſive ad angulum rectum incurrit; unde maxima incommoda & frequens exundatio conſequitur. Contra ſi angulus, ſub quo A incurrit in B, valde acutus eſt, ab incurſente A celeritas fluvii B augeri debet. In fundo tum latitudo, tum æquabilitas, tum declivitas conſideranda eſt: in ripis ſitus verticalis, vel inclinatus, rectus, vel in anfractus, & flexus excurrens.

II. Aquam continuato diu motu ipſa ſaxa excavare, docuit experientia. Si loca arenosa, vel argilloſa attingit, eiusmodi particulas continuo abradit, ſecumque vehit maiore vi & copia, ſi celeritas maior fiat. Hinc eiusmodi aqua fit turbida, & corrodendo alveum arenam protrudit. Partes vero protrusæ ibi maxime ſuo pondere cadunt, & relinquuntur, ubi celeritas & vis aquæ maxime imminuitur.

II. Flumina in maiore a mari diſtancia magis intumeſcunt plerumque, quam prope mare, in quod ſe exonerant. Id animadverſum in Pado eſt, qui quidem prope mare ſatis cohibetur per aggeres ſuperficiem conſuetam aquæ 5 pedibus excedentes, cum in locis remotioribus pedes 20 requirantur. Alii id maiori latitudini alvei, alii maiori aquæ velocitati tribuunt.

IV. Celeritas fluminum minime reſpondet altitudini fontis ex quo deſcendunt; nam obſervatum eſt, flumina maiora, quæ regalia dicuntur, raro maiorem in ſuperficie velocitatem habere, quam ut intra horam 3 milliaria conſiciant, quorum unum 1000 paſſus,

sive 5000 pedes continet. Si ergo tria eiusmodi miliaria, sive 15000 pedes percurruntur intra horam, perspicuum est, intra 1" non nisi  $4\frac{1}{2}$  ped. sive 50 pollices percurri. Ut intelligatur, quam parum hæc celeritas altitudini ex qua delapsa sunt flumina, respondeat; quæraturs altitudo verticalis, ex qua libere decidens grave terrestre acquirat celeritatem, qua intra 1" conficeret motu æquabili 50 pollices. Ex Mechanica §. XCVI. Probl. III. Ea altitudo verticalis est

$$= \frac{4g}{C^2} \text{ Est autem } g = 181''; \text{ \& } C = 50 \text{ ex hypo-}$$

thesi; unde  $C^2 = 2500$ ; facta divisione obtinentur 3, 4 pollices. Atqui altitudo fontium non pollices aliquot, sed 1000, vel 2000 ped. sæpe æquat. In Monumentis Acad. Paris. ad ann. 1730, 1732 Cl. PIRORIEM ita examinat. Altitudinem, ex qua sequana descendit, sumit 200 pedum; ac ponit corpus libero descensu intra 1" conficere duntaxat 14 pedes; indeque facile eruit, velocitatem eorum etiam fluminum, quorum origo admodum alta haud est, vigesies aut trigesies maiorem fore ea, quæ actu in illis deprehenditur; si quidem ea responderet radici altitudinis, ex qua descenderunt. Id facile intelligitur, si ex scholio §. XCVI. Probl. IV in Mechanica nostra quæraturs celeritas finalis corporis ex altitudine 200 pedum delapsi. Demonstravimus eam universe exprimi per valorem 2g T. Ex hyp.  $g = 14'$ . Ut inveniatur valor quantitatis T, sive temporis, fiat:  $\sqrt{14} : \sqrt{200} =$

$$1 : \sqrt{\frac{200}{14}} = T; \text{ sunt enim tempora ut radices quadratæ altitudinum; unde quæsitæ celeritas finalis fit}$$

$$= \frac{28 \sqrt{200}}{\sqrt{14}} = 105, 8 \text{ pedum. Tot ergo pedes flu-}$$

men percurreret intra 1": si eius celeritas altitudini 200 pedum quoquo modo responderet. Verum ea teste experientia longe minor est. Imo ponatur dimidiam duntaxat celeritatem inventam flumini competere; conficiet is intra 1" pedes 52, 9; ac intra horam pedes

190440 id est, plus quam 38 milliaria, quorum singulis tribuuntur 5000 pedes.

Ratio tanti decrementi velocitatis alia esse nequit, quam quod celeritas, quæ ob alvei declivitatem crescere deberet, tantundem fere ab obstaculis minuatur; ita ut mox omne incrementum celeritatis ab opposita quadam resistantia extinguatur; hinc, sicut in corporibus levibus per aerem decidentibus contingit, motus fluminis ad æquabilitatem accedit, quando summa incrementorum velocitatis summam resistantiarum æquat. Ob hanc causam fieri potest, ut etiam crescente alvei declivitate celeritas fluminis non crescat, aut omnino minuatur. Si altitudo fluminis per pluvias, aut alterius aquæ adiunctionem augeri solet, quia maxima resistantia prope fundum, & ripas partibus tantum vicinioribus maxime communicatur; ipsum vero augmentum pressionis & celeritatis, quod ex aucta altitudine consequitur, totam fluminis massam afficit: hinc etsi declivitas fundi ad celeritatem augendam aliquando parum conferat; tamen aucta altitudo plerumque maiorem accelerationis effectum habet. Hoc modo secundum observationem D. PITOT, etsi fluvijs Lovre per alveum sub maiore angulo inclinatum decurrat, quam Sequana; hæc tamen illo velocior est, quia profundior. Cæterum velocitas fluminis eiusdem ne in una quidem sectione horizontali, sive in eadem a superficie distantia constans & æqualis deprehensa est; quo enim propius ad ripas accedit aqua, eo tardior illius motus est, tum ob resistantiam a ripis ortam, quæ partibus interioribus ad aliquod spatium communicatur, tum ob minorem ad ripas profunditatem, quæ ex deposita ob minorem celeritatem arena per sese necessario consequitur. Porro qua lege a ripis ad medium decreseat velocitas, generatim definiri haud potest. Similiter existimandum est de velocitate, quæ in eadem sectione verticali in diversis a fundo ac superficie distantis obtinet; quapropter ut de celeritate fluminis constitui quidquam possit; haud aliud remedium superest, quam ut illa in pluribus sectionibus verticalibus & horizontalibus quam fieri potest, diligentissime observetur, indeque ernatur velocitas quædam media. Methodus observandi celeritatem fluminis ope quadrantis binis pendulis instructi describitur una cum cautelis a R.

*P. Lecchio in opere Hydrostatico Mediolani edito Anno 1765. Interest autem determinare fluminis celeritatem, quando de operibus hydraulicis struendis seu aggeribus, pontibus &c. aut derivandis aquis, certaue ratione dividendis agitur. Prætermissa pro instituto nostro descriptione instrumentorum animadversiones quasdam subiiciemus, quæ ex præmissis observationibus seu corollaria deducuntur.*

## §. CXCI.

**Corollaria. I.** Quoniam altitudo aquæ celeritatem auget, resistentia autem riparum, & fundi eandem minuit; idcirco in fluminibus præsertim altioribus a superficie versus fundum ad aliquod spatium crescit; inde usque ad ipsum fundum iterum minuitur. Præcipitanter igitur non nulli statuerunt, velocitatem maximam in ipsa aquæ superficie haberi; id enim in fluminibus minus altis duntaxat obtinet; ipsaque experientia teste generatim verum non est.

**II.** Si resistentia ab utraque ripa æqualis est, uti maxime in alveo regulari contingit; filum fluminis æqualiter ab utraque ripa distat; eritque in medio fundi maxima corrosio; quia is locus respondet celeritati maximæ, & filo fluminis. Si autem resistentia ex utraque parte riparum inæqualis; eo accedet filum fluminis, ubi minor est resistentia.

**III.** Filum fluminis non est proximum ipsi fundo eiusdem; seu supra eum aliquantum attollitur; ratio intelligitur ex cor. I. nam resistentia fundi ob cohæsionem partium fluidi aliquo usque sursum versus superficiem propagatur.

**IV.** Arena a fundo vi fluminis avulsa ad latera maxime dispergitur, ibique deponitur, cum minor sit versus latera aquæ celeritas; quapropter alvei figura etiam ex hac causa sæpe mutatur. Verum id in flumine regulari maxime contingit. In aliis pro diversa tenacitate fundi & partium in eo depolitarum sæpe filum ad latera accedit relicta in medio copia ingenti arenæ. Sic quia asperitate fundi celeritas minuitur, sæpe

ſæpe arena loco quodam maxime aſpero deponitur; unde aucta reſiſtentia paulatim inſula in flumine naſcitur; quæ maiorum mutationum deinceps cauſſa exiſtit.

V. Quando aqua maiore impetu ad ripam accedit, ibi in vorticem agitur, fundumque excavat.

VI. Si latitudo fluminis inæqualis eſt diverſis locis, mutatur celeritas aquæ decurrentis; unde arena de loco in locum continuo transfertur, ac flumen perpetuas mutationes ſubit.

VII. Corroſio unius ex duabus ripis fere occaſio eſt alluvionis in altera: dum enim ſilum fluminis ad partem corroſam accedit; retardatur motus in parte oppoſita; ibi ergo arena deponitur; & alluvio, id eſt, incrementum continentis, datur.

*Multa præterea de aquis derivandis per canales artificiales, & iuſta lege dividendis, de ſtruendis aggeribus, & munitionibus riparum, de paludibus exſiccandis referri ad hunc locum poſſunt; quæ quidem cum paucis verbis exponi haud poſſint, ex virorum ſolertiſſimorum operibus petenda ſunt, qui experientia duce ea argumenta pro dignitate pertractarunt.*



## C A P U T IV.

### *De Proprietatibus Terræ Elementaris.*

*Terram conſideramus hoc loco, uti elementum eſt corporum mixtorum, quod in alias heterogeneas partes nulla arte adhuc reſolvi potuit. Hinc variae ſpecies terræ non ad terram elementarem, ſed ad corpora mixta eorumque claſſem, quæ foſſilia dicuntur, referri debent.*

## §. CXCII.

Definitio. Terra est materia non fluida quoad maiores massulas leviter cohærens, & friabilis, sicca, opaca, in igne fixa, nec liquabilis, nulloque menstruo solubilis, etsi per aquam in lutum emolliatur (quo casu notabiliter intumescit) levior lapidibus & metalis, aqua gravior, saporis & odoris expers, quædam tamen adstrictione linguam adiciens. Terra his notis distincta *virginea* dicitur a chemicis; quæ ut in globo terraqueo reperitur, fere aliis partibus salinis, sulfureis, lapideis commixta est, nec nisi arte & industria ab aliis materiis excerpitur, & ad nativam simplicitatem reducitur; quæ quidem tanta est, ut teste BOERHAVIO in omni rerum natura vix simplicius quidquam reperiatur.

*Modi quibus terra virginea obtinentur sunt destillatio, exustio, putrefactio. Sic ea reperitur in exustis vegetabilium cineribus aquæ lixivio a sale purgatis: in sedimentis tum oleorum, quando vi flammæ sulfur tenacius absumtum est, tum iis, quæ a partibus animalium omni emissio phlegmate relinquuntur. Salia alcalica lapidum calcinatione obtenta, postquam in aere humido liquefcentia penitus in auras avolarunt, eam deponunt. eadem ab aquis pluviis etsi limpidissimis, ac nivibus in destillatione relinquitur. De proprietatibus terræ huius elementaris præterea adnotanda quædam sunt.*


## §. CXCIII.

I. *Terra fixa* est natura sua; at cum ea salibus, & sulfuri facile adhæreat, ab iisdem redditur volatilis; ut patet cum ex pluviis terram virginiam relinquentibus, tum ex fuligine splendente ex qua phlegma, oleum, & terra eruitur. Vicissim sales, sulfura & bitumina, si terra sua exuuntur, ex fixis continuo volatilia fiunt. Hoc igitur elementum omnibus corporibus quasi firmam basin dat, cæteraque principia & sibi & inter se unit.

II.



II. Quoniam terra *friabilis* est, eius particulæ homogeneæ non nisi modicos contactus videntur admittere; cur autem interlabente igne fluida non fiat, verisimiliter ex defectu subtilitatis ad fluiditatem requisitæ fit, ut adeo molculæ illius crassiores cenferi debeant aliis aliorum elementorum minimis particulis.



SE-

## SECTIO V.

### CAPUT I.

#### *De Regno Minerali.*

*F*iguram globi terraquei exposuimus in *Mech. Sett. VII. C. IV.*  
*De elemento terræ egimus paullo ante. Nunc tam facies exterior, quam interior telluris lustranda, & quidquid continet, quod terræ nomine venit, examinandum, sed potius enumerandum est; quia nec dignitas rerum, nec copia intra præfixas angustias biennalis institutionis alio modo constringi potest.*

#### §. CXCIV.

##### TERRÆ FACIES INTERNA ET EXTERNA.

I. Exterior terræ facies aqua & terra constat, a qua nomen trahit. Ultra plus spatii in superficie terræ occupet, disceptatur; nec vero definiri adcurate potest ob partes quasdam orbis nostri parum adhuc cognitæ. Terras quidem cognitæ maribus itidem cognitæ amplitudine cedere, plurimorum opinio est. Plures terras uti magnam, Platonis insulam absorptas, & aquis contactas fuisse historię & veterum & nostrorum etiam temporum in calliano Peruvizæ urbis portu memorant. Alibi vero novas insulas exortas, alibi ad plura milliaria mare recessisse ex itinerariis recentissimis intelligimus.

II. Alterum, quod in terræ superficie maxime in oculos incurrit, sunt catenæ montium, quibus velut fasciis globus noster colligatur. Notat P. KIRCHERUS ab ipso polo arctico seriem unam montium per Islandiam in Scotiam, Angliam & Germaniam usque ad alpes duci, quæ Apennino innexæ continuantur per Siciliam ad Africæ iuga; unde procurrunt usque ad promontorium bonæ spei; a quo subter aquas usque ad terras australes, & polum cognominem merito continuari censentur. Alia catena a polo boreo priorem ad angulos fere rectos interfecans extenditur per Tar-

ta-

tarāam usque ad Imaum, qui mons Scythiam & Indiam usque ad Promontorium Comorinum interfecat, & in Ceylanam insulam transilit. Hinc occultis meatibus Austrum petit; ex altera vero parte ad fretum Magellanicum, seu potius in Promontorio Hörnii emergit; ubi ingentes, ac terribiles nunquam non tumultuantes maris fluctus non nisi latentibus immensis montibus vectores adscribunt. Sequitur mox catena Andium Americam meridionalem interfecans, quæ aliis per novum regnum montibus iuncta in boreales Americæ regiones late se diffundit. Tertiam memorat transversam ex ortu ab ultimis Sinensibus ad Imaum, ab hoc per Scythiam, Asiam minorem usque ad alpes Cottias & Rhætiæ per Delphinatum, & totam Galliam Narbonensem Pyrenæis commissas usque ad ultimum terminum propagatam.

III. Montes mundo cœvos, & ante diluvium extitisse, sacra historia docet. Plures fuisse terræ montibus absorptos, cum PLINIO alii testantur. Altitudo montium maxima ex certioribus dimensionibus Americanis censetur 3000 hexap. secundum perpendicularum. Sunt autem ibi, ut aiunt, montes, qui respectu montium Europæ se habent, uti turre civitatum ad domos eivium. Montibus tyrolensibus & helveticis tribuunt 1500 hexap. inter Pyrenæos maximo Canygo 1440, ipsi *Pico*, qui hætenus censebatur omnium altissimus, Feuilleus non nisi 2213 hexap. tribuit.

IV Kircherus cum famosos in Italia montes ignivomos, Vesuvium Neapoli, Ætnam in Sicilia, & Strongylum in Lipara vilitasset, inde ideam suam de interna telluris structura desumit, terramque in ventre suo passim focos alere, quos *pyrophilacia* vocat, censuit, qui dein per quosdam ductus veluti venas inter se communicantes sursum ad montes Vulcanios, aut campos Phlegræos deducantur. His iungit hydrophilacia, & aquæ ductus subterraneos, e quibus aquæ ad maria, & fontes pertingant. Cætera spatia interna terræ, rupes, metalla & semimetalla complent, quæ partim pabulum igni præbent, partim aquis suas virtutes communicant. Sed hydrophilacia quidem multiplici observatione ex-  
plo-

plorata habemus, nec iisdem, quamcunque de origine fontium, fluminumque sententiam adsciveris, ullo pacto carere potes. At de pyrophilaciis nec id probant montes ignivomi, nec ut admittantur, ulla necessitas exigit. Chemicis satis notum est, solutione acidorum, attritu sulfureorum ignes excitari. Constat, montes vulcanios mineralibus terris abundare; & cum a mari plerumque haud longe distiti sint, ab eodem inflammabilem materiem, nempe sulfuream, bituminosam, & oleosam infugere possunt. Præterea ex fossorum testimoniis compertum est, minerarum venas infra 500 hexapedas non descendere, ac quo profundius fodiendo pervenitur, eo terram magis constipatam, nisi forte aqua interluatur, & durissimas rupes inveniri. Nul- lum ibi pabulum igni aptum, nec aer flammæ satis idoneus præsto est. Denique experimenta probant, pulveres sulfureorum pyroatrum aqua madefactos, ærique pervios accendi; aer ipse supra terram terreis exhalationibus foetus quodam modo inflammatur. Similes tempestates quas supra terram experimur, subtus terram necessario oriuntur, aere mineralibus, & sulfureis, bituminosis, aliisque exhalationibus in subterraneis inspissato; qui dum exitum non invenit, subito dilatatus succedentibus nitrosis exhalationibus & vaporibus aqueis in furoris societatem pertraëtis incumben- tem molem concutit, atque si minor fuerit resistētia, penitus evertit. Habemus igitur genuinam *Terræ motuum* originem, ob quos non raro nostris quoque temporibus flammæ ruptis montium petris in auras prosiliere. Quodsi accensi eiusmodi halitus per cæcos ductus infra terram propagantur, latius grassabitur pestis, præsertim si alium in via aerem similiter paratum invenerit. Hinc *per communicationem* aere sibi per rimas & rupium fissuras viam faciente ingens terrarum tractus tremet, uti anno 1755 per totam prope Germaniam contigit. Quodsi materia ignea consumitur, & obstructi forte meatus pabulum ab aquis subvehendum arcent, exuruntur montes, atque ignis extingui- tur, quemadmodum pluribus Americæ locis contigisse accepimus. Nec vero Vesuvius ultimis seculis tanto- pere furere legitur, ut olim teste Plinio aliisque fu-  
re-

rebat, quando cineres Romam usque delatos fuisse narrant

V. Tellurem in plano fodientibus varia terrarum strata occurrunt VARENIUS Amstelodami pro puteo effossa humo ad profunditatem 232 ped. varias omnino species eruit, terram hortensem; combustibilem nigram vulgo Torff, argillam mollem, arenam &c. Similia referunt alii, ut satis constet, nullum in successione eorum stratorum ordinem gravitatis specificæ fervari. Argilla iis maxime locis arenæ subiicitur, ubi scaturigines aquarum reperiuntur; per arenam enim, & sabulum penetrant aquæ, & subiecta argilla, ne ulterius descendant, vel a terra spongiosa imbibantur, prohibet. Longe alius materialium ordo, ac diversitas in plerisque montibus ac fodinis reperitur. Universe autem regnum minerale, si ve tota eorum, quæ terræ visceribus continentur, congeries in sex classes tribuitur; quarum I. continet terras fossiles, II. lapides, III. salia, IV. bitumina V. semimetalla, VI. metalla; de quibus deinceps agendum est.

## §. CXCV.

### TERRÆ FOSSILES,

I. Terrarum fossilium quatuor sunt ordines, qui in eo conveniunt omnes, quod constent partibus leniter cohærentibus; unde siccæ friabiles sunt, madefactæ autem ductiles. Dein quod in igne sint fixæ; quapropter ab arenis necessario distingui debent, quæ ad lapides, & vitrescentia amandantur.

II. In Primo ordine *calcarix terræ* duæ sunt species, ambæ *alcalicæ*, quæ ab acidis fervendo solvuntur, & igne calcinantur. Primam speciem constituunt *creta albæ* ex corruptis lapidibus calcariis, aut conchiliis ortæ. Huc pertinet creta Anglicana. Species secunda est *marga* stercoreandis agris macrioribus utilissima.

III. Secundi ordinis terra *gypsea* etiam *selenitica* vocatur, coloris albi. Hæc nili mixta sit cum acidis,

dis, non effervecit. Gypsum aliqui pro terra calcaria acido vitriolico saturata habent.

IV. Tertius ordo *argillosarum*, quarum pinguedo a sulfure, & acido vitriolico provenit, tres habet inferiores species. In prima sunt terræ *medicinales*, vulgo *boli*, aut *terræ figillatæ*, Samnia, Lemnia, Armena, Melitenfis &c. in secunda specie sunt terræ *pistoriæ*, uti flavum, rubrum, viride montanum. Hæ argillæ ferrum continent, quo orbatæ albefcunt. Tertia specie continentur terræ *mechanicæ*, ut terra figulina, terra fullonum seu sinectis, tripolitana, quibus etiam accensent porcellanam.

V. Quarti ordinis terra hortensis, cum minus simplex sit, sed ex prioribus, aliisque corporibus corruptis composita, prout magis vel minus apta est ad nutriendas herbas, aut pluribus oleosis, salinis, aliisque partibus constat, vel paucioribus; ita in pinguem & macram, in fertilem, & sterilem dividitur.

## §. CXCVI.

### LAPIDES.

I. Lapidum ordines sunt tres; *Primus alcalitorum*, qui ab acidis solvuntur, & igne calcinantur. Horum gemina species est; primam faciunt *lapides calcarii*; quales sunt vulgares calcarii varii coloris; dein marmora, quæ per capacitatem polituræ a calcariis differunt, & plus sulfuris, cui colorum diversitas adscribitur, ac minus salis continent. 3. *Spatum alcalicum*, quale est chrystallus Islandica apud Newtonum ob duplicem refractionem notabilis, tessellati sunt eiusmodi lapides, & indicium nobilis metalli plerumque præbent. 4. *Stalactites*, tophus ex aqua guttatim e rupibus stillante, & concrecente, uti prope Essingam in Bavaria. Secundam speciem faciunt *gypsei*. Hi non nisi post calcinationem ab acidis concitantur, & exsiccati rursus indurescunt, ut gypsus albus, seu griseus instar parallelopipedorum excrescens: *alabastrum* polituræ patiens marmori cedit duritie: *spatum gypseum*, quale est *selenites*, aut lapis specularis.

II.

II. Ordo *argilloforum* complectitur species quatuor; 1. *Smectiten* ( *Seifenstein* ) 2. *Amianthum*, seu alumen plumeum, qui aquis innatat: 3. huic similem *asbestum* graviolem, duriolemque. Hi duo in fila duci possunt: igne non læduntur: papyro, telæ, elychnio perpetuo conficiendis idonei sunt. 4. *Talcum* nec igne, nec aqua stygia solubile. 5. *Micam flavam* ( *Raueugold* ) *albam* ( *Raueusilber* ) vel *gryseam* ( *Basferbley* ). His accensetur vitrum *Moscoviticum*, quod non abit in gypsum, ut *Selenites*. Hi omnes ab acidis intacti manent: ab igne indurescunt.

III. Ordo est *vitrescentium* qui acidis non obnoxii in igne, si iam non sunt, abeunt in vitrum. Horum species numerantur. 1. *Schistus*, saxum fissile, cotes, & lapides lydii. 2. *Silex* semper extra fodinas & rupes in campis solitarius, sensim in terram cretaceam abit. Ad silices pertinet *Achates*. *Quarzi* vocantur silices opaci & crudi, lapides arenarii, pyrites, lapides molares: ad achates vero *Carniolus* a colore carneo dictus, *Chalcedonius* minus pellucidus, griseus, & nebulosus, qui si fascias habet, ac strias nigras *Onyx*, aut *Sardonix*, si nigri & rubri circuli miscentur; vocatur: *Opalus* pellucidior colores varios pro vario oculi situ exhibet. 3. *Petrofalex* e rupibus eruitur, minore duritie & quod parcius chalybi ignem præbeat, a priore differt: est præterea polituræ patiens: aliquando semipellucidus, alias opacus: varii coloris: unde jaspides unicolores, aut variegati, uti lapis lazuli, & porphyrius a colore rubro, albis, nigris, & flavis maculis distincto. 4. *Corneus*. 5. *Pumex*, 6. *Gemma*. 7. *ChrySTALLUS montana*.

IV. *Gemmarum* ordo secundum duritiem maxime hic statuitur. Primatum obtinet *Adamus* omnis coloris expers, candefactus, aut soli expositus lucet in tenebris. 2. *Rubinus*, qui maior *Carbunculus* dicitur; in igne, nisi in flavedinem vergat, colorem non mutat. 3. *Saphirus* colorem cæruleum, aliquando aqueum, aut subviridem amittit in igne. 4. *Topazius*, colore aureo vivido, aut suboscuro, vix ignis patiens est. 5. *Smaragdus*

Z

ragt

*ragdi* color viridis stabilis est, licet in ipso igne cæruleus evadat. 6. *Chrysolitus* est viridis subflavus: ignem non fert. 7. *Amethystus* violaceus, aliquando dilutus, in flavum, aut etiam sanguineum colorem declinat: in igne colliquescit. 8. *Granatus* pariter liquefit; retinet tamen obscuram suam rubedinem, 9. *Hyacinthus* ex flavo rubescit, pariter in igne liquefcens, uti & 10 *Berillus* coloris viridis subcærulei. Ex his omnes præter primos tres lapides lima anglicana domantur.

V. *Chryſtalli montanæ* aliquæ coloratæ sunt, & vocantur gemmæ spurizæ: limæ cedunt; & quia facile in igne funduntur, Chryſtallo albæ varii colores arte conciliari poſſunt. Huc etiam pertinent lapides figurati, plantarum, animalium, hominum figuras phantaziz vel oculis exhibentes: item petrofacta, quæ ab incruſtatis diſtingui debent, & demum calculi in plantis, vel animalibus coaleſcentes, quorum omnium vel nomina referre longum eſt.

Lapides omnes in eo conveniunt, quod ſint corpora firmiter compaſſa e terris: ab aqua non ſolvantur; & niſi addatur menſtrum quoddam formæ fixæ, in igne vix liqueſcant. Arenæ vel ex minimis variorum lapidum particulis conſtant, vel ſi homogeneæ ſunt, ad unum ex his ordinem referri debent. Dicunt, ſaxa etiam duriffima accenſo & fervente lardo facile frangi; ac diſrumpi, forte ob pingue humidum, quod ſali admixtum flammam acriorem diutius conſervat. Lapides creſcere inſtar vegetabilium Tournesortii olim erat opinio: ſed paucos habuit ſequaces, hodie, opinor, nullos. Materia lapidum terra ſola eſſe non poteſt; quia hæc firmitatem lapidum, niſi aliud quid accedat, non recipit. Apud chemicos compertum eſt, terras ſalibus miſtas igne in vitrum converti. Salia quædam, uti urinæ, per lentiffimam evaporationem obtenta, etiam fervente aqua non amplius ſolvuntur; igitur eiufmodi ſalia pro præcipuo lapidum conſtitutivo merito habentur. Aqua, generale menſtrum, variis particulis imprægnata, ſi unum in locum confluit, poſt evaporationem relinquet maſſam pro varia combinatione ac doſi ſalium, ſulſurum ac terra-



rum & metallorum modo diaphanam, modo semiopacam, iam excolorem; iam unius, aut multiplicis coloris. Unde, sicut hoc succo petrifico varii exsurgunt lapides, & siquidem continuus adsit affluxus, crescunt (uti speciatim de marmoribus compertum habetur) ita etiam varia corpora amissis suis partibus humidis si succus petrificus eorum poros subire potest, eodem penetrati, atque intime imbuti lapidescere possunt. Quodsi succus crassior poris excluditur, crustam iisdem inducet. De figuris quorundam lapidum, veluti gemmarum, & de variis petrosactorum tam ex regno vegetabili, quam animali generibus, difficilius est rationem sufficientem exponere. Novimus enim varias salium figuras; sed neque harum ratio, nisi forte admodum generalis, satis cognita est: neque ex his solis lapidum figura, nisi temere repetitur. Lusus naturæ vox est, quæ præter effectum, atque id, quod oculis cernitur, nihil denotat; quapropter sine vitio subreptionis pro causa earum rerum assignari nequit. Pisces, conchilia, bestiarum ossa, & alia eiusmodi petrosacta ab universali diluvio nonnulli reperiunt. Lacus terræ motibus haustos, congestam alibi inundationibus terrarum, ac lapidum molem scimus; ac verisimile est, huiusmodi casibus talia corpora terris ac petris tumulata progressu temporis petrosacta fuisse. Sed reperiuntur non raro in locis, ubi nec levis suspicio concipi potest aquæ illuc delatæ multo etiam, minus memoria extat. Verissimum illud quoque, similitudines figurarum non raro lithophilis ansam varia comminiscendi præbere.

## §. CXCVII.

## SALIA.

I. Salium binos esse ordines memoravimus in Introduct. ad Physicam specialem §. VI. Acidum salis; quamdiu aliis materiis mixtum non est, sed soli aquæ, aerique & igni in aqua contento; vocantur spiritus acidus, ac longissime durat. Eiusmodi spiritus quadruplicis classis sunt. 1. Spiritus salis. 2. Nitri. 3. Vitrioli. 4. Aceti. Alii spiritus acido mixti, uti spiritus Tartari, iam compoliti sunt. Acida cum plu-

rimis corporibus miscentur; ac si corporibus terreis (dentis metallis) sint commixta, omnem acrimoniam amittunt, & saporem; ut patet in creta, coralliis, lapide cancerorum, testis ostreorum quocunque acido ad saturitatem solutis. Acida vegetantia vel nativa sunt, aut producuntur fermentatione, exustione, destillatione. *Nativa* in omni fructu immaturo insunt; item in succo recente aurantii, citrii, limonii, qui plumbum, stannum, cuprum, ferrum solvit. In aliis vegetantibus acidum est occultum, & fermentationeprehenditur. Succus maxime maturi, ac dulces vegetantium, seu uvæ, item mel, saccharum nihil aciditatis habent, sed vehementiore fermentatione se prodit. Acida vinosa vel liquida sunt, ut in vino acido, vel cum tartaro mixta solida. Acida acetosa, fermentatione longius producta denique in verum acetum abeunt, uti si vina cum acidis austeris e. g. botris immaturis, & crudis de novo fermententur longius. Ignis ex fibris ligni præsertim recentis eiusmodi acidum spumæ vel aquæ specie cum sibilo eiicit; qui quidem liquor, si excipiat, penitus acidus deprehenditur, omnesque aciditatis proprietates, & vim solvendi aciditatis communem habet. Ob hanc causam fumus lignorum maxime virentium acerbissimo dolore urit oculos. Ex vegetabilibus destillatione obtinentur acida singularia, balsamica, oleosa.

II. Sal Alkali fixum nomen habet a herba kali, quæ in ægypto ad litora Nili, ac maris locis sale fecundis nascitur, & exusta cineres præbet salso & acris sapore naturam salis prodentes. Alkali fixum (nam aliud est volatile) dividitur in *minerale* seu *natrum*, prout est in fontibus quibusdam medicatis: & *vegetabile*. Hoc diffunditur in aere humido, & in oleum liquefit; quæ propterea *olea per deliquium* vocantur. Sunt igitur hæc alcalica veri magnetes aquæ, eamque attractam, cum ab eadem celeriter solvantur, validissime retinent, ut nec vehementi igne ea penitus spoliari queant. Attrahunt etiam subtilius phlogiston; sed si aquæ coniungi possunt, id deferunt, & quodammodo repellunt. Hinc obtinetur modus spiritum vini ab aqua purgandi per adpositum Alkali, quod continuo aqua se

se saturans gravitate sua fundum petit, & phlogiston supernatans relinquit, ut lenta vasis inclinatione effundi possit. Origo salis *volatilis* copiosior ex regno animalis est: dein ex acrioribus vegetantibus.

III. Hactenus salia pura, quæ nihil heterogeneum, & alienum a natura salis admixtum habent, eaque simplicia designavi. Sunt alia *composita* duplicis generis. 1. *Composita pura*, quæ ex binis puris, acido nempe, & alcalico inter se mixtis constant, & *falsa*, *neutra*, vel etiam *mixta* vocantur. Alia *composita non pura*, quæ *media* nuncupantur, etiam ex partibus non salinis & sæcibus non alienis componuntur, *Sal commune* seu marinum, *Sal gemmæ*, & fontium (parum enim hæc differunt) prope æquali alcali & acidi dosi constat. Acidum ex iis extractum adpellatur *spiritus salis*, qui ferrum, cuprum, stannum, non item argentum solvit. Is spiritus adpositus aquæ forti vocatur *aqua regia*, quæ aurum solvit, non item argentum.

## §. CXCVIII.

## BITUMINA.

I. Duo sunt bituminum ordines. Ad primum *sulfurea fluida*, ad alterum *firma* referuntur. Ordo fluidorum continet, *Naphtam*, quæ ex gallia, & Italia petitur: amæni odoris: a flamma vel eminus admota accenditur, & ipsi spiritui vini innatat. Trahit aurum ex aqua regia. 2. *Petroleum* crassius odore terebinthino. 3. *Maltham* valde viscidam, ex qua destillata oleum naphthæ simile obtinetur.

II. Bitumina firma sunt 1. *Succinum*, seu *electrum*. Origine fluidum esse animacula & plantulæ, quas aliquando includit, testantur. Huic adfines est *asphaltum*, seu pix iudaica, ut vocant, & *Gummi Copale*. 2. *Ambra* optima ex mari ad insulas Sumatram & Madagascar habetur: igne vehementiore fit volatilis: aquæ innatat, & sola e terrestribus bituminibus a spiritu vini solvitur. 3. *Gagates* succinum nigrum & lævigabile: odore, opacitate, & levitate, quæ

quæ innatat, ab Achate nigro dignoscitur. 4. *Lithantrax* lapis fossilis defectum lignorum supplet, & loco cinerum massam nigram spongiosam, veluti scoriam, relinquit. Affines ei sunt carbonēs fossiles, quorum ignis brevior, & debilior. 5. Humus *Turfæa* seu innumeris plantarum radiculis mixta, ac bitumine facta. 6. *Sulfur minerale*, seu ex pyritibus sulfureis. Nativum raro purum est.

## §. CIC.

### METALLA.

I. Metallorum bini sunt ordines, *nobilium*, & *ignobilium*. Generatim non solvuntur ab aqua: funduntur igne: gravitate cæteris corporibus præstant.

II. In ordine primo *aurum* eminet. Dotes sunt 1. *Gravitas* omnium maxima; quæ est ad gravitatem aquæ, ut 19, 64: 1. alii volunt 19, 4: 1. Sed considerata est & puritas auri, & diversa gravitas aquæ. 2. *Ductilitas*; unde non multum sonorum est. 3. *Facilitas* in fusione, qua magis etiam præ aliis metallis expandi videtur. 4. *Fixitas in igne*, qua nihil aut parum omnino ponderis ac massæ perdit. Volunt non nulli aurum per lentes causticas vitrificatum, ac immutatum fuisse, dubitant alii, & suspicantur materiam aliam auro mixtam, & particulas auri cum aliis heterogeneis vi ignis abreptas. Menstrua tamen auro addita, ut arsenicum, antimonium, & zincum volatilitatem: aqua regia chrySTALLIFICATIONEM inducit. 5. Solvitur enim ab aquis stygiis. 6. Mixtio iam facilior, iam difficilior cum aliis metallis: a quibus tamen ductilitas auri patitur, plurimum a plumbo, & stanno: minimum ab argento. Aurum mixtum argento volumen utrique respondens assumit: maius, si eupro, stanno, ferro, zinco: minus, si plumbo vel wismutho miscetur. 7. Color denique auri nulla temporis aut aeris iniuria læditur. Dividitur aurum in *nativum*, & *mineralisatum* seu contentum minera, quæ est coagulum ex variis corporum terreorum, & metallicorum specibus, per quæ metallum, cuius minera di-

titur in particulas oculo etiam armato invisibiles dispersum latet. Aurum nativum reperitur in fluviis, ut Tago, Isara, Rheno maxime ad Philippopolin &c. in quibus auri granula arenæ miscentur: passim autem argentum secum fert præsertim in venis & maculis palidis lapillorum. Mineralisatum reperiri ullum, Recentiores fere negant. ●

III. Auro proxime accedit metallum recens ab Hispanis haud procul ab alpebus repertum, quod *Platina del Pinto* vocant. Gravitas eius ad aquam 19, 24: 1, auro fere suspar, & maior, quam in mercurio. Fixitate aurum fere superat, nec solitarie ab igne funditur. Solventia habet eadem: auro semel mixtum omnes probationes eludit; ei tamen maiorem pallorem inducit: ductilitate multum eidem cedit, eamque, si auro mixtum sit, imminuit. Si mixtio ex auro, & platina solvitur in aqua regia, napta solutioni superfusa solum aurum attrahit, relicto altero. Cautè hoc metallum ab Hispanis custoditur propter fraudes, quibus committendis foret aptissimum.

IV. Argenti gravitas ad aquam est ut 11, 09: 1. fixitas eadem fere, quæ in auro: per antimonium, arsenicum, acidum falis communis fit volatile. Ductilitate auro proximum est: elasticitate, & firmitate non nisi cupro, & ferro cedit: unde soni claritas: facilius præ auro funditur, & mercurio facile miscetur. Est aliud nativum aliud mineralisatum. In Quarzo, spatho, corneo lapide, schisto & cobalto frequenter in superficie se prodit. Hinc etiam variæ dantur argenti minere; prouti aliis semimetallis ac fossilibus mixtum est, ceu sulfur, arsenico, cupro, ferro, antimonio &c.

V. Ad ordinem ignobilium metallorum pertinent cuprum, ferrum, plumbum, stannum. Ac *cuprum rubens Suecicum* est ad aquam, ut 8, 78: 1; purius Japonicum ut 9: 1. Fixitas mediocris: ab igne validiore in fumum, per lentes causticas in vitrum rubrum, igne leniore & diuturno in calcem rubentem abit. Ductilitas argento proxima: elasticitas & firmitas soli ferro cedit, præ quo tamen sonat melius, maxime stannuo mixtum, quo tam ductilitas, quam ela-

sticitas augetur : argento difficilior funditur. A zinco fusum convertitur in aurichalcum; quod ductilior sit, si zinci ipsius minera (Gallmey) miscetur; vocaturque Prinmetall. Cuprum nativum fluidum habetur in aquis cæmentitiis, quæ corpora injecta præcipue ferrum vulgo dicuntur in cuprum convertere: solidum reperitur aliquando in lapidibus quibusdam; & in arenaria sub figura capillorum, & granulorum. Minerae cupri sunt vitrea sulfure, & arsenico: hepatica sulfure & ferro: ochra viridis; cærulea ditissima arsenico, & alcali: alba & grysea sulfure, arsenico, & argento: flava sulfure, arsenico, & ferro mixta. His accedit minera cupri ex aliis composita lapidea, uti in schisto, argenti plerumque feracissima: alia item est terra alcalina in terris, vel lapidibus calcariis, item marmoribus.

VI. *Ferrum* ad aquam est ut 7, 65: 1; imo purissimum ut 8: 1. Fixitas maior, quam cupri. Igne intensissimo in scoriam nigram, per lentes in friabilem, diuturna candefactione in fumum desinit. Ductilitas exigua: maxima firmitas & elasticitas: eiusdem fusio difficillima: trahitur solum a magnete, eiusque vires imbibit, nisi confusum habeat antimonium. De ferro nativo disputant. Dicitur in Hybernia reperiri stagnum, cui baculus infixus post menses aliquot partim ferreus, quoad fundum penetraverat, partim lapideus, quoad intra aquas extabat, extrahitur. Minerae sunt magnes, hæmatites, minera martis grysea ex sulfure & arsenico, lapides martiales diversi coloris, smiris; ochra ferrea, mica ferrea &c. Chalybs est ferrum multiplici fusione, candefactione, & refrigeratione temperatum.

VII. *Plumbi* gravitas ad aquam est 11. 3: 1. Fixitas exigua; cum mox in fumum, calcem, vel vitrum seu lythargyrum abeat. Minium vocatur calx plumbi rubra. Ductilitas maxima, firmitas exigua: minor elasticitas; sonus proinde fere nullus. Fit friabile ab admixto sulfure: omnia metalla solvit præter ferrum. De plumbo nativo iterum dissensio est. Minerae plumbi sunt galena punctata, vel striata, alia  
spa-

spathacea alba, alia viridis vel flavescent. Datur etiam terra plumbea, et cerussa nativa.

VIII. Stanni denique gravitas minima 7, 32 : 1. Sola tenacitate & elasticitate plumbum superat. quamquam sonum puriorem edat, si aliis metallis miscetur. Nativum scitur nullum; ferme soli ferro cum arsenico in mineris iungitur; quæ sunt Chrystalli minerales; aliæ Chrystalli in massis lapideis dispersæ; item lapides stanniferi.

## §. CC.

## SEMIMETALLA.

I. *Semimetalla* minus & ductilia & fixa sunt metallis; in aliis notis communibus cum iisdem prope conveniunt. Primum locum obtinet *Mercurius*, quem ingente frigore ad firmitatem, & malleabilitatem perducere posse, §. XX. indicavimus; ut proin quoad hanc proprietatem ab aliis metallis non differat, quam quod minimo caloris gradu fluorem aquirat. Gravitas eius post aurum, & platinam maxima, ad aquam est, ut 14 : 1. Eius minera est cinnabaris nativa. Ipse etiam nativus disperse reperitur in variis terris, & lapidibus.

II. *Arsenicum* ex sulfure & sale caustico constat, instar farinæ albo, aut (raro quidem) in figura chrystallorum parietibus fodinarum adhæret. Flavescent auri pigmentum vocatur, quod est veluti eius minera. Reperitur etiam cum sulfure, & cupro, seu ut vocant, in cupro Nicolai, & in terra arsenicali (vulgo *Schwabengift*) & aliis aliorum metallorum mineris. Inter metalla, & semimetalla levissimum est, nempe ad aquam ut 5 : 1. Regulus Arsenici gravior fit ex ferro vel cupro simul præcipitato. Quoniam vero a fluidis facile solvitur, salis indolem magis, quam semimetalli habet.

III. *Wismuthum* colore albo flavescente aut rubente foliis tessellatis constat: sub malleo omnium maxime friabile: gravitatem habet ut 10 : 1. Leni igne funditur ante candefactionem; intensiore vitrescit cum

colore rubeo fusco. Cobaltum autem: alias semper nativum habetur: sulfuri nunquam coniungitur. Ex eo paratur color cæruleus.

IV. *Cobaltum* coloris grisei, rigidum, & minus ductile, insigni gravitate: ægre funditur: eius calx additis filicibus calcinatis & cineribus clavellatis æqua portione mixtis in vitrum cæruleum abit, cuius pulveres præbent smaltam. Purum non reperitur: miscetur sæpissime arsenico, wismutho: nunquam sulfuri aut cupro.

V. *Zincum* album subcæruleum inter semimetalla maxime ductile, elasticum, & sonorum, gravitatem ad aquam habet ut 7: 1. funditur facile. Eius minera est terra cadmia, aliæque: inhæret etiam mineris plumbi. Indicium est; si pulvis mineræ flammam virentem præbet. Unde astrichalcum in lamellas tenuissimas deductum per flammam candelæ in cuprum reducit, zinco flamma decocto.

V. *Antimonium*, seu regulus antimonii argentei, & splendentis coloris, fragilissimum, ex meris radiis compactum, ægre funditur: gravitatem habet ut 7, 5: 1. post calcinationem in vitrum fusce rubens abit. Antimonium est minera ipsius reguli, copioso sulfure mixtum; habetque similitudinem cum minera argenti alba, sicut mica ferri, nisi quod ad flammam candelæ statim colliquescat,

Ex dictis liquet, omnia metalla, excepto auro, argento, & mercurio per ignem in vitrum abire: unde legitime concluditur, ea triplici principio, nimirum terra subtilissima, sale alcalico & phlogisto constare, atque ex iis componi. Cur autem de reliquis non idem sentiamus? nisi summa mercurii volatilitas obstaret; cur non is pariter hanc mutationem subire posset? maior unius aut alterius elementi portio uti a g. terre, fixitatem maiorem adferre potest, & vitrescentiam cohibere; quam ab auro & argento non omnino alienam quidam putant. Fuere, qui mercurium ob fluiditatem nequidem inter metalla aut semimetalla numerandum putabant, alii ex eo matricem nobilium metallorum efficiebant.



bant: frustra, ac falso, ut quidem opinor. Vana quoque a plerisque reputatur migratio metallorum in alia; cum nullum eius rei exemplum natura, multo etiam minus ars adferat. Quod enim de ferro in cuprum mutato narrant, similiter fit, ac in petrificatione, ut scilicet exesis ac corrosis particulis ferri maiore copia succedant cupreae, & hoc modo ferrum quodammodo cuprifecitur. Recentiorum chemicorum experimentis constat, in plurimis corporibus particulas variorum metallorum latere; unde si ex his quidpiam metalli nonnunquam extrahitur; istud utique de novo non generatur per artem. Utrum omnino id fieri non possit, diversa quaestio est. Metalla ex suis principiis composita fortassis naturæ viribus in eadem resolvi, adeoque corrumpi possunt; cur non ex iisdem componi de novo, & generari? Quousque vires & progressus artium pertingere queant; nemo facile definit.

## §. CCI.

## MAGNES.

I. Singularem inter semimetalla, si tamen his accenseatur ferri minera, mentionem meretur *Magnes*, lapis ferruginei plerumque coloris, satis iam notus. Invenitur is passim inter ferri mineras, ex quibus frustum lapidis huiusmodi excisum, si in parva navicula imponitur aquæ, facies illa, quæ in minera austrum respiciebat, constanter versus boream se convertit, & vicissim, quocunque situ imponatur: idem fit, si suspendatur e filo, ut libere convertere se valeat. Hæc lapidis istius proprietas *directio magnetis* vocatur, atque ob eam duo velut *poli* oppositi in eodem concipiuntur, quorum axis per lapidem transit, unus *borealis*, qui boream semper respicit: alter *australis*, qui austrum, quamquam revera prout in cunis suis, sive in minera spectatur *magnes*, denominationes istæ permutari deberent.

II. Directio versus polos non est in ipso plano meridiani, sed ab hoc versus occasum, vel ortum declinat, non tantum in diversis, sed eodem loco nunc plus

plus nunc minus. Hæc variatio dicitur *declinatio magnetis*. Pariliis Anno 1550 declinabat 8 gradibus ad ortum, Anno 1580 vero  $11\frac{1}{2}$  gr. rursus anno 1620. 8. gr. anno 1666 fere congruebat lineæ meridianæ. Anno 1699 8 gr. ad occasum vergebat: anno 1757.  $17\frac{1}{4}$  gr. & anno 1770 omnino 19 gr. 55'. Cl. GRAHAMUS Londini anno 1722 observavit 8 Martii deviationem magnetis ab hora 3 usque ad 8 a gradu  $14\frac{1}{2}$  usque ad  $13\frac{1}{2}$  gr. decrevisse, & ab 8 ad 12 horam a  $13\frac{1}{2}$  usque ad 14 crevisse. Neque tamen decrementa continua fuere, sed per vices interpolata, ut intra horam tertiam & 8vam nunc  $14\frac{1}{2}$ , nunc  $14\frac{3}{4}$  obtineret.

II. Hæ observationes lingua, five acu magnetica factæ sunt, per quam & alia deviatio detecta fuit, quæ est *inclinatio* versus horizontem. Vestigium huius inclinationis cernitur, si crudo magneti scobs ferrea inspergitur: adhærent enim exigua ferri spicula ita lapidi, ut quæ propiora sunt polis, magis erecta stent, & in ipsis polis situm axi polorum fere parallelum assumant.

IV. Ex hoc mira vis *attractionis & repulsionis* in magnete cognita fuit, qua ferrum in maioribus etiam distantis ad se trahit, non minus, ac magnetem alium ita tamen, ut in magnete non nisi poli diversi boreus australem, australis boreum trahat, poli vero cognomines se mutuo fugiant. Magis vero admiranda est communicatio huius vis, quam ferrum magneti affricatum, aut diutius adplicatum recipit, adeo quidem, ut eadem cum ipso lapide phænomena directionis, declinationis inclinationis, & repulsionis spectanda exhibeat; quin ipsam vim tractivam lapidis sua armatura augeat; quæ iam diligentius exponenda sunt.

V. Lapis inermis parum virtutis ostendit; sed si ad cotem in duas facies planas (complanetur parallelas, in quibus siti sunt poli ipsius; iisdemque adplicentur utrinque lamellæ ferreæ politis pedibus instructæ, augentur vires eousque, ut non raro pondera decuplo, maiora trahat, retineatque. Rara huius virtutis exempla passim apud scriptores extant.

VI. Prima dedit nautis usum magnetis Amalphis (canit poeta quidam) nempe Joannes Goya Amalphinus Neapolitanus anno 1302. Secundum alios Paulus Venetus lingulam magneticam anno 1260 usibus nauticis aptasse dicitur quem tamen ipse a Sinensibus accepisse fertur.

IV Acus chalybea bene æquilibrata, & in medio instructa pileolo, sive exiguo cono excavato, quo filo acutissimo aurichalcino committitur, ut supra eundem liberrime converti possit, ad polum quendam fricetur, statimque cuspis polum mundi alterum, scilicet si ad australem acus affricta fuerit, borealem, & vicissim respiciet, nec amplius erit in æquilibrio, sed cuspidem mox ad horizontem inclinabit. Cuspides duarum acuum ad eundem polum affrictarum se mutuo fugient, diversis animatæ se trahent.

VIII. ut autem usus ad duplex phænomenon declinationis, & inclinationis, observandum commodior sit, acus pariter duplex paratur, & una quidem pro *declinatione*, ita, ut ante affrictum ea parte, qua austrum respiciat, aliquantum præponderet, ut dein post affrictum vel iam æquilibrio vel litum horizonti parallelum habeat, aut lima demendo quidpiam facilius ad eum reducat. Notandum vero, quod vario affrictu ad eundem licet polum, eadem cuspis diversum polum respiciat. Sit enim (F. XIV. T. III.) lingula AB cum suo capitello F; Si cuspis B respiciat polum boreum, in C adplicetur magnetis CE australis polus C; isque continuo ductu super chalybem ducatur versus B, & ultra in D; tum per semicirculum DHE reductus polus rursus a C similiter versus B producat, idque tamdiu, donec chalybs satis virtutis magneticæ imbibisse censetur. Quod si frictio fiat ex B in C eodem polo; cuspis B austrum petet; & siquidem mutatis vicibus ductus nunc ex C in B, nunc ex B in C continuentur, vis in ductu præcedente inducta per sequentem destruetur. Pixiis tali acu instructa super lineam meridianam collocatur; & circulus in fundo pixidis vel margine in quadrantes & gradus divisus notabit declinationem acus a circulo meridia-

no. Circulus autem qui per acum transit, & verum loci meridianum secat, appellatur *meridianus magneticus*: ipsa autem pixis tali acu instructa *declinatorium magneticum*.

IX. *Acus inclinatoria* circulo verticali committitur, habetque axem in medio. Sed eam ad observationes minus aptam experti sunt Physici ob ipsam acus flexibilitatem, qua fit, ut centrum gravitatis in acu mutetur pro varia eiusdem inclinatione. Huic malo sequente ratione mederi possumus. In primis certum est, acum, quæ ante receptum magnetismum ad unam partem inclinatur, a vi magnetica adhuc magis inclinari; & quia per variam inclinationem mutatur vis præponderans, certa inclinationis quantitas hoc modo nunquam obtinebitur. Dein certum pariter est, quod, si acus nondum fricta eam præcise inclinationem haberet, quam vis magnetica inclinans per se efficere, hæc inclinatio nec post receptam vim magneticam augetur, nec minueretur. Igitur acus ita construenda est, ut, antequam imbuatur vi magnetica, ad varias inclinationes redigi possit, quibus notatis uni harum respondeat inclinatio post vim ei tributam, quæ vera erit in loco observationis. Hoc ut obtineatur, acui, cuius longitudo ad 20 digitos pertingere potest, adfigatur circellus aurichalcinus DE (F. XV.) diametri circiter 4 dig. cuius centrum sit in axiculo acus politissimo, divisus in 360 grad initio capto ex parte, quæ austrum A respiciat in linea per mediam acum transeunte, & circulum bissecante. Eidem acui aptetur indiculus C qui partem sexagesimam ponderis totius compagis ex acu, & circulo non superet. Hic indiculus mobilis sit circa axem, quin tamen suo pondere se sponte vertat, & primo reducatur ad initium divisionis seu ad O, aut 360. Conficiatur iam (F. XVI.) alius semicirculus MN ligneus, pede suo P super quadratam tabulam ST mobilis, & in 180 gr. divisus. In medio fiat furca quædam G circa O continens duo frustula vitrea, quorum acies in centro semicirculi axem acus AB utrinque excipiant. His vitris imponatur acus, ante quam magneti applicetur, & reducatur una cum circello, & in-

indiculo 360 gr. notante in æquilibrium, ut situm horizontalem obtineat. Ubi notandum, quod acu intacta correctio per limam in circello facienda sit, ut æquilibrium obtineatur. Hoc labore finito indiculus C moveatur successive per gradus sui circelli, & ad singulos notetur inclinatio acus AB in semicirculo ligneo, & gradus tam indiculi, quam acus in tabulam quandam æquationis referantur usque ad 90 gr. Confecta demum tabula fricetur acus modo supra descripto, ut cuspis B boream respiciat. Acu sic parata & vitrorum aciebus imposita, & indiculo C, quo lubet, posito planum semicirculi & acus ponatur in meridiano magnetico, & notetur gradus inclinationis acus. Si gradus in ligneo semicirculo a cuspide signatus respondeat gradui ab indiculo signato, erit illa inclinatio vera acus magneticæ loco observationis respondens; secus indiculus eo usque promovendus, vel reducendus est, donec gradus semicirculi respondeant iuxta tabulam æquationis. E. C. contineat tabula hos numeros circelli.

40 - Semicirculi 43

45 - - - 47½

50 - - - 51

Si acus notet gradum 47½ indiculo stante ad gradum 45, habetur vera inclinatio. At si indiculo stante ad gr. 45, acus notet forte 49, promovendus indiculus successive, donec numeri intermedi, aut forte 50 in circello, & 51 in semicirculo notentur. Eodem modo peragitur observatio aliis in locis, ubi inclinatio inquiritur.

X. Converſo super tabulam instrumento five ad ortum five ad occasum observatur inclinatio semper crescere; ita ut emenso quadrante a meridiano magnetico, acus quocunque orbis loco situm capiat verticalem, si instrumentum perfectum sit, qualiscunque fuerit sub meridiano magnetico inclinatio, quæ ibidem est minima: & sic continuata conversione eadem rursus inclinationes redire debent, ita, ut semper sit sinus totus ad cotangentem inclinationis sub meridiano magnetico, ut cosinus declinationis ab hoc meridiano ad cotangentem respondentis inclinationis.

XI. Ex hoc porro corollarium magni momenti ducitur, nimirum magnitudinem declinationis nexum habere cum inclinatione, & ab eadem certa ratione dependere. Observatum fuit variis in locis, uti prope insulam Alboranam in mediterraneo, ad Virginiae litora, in sinu Finlandico ad Rasseburgi scopulos, acum magneticam veluti ebriam in gyrum converti, nec ullam ab ea certam signari plagam. Quid? si his in locis inclinatio prope ad 90 gr accedit? quo casu declinatio cessare debet. Experientia opinionem hanc sola confirmare potest, vel evertere.

XII. Causam horum effectuum dum inquit Physicus, merito hæret; atque ut veterum hypotheses ac phrasas prætereat, leges vulgaris attractionis minime sufficere animadvertit, præsertim spectata distantia, in quam se vis magnetica exerit; atque idcirco mechanicam quendam causam, nempe effluvium intervenire, haud gravate dabunt Newtoniani. Istiusmodi effluvium prodere se videtur per figuras illas, in quas se disponunt particulæ scobis ferreæ papyro inspersæ, quæ magnes aut filum ferreum aut lamina cuiusvis figuræ magnetica vi imbuta tegitur. Cernitur ibi, quomodo vorticuli quidam prodeant in medio, & in extremitatibus: quomodo hi vorticuli se mutuo complectantur, si duarum laminarum poli amici se respiciant: quomodo se mutuo repellant, ac dissipent, si inimici cognomines iungantur. Attractionum quidem directio longe alia est; nec ulla motuum compositio talis & tam varia simulque regularis ullum in attractionibus solis fundamentum habere videtur. Certe in descripto paulo ante inclinatorio tam varia, tamque regularis inclinationum mutatio ingentem effluvii cuiusdam vorticosi probabilitatem facit.

XIII. Præter istud effluvium certa quædam partium interiorum textura tam in magnete, quam in ferro præcipue requiritur. Quamdiu magnetes igne candescunt, vim nullam ostendunt: ferrum post candefactionem vim omnem exuit. Ipse modus parandi acus magneticas istud confirmare videtur; aut cur certo duntaxat ductu petita directio obtinetur? cur ductu contrario destruitur.

XIV.

XIV. Quæ adhuc dicta sunt de effluvio & structura interna, maximopere confirmantur per magnetes artificiales, & ferreos qui æqualem, imo longe superiorem præ ipsis lapidibus vim vel a situ, vel ab arte recipiunt. Suspendatur acicula e filo æquilibrata; hæc sponte sua progressu temporis in planum meridiani magnetici se disponet: trahet acus alias, & repellet polos cognomines. Filum crassius ferreum, aut pertica verticaliter allidatur ad firmum solum, aut lapidem quendam; acquirat suos polos, quibus cuspides acuum magneticarum iam repellat, iam attrahat. Repetatur concussio inversa pertica: mutabuntur poli. Sic etiam filum ferreum tenue, si in plano meridiani magnetici una manu debita inclinatione, quam acus habet magnetica, teneatur, & leviter vel digito percutiatur, vim acquirit magneticam, quam perdit, vel mutat ictu contrario. Eandem post tempus haud adeo longum acquirit, si sub hac inclinatione infigatur terræ. Magnetes artificiales, uti notissimæ hodie regulæ ferreæ, aut sic dictæ equinæ ungulæ, percussione simili sub inclinatione debita ac situ prædicto in meridiano, conficiuntur. Modum alium fulius descriptum vide apud P. HAUSER Tom. VI. §. 274. Cruces ferreæ e templorum altiorum tectis desumptæ magneticæ deprehenduntur. Hæc, aliaque generis istius sane ostendunt, ferrum non nisi debilem magnetem esse: Nihil autem his effectibus magis congruum, ac rationi conformius videtur statui posse, quam ferri texturam subita percussione, sive diuturniore effluvi magnetici adfluxu, dum sentim per poros penetrat, ita ordinari, ut pares cum ipso lapide vires exerat. Hæc quidem satis verisimilia sunt. At enim plura supersunt, eaque admodum difficilia, pro quorum explicatione in hypothesebus fingendis frustra adhuc desudatum est.

*Plurimorum opinio est, nucleum terræ magneticum esse, cum tamen ipsum non homogeneous, sed variis in partibus alia inerte materia mixtum. Hirsus senior magnetem 100 lb. in formam sphaeræ conformavit diametri sesquipedalis, eumque suis circulis instar globi terrestris distinxit. Acus his circulis admota iam, sub aequatore*

A 2,

axi

J. Zallinger, T. III.

axi paravallela, iam extra hunc sub variis meridianis varie inclinata modo dextrorsum, modo sinistrorsum declinabat; quæ vicissitudines heterogeneæ lapidis texturæ facili coniectura tribuuntur. Ob similem igitur rationem similia pariter phænomena in superficie magnetis terrei contingere arbitrantur. Alii volunt, ex nucleo magnetico plures ramos versus terræ superficiem propagari; eoquod ubivis ferme in terræ soderis, & alibi etiam mineræ magnetis reperiuntur; a quibus anomalice declinationum & inclinationum provenire debeant. Narrant, in regno Peruano inventam fuisse mineram magneticam, in qua nobiliores duæ venæ in crucis modum a borea versus austrum, & ab ortu versus occasum se decussabant, acus posita in plano venæ prioris boream respiciebat: posita vero in plano alterius venæ versus ortum tendentis ita se disponebat, ut si ex parte ortivo poneretur, declinaret versus occasum; si vero ex parte occidentis, ad ortum vergeret, cum scilicet utrinque venam meridionalem respiceret. Verum ex eiusmodi inventis difficile est, generalem regulam statuere. Ut periodica illa, qualis videtur, declinationum variatio explicetur, iam unum, iam duplicem polum magneticum effingunt in terra, quibus varios similiter periodicos motus attribuunt. Sed supervacaneum puto hypothesibus diutius immorari. Aliud æque mirandum phænomenon est, quod nexum quendam aut affinitatem electricitatis cum magnetismo exhibere videtur. Ferrum fulmine tactum fit magneticum. Atque hæc fortassis ratio subest, cur ferramenta in turribus aeri exposita vim magneticam imbibant. Verum licet in vi tractiva & repulsiva, quædam analogia appareat inter materiam electricam, & magneticam; hæc tamen ob virtutis stabilitatem plurimum ab illa differt. Si textura ferri iam prius bene parati sola concussione ita ordinari potest, ut debitam effluvio magnetico viam præbeat; cur idem illu fulmineo non possit effici?





## CAPUT II.

### De Regno vegetabili.

*In Phytologia, uti aliis naturæ regnis, non contemnendum ex primis institutionibus progressum fecisse censendus est, qui illud didicerit, quorsum in re vastissima oculos vertere, quidve contemplari, aut experiri maxime debeat, siquam eruditionem amplioreni aucupetur. Quapropter summa duntaxat rerum infinitarum capita exponenda a nobis sunt.*

### §. CCII.

#### DEFINITIO ET GENERALIS DIVISIO PLANTARUM.

I. *Planta* est corpus organicum, quod nutrimento intus assumpto crescit, & vegetat unice. Hac crescendi ratione ea distinguitur ab omni alio corpore crescente tantum per iuxtapositionem partium, & meram externam coagulationem; qualis fit in vegetationibus chemicis, & incremento lapidum.

II. *Planta* generatim dividitur in terrestrem, & marinam; & ad quatuor summas classes reducitur. In prima est *arbor* planta lignosa; quæ ex radice simplicem emittit caudicem perennem, sive truncum; qui in plures ramos dividitur. In secunda est *frutex* planta pariter lignosa cum multiplici caudice perenni crassitie & altitudinis mediocri; uti *corylus*. In tertia *suffrutex* humilior tenuioribus lignosis ramulis; minutisque foliolis, uti *ruta*. In quarta denique *herba*, ex cuius radice caudex mollior, & anno uno arescens, aut non nisi folia pullulant.

### §. CCIII.

#### PARTES PLANTARUM.

I. Partes plantæ sunt radix; truncus vel caulis; rami; folia; flores; fructus & semina, omnes organice; per quas succus nutritius dispensatur.

A a a

II.

II. *Radix* est infima pars plantæ, qua nutrimentum ad se trahit subtus terram fixa. ( De marinis sermo non est ) variæ sunt radicum formæ. In aliis enim plantis radix simplex est, in aliis multiplex, iam recta, iam geniculata, interdistingta nodis, nunc turbinata, nunc rotunda; quo casu *bulbus* vulgo dicitur. Sed distingui oportet inter talem radicem, & bulbum e. g. allii, quem Botanici non radicem, sed veram plantam dicunt, utpote caulem ipsum iam in se continentem. Porro triplex est radices substantia. Primum & extimum involucrum vocatur *cortex*, quæ est porosa, & flexilis substantia inter duas cuticulas tennes, exteriorem, & interiorem, quam *Parenchyma*, sive intermediam dicunt. Inter *Parenchyma*, & sequentem cuticulam est substantia lignosa prælongis fibris constans, paucioribus quidem, sed maioribus, quam cortex, poris pervia. Hæ fibræ quædam filamina in corticem inferunt; ideo *insertamenta*, dicuntur. Intima est medulla, eiusdem cum cortice substantiæ, quæ horizontaliter secta plerumque rete circulare exhibet radiis a corde immixtis varie intertextum, & utriculis distinctum.

III. Truncus plantæ, in arboribus *caudex* & *stipes*, in herbis vero *caulis*, in cavis & fistulosis *calamus*: in frumentis *culmus*: in leguminibus *scapus*, easdem cum radice partes habet. Colligit enim in communi limite omnes radices partes; quin teste LEWENHØKIO radix tiliz sepultis infra terram ramis similes ramos sursum-progerminavit. Substantia corticalis duabus cuticulis clausa *liber* dicitur. Exhibet liber fistulas lignosas cancellatim implexas inter se se, & variis utriculis lymphaticis intermixtas. Varius est autem cortex in variis plantis, crassus & carnosus in populo, tenuis in lauro, membranaceus in arundine, nervosus in vite, glaber, aut asper, aculeatus, spinosus &c. Substantia lignosa præter fibras & fistulas in longum porrectas & utriculos transversim dispositos habet etiam canales maiores argentei coloris veluti tracheas quasdam, per quas aer transmeat. *Medulla* denique prædictis utriculis tota fere constat, quas per orbem emit-

emittit in lignosam, & corticalem substantiam. Rami eiusdem, ac truncus, rationis sunt.

IV. *Folia* pedunculo seu petiolo instructa sunt veluti rami, aut trunci compendio quodam, ex quo fasciculus fibrarum in illo collectus se diffundit. Videntur hæ fibræ a sola substantia corticali provenire; cum folia nullam habeant cum lignosa substantia connexionem. Eædem fibræ rete constituunt, cuius vacuola replet pulposa substantia tenuissimas inter cuticulas constricta, quæ macerata in aquis, & detractis cuticulis facile separatur, & pulcherrimum folii sceleton relinquit.

V. *Flos* nova quasi planta censerî potest. Distinguitur in simplicem, & compositum ex pluribus scilicet flosculis. Quilibet flos, vel est *monopetalus*, unius & continui folii, vel *polypetalus* plurium foliorum. Non omnes flores *calicem* habent. Est autem calix propago petioli, & ex forma varia sortitur nomina. Sed neque plantæ omnes suos flores propalam ostendunt, in quibus est ficus. Cæterum partes florum sunt folia five petala, stamina cum antheris, & pistilli. Pistillus in flore vel simplex est, vel duplus, triplus &c. Cohæret is ipsi rudimento fructus aut seminis, vel ipsemet fructus est, & terminatur in ipso seminis receptaculo: figura varia est, modo velut stilus rigidior rectus, aut flexus nunc sursum tendit, nunc pendet deorsum, modo instar filamentorum serpit. Singuli suos ductus habent, & in summitate desinunt in villos veluti holofericos, vel in oleosas vesiculas, varique habent stigmata, oscula, incisuras &c. aperturas scilicet suorum canalium. *Stamina* five capillamenta sunt fila illa tenuia, quæ pistillos cingunt, & ideo sertum floris dicuntur. In apice horum filaminum *antheræ* sunt, five massulæ plerumque spongiosæ, vesiculis plenæ, e quibus, dum flos maturefcit, pulvis seu *farina florum* erumpit. In pluribus tamen vesiculæ istæ hærent intra ipsa stamina velut in vagina. Figura pulvisculorum per microscopia varia cernitur, modo oblonga instar ovi, ut in *Perforata*, modo cylindrica, ut in *meliloto*: prismatica in *flammea*: crucis figura conspicitur in *ficu silvestri*, globulosa in *grana-*

dilla & pluribus aliis. Odor pulvisculorum plerumque penetrans est; plurimumque olei iidem<sup>9</sup> continent.

VI. *Fruſtus* est pars plantæ annua, flori cohærens & seminis receptaculum, qui vel ex ipso pistillo ex parte saltem consistit: vel eidem in calice subiectus est. In pomis cutis est extensio libri: & caro intumescencia partis interioris libri secundum GREWIUM: pericarpium vero seu pulpa mollis semen ambiens e medulla provenit. In nuce & in glandibus accedit tunica viridis partim ex libro, partim ex lignosa substantia, testa vero sive putamen e parenchymate corticis viridis & cuticula interiore formatur.

VII. *Semen* est pars plantæ minor, e qua terræ commissa similis prodit. Integumenta sunt quatuor. Primum est capsula extima, uti perenchyma fructuum filiquæ leguminum, thecæ nucum. Alterum est cartilagineum vel corneum, vel testaceum foramine instructum, per quod radícula seminis primo emicat. Tertium pellicula interior, spongiosa & succulenta. Quartum vocatur secundina; estque tenuissima pellicula & prioris quasi duplicatura, cui illa radícula plerumque arctissime cohæret. In ipso semine occurrunt lobi e. g. in pisib. duo farinacei: in grano frumenti unus. Intra lobos est fossiula utrinque excavata, intra quam germen latet, in quo e. g. in faba distinguitur radícula & plumula ex tenuissimis filamentis simul complicatis composita, & duabus lamellis obtecta; atque in his sine omni dubio ipsum novæ plantulæ rudimentum continetur; quod quidem in cæteris aliarum plantarum seminibus similiter se habere analogia persuadet.

## §. CCIV.

### PLANTARUM SEMEN.

I. Propagatio plantarum fit iacto, in terram semine, aut rami decissi defossione, aut ramusculi insitione in truncum alterius arboris, aut inoculatione ut vocant, quando gemma unius loco alterius substituitur. Id notandum: dantur plantæ, quæ flores habent omnes frugiferos,

feros, suntquæ illæ, quorum flores omnes complectuntur partes antea descriptas, nempe capsam, stamina cum pulvere, & pistillum, ceu tulipæ, lilia, pyri. Aliæ florem habent duplicem, unum sterilem, seu spurium, ut vocant, alterum fæcundum, ut pepones. Differunt hi flores in eo, quod spurius habeat stamina: fæcundus vero pistillum sine staminibus saltem farinam ferentibus. Ac si spurii flores decutiantur, antequam farina e staminibus erumpit; etiam reliquis nullus succedet fructus. Aliæ dantur plantæ eiusdem quidem speciei, sed in eo differentes, quod una flores habeat steriles, altera fæcundos, ut cannabis, palma; in quibus par fere ratio est; nec una sine alterius societate fructum fert. Sunt aliæ, quæ florem conspicuum non habent, uti ficus, cuius gemma in convolutis foliolis placentalam seminibus plenam continet. Hæc semina, sive granula suo quodvis pistillo & calice instructa sunt, qui in quinque vel sex apices divisus superne pistillum ambit, ut proin flos & fructus communi cortice involvatur.

II. Ex his deducitur *primo*, in plantis distinctionem quandam sexus locum habere. Et vero iam vulgus cannabim sterilem vocare solet fæmellam, marem vero alteram fæcundam, præpostera quidem nomenclatione; cum plantæ generanti nomen matris, patris vero fæcundanti competat. *fæcundatio* vero fit *per farinam*, vel pollinem florum, sine quo fructus non provenit. Confirmatur istud ex ipsa capsularum, & pistillorum inspectione. Si *flores masculi*, (sic vocabimus eos, qui farinam ferunt) auferuntur, aut si pulvis ex iis copiosa pluvia ante tempus abluitur; aperta capsula *floris fæminei*, pistillo nimirum instructi, videntur in ea folliculi seminales prorsus flaccidi, corrugati, exsuccii. At relictis masculis videbimus subito pistillum illo pulvere conspersum, maxime circa stigmata, incisuras, commissuras per quas subtilissimis hisce pulvisculis via patet ad interiora seminum ceu ovulorum conditoria, quæ paullo post aperta succo turgere conspiciuntur, ac prorsus vegeta. Idem dicendum de primi generis plantis, si antheræ auferuntur ex staminibus e. g. tulipæ; ubi id quoque his in floribus ob-

servatur, stamina esse breviora in flore deorsum flexo, cuius pistillus longior dependet, ita tamen, ut etiam stigmata & incisuras ad antheras convertat ad latus, aut omnino sursum, ut decidentem pulverem excipiat.

III. Deducitur *secundo*, omnes plantas a femine oriri. Quomodo enim corpus quoddam organicum fortuito particularum concursu coalescere possit? Etsi enim quibusdam in plantis flores non adpareant, nec ulla femina; ex analogia tamen, aliarumque exemplo eadem ortus ratio recte colligitur. Inventa sunt semina filicum & fungorum, quæ inermem oculum utique effugiunt. Quidni alia dentur adhuc minora, quæ armatam quoque lentibus aciem ludant? Si varias feminum figuras spectamus, haud mirabimur, in quibusdam locis, quæ partui plantarum minime adcommodata videntur, plantas florescere, uti in tectis turrium, muris, super petras &c. cernimus enim, quibusdam feminibus alas a natura fuisse additas, queis beneficio ventorum late circumferri possint. Multa semina ministerio avium disperguntur, imo quadrupedum etiam, quorum pedibus cum luto adhærent, & asportantur. Quodsi modica terrei pulveris accedat portio (est enim quarundam plantarum parca indoles, & paucis contenta) radices statim agent ope humoris pluvii, ac roris, & tandem in altum excrescent.

## §. CCV.

### PLANTARUM CLASSES.

I. Ex observationibus paullo ante indicatis CAROLUS LINNÆUS classes plantarum, & characteres a sexu, partibusque generationi servientibus definivit. Duo illarum summa genera constituit. I genus est *florescentium publice*, quæ flores habent palam spectabiles. II. Genus non publice florescentium, easque vocat *cryptogamos*, quarum nimirum genesis fit occulte; quoniam flores haud conspici possunt.

II. Primum genus dividit in *Monoclinas*, quæ flo-

flores omnes habent pistillo & staminibus velut in uno thalamo collectis instructos; unde flores *hermaphroditas* vocant; & *diclinas* seu quæ habent flores tum masculos, tum fæmineos. *diclinarum* classes sunt tres: *Monæcorum*, quæ simul ex eadem radice florem utrumque proferunt: *Diacorum*, quarum flores sunt in separata planta eiusdem speciei: *Polygamorum*, quæ habent flores & hermaphroditos, & masculos aut fæmineos in eadem specie.

III. *Plantæ Monoclinæ* stamina habent aliqua saltem parte inter se, aut cum pistillo cohærentia, earumque flores (seu potius stamina) dicuntur *affines*: si nullo modo cohærent, *diffines*. Affinium sunt classes quinque *monadelphorum*, quorum stamina filamentis suis in unum corpus coalescunt: *Diadelphorum*, quorum in duo, *Polyadelphorum*, quorum stamina in tria vel plura adhuc corpora filamentis suis colliguntur. — Flores *diffines* ex magnitudine respectiva staminum dividuntur in subordinatos, & indifferentes. *Subordinati* sunt, qui semper habent duo stamina breviora cæteris; suntque classes duæ: *Didynamiorum*, quæ habent quatuor stamina, & ex his bina breviora: & *Tetradynamiorum*, quorum quatuor longiora, & duo breviora sunt. *Indifferentes* denique maximum numerum classium continent; suntque illi, quorum stamina indifferenter maiora, vel æqualia sunt magnitudine. Porro characteres classium sumuntur a numero staminum in flore hermaphrodito, suntque *Monandria*, *Diandria*, *Tetrandria*, *Pentandria*, *Hexandria*, *Heptandria*, *Octandria*, *Enneandria*, *Decandria*, *Dodecandria*, *Icosandria*, *Polyandria*, a 15 ad 1000 stamina; Ex quibus tamen tetrandria, & hexandria distinguui debent a didynamiis, & tetradynamiis per bina stamina minora.

IV. Duo iam sunt inter Physicos controversa. *Primum* utrum germen plantæ in ipso polline, quo planta sæcundatur, aut in ovulo contineatur? prius adserit LEWENHŒKIUS ex eo capite, quod in ovulo seu semine, antequam farina ei inferatur, nullum organizationis deprehendatur vestigium, & quod ipsi

pulvisculi videantur esse corpuscula organica. Sed hoc ipsum alii incertum esse aiunt, nec organi cuiusdam observationem haberi. Nam externa figura necdum probat internam organizationem, utpote quæ maxime pendet ex figura ductuum, & canaliculorum, per quos liquor exsudat, cuius cuticula ex eodem concrefcere potest. Videntur hi pulvisculi solummodo continere liquorem energicum, quo folliculus seminalis fovetur, ac leni fermentatione partes eiusdem excitantur, ac evolvi incipiunt prima plantæ lineamenta. Quid? quod magis adhuc incertum sit; pulvisculos hos in ipsum folliculum, seu ovulum recipi; an enim non sufficiat exterior adplicatio? an unus duntaxat globulus incidit, an plures? via certe patet pluribus? an igitur plures organa simul efficient? Sicut nimirum semen iam formatum, si committitur terræ, humore fovetur, & accedente sensim nutrimento se explicat: ita semen in matrice sua conditum simili fomento, & nutrimento opus habet, quo prima evolutio peragatur; quod fit per illapsam farinæ, & liquoris energici oleosi, ac sulfurei. Dilineatio igitur plantæ habetur in ipso folliculo seminali, sive ovulo, quod per farinam sæcundatum vegetat. Ex hoc autem altera enascitur controversia, utrum tota iam planta cum omnibus suis partibus in semine contineatur, sive utrum semen ipsum de novo generetur, & efformetur; vel an omnino semina, sicut omnes aliæ partes plantæ simul concreata sint, ut non nisi partium istarum evolutio fieri debeat.

V. Evolutionis patroni aiunt, sicut plantæ non nisi ex semine nascuntur; cum nullum corpus organicum ex fortuito quarumvis partium concursu oriri possit; ita etiam semen, quod æque est corpus organicum, ac ipsa planta, de novo oriri non potest; non enim alia ratione oriretur, quam ex coagulatione succi nutritii, qui nihil in se organicum habet. Sed neque aliud quidpiam in semine præformatum est, ex quo organizatio perficiatur; Sicut igitur in semine apparent vestigia quædam plantæ, quæ sensim elvolvuntur; ita recte concluditur; in eodem latere partes cæteras omnes, puta ramos, folia flores & ipsa semina.



na. Istud autem, ut rationi non repugnare ostendant, infinitam prope materiæ tenuitatem, ac divisibilitatem obtendunt. Idem systēma evolutionis in animantibus quoque tenent, dicuntque, sicut in animalculo quovis exilissimo, & oculis non visibili perfecta datur omnium partium organizatio, ut suspicio locum habere non possit, illud fortuito natum esse; ita idem haberi posse in quovis semine.

VI. Sunt tamen plurimi, qui huic systēmati refragantur primo ob enormem multitudinem seminum, ex quibus etiam singulis procerissimæ arbores enascuntur cum novis seminibus, ut in innumeros fere milliones millionum arborum, ne dicam, seminum excresecat numerus, qui in uno unico lateret granulo e. g. ulmi, in qua DODARTUS seminum numerat 33 milliones. Siquis iam pergat in calculo & totidem e seminibus totidem ulmos cogitet: in quavis totidem rursus milliones seminum, ac labor is continuetur vel ad decimam usque generationem; fidem superabit vel numerus seminum, ne dicam arborum in unico granulo cum omnibus partibus latitantium, quantamcunque subtilitatem ac divisibilitatem materiæ tibi finxeris. Sed neque necessarium putant admittere tam paradoxam fecunditatem seminis. Nam certum videtur, ex succo nutritio novas plantæ partes adgenerari, atqui hæ partes novæ; pariter organicæ fieri possunt, ita, ut non vacuola tantum, & poros impleant, sed ipsæ etiam alimentum recipiant, excoquant, ulterius promoveant, ac in alias partes dispensent. Partes organicæ consistunt in tubulis, & membranulis. Cur autem succus per canaliculos penetrans non possit paulatim concrefcere in eiusmodi cuticulas, formare vesiculas alternatim inter se communicantes? Quamvis enim hoc fieri non possit sine præformatis aliis vasis ceu modulis: His tamen positis, sicut nutrimentum constituere potest partes vasorum magis semper, & magis se expandentium, ita etiam novam potest organi partem e. g. in longum formare. His quidem admixtis nulla ratio est, cur subtilissima eiusmodi filamenta & fibrarum definitiæ tandem iuxta formam vasorum non protrudantur primum in gemmam, mox in

in florem explicentur, sub quo illa appendix successive in semen elaboretur. Et vero, quomodo recusus ramusculus terræ insitus radices deorsum agit? an latent in eo semina, ut dodartius vult; & cur non multiplicatur? cur non tot sursum arbusculi pullulant, quot radices deorsum mittuntur? an serio persuadere sibi quis possit, has radices e ramusculo duntaxat evolutas, & nihil organicum adgeneratum fuisse. Taceo initionem plantarum aliarum supra alias, & monstruosos plantarum foetus; quæ quidem in systemate evolutionis ægre explicantur. Similiter differendum est de animantibus; de quibus cum agitur, systema evolutionis ob easdem, ac maiores etiam rationes reliendum est.

## §. CCVI.

### VEGETATIO SEMINIS, ET PLANTÆ NUTRITIO.

I. Granulum seminis farina sæcundatur, quatenus per energeticum istius liquorem illius stamina consolidantur; ac tum, quamdiu semen exsiccata pulpa & cuticulis suis obvolutum manet, nullum habet vegetationis motum: at si terræ committitur, posteaquam emollitæ per humorem pelliculæ una cum farinacea laborum substantia eundem humorem per poros admitterunt, germen ipsum humectatum liquorem a lobis exsudatum ceu lac quoddam imbibit. E concursu huius lactis cum latente oleosa, & sulfurea pollinis substantia oritur quædam fermentatio, qua tenella plumulæ, & radiculæ præsertim vasa dilatantur; unde fit, ut primus hic succus nutritivus iam intimius per venulas, & ligamenta radiculæ serpat, ibique percolatus in fibras foliorum seminalium atque in plumulam transeat.

II. Radicula hoc modo increfcens tandem viam per foramen sibi aperit, & humore ambientis terræ amplius emollita apertis poris succum nutritivum incipit fugere, eumque adhuc crassiozem. Venulæ igitur distentæ hoc humore & prægraves flexilitate sua subfidunt, aut deorsum trahuntur, quocunque situ, etiam inverso, semen in terra reponatur. Hic attractio quæ-

quædam fortior ab inferioribus partibus accedit; cum humor terreus sursum eluctando radiculae ultro occurrat, eamque penetrat.

III. Humor in radícula receptus, ibidem magis elaboratus, secretisque partibus crassioribus purior per venas serpit in foliola seminalia, & partim etiam in plumulam. Hæc foliola, quæ simul nutrimentum a loborum substantia capiunt, atque plumulae subvehunt, aucta crassitie tandem rumpunt loborum tunicas; lobos ipsos absumta, qua hætenus nutriebantur, pulpa separant, & ex iisdem emergere incipiunt. Hæc disruptio non fit sine vi elateris, qua remotis arenulis, ac terreis particulis spatium fit, ut liber exitus pareatur foliolis plumulam adhuc contegentibus.

IV Ponatur iam semen inverso situ iacere in terra, & plumulam cum foliolis deorsum respicere. Mirum, quod haud secus, ac in situ recto e terra emergat planta. Radicula iam inflexa, & deorsum spectans succum subministrat demum copiosiore aliiis partibus: succo via impeditior cum sit ob flexum, ibidem collectus expandet vasa, & constipatas fibrillas sensim extendet; quo fit, ut intendatur elater, & flexurae convexitas magis, magisque minuatur. Sic lobi cum foliolis & plumula paulatim attolluntur: liberor meatus conceditur succo eiusque partes magis volatiles ad extremitates plantulae facilius feruntur. Ad hosce motus haud parum illud confert, quod foliola seminalia cum plumula, dum intra terram adhuc condita sunt, & lobis stipata; succum vix ullum immediate a terra recipere possunt ob ipsam oleosam, qua hætenus a lobis nutriebantur, & peruncta manent, substantiam; secus haud aliter, ac ipsa radícula ab humore occurrente, si eum tanta copia imbiberent, deorsum trahi deberent. Sola structurae diversitas id prohibere haud posset; cum experimento constet, ramos quoque defossos radices agere, easque sursum pullulare. Hinc provisum a natura videtur, ut radícula primo exeat, nec sine vi per foraminis angustias, ut sic absterfa unctiōe, quam intra lobos receperat, statim succum a terra hauriat. At foliola cum plumula diutius intra lo-

lobos hærent, donec radícula increſcat, & vires fibrarum creſcente pede plantulæ ſenſim augeantur.

V. Emergentia e terra foliola ſeminalia ſe mox explicant, & ſuccedenti plumulæ viam pandunt: accedit in dies maior e radícula ſucci copia: protruduntur alia foliola, quibus ſuccus depuratus plumulæ deinceps ſubminiſtratur areſcentibus foliolis ſeminalibus ex defectu ſucci, quem adhuc e lobis reſiduum in plumulam diſpenſarunt. Sic creſcit tandem planta ad definitum magnitudinis ſuæ terminum. Ac quamdiu dein ea nutrimenti copia ſuppeditatur, quæ ad reſarciendam iacturam per continuas exhalationes factam requiritur, planta perfeverat; ſecus areſcit, & emoritur.

VI. quæritur, quodam ſit alimentum plantarum? quomodo intra plantam veniat, elevetur, coquatur, & in ſubſtantiam tranſeat? Veteres pro alimento plantarum aſſignarunt terram, quæ mediante aqua ceu vehiculo per earum partes diſpenſatur. **Boyleus** autem cum 200 libras terræ igne toſtas ſumiſſet, in qua ramus ſalicis 5 librarum per annos quinque irrigatus in arborem 169 libr. excrevit; cum terræ non niſi tres uncix deficerent, ſolam aquam plantarum alimentum eſſe cenſuit. Verum cum quodvis corpus ex iis elementis componitur, in quæ reſolvitur, planta quævis tribus maxime principiis conſtare deprehenditur, *primo*, oleo, ſulfureave ſubſtantia phlogiſton continente, ut patet ex flamma, quam concipit, & nutrit: *ſecundo* ex ſalibus tam acidis, quam alcalinis fixis & volatilibus. *Tertio* ex terra, ſeu ſubſtantia fixa & inerte, in cineribus ſeſe exhibente. Præter hæc aer & humor aqueus fumo ſe produnt eo rariore, quo planta magis eſt exſiccata. Quoniam igitur conſtat, ſolvens univerſale eſſe aquam, atque ipſum etiam aerem ad variorum corporum ſolutionem concurrere, alimentum plantarum erunt ſalia, ac oleoſæ ſulfuræ partes ſolutæ, aere, aqua, ac ſubtiliſſimis terreis particulis mixtæ. Porro aquas pluvias, multo autem magis fontanas, fluviatiles, ſtagnantes eiſmodi ſalinis, unctuoſis, ac terreis etiam partibus in-

infectas esse constat. Igitur si vel anno uno 200 libras aquæ Boylius affudit, mirum non erit ad 169 libras excrevisse, quin opus fuerit alimentum e sterili, qua usus est, terra repetere, quamquam salia fixa per ignem expellere non potuit. HOMBERGIUS feniculum severtat in duobus vasis, quæ singula 200 libras terræ salibus bene purgatæ capiebant. Uni duas uncias nitri immiscuit: quantitas aquæ affusa utrique æqualis. Vegetatio primis diebus utrinque par erat, & incrementum æquale, nutrimento scilicet e solis fere lobis, & foliis feminalibus suscepto. Sed paulo post feniculum in terra sale mixta, quarta parte surgebat altius & duplo etiam pondere increvisse deprehendebatur, deficiente sale in altero vase, quo mediante & aliæ partes terræ facilius solvi potuissent. Cæterum longe minus semper incrementum est, quam haberi posset, atque ab affusa etiam aqua deberet, si eadem immediatum plantæ alimentum foret.

VII. Quivis facile perspiciet hoc loco, solutiones humidas ad alimenti præparationem intra terram a naturâ adhiberi. Si iam spectentur plantarum organa, tot utriculi inter se communicantes, & a medio plantæ ad corticem quaquaversus dispositi, tot fibræ, fistulæ, canaliculi, quorum alii succo pleni, veluti venæ, alii aeri simul pervii ceu trachæ in longum protenduntur, & partim inter se, partim cum utriculis connexi sunt, haud difficile erit concipere tum assumptionem alimenti, quæ fit per radicem, tum eiusdem percolationem ac depurationem per utriculos, dein transfusionem in venas, per quas veluti capillares tubos succus primum adsurgit, atque inde eiusdem succi dispensationem per utriculos in altum succedentes, e quibus succus adhuc magis excoctus rursus a venis ex-fugitur, atque in altum promovetur.

VIII. Ubique hic comes it motus fermentationis, & præcipitationis, quando salia, olea per varia plantæ vasa transeunt, & succis aliis permixta iam concitantur ad fermentationem, iam partes aliquæ præcipitantur, reliquæ partes subtiliores aliis tenuioribus plantæ partibus subvehuntur. Iuvantur hi motus ab aere, qui

qui non solum una cum alimento e terra penetrat, sed etiam extra terram per poros plantæ, & aperta vasorum oscula viam invenit. Sicut enim exhalationes plantarum, quas vel solus odor, quem spirant, comprobant, aeris expirationem e planta satis ostendunt; ita motus nutritionis, & ipsius succi in partibus internis plantæ præsentiam novi aeris requirit; cum enim hi motus absque rarefactione nunquam efficiantur; aer suo elatere penetrabit in partes minus resistentes; unde vasa una parte paulatim dilatantur, alia comprimuntur a turgentibus vesiculis, quibus subsidentibus mox vasa laxantur; ut adeo hac quidem ratione oriatur motus quidam peristalticus, & hinc aer externus, & purus per vices subeat, inde expellatur una cum partibus secretis & lymphæ vel inutili vel superflua. Unde non raro noxias plantarum exhalationes sentimus.

IX. Per quasnam vero partes succus nutritivus ultimo elaboretur, ut pro augmento plantæ serviat, variæ sunt opiniones. Alii corticem, alii lignosam substantiam, alii medullam, alii ipsa folia pro officina alimenti statuunt. Omnes hæ partes conferre ad id quidpiam videntur, sed non æqualiter in plantis omnibus. Salices exeso ligno cum medulla germinant: veteres oleo sæcundantur, si detracto cortice annulus corticalis ex alia juvene substituatur: rami arborum vel solo cortice hærentes, fructus & flores ferunt, imo & lignosam augment substantiam; quam ideo plures a cortice oriri putant, & circulos illos, quibus anni ætatis plantæ numerantur, a cortice sensim avelli, & ligno accrescere volunt. Verum ulmus etiam decorticata floret, & lignosam augeat substantiam. Suber, & platanus corticem veterem deponunt, & novum induunt. Vites & sambucci prope mera medulla constant: surculi insititii non solum cortici sed præcipue ligno committi debent. Medulla ramorum ipsius medullæ stipitis propago est: in pluribus arboribus crescente ligno medulla decrescit. Unde nec pro una potius, quam alia parte generatim quidquam pronuntiandum est. Denique foliorum ea est structura, ut succus videatur per rete venularum transmittendus,

&c

& per pulposam intermediam substantiam percolandus. Id certum, folia instar pulmonum prope esse pro respiratione plantarum, multumque ea roris emittere, & vicissim multum humoris ex pluviis & nebulis ab iisdem fugi. Certe spiraculis seu porulis plena sunt, ac interius valde spongiosa. Ex iisdem succum ad petiolos descendere experimenta probant; ac incrementum arbusculorum quam maxime impeditur, si vel decutiantur folia, vel iuxta se altiores habeant arborem, e cuius foliis aqua depluit, eiusque exhalationibus ac sordibus facta foliorum poros obstruit.

X. Ex his argumentum non leve sumitur pro circulatione succi per omnes plantæ partes; cum enim tum ex ipsa radice succus in folia assurgat; tum ipsa folia alium succum imbibant, eumque ulterius promoveant; potest & idem succus e radice illuc delatus iterum redire. Neque enim omnes foliorum venulæ frustra inter se communicare videntur; ut adeo alii tubuli succo ascendentia alii descendentia respondere debeant. Experimentis res ista omnino evincitur. HALLESTUS arborem binis alijs ex utroque latere positis ramorum insertionem coniunxit; qua satis cum tempore firmata eandem eradicavit, ut libere velut suspensa nullum e solo nutrimentum traheret. Vegetabat nihilo minus tota hæc arbor, & vegetabant rami quoque inferiores. In quarundam plantarum caulibus horizontaliter sectis distincte conspiciuntur tubuli, quorum alii cito arescunt; ex alijs vero liquor defluit. Morsu venenato pars læsa virus in totam plantam propagat; quæ quidem, aliaque his similia succi circulum quandam per omnes plantæ partes luculenter ostendunt.

## §. CCVII.

## CULTURA PLANTARUM.

I. Cultura plantarum versatur tum circa earum propagationem, quam fructificationem, & conservationem. Propagatio vel est naturalis, vel artificialis. *Naturalis* propagatio fit per semen in terra iactum, vel per

B b

bul

J. Zallinger, T. III.

bulbi, aut rami decisi defossionem simplicem. *Artificialis* per infitionem, inoculationem &c. In naturali propagatione prima est electio soli plantæ ferendæ commodi. Amant aliæ plantæ terram humidam, aliæ ficcam, aliæ pinguem, aliæ arenosam, aliæ firmam, aliæ laxiorem pro varia conditione. Accedit præparatio feminis quandoque necessaria ad accelerandam, aut iuvandam germinationem. In artificiali propagatione eligi debet stipes congrua; requiriturque ad-infitionis praxin dexteritas quædam, & adcuratio in scindendis ramis, findendis stipitibus &c.

II. Quoniam totum alimentum in solutione salium, & sulfurum maxime consistit: terra univèrsim eligenda est, cui semen committitur, quæ eiusmodi alimento abundet, & in qua idem facile solvatur, ac libere ad plantæ radiculam adplicari possit. Constat, terram quandam Varias enutrire plantas, quæ singulæ singulos fructus proprio sapore, & odore proferunt: aliæ sunt terræ, in quibus fructus a nativa & propria bonitate, quam in alio solo habent, desciscunt: aliæ quibusdam plantis penitus ineptæ sunt. Primum haberi potest ex eo, quod eadem terra diversos succos habeat, quos plantæ diversæ attrahunt exclusis cæteris tum ob crassitiem, tum quia certo humore iam imbutæ alios non admittunt, fere ut charta bibula oleo inuncta aqueos liquores non transmittit. Si plantæ quemvis succum sine discrimine insugunt, dicendum, eundem in vasis diversæ structuræ pro diversitate plantarum diversimode elaborari. Nec a vero magnopere aberrabimus, si utramque causam iungamus; id quod alterum ac tertium, de quibus fecimus mentionem, confirmare videtur. Nam ob defectum apti alimenti planta degenerat, aut omnino exarescit. Sed structura non parum conferre potest, uti si crassius alimentum tenuiora vasa disrumpat, nimis oleosum venulas obsituat, vel arrodât: si in frigidiore solo vasa plantæ nimium constringantur, aut in calidiore nimis laxentur, vel adurantur.

III. Primum igitur est in propagatione plantarum, ut tum earum, tum terræ indoles examinetur; hinc  
eti-



etiam constare debet, quænam in se principia contineat quædam planta; erit terra eidem aptissima, quæ simile alimentum continet, quod, si minuatur, stercoratione, aut aliarum terrarum mixtione suppleri debet. Sic agris fertilitatem conciliat fimus animalium ex eodem, vel persimili vegetabili frumentaceo putrefacto; ex quo salia frugibus homogenea per longiorem fermentationem soluta, accedente aqua & aere in vapores & halitus subtilissimos in ipsa terra abeunt. Idem præstant cineres combustarum plantarum, atque etiam animantium, fuligines caminorum, atque lixivialcalica.

IV. Alterum est, ut ipsa terra, si necesse sit, recte præparetur. Si enim nimis constipata est, ac firma; nec aeri nec pluviis liberum aditum præbebit; unde alimenti solutio, ac necessaria præparatio deficit. Hæc firmitas oritur ex longiore situ, & corrigitur vomere, quò diligenter subigenda gleba est: aut ea provenit ex ipsa terræ natura. uti si valde argillofa sit, tenax, & calore solis indurata; ac tum alia terra laxiore miscenda est, ut laborem facilius admittat. E contrario, si terra laxior deprehenditur, quam ut humorem diutius conservare queat; quamvis tum quidem plantis hortensibus serviat brevi tempore germinantibus, & hortulani curæ commissis: pro agrariis tamen frugibus argillæ miscenda est; & aliquantum constipanda. Ob ipsam hanc laxitatem terra valde arenosa vix ad fecunditatem multa stercoratione perducitur: accedit calor, quem ea ingentem concipit, ut plantarum tenuēs radículas facile exurat. Unde eidem mixtio argillæ magnopere conducit, sed non folia, nisi copiosa sterco ratio fiat, ut salia suppetant.

V. Sunt aliæ terræ magis calidæ, calcaris, in quibus ob maiorem oleosæ ac sulfureæ substantiæ copiam fermentatione nimia plantæ quasi suffocantur. Aliæ vero terræ, quæ multum acidi continent, & frigidiores sunt, ob nimium humorem putrefactionem accelerant. Quare harum mixtione sterilitas tolli potest, & terra frigida calcaris miscenda est, quæ acidum frigidæ absorbet; dum frigida alterius calorem temperat

humore, qui in subtiliores vapores inde agitur. Corrigendis eiusmodi terræ defectibus præcipue margo adhibetur, in qua tamen copia calcis est examinanda. Servit ea potissimum ad laxiorem adstringendam terram, & temperandam frigidiorē.

VI. Tertium denique est præparatio, aut potius delectus seminis, quod debitam maturitatem in primis habeat, necesse est. Si pelle tegitur duriorē, prius aqua macerandum est. Univerſe ſeligendum eſt optimum, & pinguiſſimum. Præparantur a quibusdam ſemina variis artibus; quibus, ſi terra bona eſt, & ſemen ex natura præſtans, tuto ſuperſedere poſſumus. Ad muniendum autem ſemen ab infectis, calcis lixivio aut cineribus utiliter conſpergitur: alii aliis lixiviiſ variorum ſalium, lotio equino, aqua pluvia mixtis ſemina macerant, quæ ſorte defectum quendam terræ ſupplent. Si ſeparatis ſcrobiculis committuntur ſemina, ut debitam inter ſe diſtantiā plantæ ſervent, neque alimentum ſibi mutuo ſubtrahant, ſæcundiora erunt.

VII. Hæc ad alios propagationum modos naturales adcommodari non nulla ratione poſſunt. Sunt plantæ, quarum radices novos quotannis ſurculos germinant: in aliis bulbus bulbo adnaſcitur. Experientia in his optima magiſtra eſt, quasnam potiffimum terras anient humidiores, an ficciores; quænam plantæ per bulbos, quam per ſemina ſeliciter propagentur. In arboribus non ſemper rami in terram delixi radices agunt: ficus indica per folia, vites ramis per ſulcos traductis congeſta deſuper terra propagentur: pali ſalicei excreſcunt in arbores.

VIII. Inſitionis artificialis tres ſunt modi. *Primus per inſolationem*, ubi diducto cortice ſurculus inter hunc, & lignum inſertus ope ligamenti ſtipiti adſtringitur. *Secundus per inſitionem propriæ talem*, qua ramuſculus in fiſſuram ſtipitis ita immittitur extremitate in cuneum ſecta, ut cortices tam ſtipitis, quam ſurculi ſibi congruant in margine ſectionis, & lignum ſurculi ligno ſtipitis ſtringatur. Munitur commiſſura pice, vel cera, ne aer, aut pluvia noceat. *Tertius per*

*per inoculationem fistularem, vel scutulatam.* Fistularis fit hac ratione: rami duo, unus silvestris, alter hortensis æqualis crassitie eliguntur; utrique annulus corticalis una duplicive gemma instructus sectione circulari eiusdem latitudinis demitur, & hortensis silvestri ramo inducitur, commissuris pice oblitis. Scutulata est, quando portio tantum corticis excisa cum gemma, resecto similiter cortici stipitis silvestris substituitur, ubi minime requiritur, ut gemma scutulæ gemmæ stipitis respondeat; cum experientia constet, ac etiam ratione pateat, non utique gemmam silvestrem transire in hortensem, aut commixtione quadam commutari; cum gemmæ hortensi unice succus ad vegetationem subministrari debeat, qui alieno in stipite iam melius elaboratus in gemmam, vel furculum transeat. Verum in his prudens electio maxime necessaria est, quam experientia docet unice; neque enim aliter constat, quænam arborum cognationes felicem eventum habeant.

IX. Conservatio plantarum cognitionem requirit morborum, quibus subiacent, ut aptis mediis arceri queant. Morbi proveniunt vel ex defectu, vel ex abundantia, cruditate, aliove vitio succi. In plantis iunioribus primo malo occurritur delectu, præparatione, & debita irrigatione terræ: alteri per phlebotomiam facta cultro fissura in cortice ab imo ad summum, ut humor egeratur superfluous, qui vasa nimium distendit. Tertio vero, delectu fimi, habita ratione terræ, eiusque conditionis. Fimus columbinus calidissimus est: huic proxime accedit ovillus frigidis terris saluberrimus. Suillum nimia acredine noxium cepæ ambiunt: vineæ præter bubulum fere omnem alium respuunt. Equinus bubulo mixtus segetes fovet.

X. Haftenus de causis morborum *internis* discernimus. Externæ ab aeris conditione nimis calida, frigida, sicca vel humida proveniunt. Calor exsiccat, & corrugat vasa: ex frigore *carbunculi* plantarum oriuntur, dum roscidi vapores subito congelati vasa foliorum constringunt: circulationem succi impediunt.

Fumo accensione fruticum humentium excitato, huic malo medentur passim. Nebulæ acriores & pluviae copiosiores *rubiginem* generant erosæ fibris; cui affinis succedit *uredo*; quando multo humore laxatæ florum & gemmarum fibræ ingruente solis æstu celeriter multum exsiccantur; ut nihil dicam de grandine violento plantarum hoste, & procellis, turbinibusque vehementioribus, quæ frustra obsistitur.

X Alii plantarum hostes sunt plantæ *parasitæ*, quales sunt eæ potissimum, quæ radículas suas ipsis aliarum plantarum caulibus, stipitibusque immittunt, iisque succum exhauriunt, simulque poros sæpe obstruunt, aut etiam vasa dirumpunt. Tales vulgo habentur viscus, hederæ, iasminum virginicæ, hypocistis. Diligenti plantarum purgatione, & surculatione hic opus est. Eadem purgandi sedulitas requiritur in extirpandis insectis, de quibus deinceps agendum erit pro instituti nostri modulo.



## C A P U T III.

### De Regno Animali.

*Per*scrutanti regnum animale tanta copia, tantaque omnium varietas occurrit, ut vel eorum, quæ oculis passim obversantur, desperes catalogum posse confici methodicum, quo animalia in certas classes, & ordines distribuuntur. Fuere, qui, ut exitus pateret ex hoc labyrintho, fila præbuere, & condidere systemata, fixere characteres, sed infeliciter adeo, ut cuinam ex classibus quas zoologi hi constituerant, porcellus adnumerari debeat, instar problematis, ut aiunt *Tivoltiensis*, habeatur. Sed iniqua eorum sorte non deterritus Brissonus magni *Reaumurii* discipulus novum systema classium concinnavit eo nixus principio, primam differentiam, quæ numerum classium definiret, a specie perfectissima, & primaria, id est, ab humana desumendam esse, ut e numero characterum, in quibus ceterorum animalium species cum humana convenirent numerarentur. Neque vero aptius ab alio capite filum videtur duci posse.

## §. CCVIII.

## ANIMA BRUTORUM.

I. Fuere, qui bruta meras machinas dicerent, nec principio quodam vitali, sentiendi, atque ad petendi ac movendi vi prædito animari adfererent. At vereor, ut hi quidem ex animo ponunciarint sententiam. Motus enim bestiarum, ut iidem diversis adiunctis, vel circumstantiis, ut aiunt vestiti sunt, expendenti, ac similitudinem illam, quæ inter earum organa, hominumque intercedit, consideranti serio persuadesi vix ac ne vix quidem posse arbitror, bestias inanima automata esse. Observamus in illis non motus duntaxat, sed eiusmodi motuum adfectiones, quæ obiecta sibi iucunda, aut molesta ostendant; ut canis ad frustum panis advolet *avide*, & fugiat *cum indicio timoris* a fuste, ut aliæ bestiæ gestibus, ac sonis, quos edunt, signa *gaudii, tristitiæ, doloris, timoris, desiderii, iræ, amoris &c.* edant. Aviculæ pro pullis alimenta conquirunt *cum sollicitudine* quadam: canis dominum absentem, aut mortuum quærit, lugeat: recordatur verberum, & baculum novit distinguere, quo læsus est. Nec minus *somnia* butrorum nota sunt: adde varias *artes*, quas perdiscunt, *sagacitatem* in construendis nidis, quærendis, aptandisque foveis ac spelæis, *industriam* in comportanda annona; aliaque sexcenta, quæ a materia, & mechanismo longissime distant.

*De natura ac conditione animarum in bestiis non multum, credo, disceptat sapiens philosophus, cui non modo res tot, ac tantæ in universitate rerum spectandæ obii-ciuntur, sed sui ipsius cognoscendi studium cordi esse debet. Actiones quædam brutorum, quæ vim ratiocinandi adumbrare videntur, per expectationem casuum similium a phantasia & memoria recentiores philosophi reputant. Conf. dicta in Psychologia §. XL. n. IV.*

## §. CCIX.

## CLASSES BRUTORUM.

I. Ut Classes brutorum determinet BRISSENIUS, quinque notas distinguit in homine, secundum corpus animale duntaxat spectato. 1. Corpus humanum considerat ceu machinam venis & arteriis rubeo liquore, quem sanguinem dicimus, plenis interstinctam. 2. Cavitas trunci superior pulmones ad respirationem continet. 3. Homo est animal viviparum, quod fœtus suos lacte nutrit. 4. In aliquibus partibus corporis pilosus est. 5. Artus habet quatuor, scilicet manus binas, binosque pedes.

II. Primam igitur brutorum classem constituit illorum, quæ has quinque notas cum homine communes habent, uti sunt quadrupedia. Secunda classis ea complectitur, quæ quatuor tantum notas habent, uti cetacea, quæ artus non habent: in reliquis cum homine conveniunt. Tertia classis in duabus notis deficit, uti aves in nota deficiunt tertia & quarta. Classis quarta eorum est, quæ binas duntaxat notas exhibent, ut reptilia primam, & secundam. Quinta demum classis una duntaxat nota hominem attingit, uti pisces cartilaginei, qui sanguinem in venis & arteriis habent, nihil præterea. Post has veniunt classes aliæ quatuor, quæ omnibus hisce notis carent, scilicet piscium proprie sic dictorum exsanguium, crustaceorum, insectorum, & vermium. Classes hæc rursus in sectiones, sectiones in ordines &c. distribuuntur, quæ quidem, si quis ampliorem in hac re eruditionem comparare avet, in ipso Auctoris opere: *Regnum animale*, inquirenda sunt.

## §. CCX.

## GENERATIO, ET FÆCUNDITAS BRUTORUM.

I. Veteres animalia generatim in perfecta. & imperfecta dividebant; in his quædam dixerunt *sponte nascentia*; quorum scilicet cu-  
nas

nas non conspiciebant propius, eas ex putri, aliave corrupti corporis materia enasci putabant, quo mire firmabatur tritum illud: *corruptio unius est generatio alterius*. Verum oculi lentibus armati dudum aliud nos docuerunt. Nullum est tant exiguum, aut vile animalculum, quod genus suum propagare naturali solertia non studeat; ita ut fœtus suos iisdem maxime in locis deponant in quibus alimentum mox præsto est; quo facta partium corpusculi evolutione nutriatur. Hinc muscæ ovula sua in carnibus, plantis, fructibus; culices in aqua & limo, aliæ bestiolæ in vivis aliorum animalium corporibus deponunt; unde fit ut passim metamorphosi quadam, cum e nymphea expectatur proditurus papilio, subito muscarum examen integrum evolet. Nec inversimile est quasdam alias (uti præcipue de ephemeris, quæ culicum ex aquis prodeuntium, & unica die circumvolitantium species est, quidam suspicantur) libero in aere inter volandum & nuptias celebrare, & partus suos promere. Siquis ergo veterum fabulis de muribus semiligneis ex putrefactis carinis, & anatibus scoticis paris originis, aut conchis anatisferis hodie intendere velit, merito risum feret.

II. Fœcunditas varia est; minor inter quadrupedes, quam in aliis, & adhuc minor, quo maioris fere molis sunt, cernitur. Inter aquatica balenæ ad 100 & ultra pedum longitudinem excrescentes duos habent fœtus, quos lactant. At pisces alii ova ponunt innumera, carpiones plusquam 20. millia, lucii fere millionem. Insectorum pariter admiranda est fœcunditas: papilliones plura centena, una tinea plus decies mille ovula enititur.

III. Ex generationis modo animalium divisio olim sumebatur in *vivipara*, & *ovipara*; quæ quidem retinetur hodie eo sensu, quod aliqua animalia, uti quadrupedia fœtum vivum iam ovo suo exclusum emittant: alia vero ipsa ova deponant. Communior autem opinio est, omnia ex ovis nasci, homine excepto. Patebat quidem pars illa in dissecto corpore fœmelli animalis, quam nunc *ovarium* dicunt, omnium oculis;

sed eius usum ignorabant. Experimenta in suis capta ostenderunt, eas parte illa exsecta fieri steriles. Reperiuntur in ea vesiculæ, quæ cum ovis avium præter figuram similem etiam in eo conveniunt, quod in aqua fervente limpidus, quem continent, humor in albumen coagulatur. Fætus ipse ad placentam uterinam funiculo quodam alligatur; innatat liquori *amni*, quæ tenuis membrana est, quæque ab alia, *chorion* dicta, instar corticis ambitur; ut in viviparis vix aliud discrimen adpareat, quam quod fætus iam in utero excludatur ovo suo.

IV. Fætus viviparorum primo augetur ipso liquore, cui innatat, primumque est cordis rudimentum, quod conspicitur; dein cum iecore cerebrum evolvitur. Postea albugineus quidam succus e materno sanguine in placentam (est ea massa mollis, rubra, quæ venas & arterias umbilicales in subtilissimos ramulos diffusas veluti plantæ cuiusdam radículas intra se fovet) excretus per venam umbilicalem ad ipsum cor advehitur, indeque per cæteras sensim partes dispensatur. Hoc tamen succo unice nutriri fætum, ac crescere minime dixerim. Norunt enim anatomici alias vias plures, quæ nutrimentum subministrari potest; donec partibus sat firmis, auctisque fætus tandem & gravitate, & proprio motu ac calcitracione fibras placentæ laxet, rumpat secundinas seu ovum suum, ac tandem in lucem prodeat. Tempus partus varium est; cuniculi menses duos, quatuor feles, capræ quinque, cervæ octo, homines novem; duodecim cameli habent: elephantes biennium.

V. Ovum alitis crusta duriorē editum, dum calore materno *punctum saliens*, quod ipsum est novi fætus rudimentum in vitello seu liquore illo luteo fovetur, circulos quosdam format. Exclusionis tempus iterum varium est. in ovo gallinaceo tertio iam die totum pulli corpusculum delineatum aliquando conspici potest. Sexto autem die imminuto vitello & albumine in angulum ovi detruso distingui possunt intestina, hepar flavum, & initia rostri. Duodecimo plumarum vestigia iam se produnt: sub ventriculo ele-



vato quidpiam lienis conspicitur: intestina tamen abdomine nondum clauduntur. Interea pullus nutritur albumine, aut id in colliquamentum desinit, donec die decimo nono & vigesimo vitellus magna ex parte in abdomine abscondatur: tum plumæ se magis expandunt: pippit pullus, & rostro corticem impetit: ac frangit.

VI Observationes istæ fieri possunt ope artificialis exclusionis pullorum, quam Ægyptii nos docuerunt, & cel. REAUMOURIUS maxima sedulitate excoluit, & propagavit. Famosi sunt Ægyptiorum furni, in quibus multa millia ovorum omnis generis avium veluti excoquuntur. Sufficere ad id potest furnus quivis pistorius, si singulis septimanis ter saltem succenditur. Prope hunc cistula, cui ova committuntur, vel arca, aut simile quoddam conditorium suis operculis & spiraculis instructum locatur, quibus vel clausis vel apertis id unum maxime curari debet, ut calor e furno prodiens in cistula calorem naturalem animalium adæquet, nec unquam nimium excedat, aut ab eo diutius deficiat; id quod ope thermometri haud ægre obtinetur. Reaumourius porro ostendit, idem per calorem fimi obtineri posse: neque huius rei exempla iam rara sunt.

VII. Ovum sæcundari debet; & quamvis velut semen specificum & prima fætus lineamenta in se contineat, opus tamen habet alio adiumento, cuius accessione inchoata illa stamina organorum veluti excitentur, explicentur ac evolvantur. Mysteria hæc sunt naturæ perspicacissimis anatomicorum ingeniis, ne dicam, oculis impervia, cum vel sola fætus nutritio ægre divinari possit. Omnem etiam captum superant monstra, aut fætus maculosi, qui phantasiæ, matris vulgo tribuuntur. Inventa sunt in animalium semine animalcula, inde *spermatica* dicta, sicuti & in lacte piscium recens exenteratorum adhuc calente ingens copia punctulorum sese moventium optimis microscopiis conspicitur, Unde in eam nonnulli opinionem prolapsi sunt, ut sæcundationem ovorum per ipsa hæc animalcula ceu per semen specificum fieri crederent. Verum ea

ani-

animalcula tam ingente numero sunt, ut non minus rationi repugnet, *plura* ad unum formandum concurrere, quam *unum* cæteris exclusis & deperditis, aut aliorum delatis. Nec sane via deest, qua hæc animalcula in humoribus animalium nascentur, si spectetur alimentorum diversitas, & ovulorum, ex quibus ea prodeunt, exilitas quæ ab insectis & ipsis minimis, ubivis deponuntur. Si enim aquam ipsam, quam purissimam credimus, examinamus, libero aeris expositam non raro animalculis scatentem per microscopiaprehendimus.

## §. CCXI.

### ANIMALIA TERRESTRIA.

I. Animalia terrestria sunt vel quadrupedia, inter quæ etiam amphibia quædam numerari possunt, vel reptilia, pauca ex iis, quæ singularia sunt, enumeremus. Habent bruta unum, alterumve sensum præ cæteris acutissimum, quo a natura instruuntur vel ad obsequium homini præstandum, vel ad victum sibi conquirendum, vel ad incolumitatem servandam. *Lynx visu* nos superare dicitur. In canibus mirus est sensus *odoratus*, præsertim venaticis. Notant anatomici, nares illorum esse valde apertas, & longe plurimis papillarum nervacearum squammulis ubique oblitæ. Felles pupillam oblongam habent, & de die valde contractam, quæ noctu se explicat, ut superstities lucis radios maiore copia admittat, qua obiecta in tenebris discernit bestia. Idem & nos experimur, dum e diurna luce obscurum cubiculum ingressi nihil primo videmus, pupilla in angustiores orbem contracta: post moram sistunt se obiecta, ampliante sese pupilla, quæ radios per rimas valvarum hac illac penetrantes copiosius excipit. Non minus ab apro ac lepore *auditu* vincimur. In his meatus aurium tubo velut acustico præmunitus est: quo mediante sonus quamvis tenuis, vel a longis spatiis dimanans colligitur. *Gustu* Simiæ cedimus, imo plerisque fortassis aliis animantibus. Hinc ad inhospitas delatis terras, ne venena pro nutrimento sumant, lex illa servanda est, ut fructus nullos nisi quos feræ  
ibi

ibi stabulantes, aut volucres ambiunt, degustare audeant.

II. Consideratione maxime digna est brutorum quorundam structura interior. *Ruminantia* vocantur, quæ repetitis vicibus cibum semel deglutitum e ventriculo versus os regerunt, masticant, rursus deglutiunt. Habent hæc gulam, & ventriculum valde musculosum, eumque duplicem. Alimentum, quo vescuntur, satis crudum est, ceu fænum aridum. Fibræ ventriculi hoc cibo non satis primum comminuto irritantur, sese constringunt, ac crambem male decoctam rursus versus os extrudunt. Simplici ventriculo contenta sunt, quæ mollioribus alimentis, vel masticatione antea magis subactis fruuntur. Singularis quoque interior cameli structura est. Ventriculos habet omnino quatuor; in his unus eorum in apice quadratis foraminibus in viginti vel triginta sacculos hiat, quos cuticulæ formant totam ventriculi substantiam componentes. Serviunt hi sacculi pro aquarum conditoriis, quas camelus copiose bibit, ut in desertis aridisque locis potus defectum longiore tempore perferre possit.

III. Nec incessus animalium penitus prætermittendus est. Pictores a BORELLO erroris arguuntur, quando equum incedentem pingunt elevatis alternis pedibus e. g. dextro anteriore, & posteriore sinistro. Aut anteriore sinistro & posteriore dextro. Nec enim hi pedes simul, nec immediate successive attoluntur. Incessus quadrupedum (aliter de effuso cursu loquendum) talis est, ut centrum gravitatis semper intra basin cadat; quapropter ne aut centrum gravitatis versus partem, qua pes elevandus est, declinans pedem eundem figat, aut corpus animalis deductione vel contractione alterius lateris incommodum sentiat, elevatio pedum fit successive, ut e. g. dexter posterior, mox dexter anterior, tum sinister posterior, denique anterior sinister, & sic per vices deinceps eleventur.

IV. *Reptilia* a modo incedendi nomen habent. Corpus enim oblongum flexuosis contortionibus, & spiris volvunt, vel partium aliarum contractione, ac dilatatione alias post se trahunt. Corpus lumbrici ter-

restris ex meris musculis annularibus, aut potius unico musculo annulari constat, cuius reciproca contractione motu fere spirali subtus terram instar terebræ penetrat. Habent autem lumbrici quadruplicem pedunculorum seriem, quos velut totidem uncus plano infigunt.

V. Serpentes partim cum animalibus aquaticis conveniunt. Viscera enim piscibus communia habent, nisi quod pulmonibus ad respirationem instructi sint. Ideo a Brissonio quartæ classi accensentur, ad quam lumbrici neutiquam spectant, quibus loco pulmonum tot spiracula, quot annuli sunt. Venenum serpentum e dentibus effundi, recentiores Physici adserunt. Sunt enim hi usque ad cuspidem cavi, ubi modica fissura est, per quam virus e vesiculis supra dentium radices intra gingivam expressum effunditur. Cutem deponunt post ieiunium per hiemen toleratum, ubi lamella exterior succo destituta corrugatur, ac sponte tandem a cute secedit.

## §. CCXII.

### VOLATILIA.

I. Avium structura ad volatum expedita est. Ossa instar fistularum cava, firma tamen satis: pedes similiter tenuiores: thorax yalde amplus pro mole corporis, in quo pulmones, ne in volatu penduli officiant, dorso firmiter annexi sunt: diaphragma non habent, nec renes aut vesicam, quia parcioris potus sunt: illud suppletur a sterno duabus veluti costulis alato, quibus mediantibus thoracis cavitas in respiratione satis expandi, & comprimi potest. Alæ plicatiles pluribus constant articulis; dumque iis extensis volant, centrum gravitatis in linea extremitates alarum connectente reperitur. Pennæ certo, pulcherrimoque ordine dispositæ ex aliis minoribus plumis, & harum ramuli iterum ex minoribus efformati sunt. Has, ne madore tingantur, utque firmitatem debitam conservent, oleo quodam ex vesicula partis postremæ petito, dum eas per rostrum ex ordine tradu-

ducunt, illinunt. Pedes denique plicatiles etiam habent, & corpus totum levioribus & laxioribus plumulis vestitum, ut expansis alis, præcipue si appendix caudæ accedit, volumen pro pondere plerumque exiguo satis magnum nanciscantur.

II. Volatus inchoatur flexis primum cruribus, & saltu in altum, simulque alæ mox expansæ aerem verberant. Hinc amputatis cruribus conatus volandi fiunt irriti. Plures opinabantur quondam, caudam avium temonis officium tenere. Sed recte BORELLUS monet, non eum esse situm caudæ, ut aerem ad latera verberare queat, sed cum planum horizontale formet, eam potius pro vecte servire: quo mediante in altum se attollant, aut versum terram demittant, cauda ad aerem incumbentem vel subiectum ccu fulcrum adplicata. Id quoque notantum est, aves, quæ caudam non habent, pedes retrorsum ultra totum corpus porrectos tenere, ceu anates, ut cum collo præsertim longiore æquilibrium teneant. Non eadem in omnibus est volatus ratio. Quædam complosis per intervalla alis quasi saltus quosdam efficiunt, uti fringillæ: aliæ continuatis celerrime vibrationibus alarum per aerem remigant, ut palumbes: aliæ cum ciconiis aeri quasi innatant; quæ quidem a firmitate & magnitudine alarum, ac mole corporis dependent.

III. Quod reliquam corporis structuram concernit, rostrum corneum pro labiis servit, pro dentibus vero ingluvies, in quam alimentum reconditum prius succo quodam ad digestionem præparatur, tum in ventriculum valde musculosum, & tunica plurimis rugis asperata intus vestitum, eumque duplicem, aliquando etiam triplicem delatum rursus trituratur; quod ut exactius fiat, constat, lapillos, aliaque fragmenta corporum duriorum ab avibus deglutiri. Chylus porro non a singularibus vasis lacteis, quibus carent, sed immediate a venis mesaraicis exceptus, sanguini demum mixtus ad cor deferitur.

IV. Divisiones avium varix sunt. Aliæ terrestres, aliæ aquaticæ, quæ scilicet maximam partem aquis innatant, & in pedibus maximum discrimen habent,

bent, quin etiam in rostro. Pedes in digitos distincti, & unguibus aduncis præmuniti in aquaticis plerumque breviores sunt, simulque ipsi digiti membrana iuncti ad natandum aptantur. Rostrum quoque piscationi conveniens denticulis armatum passim cernitur; estque non minus in terrestribus varium, prout diversus victus est, quem species avium singulæ ambiunt. Unde dividuntur in prædatrices, seu *carnivoras*, quibus ungues uncinati, fortes, & acuti, rostra plerumque adunca sunt: in *baccivoras*, quarum rostra crassiora & firma: *gramivoras* rostro breviori, & ampliore: *vermivoras* longiore & tenuiore &c.

V. Aliæ aves præterea *stationariæ* sunt, aliæ *transmigrantes*, uti coturnices, quæ ex Africa in Europam ineunte vere a nautis per mare nubis instar commigrare ceruntur. Sic etiam grues, & anates, quæ certum in volatu quoque ordinem servant, & figuram literæ I, vel V præseverunt, adpropinquante brumamitiora loca inquirunt. Dicunt ad mare Erithræum grues inter & simias frequentes conflictus oriri ob simiarum sætus, quibus grues insidiantur. Quod fortassis ansam dedit fabulæ de bello grues inter, & pygmæam gentem exorto. Verum his vix accensendæ sunt hirundines, quæ partim in silvis ex arborum cavitatibus, partim prope aquas e saxorum cumulis, operum ligneorum fissuris &c. magna copia in massam quandam conglomeratæ extrahuntur. Inventæ etiam sunt inter piscinæ cannas sub ipsa glacie, & ad sensum prorsus inanimes, nisi quod pulsus aliquis in iis adverteretur.

*Supereffent plurima notatu dignissima de avibus; sed quæ his angustiis non capiuntur. Hoc ordine eximendus est vespertilio, qui pro mure alato haberi debet. Et ad classem quadrupedum spectat, cum sætus Et vivos edat, Et mammis quoque lactet, Et alas si demseris, addasque caudam teretem, a mure vix differat.*

## §. CCXIII.

## AQUATILIA.

I. Aquatilia medius in aquis vivunt. Distinguuntur in exanguia, & sanguine prædita. Ista comprehendunt cetaceos, cartilagineos, & quos vulgo pisces fluviales, lacustres &c. nominamus. Cetacei pulmonibus, renibus, vesica instructi sub aquis diutius vivere nequeunt. Imo in summitate aquarum sæpius fluitant, & exerto capite aerem attrahunt, quem una cum ingente aquarum vi per fistulas capiti insertas evibrant. Loco squammarum corio teguntur robustissimo. Magnitudo quorundam vix non fidem superat. Balenarum e numero in mari boreali ducentorum etiam pedum longitudine capiuntur. Tritonum, & Sirenium historiæ nostro hoc seculo revixerunt iterum. Recentissimum spectaculum, quod vir marinus prope Brestam dedit, ex iegitimis testimoniis referunt Trivultienfes ad annum 1725 Oct. Art. 95.

II. Reliqua aquatilia, etsi & ipsa sanguinem in venis habeant, carent pulmonibus, quorum loco per branchias suas respirant, per quas venæ & arteriæ distribuntur. Certe sub campana extracto aere moriuntur nonnulli; nec aures iis deesse internas (externas etiam cetacea habent) probant exempla piscium ad sonum tintinnabuli ad pastum adnatantium. Odore quoque videntur pollere, cum escas vario odore illitas non pari aviditate insectentur. Oculos fere avibus similes habent, demtis palpebris. Humor chrySTALLINUS globosus est, ut & quarundam avium, quæ sub aquis escas piscantur. Vestis squammata est, aut cutis lævis, aut cartilaginea oleagino humore perlita, quo aquarum frigus fortassis arcent.

III. Quod avibus alæ, hoc piscibus pinnæ sunt; quarum alæ plerumque prope caput, alæ in acie ventris ad æquilibrium tuendum politæ sunt. His resectis non nisi corpore inclinato aut supino natant. Cauda piscibus rectius, quam avibus pro gubernaculo,

C c

vel

vel remò servit; hac enim resecta motus omnis horizontalis ad latera cessat. Habent præterea vesicam aere turgidam, quam, dum fundum petunt, constrictis musculis comprimunt, aeremque quasi extrudunt, ut pondus corporis pro mole maius evadat; unde perforata hac vesica e fundo se attollere nequeunt. Tum enim se attollunt, cum laxatis musculis vesicam expandunt.

IV. Fæcunditate a piscibus superantur quævis animalia. Lewenhœckius in asello marino numeravit ovula 9340000. Non tamen constat, piscium species inter se unquam commisceri, ut id tam in quadrupedibus, quam volatilibus contingit. Marini sua ovula libentius in dulci & fluviatili aqua dicuntur deponere, maiores vero in scopulis. Pisces minores in fluviiis & lacubus ova sua effundunt ad radices plantarum aquaticarum, aut prope litora inter arundines; quod dum fit, mas fæminam insequens semen lacteum super ova fæcundanda emittit.

V. Aquatilia *exsanguia* dividuntur in mollia, testacea, & crustacea. Inter mollia observandus est *Polypus*, cuius cirrhi resecti rursus crescunt. Crura, sive brachia caliculis, quos *acetabula* vocant, instructa sunt, quibus prædæ admotis quasi cucurbitis haustu suo adhærent, ut divelli nequeant. Atramentum, quod polypus prehensus diffundit, subrufum est. *Sepia* liquorem nigrum habet, quo se piscatoribus subducit. Eius longitudo binos quandoque cubitos æquat; qua quidem, uti & duplici proboscide a polypo distinguitur. Adhuc longior, atque etiam tenuior est *loligo*.

VI. Crustacea Plinio communi cancerorum nomine veniunt, & dividuntur in *locustas*, *Gammaros*, *Squillas* & *cancros*, alias etiam in *crustacea caudata*, quæ natant; & non caudata, sive rotanda, quæ in fundo natant, & a fluctibus abripi se sinunt. In canceris notabilis est crustæ veteris depositio, quæ apud nos fit mensibus Junio & Julio, quo tempore cancer solitarius, ieiunus & abditus latet, ne inermis aliis in prædam cedat. Cum nova crusta, quæ sub veteri for-



formatur, etiam ventriculorum innovant, ita, ut novus veterem intra se conclusum absumat, in quo a Reaumurio aliquando sex dentes inventi. Eodem tempore quoque lapides, vulgo *oculi cancerorum* dicti prodent in veteri ventriculo elaborati, qui sensim imminuti, aut forsitan emolliti in vesiculas liquore plenas abeunt. Magis etiam mirum videtur, chelas resectas succrescere cum totidem præcise articulis, quot rescindebantur, haud secus, ac dentes succrescunt. De his consulenda Act. Acad. Paris. ad ann. 1709.

VII. *Testacea*, seu conchyliæ pene innumerabilia sunt: unus P. Bonani 540 diversas species enumerat. Generatim dividuntur in *univalvia*, & *bivalvia*. Univalvia sunt vel turbinata, vel striata, aut conglobata quidem, sed non contorta. Ex ultimis memorandus est *nautilus*, qui in concha sua veluti cymba, expansa quadam ante se pellicula velificat, viso hoste mox aquam haurit, & in profundum se mergit. Huc etiam pertinet *Lepas* concha conica, & basi fere elliptica, quæ lapidibus adhæret vi 30 tt. vix separanda. Urticam, vel stellam marinam inter zoophyta, seu medium quid inter animal & plantam numerare volebant. Sed eius motum progressivum detexit solertissimus Reaumurius. *Turbinata* sunt cochleæ marinæ, seu turbo, qui in longiorem & acutiorem verticem definit: *buccinum* ex figura sic dictum animal, & *murex*, buccinum aculeatum, purpureo liquore, quem continet, nobilis. Hæc quidem animalia cochlearum motum serpentinum habent, ac gradum mediante quodam glutine e corpore emisso figunt.

VIII. *Bivalvia* seu conchæ duplices fere a figura & colore nomen habent. Testæ concharum secundum Reaumurium crescunt per iuxtapositionem; crescente nimirum animali crescit & concha, quatenus exsudans humor illius marginibus adhæret, membranam constituit, duplicatur, triplicatur, donec perfecte indurescat. Colores striarum a variis proveniunt corporis partibus, e quibus succus ad formandam concham variis exsudatur. Testæ cuiuslibet conchæ intus membrana seu cuticula contactæ tam apte, firmiterque

claudi possunt, ut omnem aquæ aditum intercludant, in parte posteriore, qua crassiores sunt, vinculo quodam elastico neuntur. Inde laxatis binis musculis vinculo adnexis eius elaterio testa aperitur ad respirationem & sumendum cibum: attractis musculis clauditur.

IX. Conchæ margaritiferae plures sunt; sed non eiusdem pretii lapillos ferunt. Verosimilior opinio est, uniones seu margaritas ex eadem, qua concharum testæ, materia fieri; quippe non tantum eiusdem coloris sed etiam substantiæ videntur esse cum parte testæ, cui adhærent. Sicut testa ex humore quasi lapidifico animalis concrevit; ita & uniones ex hoc ipso humore copiosius parte quadam animalis profluente & velut congelato oriuntur.

## §. CCXIV.

### INSECTA.

I. RAYUS 20000 species insectorum numeravit; ad finem tamen non pervenit. Intelliguntur hoc nomine minora animalcula tam volatilia, quam repentia, & quatica, & terrestria; quamvis iis tantum conveniat proprie, quorum partes veluti intersectæ, hoc est, exiguis ligamentis, aut annulis connectuntur. Divisiones in certas species, ordinesque, uti ob multitudinem perdifficiles sunt; ita apud Physicos perquam varæ extant. Generales quasdam classes hic attingam ex Reaumurio.

II. Prima sit *Erucarum* & *Papillionum*. Corpus erucæ duodecim annulis constat, & capite corneo. Sex pedes anteriores cornei sunt pariter: duo ultimi, & intermedii, siquos habent, sunt membranacei: habent autem erucæ proprie tales nunquam pauciores octonis, nec plures, quam sedecim: alias ad vermes ablegantur. Teguntur annuli membrana aut rafa, aut pilosa: habent aliquæ cristas: aliæ cornua &c. pastum ex foliis arborum & fruticum sumunt. In inferiore parte cornei tegminis cernuntur puncta quædam

dam nigra, quæ pro oculis habentur. Labrum superius constituunt duo dentes ferrati, inferius tres papillæ, e quarum media ducunt fila sua, quibus se vel obvolvunt, vel ex arboribus demittunt. Singuli utrinque sua spiracula habent, per quæ aerem hauriunt; atque his oleo oblitis quasi suffocantur, & pereunt.

III. Inter erucas nobilissima est *bombix*. Hæc bene pasta quater pellem deponit (similia de aliis cogita) rursus avide folia carpit; tum satura, & per tempus aliquod ieiuna tandem circa se telam virgultis adnexam, eamque rudiorum orditur; denique folliculum contexit, caput primo sursum, tum deorsum, mox transversim ad latera per arcus circulares agitando. Eundem resinoso liquore intus constipat, atque præmunit. Prodit filum bombycis duplicatum e duplici foramine, & ad 980 pedes aliquando extenditur: tria tamen grana unius scrupuli, qui 24 continet, vix adæquat. In hoc statu languet, & pabulum digeritur: formatur sub pelle crusta, in qua dum se agit, & quodammodo inflat, pellis rumpitur, & a corpore rursus abstrahitur, proditque *aurelia*, sive *chrysalida*.

IV. Aliis modis & formis transformationem suam auspicantur aliæ erucæ. Quædam foliis arborum se involvunt, eaque filis suis contorquent. Aliæ unico filo ad ramum, vel obvium baculum se alligant una cum extremis pedibus: aliæ in terram se iterum defodiunt, ibique ex arborum ac lignorum fragmentis, ex arenulis ac terra oblongum loculum intus instar folliculi glutine quodam perlitum efformant, & similiter deposita demum pelle in chrysalidas migrant; quod nomen a colore aureo, quem plures præferunt, quemque Reaumurius e colore subfusco crustæ, & subiecto albescente erucæ corpore provenire putat, obtinuerunt. Hoc in statu non æquali omnes tempore manent. Id e sumto pastu, eius copia, & qualitate, ex conditione aeris multum pendet. Post unam, pluresve hebdomades, quin & menses perscitur tandem intra crustam volucris, quam *papilionem* dicimus: durant quædam chrysalides per hiemem integram.

V. *Papilio* sex pedibus, & quatuor alis farinaceo

pulvere, uti adparet, conspersis instruitur. Is tamen pulvis nil aliud est, quam multitudo plumularum diversissimorum colorum, ac figuræ variæ iam dentatæ, iam striatæ, iam uncinatæ, iam arcuatæ, quarum singulæ stilis suis membranæ alæ infixæ sunt. Habet hic sane oculus, quo se ope microscopii oblectet. Varias formas habent fila proboscidi præfixa, *antennæ* dicta; sunt enim vel globosa vel clavata, vel prismatica, vel conica, vel etiam plumaria. Proboscis in spiras contorta ex binis membranis canalem format, quo succum haurit. Oculi quasi vitra polyædra sunt. Fæcunditas plane stupenda est.

VI. *Vermes* numero pedum distinguuntur ab erucis, aut etiam qualitate, si numero non differunt. Habent enim pedes corneos plures, vel pauciores. Caput etiam rotundius est, & non nisi uno oculo utrinque præditum. Nam in erucis quinque aut sex in arcum disponuntur. Dantur terrestres, & aquatici: priores terram, ligna, plantas, imo & saxa incolunt. Transformationis negotium fere, ut in erucis perficitur, nisi quod sub folliculis *nymphæ* lateant, quæ ab aureliis seu chrysalidibus in eo distinguuntur, quod corporis lineamenta, & prima stamina, quæ in aureliis crusta conteguntur, palam, & sine tegmine exhibeant.

VII. E vermibus *scarabæi* & *muscæ* prodeunt: istarum alæ nullo, ut in papilionibus, pulvere obducuntur: illorum vero crustaceo conduntur tegumento; mirandaque prorsus est alarum sub crustis complicatio, & configuratio radiorum, ac muscutorum per membranam tenuem distributio. Alæ muscarum pallim pilis fimbriatæ sunt: alæ binas, alæ quatuor habent. Numerant aliqui muscarum 70 species, at certe nimis parce. Oculi, ut in papilionibus, reticulati sunt. Præterea muscæ aliquæ vulgares, earumque hostes vespæ &c. in supremo capite duos tresve insuper oculos habent, quæ per microscopium instar pellucidarum ac minimarum lenticularum videntur. Mira in singulis generibus varietas proboscidis, antennarum, pedum, indolis, ac studiorum. Muscæ alæ sunt oviparæ, alæ viviparæ: alæ  
fæ-

fœcundissimæ 20000 ovorum, aliæ steriles non nisi duo enituntur maiora. Alæ aculeum exerunt, quo plantam perforant, simulque ovum cum liquore ibidem deponunt, sicque poma gallarum nascuntur. Aliæ *Ichneumones* dictæ erucarum corporibus ovula sua inferunt: ex quibus vermiculi enascuntur, qui vel antequam erucæ in aurelias transformentur, earum viscera absumunt vel si diutius in ovis latuerint, tandem ex erucarum aureliis in muscas versi rupta testa evolvant. Similiter aliæ intra pelles maiorum animalium ovulis suis nidos præparant. Aliæ, ut culices, ovula sua in aquis emittunt. Habent hi proboscidem, quæ instar vaginæ tres gladiolos continet.

VIII. Decantata est *apum* respublica. Earum genus triplex. *Operarii* vocantur, qui mel colligunt, ac e cera cellulas hexagonas construunt: fuci, iners genus, maiore copia mares sunt: reginæ sive fœmellæ longiore adhuc corpore distinctam & figura, & magnitudine cellam occupant, & a fucis fœcundantur: quo factò alveari excedendum fucis est, aut aculeis operariorum moriendum. Nec nisi unam, ad summum duas regnum reginas capit, quæ ovula in cellas distribuit, quas dein operarii tenui operculo contegunt. Farinam florum, ait Reaumurius, prius in posteriorum pedum cavitates collectam, domum reduces comedunt, & digestam instar claræ & spumæ pultis revomunt, & operi cereo adaptant. Mel e florum glandulis sua proboscide lambunt potius, quam sugunt, & partim pro suo nutrimento reservant, partim in cereis alveolis deponunt. Incolumi regina concors labor, & industria viget: sine hac vero languor, otium, voracitas & discordiæ subeunt. Discedentem ipsæ apes sequuntur. Taceo innumera alia.

IX. Non minor est *formicarum* sagacitas in comportando frumento; quod non tam pro se, cum per hiemem fere emortuæ iaceant, quam pro suis fœtibus accumulunt. Sunt formicarum ovula instar grani milii. Vermiculi ex iis exclusi folliculos formant, quos vulgo formicarum ovula dicimus, ubi transeunt in nymphas. Has plurimum formicæ curant, easque modo profunde defodiunt, modo transferunt huc illuc, aut oli exponunt.

X. Ex insectis non alatis *araneorum* variae species admirationem cient. Duabus hæ tantum partibus constant, capite crustaceo, & molli ventre, exiguo canaliculo iunctis. Oculi sex, vel octo superius, & ad latera ordine vario disponuntur. Brachia duo uncinata, quibus prædam arripiunt, prodeunt e fronte, quorum basi dentium series duplex adiacet: pedes octo pectori adfixi, & uno duplicive unco armati sunt: extremitas ventris tres papillas continet: e quibus sua fila ducunt. Ex oculorum tam numero, quam situ sex *araneorum* classes constituuntur. *Domesticæ* habent octonos figura fere ovali in fronte dispositos: telam continuam, & receptaculum in angulis murorum construunt. *Geometræ* ex figura retis inter arbores ferme expansi vocantur. Ex oculis octonis quatuor superius quadratum formant: bini inferius ex utroque latere, & minores sunt. *Cellariæ* in cryptis, rimis, & foraminibus murorum latent: oculos tantum senos habent, binos in fronte, duos utrinque in latere: fila per parietes foraminum ducunt, & extimam muri superficiem. *Cursores* cum octonis oculis binis seriebus parallelis fila non ducunt: brachia plumata sunt. *Campestres* duos in fronte oculos habent, utroque vero in latere tuberculum, cui oculi tres in triangulum dispositi sunt infixi: pedes pilosi & longi: telas suas in solo expandunt. *Tarantulæ* veneno infames sola fere magnitudine differunt a domesticis: in fronte lineam formant oculi quatuor, post hos alii quatuor quadratum. Venenum icto homini melancholiam, & maniam creat: curatur musica, quæ ad saltum provocat pedes ad sudorem usque.

XI. Hæc insectorum genera paucissima sunt, si comparentur cum iis, quæ oculo etiam armato vix conspiciuntur. Quodvis ex his insectis hætenus recensitis, aliisque plurimis sua iterum animalcula habet, infestatur haud secus, ac homo pediculis & pulicibus. *Cochleæ* in collo, muscæ in oculis præsertim pilosis, alarum radicibus, scarabæi in testis suis talia circumferunt, in quibus, quo exiliora sunt, eo maiora naturæ miracula in partium omnium scita configuratione sese nobis exhibent.

XII. Aquatica insecta videntur fere numerum terrestrium excedere. Aquæ stagnantes continent innumerabilia, imo & quæ puræ vocantur aquæ. In unica guttula extremo calami apice in vitrum demissa plures centenarios sæpe detegit microscopium solare mira varietate, variisque motibus discurrentes: aliquando crescere, & augeri, iam minui videntur. Forte & hæc animalcula suas metamorphoses habent; ita ut minima quædam alata ex aere venientia aquæ committant sua ovula: hæc ibidem explicentur: ex his nutriantur vermiculi, qui post tempus resumtis alis rursus in aera emigrent. Acetum libero cælo aliquamdiu expositum *anguillas* profert, ex figura similitudine piscis nomen adeptas. Hæ bifariam sectæ plures alias *anguillulas* in spiram collectas aut etiam maiores cum ingente ovulorum vi non raro effundunt. Similes *anguillæ* inveniuntur in fermento pistorum, & glutinosa pulve bibliopægorum, quæ indurata primum pulve, postea per aquam tepidam emollita novam vitam acquirunt etiam post annos. Non improbabilis opinio est hæc animalcula in pulvem farinaceam venire ex ipsis spicis, in quibus grana non raro nigricantia deprehenduntur in fuscum pulverem comminuenda. Alia mollem quandam, & albam substantiam intus condunt, quæ adfusa aqua in filamenta solvitur, quæ dein vitam ac motum *anguillis* similem paulatim produnt.

XIII. qui plura cupit, BACKERI microscopium consulat. Unum addo polypum. Hoc animalculum corpus habet cylindricum, viride, passim trium, septem, quandoque etiam sexdecim linearum, & amplius in longitudine: basim unam ambiunt fila seu brachia sex, decem, viginti variae longitudinis, quibus vermiculos implicant triplo se maiores, eosque avidissime deglutiunt, & extracto alimento iterum revomunt: alias ieiunii valde patientes. Soboles ex latere cylindrici corporis instar ramuli propullulat: nec raro ex ea, dum matri adhæret adhuc, alia similis minor eminet: avulsæ hæc proles, & separato vasculo commissæ novæ similiter sætus edunt; id quod TRAMBLAIUS ad septimam usque generationem con-

tigisse observavit. Idem polypum in duas secundum axem cylindri partes secuit, & singulas secundum latitudinem iterum divisit in duas partes alias: omnes quatuor totidem polypi evaserunt. Secuit iterum eosdem ex partibus prognatos in partes similes; totidemque rursus perfectos polypos prognatos vidit, & continuata sectione per biennium 50 polypos ex uno obtinuit. Unde aliqui haud immerito concludunt, externam illam polypi figuram esse veluti indumentum quoddam plurimorum animalculorum una habitantium. Similiter corallia marina nihil aliud esse aiunt, quam nidos eiusmodi animalculorum, quæ uti complura alia, zoophytis olim accensebantur. Sed corallia non modo ex zoophytorum, sed plantarum etiam marinarum numero excluduntur a quibusdam verisimili ratione, quia eorum gravitas specifica ad aquam est ut 2, 68: 1. Quæ quidem lapidibus proxime competit.



## C A P U T IV.

### *De Atmosphæra Terrestrî.*

*R*egnis natura merito accensetur atmosphæra globorum totalium, præsertim telluris nostræ; cum diversa plane phænomena earum dominio subiacent, & in nostrâ atmosphæra generentur metæora aquæ & ignea; ex quibus de atmosphæris aliorum globorum quadam consuetudine fieri potest.

### §. CCXV.

#### ASCENSUS VAPORUM.

I. *Vapores* e fluidis & humidis proveniunt: *exhalationes* e siccis corporibus, quamquam id discrimen loquendi non observetur perpetuo, eam etiam ob causam, quod exposita evaporatione humidorum, atque in primis aquæ lalitus corporum siccorum particulis



lis humidis fere adhærescentes, aut permixti singularem difficultatem non facessant. Cum autem de ascensu vaporum agitur, explicanda est primo corporum evaporantium in tenuissimas particulas, quas vaporum & exhalationum nomine complectimur, solutio. *Secundo* separatio earundem a reliqua massa, atque elevatio in atmosphæram: *Tertio* sustentatio earum in aere multo aliis corporibus mixtis levioze: *quarto* præcipitatio illarum.

II. Opiniones Physicorum de vaporum ascensu admodum diversæ sunt. *Primo* aiunt, particulas ignis ex radiis solaribus sese exiguis particulis aquæ coniungere & moleculas mixtas admodum leves efficere, quæ ipsi aeri innatent: quando dein nubes ventis contrariis comprimuntur, aqueas particulas ab igneis deferri, ac decidere debere. At enim sæpe pugnantibus etiam ventis nihil vaporum magnopere decedit, & cælum serenum manet. *Secundo* particulas aqueas, cum admodum exiles sint, aeri innatare posse censent, uti pulvisculos in solis radio agitados cernimus. Sed hoc quidem modo, ut alia præteream, elevatio vaporum non explicatur, certe pulvisculi non nisi variis motibus animalium, ac ventorum excutiuntur, & aliquamdiu circumvolitant, aere quiescente mox relapsuri. *Tertio* vapores in meris bullulis intus vacuis aut non nisi ignem aut aerem concludentibus consistere opinantur, quæ cum aere densiore sint specificè leviores, eidem innatare debent, uti sphaera cava metallica aquæ innatat. Verum eiusmodi bullæ, si aerem rarefactum continent, statim ac ad mediocrem altitudinem, locumque frigidiorum sunt delatæ, ab aere externo comprimi ac condensari deberent, suæque gravitate iterum recidere, saltem nisi aliud expansionis, aut sustentationis principium adsignetur. *Quarto*. Qui attractione utuntur in ascensu vaporum explicando, non similiter eam adhibent; alii enim putant, vapores non aliter in aerem, quam aquam in spongiam, aut tubos capillares penetrare. Alii aerem aquæ menstruum censerî posse autumant, sic ut aeris particulae maiore vi trahant aqueas quam aquæ se mutuo, aut aereæ alias aereas. Verum illud valde hypotheticum videtur, præsertim si tanta vis tractionis aeri in aquam nondum

resolutam in vapores tribuatur. Quinto quoniam materia electrica ubique diffusa est, verisimillimum atque experimentis omnino conforme aiunt, si ea materia per vices circulare statuatur per terram, & atmosphæram; ita ut eiusdem ope plurimæ evaporationes atque exhalationes contingant. Cl. DRAGULIERIUS aerii puriori vim electricam tribuit: constat ab electricis corpora non electrica attrahi: illa vero, quæ una sunt electrica, a se repelli mutuo. Particulas igitur aqueas minutim ab igne solutas primum attrahi ab aere censet: postea vero quam electricitatem communicatam adquisierint, & ab aere, & a se mutuo repelli, atque hoc modo in fluidum, quod aere atmosphærico specificie levius sit, extenuari. Cl. BECCARIA, etsi ad universa meteora explicanda fluidum electricum aptissimum iudicet; tamen electricitatem solius aeris, si maior vaporum copia requiritur, ut in nubibus imbriferis, ac tempestatibus fulmineis, non sufficere arbitratur: idcirco fluxum quendam fluidi electrici ex uno terræ loco in quo abundat, versus alium in quo deficit, admittit, ita, ut illud, ubi maiore vi gaudet, vapores secum evehat in aerem, eosque ita ordinet ac disponat, ut instar vehiculi sint, quo ex uno in alium locum trahi possint. Sicut enim folia auri, festucæ, pulveres sicci &c. quibus catena electrica imminet, diversis primo motibus agitantur, dein sibi adhærent mutuo, & inde a patina, in qua posita sunt, ad ipsam catenam corpus quoddam continuum efformant, per quod veluti canalem fluidum electricum in patinam reliquaque corpora transit: sic erumpens e quodam loco materia electrica vapores secum attollit cumque aliis in atmosphæra iam existentibus coniungit, ut per eosdem ceu tramitem in alium commigret locum, ubi minor eiusdem copia est. Verum etsi fluidum electricum augeat evaporationem corporum, quæ ex aliis ad eam causis disposita iam sunt; tamen totum ea negotium non conficit. Dragulierii sententiæ obest: de electricitate aeris, quæ ordinariæ evaporationi efficiendæ par sit, ac sufficiens, non constat. Imo experimentis ope perticarum, aut draconum volantium captis compertum est, diversis temporibus, ventis

tis etiam vehementissimis spirantibus nullam vim electricam, quæ quidem sensu percipi possit, atmosphæræ inesse. 2. Antequam vapores elevari queant ab aere electrico, necesse est, ut prius vapores fiant, quam eleventur, hoc est, ut aqua aliaque corpora vapores suppeditantia minutissime solvantur; cum non possit tam tenue fluidum alias partes crassiores elevare, multo etiam minus longiore tempore tenere suspensas. Quapropter aliis præterea causis opus est. Cl. Beccaria non satis persuadet, illum traiectum fluidi electrici ex uno in alium terræ locum non nisi per vapores in atmosphæram eiectiones fieri; cur enim, si illud fluidum alicubi abundat, alibi deficit, is transitus non fiat via brevissima per ipsam terram, ubi tot corpora transmittentia præsto sunt?

III. *Genesis vaporum sive solutio corporum* in minutissimas partes per atmosphæram dispersas fit motu intestino & fermentatione a viribus specialibus internis corporum ortas. Constat enim de existentia earum virium; atque is effectus solutionis multo maior est, quam ut a legibus mechanicis derivari possit, uti ex ingente rarefactione, ac vi expansiva corporum in vapores solutorum perspicuum est.

IV. Vapores ita geniti ab aere secundum leges hydrostaticas attolli possunt ad eam altitudinem, ubi eadem est proxime gravitas specifica. Sit gravitas aeris ad aquam, ut 1 : 800 vel ut alii volunt, ut 1 : 922. Constat, aquam in vapores solutam non modo in spatium millies maius, sed quater decies millies maius expandi; ut sine dubio levior fiat aere. Novi aquam in vase contentam a gradu frigoris artificialis ope spiritus nitri excitati ad calorem ebullitionis non nisi  $\frac{1}{8}$  voluminis sui expandi. Sed nimirum alia cohesionis ac virium lex in massa maiore, & particulis minimis, ac separatis, vel specialibus viribus in se agentibus. In aqua etiam calidissima & ebulliente sensibilis partium attractio, etsi minor, quam in frigida observatur; stilus enim ei immixtus sensibilem adhuc guttulam extrahit, ac retinet: quapropter etsi calor unde unde ortus, ac ignes terrestres æque ac subterranei, radii solis,

cor-

corporum attritus, alii excitati motus corporum cœ putrefactionis ad eam fermentationem disponant corpora evaporantia, per quam vapores gignuntur; tamen ipsa eorum genesis proxime non ab illis causis, sed ab hac fermentatione & viribus internis pendet, per quas minimæ particulæ mutatis inter se distantis pariter vires mutant attrahentes in repellentes ad certum usque limitem; quemadmodum cum de viribus specialibus ageretur, exemplis est declaratum. Nulla igitur in hac corporum solutione explicanda hypothesis fingitur: ea intellecta nihil obstat, quo minus elevatio vaporum per leges hydrostaticas fiat. Cl. KRAZENSTEINIUS observavit, bullam ex potu fabæ turcicæ diametrum habuisse  $\frac{1}{3800}$  unius digiti parisi; igitur diameter guttulæ, ex qua bulla formabatur, saltem decies minor esse debuit, nempe  $\frac{1}{38000} = 0,000027$ . Expansio magis crescit; sed necessarium non est, ut eo usque excrescat.

V. Sine dubio vapores quidam generantur etiam vehemente, ac repentina vi ignis, qua particulæ quædam, antequam ad debitam tenuitatem redactæ sunt, divelluntur, aut uno cum aere ex corporibus incaléscentibus se liberante auferuntur. Verum hi vapores cum satis alte non eleventur, neque in locis frigidioribus diu persistant, cito relabuntur, ac confluunt in maiores massulas, ut in destillationibus, in fusione metallorum, in roscidis nebulis &c. experimur. Sed non semper vis tanta ignis, nec tanta aeris agitatio præsto est, cum surgunt vapores, uti fit in ordinaria evaporatione liquidorum, aut quando in hieme tranquillo aere fumant stagna & lacus, aut evaporat ipsa glacies. In his quidem casibus sufficiens corporum solutio, ac genesis vaporum non nisi a viribus specialibus repeti potest, quæ quidem quiescente maiore massa minimas particulas adficere, novam elementorum & maxime virium compositionem inducere valent. Multum enim indoles vaporum, eorumque vires a viribus massæ homogeneæ discrepant. Id mira expansio, & elasticitas, id ipse color ostendit. Scimus enim alios colores ex guttulis fonticulorum & pluviis, alios ex vaporibus

&amp;c.

#### C. IV. Regnum Atmosphære Terrestris. 415

& nubibus haberi: istorum quidem opacitas satis ostendit, eos ex solidis guttulis haud constare, siue bullulas siue vesiculas adpellare malis; certe alia virium & elementorum compositione gaudent, ut apertissima phænomena exhibent.

VI. Actio fluidi electrici sæpe auget evaporationem corporum, quæ ad vapores emittendos ex aliis causis sunt determinata ceu plantæ, animalia, liquida &c. sæpe enim excitatur electricitas naturalis tum in atmosphæra, uti suo loco probatum, tum in corporibus terrestribus, quorum cum alia perpetuo corrumpantur, & alia nascantur atque in his alia maiore vi fluidum attrahant, alia minore necesse est; ut perpetua huius materiæ per diversa corpora traectio, & circulatio consequatur: est autem hæc materia summe activa, omniaque ingente celeritate pervadit: hinc motus intestinus & consequens inde evaporatio non potest non augeri. Constat maiorem eius fluidi copiam contineri in quibusdam locis & tractibus sulfureis, ac bituminosis, aliisve, quæ perpetuam fere igneam scaturiginem sub se continent, quales sunt campi quidam phlegmæ; scrobes sulfuræ, mineræ &c. Hinc aliæ particule e. g. aqueæ per cumulum eiusmodi materiæ quasi electrificatæ se fugient mutuo, ac separabunt: accedet attractio aeris negative electrici: surget ergo vapor, & particulis aeris adhærebit: hæ paulatim & ipsæ electrificatæ sese fugient mutuo; unde fit volumen maius compositum ex aereis & aqueis particulis, & rursus in sustentando eo complexo locum habebunt leges hydrostaticæ. Idem fieri debet aeri positive electrico, qui tum a crassioribus nondum solutis attractus; iisdem vim electricam communicabit, qua evaporatio augeatur, & acceleretur.

VII. Et si indoles vaporum a natura corporis, a quo soluti sunt, multum discrepet; tamen iidem redeunt paulatim ad pristinum statum, uti cum vapores aquei pluviarum forma decidunt. Fieri id potest nova particularum ob alias heterogeneas mixtas fermentatione, aut quia frigore densantur, ventis comprimuntur, vel cum aliis homogeneis arctius iterum coniunguntur, ut vires attractivæ denuo se exerant. Nempe parum adhuc exploratum nobis est, quid ac quomodo in at-

mo-

mosphærico regno excoquatur in tanta particularum diversissimi generis, ordinisque colluvie.

*Uti calor evaporationem maxime promovet: ita frigore vapores iam solutos denuo constringi, atque in locis frigidioribus deponi observamus. Sphæræ vitreæ cavæ, bene exsiccatae atque hermetice clausæ, si in locum frigidiorē defertur, mox vapores aquei interne adhærent, qui paulatim augentur, atque in guttulas etiam sensibiles confluunt. Si in locum calidiorē restituitur, vel aer externus quâcunque ex causâ magis incalascit, iidem vapores ex interna superficie iterum avulsi disparent. Si in scyphum vitreum probe siccum infunditur aqua haud paullo frigidior, quam sit aer illo tempore, illico externa vitri facies vaporibus obducitur. Simili nebula vaporosa vitrei fenestrarum orbes sæpe teguntur interna vel externa superficie, prout aer externus, vel internus frigidior extiterit.*

## §. CCXVI.

### NEBULÆ.

I. *Nebula* est vapor densior, qui non satis elevari potest, maxime aqueus, etsi non raro alios halitus fæcentes, potissimum sulfureos admixtos habeat. Eiusmodi fætidas nebulas perquam noxias experimur, & in aquæ superficie, cui incumbunt, pelliculas coloratas & pingues relinquunt.

II. *Nebulæ* tempore æstivo rariores sunt: frequentiores in vere & autumno; quia tum magis refrigeratur aer horis matutinis ac vespertinis, quam æstivo tempore. Mensibus hibernis per dies integros atque etiam hebdomadas sæpe nobis obversantur.

## §. CCXVII.

### NUBES.

I. *Nubes* est nebula in sublime elata, ac vapor tenuior. Cum præaltos montes nubibus cinctos conspiciamus; qui in iis versantur, nebula se circumdari pu-

## C. IV. Regnum Atmosphæra Terrestris. 417

putant: & si qua nebula valli incumbens ex monte altiore conspicitur, ea instar nubis adparet. Distantia, magnitudo, forma nubium varia & mutabilis. Riccio-  
lus ad 5000 passus evectas mensus est, hoc est, ad 5 milliaria Italica, aut  $1\frac{1}{2}$  Germ. Monnierius notavit, cacumen montis canigou plerumque ultra nubes eminere; unde ultra 5765 pedes non ascenderent.

II. Motus nubium varius: plures ab occâsu & meridie, quam ortu aut septentrione ad nos veniunt: sæpe brevi tempore non modico spatio sublidunt: sæpe elevântur: quæ in vertice montis hærebant, verius medium descendunt: aliquando ab infima aut media parte in verticem eluctantur. Si nubes quædam seorsim spectetur, ea calore intensiore sæpe evanescit: imo sole orto, iamque elevato aliquantum, omnes non raro nubes, quibus cælum ante tegebatur, disparent, nec raro accidit, ut orto vix sole cælum obtegatur nubibus, quod tota noctu serenum fulsit. Cl. BECCARIA ante ortas pluvias, aut fulmineas tempestates fere semper observavit nubem quandam densiorem variis suis partibus, ac veluti laciniis terræ vel monti cuidam incumbentem, quæ continuo crescere, atque attolli superne globosa videbatur aliisque nubibus aucta demum totum cælum obtegere: inferebat, eiusmodi nubem electrifari. Sicut enim in machina fluidum electricum per partes cuspidatas diffunditur: sic idem eiicitur in atmosphæram per montium apices, silvas altis arboribus conlitas, turres, ædificia præalta, aliaque eminentia corpora fluido electrico abundantia.

## §. CCXVIII.

### PLUVIÆ.

I. Non una est causa, quæ vapores in maiores massulas, & aqueos maxime in guttulas pluvias cogat. I. Sæpe aer ob exhalationes calidas rarescens impar fit vaporibus tanta copia ferendis. Hunc calorem pluvias præfagientem non modo foffores experiuntur,

D d

sed

J. Zallinger, T. III.

sed plurima insecta produnt, ut muscæ, araneæ, limbrici, limaces &c. quin & pisces subilientes, & velut auram captantes extra aquas: imo non pauci homines, qui validiore aere ad respirationem egent, ingentes ob eiusmodi calorem angustias perlentiscunt. Ipse descensus mercurii, qui per sæpe antecedit pluvias, aerem eiusve densitatem vaporibus calidis erumpentibus quadam parte imminui, indicat. 2. Copia vaporum eo usque excrescere potest, ut particulæ aqueæ arctius coeuntes vi attractiva se uniant, atque aere specificè graviores evadant. Eiusmodi tenues guttulæ cum ipso descensu initio satis lente alias adprehendant, in maiores excrescunt guttas. Compertum est non uno tempore, quando largiores pluviae ad pedem montis cadebant, in ea altitudine montis, qua nubes hærebant, non nisi tenues guttulas, ac velut nebulam quandam lente subsidisse. Copiam vaporum lux stellarum vesperi magis tremula, cælum obscurius, et si carere nubibus videatur, indicat. 3. Ventis contrariis, ipsoque nubium motu vapores in arctius spatium constringi, ac condensari debent. 4. Mixtione heterogenearum partium novæ fermentationes viriumque in vaporibus mutationes effici posse ac debere, analogiæ naturæ maxime consentaneum est. Sæpe aquæ pluviae si examinentur, non reperiuntur puræ. 5. Uti ascensus vaporum; ita etiam descensus partem sibi non raro vendicat naturalis electricitas. Si enim ingens eorum iam actu electricorum copia adfit, iidem alios atque alios ad se attrahent, & cum iis propius coniuncti vi mutuae attractionis in maiores globulos coalescent. Hoc modo colligi, condensarique videntur vapores, quando e nubibus vel nebulis præcise certis montibus adhærescentibus fere pluvias consequi, experientia discimus.

II. Non omnes venti æque præfagiunt, vel admittunt, vel creant pluvias; rarius certe venti orientalis, ac septentrionalis, sæpius meridionalis & occidentalis, sed non modo a diversa vaporum, quos advehunt, copia & constitutione, sed etiam regionum, montium &c. situ & indole pendet, & ex observationibus plurium annorum pro quovis tractu singulatim discendum est.

III.



#### C. IV. Regnum Atmosphæra Terrestris. 419

III. *Exhydriæ seu fracturæ nubium* censentur, quando immensa prope aquarum moles intra brevissimum tempus e nube simul effunditur; quod circa loca montosa contingit sæpius. Oriri possunt tum ex repentino partium heterogenearum e. g. salinarum per ventos advectarum cum aqueis concursu, quo vapores celeriter condensari, ac decidere debent. aliam causam, fortassis verisimiliorem præbet fluidum electricum. Siquis enim telluris locus e. g. mons exiguum eius partem continet, attrahet magna vi vicinam nubem, eamque velut momento condensabit. Idem evenire debet, si ex opposito mons abundare eo fluido, & nubes prope destituta esse concipiatur.

### §. CCXIX.

#### GRANDO, ET NIX.

I. *Grandinem* esse guttulas maxime aqueas subito frigore congelatas, & pro vario aliarum guttularum, vel granorum accessione auctas omnes ante Beccariam Philosophi censuerant. Is enim ad eiusmodi congelationem poscit vim activam & vehementem, & celerem; quæ a fluido electrico maxime haberi possit. Sed chemia non pauca præbet exempla præcipitationum, in quibus ob heterogeneas admixtas partes ingens liquorum copia repente consistere, & in massam solidam abire cernitur.

II. Observatur in grandine plerumque nucleus magis opacus, aliquando etiam rarior, ac nivofus: crusta exterior in plura velut strata divisa adparet; quasi in descensu nivium flocci pluviis aquis aliquantum fusi sint, aut per locum calidiorem transierint: tum pervenerint denuo ad frigidiorum.

III. *Nix* est vapor congelatus, & in floccos collectus. Figura minime constans est; ac cl. SCHERFFERUS intervallo unius horæ diversas species deprehendit: aliquando non nisi laminæ variae densitatis & diaphaneitatis conspiciuntur pro diverso situ oculi etiam diversum colorem exhibentes, uti fit in tenuissimis lamellis corporum. In præaltis montibus flocci exilissi-

simi deprehenduntur, & singularem plerumque figuram exhibent. De hac re actum a nobis est, cum speciales corporum vires stabilire conaremur.

## §. CCXX.

### ROS ET PRUINA.

I. Tres roris species numerat MUSSCHENBRØEKIUS; Prima est, qua terræ superficies matutino ac vespertino tempore non raro tota humectatur. Is a vaporibus antea suspensis in aere, ac frigore constrictis oritur. Quia vero æstivo tempore ob breviorē solis absentiam terra non tantum caloris per noctem perdit, minorque inter diurnum, & nocturnum calorem est differentia, quam in vere & autumnō; minor etiam rariorque roris copia æstivis mensibus, quam vernis & autumnalibus observatur. Spectanda præterea est diversa corporum diversorum in vapores aqueos attractio. Vasa vitrea, porcellana, plantæ teneræ &c. multo rore conspergi solent, dum metallina, argentea, cuprea, stannea &c. probe polita, aut corpora pingui materia obducta vix guttulam recipiunt.

II. Altera roris species ab auctore laudato appellatur nubecula illa, quæ locis humidis non raro in altitudine 6 aut 7 ped. incumbit. Verum cum hæc species non nisi altitudine differat a nebula; eiusdem proprietates ac naturam habet.

III. Tertia roris species, eaque frequentissima est, quæ plantis, certisque duntaxat illarum partibus adhæret, quin sensibilia roris vestigia in aliis circumpositis corporibus adpareant. Hanc a plantis per vasa quædam excretoria exsudari vel exspirari censuit Musschenbrækus; eoquod iisdem semper plantæ partibus, eademque figura adhæreat. Sed hoc quidem variæ dispositioni partium, qua plantæ quibusdam locis copiosius colligunt, retinentque fortius aqueos vapores, adscribendum videtur. Siqua frumenti spica largiter aqua adspergitur, ea post aliquam moram non nisi in cuspidibus maiores guttas exhibet, Idem plantam cum

se suo campana vitrea, & terram, cui inserta erat, plumbo ita obtexit, ut non nisi caulem per foramen transmiserit; atque altero die deprehendit, plantæ eundem rorem adhærere, qui in libero aere solebat. Verum & aer, dum intra campanam concludebatur, vapores habebat: & ex continua transpiratione plantæ novos accipiebat, quos dein frigore constrictos in plantam dimittere potuit. Si ros in ea deprehensus non nisi sudor illius existeret, planta quædam a caule suo avulsa, dum circulatio succorum tollitur, nihil aut perparum roris exhiberet. Contrarium docet experientia.

IV. Disceptatum est, utrum ros e terra ascendat, an ex atmosphæra decidat; Cl. Du Fay suspendit duo vitra sicciſſima in libero aere; alterum in distantia unius digiti a terra, alterum in distantia trium pedum. Cum vesperti utrumque viferet, illud, quod humilius positum erat, invenit ex utraque superficie madidum: magis tamen ex inferiore: post semihoram utraque eiusdem superficies iam guttulas quasdam sustentabat, maiores tamen inferior. At vitrum maiore intervallo a terra remotum non nisi tenui vapore obduci cæperat. Hæ observationes sæpius repetitæ semper sibi constare visæ sunt. Si supra vas quoddam terra valde humenti repletum in distantia unius digiti suspenditur lamina vitrea, eaque dein una cum vase desertur in locum frigidorem, inferior laminæ superficies post pauca minuta vaporibus tingitur: paullo post etiam superior. Hæc quidem manifesto indicio sunt, vapores ex terra ascendere magno numero; non tamen concludi propterea potest, omnem rorem ex hoc solo ascensu repetendum esse.

V. Ros a vaporibus in aere inferiore dimissis, pluviae autem a nubibus & vaporibus etiam altius elatis oriuntur: cum igitur in aere inferiore diversissimæ hæreant partes heterogenæ, sulfureæ, oleosæ, terreæ &c. quæ ad maiorem altitudinem non perveniunt: facile intelligitur, alias aquæ pluvialis, alias roris proprietates, atque adfectiones esse. Ex quo patet, quod sæpe ros pecori roscidas herbas legenti noxius esse possit.

VI. *Pruina* eandem cum rore originem habet, nisi quod vapores dimissi vel in ipso aere vel dum corporibus adhærent, in quandam glaciei speciem abeant. In locis editioribus non ita frequens pruina cernitur; sicciora enim sunt ob aquas facilius decurrentes.

## §. CCXXI.

### IRIS SOLARIS ET LUNARIS.

I. Iris plerumque duplex cernitur, *primaria*, siue arcus interior, multo vivacior, & aliquando sola conspicua. Eius pars intima violacea est, extima rubea: reliquos colores medios ut in prisma, suo ordine exhibet: altera est *secundaria* siue exterior debiliores præferens colores, sed inverso ordine, nempe rubeum in parte intima & concava, violaceum in extima seu convexa. Ipsa positio iridis, & colorum ordo manifesto indicio est, eam non nisi refractione & reflexione radiorum lucis, quæ fit in guttis pluviis, nasci. Non enim conspicitur iris, nisi in nube soli opposita oculo inter solem & nubem constituto. Res tota geometricè determinari potest, & a pluribus accuratissime ad minutias usque determinata est. Pro instituto meo satis fecisse videbor, si experientiæ ope totum id declarem.

II. Globus vitreus aut bulla vitrea aqua plena ita suspendatur e regione solis, ut magis demitti, vel attolli possit altius. Observator tergum soli obvertens in minore quadam globi altitudine excipiet radios rubros ex luce in superiorem globi partem incidente, & ex inferiore illius parte iterum emergente. Si dein globus aliquantum demittitur, successive adparebunt reliqui colores eo ordine, ut in iride aut prisma, ut locum ultimum teneat violaceus. Exemplum id est iridis primariæ, quæ *duplici refractione* in ingressu, & egressu e globulo aqueo, atque *una reflexione* habetur. Facile autem ob eam causam, quod facilius refringatur radius violaceus, difficilior rubeus, intelligi potest, neque ad eundem oculum pervenire posse omnes colores ex unica gutta, neque e diversis di-

ver-

versos colores, nisi ita sint ordine dispositi, ut e superioribus guttulis radii minus refrangibiles, ex inferioribus magis refrangibiles veniant, atque omnes in oculo conveniant, uti id pro maiore vel minore globi vitrei altitudine observatur.

III. Si dein globus vel bulla vitrea altius elevatur, ut radii solum per inferiorem globi partem ingressi, & reflexi superius egrediantur, atque in oculum illabantur; observabitur in quadam altitudine primo color ruber; dein globum elevando altius succedent reliqui colores iridis secundariae; quæ quidem duplici refractione, & duplici reflexione gignitur, ut radii per inferiorem globuli partem cum refractione ingressi primo sursum reflectantur; inde a superiore quodammodo fornice deorsum reflexi denique e globulo emergentes refringantur versus oculum. Verum cum duplici reflexione plures radii dispergantur, partim etiam transmittantur, patet, iridis secundariae colores necessario languere.

IV. Latitudo iridis tam primariae quam secundariae non nisi discrimini refrangibilitatis radiorum lucis responderet, si sol reipsa non nisi punctum lucidum omni carens sensibili latitudine, atque ad immensam distantiam remotum foret. Verum quoniam radii non ex centro solis duntaxat, sed etiam ex limbis parallelis adveniunt, & diameter disci angulum  $32'$  subten- dit; hinc latitudo colorum, & utriusque arcus, auge- tur, & simul commistio quædam colorum maxime vicinorum, rubri cum aurantio, flavi cum viridi &c. consequitur, neque omnes septem colores in iride tam facile discerni possunt, ut in spectro prismatico, in quo puriores sunt.

V. Iridis figura est constans, eaque circularis, modo altior, modo depressior, prout sol horizonti propinquior, vel ab eo remotior fuerit. Dum sol in horizonte versatur, iris semicircularis adparet: quando supra horizontem elevatus est, semper minor semicirculo.

VI. Quia in globulis aqueis reflexio non tantum duplex, sed etiam triplex fieri potest, plures adpare-

re deberent, nisi lux nimis debilis evaderet. Si nubes pluvia satis densa, & lux incidens valde copiosa est, etiam tertia iris erit conspicua. Si radii solis ex lacu ampliore reflectantur, efformari ab iisdem potest iris, quæ semicirculum superat.

VII. Iris lunaris similiter formatur refractione & reflexione in guttis pluviis, præsertim luna plena & in oriente vel occidente constituta, cum alias cælum sit tenebrosus non sit ad reddendam iridem lumini lunæ valde debili. Imo aliquando in ipsa tellure conspicua iris est, quando pluviarum aut roris guttulæ gramine & herbis incumbunt, uti P. PARDIES per montem quendam iter faciens in subiecta valle conspexit.

## §. CCXXII.

### HALO.

I. *Halo* vox græca aream circularem vel coronam nobis denotat nempe lucidam illam circa solem, lunam, aliave sidera, sæpe albicantem, aliquando coloribus distinctam. Solem aliquando ambit eiusmodi circulus, quando tenuior vapor, per quem sol satis distincte cerni potest, per aerem dispersus est. Plerumque tamen luna, non raro Iuppiter, Syrius aliæque stellæ lucidiores satis notabilem exhibent. Vapor aquæ calidæ inter candelam & oculum ascendens, imo etiam vitrum oris halitu obnubilatum, aut nebula, per quam flamma conspicitur, eidem halonem conciliat. Unde perspicuum est primo eum non nisi ex refractione radiorum in vaporibus facta oriri; quamquam si halones sint ampliores & colores paullo vivaciores, eosdem duplici refractione, & triplici reflexione effici posse ostendant. Secundo humores ipsi oculo insidentes vicem eiusmodi vaporum, & nebularum obire posse.

## §. CCXXIII.

### PARELIUS, ET PARASELENE.

I. *Parelios*, sol lateralis sive spurius, aut imago so-

solis est, refractione orta, aut ex vapore glaciali reflexa. Observatum est enim, post visos parelios sæpius pluvias, aut nives particulis glacialibus, & oblongis spiculis cecidisse. Splendor aliquando tantus, ut a vero sole nisi positione, vix discernatur: plerumque minor, ut potius nubem albescentem, quam parelium credas. Bini fere sunt eiusmodi laterales soles præter verum, aliquando quatuor; SCHEINERUS Romæ anno 1692 soles quinque simul vidit. Plerumque coronæ quædam adiunctæ sunt tum iridis colore, tum albæ, non semper concentricæ, in quarum interfectione fere iacent parelii. Duratio adparitionis varia, unius horæ, imo & quatuor horarum; aliquando, postquam deficere cæpere, rursus reviviscere videntur.

II. Parelio respondet Paraselene seu imago lunæ eodem modo efformata in nubibus, & circulo lucido fere circumdata. *Ad hæc phænomena exponenda, inquit SCHERFFERUS, cum sufficiat situs, & figura particularum seu glacialium, seu etiam aquarum, aut inter sese mistarum, vel etiam solvi incipientium, ac leges refractionis, & reflexionis, cuilibet relinquinus campum, ut pro libitu aptiorem suæ imaginationi seligat: utpote cum in hisce infinita varietas occurrere possit, nec idem congruat explicandi modus omnibus: nec diversi erunt ab eodem alieni phænomeno.*



## CAPUT V.

### *De Atmosphæris Corporum Cælestium.*

*D*e atmosphæris corporum cælestium, & phænomenis inde pendantibus plurimæ hypothæs, easque admodum discrepantes confinxerunt Philosophi, donec observationum copia & accuratio philosophandi methodo veritas deprehenderetur. Omnis hypothæsis,

*bus, & opinionibus falsis, quæ ad historiam literariam pertinent, paucis exponemus, quæ scitu digna videbuntur.*

## §. CCXXIV.

### MACULÆ SOLARES.

I. Solem atmosphæra, eaque admodum protensa cingi, ipsa analogia corporum ardentium suadet, & maculæ solares, ac lumen zodiacale manifeste ostendunt. Vocantur autem maculæ solares partes obscuriores & nigricantes in disco solis conspicuæ, quarum medium seu nucleus velut corona quadam minus obscura instar atmosphæræ rarioris fere cingitur, quæ in extremis limbis plerumque paullo obscurior iterum adparet. Observantur eæ maculæ tum per telescopia, si vitrum fumo probe obductum iis obicitur, tum per cameram obscuram, si radii solis telescopia duobus vitris instructo excipiantur, locusque circumpositus obscuratur. Tum enim inversa solis imago supra chartam ad axem telescopii normalem pingitur, & maculæ, siquæ adsint in sole conspiciuntur.

II. P. Christophorus SCHEINERUS germanus, suevus, domo Waldensis prope Mindelhemium, Professor Matheseos in Academ. Ingolstadiana maculas hæc anno 1611 mense martio (non Maio, ut Wolfius scribit in Elem. Astron.) primum vidit sole per nubem inspecto, easque tum præsentī P. Ioanni Bapt. Cysato, suo dein in eadem professione ibidem successorī aliisque suis discipulis ostendit. Verum cum ea res non tantum nova, sed etiam placitis philosophicis de incorruptibilitate cælorum (ut erant tum ea tempora) adversa esset, consultum videbatur, caute & pedetentim procedere, ne quid ab aliquo in ea academia professore in lucem emitteretur, cuius dein retractatio indecora, aut difficilis eveniret. Idcirco Scheinerus observationes suas Marco VELSERO duumviro Augustano misit easdem re comperta petenti, *nequid longa mora deperiret, aut primæ inventionis laurea aliunde decerperetur*, ut is ad Scheinerum rescripsit. Velserus igitur tres Scheineri epistolas sub nomine  
Apel-



*Apellis post tabulam latitantis de maculis primo edidit.* Cum vero postea GALILÆUS inventi gloriam sibi eripi criminaretur, Scheinerus in publicum prodiit, & clarissimis argumentis censorum invidiam patefecit in libro, quem Paullo Jordano II. Ursino Bracciani duci inscripsit hoc modo: *Rosa Ursina, sive sol ex admirando facularum & macularum suarum phænomeno varius.* Editio libri finita est anno 1630. Teste LANDINGIO l. 20 Astron. id opus insignem scientiam mathematicam Scheineri commendat, ac opinione Renati CARTESII spem reliquis præcidit, aliquid melius in hac re præstandi Hevelius in sele nographiap. 82 Scheinerum vocat *incomparabilem, & omnigenæ eruditionis virum* - - *ut in hac materia omnibus quasi palmam præripuisse visus sit.* Et sane multa ad cognitionem naturæ pertinentia ex hoc deducuntur, primo rotatio solis circa axem. Si quod enim sidus pura luce gauderet; & nullas unquam maculas exhiberet; eius motum gyrationis observare haud possemus. Nunc vero id commodum nobis præstant maculæ tum in sole, tum in aliis planetis, ut eos motu vertiginis agi dubitare haud possimus; quod quidem de sole *Keplerus* iam suspicatus est in nova Physica cælesti impressa anno 1609, biennio ante observationem Scheineri. *Secundo.* Ex iisdem maculis colligitur atmosphæra solis; quam idem *Keplerus* ex crepusculis deduxerat. Vid *Wolf.* Astron. §. 385. *Tertio.* Intelligitur similitudo cælestium corporum, & analogia nubium nostrarum cum maculis solis, uti mox exponam. Cumque sol materia heterogenea constet, haud secus, ac alia telluris corpora, ipsaque tellus corruptioni, & ingentibus omnino mutationibus obnoxius est. Ruit igitur precaria Veterum opinio, qua corpora sublunaria longe alterius naturæ, ac tellus nostra est, & incorruptibilia statuerant.

III. Maculas solares non nisi exhalationes esse, ac fuligines ex sole ascendentes, ostendit irregularis earum figura, diversa magnitudo, ac densitas incertus ortus, inæqualis duratio, varius earum numerus (Scheinero 50 aliquando visæ sunt) varisque mutationes, quas sæpe subeunt; ex quibus indicata cum nubibus nostris analogia perspicua est, cum præsertim corpora

in-

inflammata, atque interno æstu agitata plurimas ex halationes & vapores eiicere debeant, ut in vulcanis terrestribus patet. Quapropter dubium non est, solem quoque, cum omnes corporis ardentis, atque inflammati notas exhibeat, ingenti evaporationi obnoxium esse, qua illius lumen hebetetur, vel si densiores sint fumi, intercipiatur. Ostendendum unice superest, quomodo assignata macularum causa, quæ fictitia, & hypothetica dici profecto non potest, phaenomenis macularum explicandis sufficiat.

IV. *Motus diurnus* macularum, quo a limbo orientali solis versus occidentalem progredi nobis videntur, ex revolutione solis circa axem oritur, neque tam constans directio proprio nubium motui potest tribui. Hinc intelligitur, cur maculae per vices modo conspicuae sint, modo post solem lateant, ac demum iterum redeant aliquando.

V. *Motus annuus* macularum dicitur, quatenus earum via, quam in disco solis conficiunt, quadam anni tempore rectilinea est, alio curvilinea, & quidem alias versus oculum spectatoris convexa, alias versus eundem concava. Atque hoc ex positione æquatoris solaris respectu spectatoris pendet; quæ quidem positio ob annum terræ circa solem motum diversa est. Si sol ita obvertitur telluri, ut poli æquatoris solaris sint in limbis disci, & oculus in ipso æquatoris plano ad spectatorem producto; tum omnes circuli æquatori paralleli instar lineæ rectæ adparent, & quodvis punctum in sole discernibile videtur lineam rectam describere; id quod ad finem Maii & initium Iunii per quatuordecim fere dies contingit, posteaquam sol octavum circiter geminorum gradum attingit. Postea mense Junio, Julio, & Augusto via macularum adparet curvilinea convexa versus terram; quia eo tempore polus borealis æquatoris in ipso disco hæret superius, alterno australi post discum latente. Ad initium septembris decrescit convexitas, donec circa 8 vel 10 gradum sagittarii ad finem Novembris via iterum rectilinea videatur; quæ deinceps curvatur iterum, cavitate terram respiciente. Maxima curvitas circa finem februarii, & initium Martii deprehenditur, sole  
pi-

pisces ingresso. Est porro hic motus tam regularis, ut vi calculi, & unius observationis via maculæ determinari possit; ex eodem colligitur, æquatorem solarem ad eclipticam, seu planum orbitæ telluris inclinari sub angulo  $7\frac{1}{2}$  grad.

VI. Incrementum, & decrementum macularum aliud est *physicum* dum macula in eodem prope disci loco augetur, vel minuitur, alia quadam vicina permanente in suo statu, vel contrario modo immutata; uti idem fit in nubibus nostræ atmosphære. Aliud est incrementum vel decrementum *opticum*; circa limbos enim minores sunt, maiores versus medium discum, propterea quod circa limbos situ obliquo nobis obvertantur, directe circa medium. Ostendimus enim in optica, obiecta æqualia, quarum alterum directe, alterum oblique obvertitur oculis, inæqualia adparere in eadem distantia, ac videri maius, quod directe nobis opponitur. Ex hoc ipso phænomeno concluditur, maculas, etsi aliquam habeant crassitiem, magis tamen in longum vel latum protendi, nec esse corpora globosa circa solem rotata; secus earum figura pro diverso situ immutari non posset: contra solis figuram ad sensum sphericam esse; cum is eminus spectatus in omni situ instar disci circularis adpareat. denique ex situ obliquo versus limbos, & globositate solis fit, ut motus macularum versus limbos tardior adpareat, velocior circa medium discum.

VII. Tempora adparitionis, & occultationis macularum, quando post discum latent, tum iterum in conspectum prodeunt, in pluribus notabiliter inæqualia esse, non una observatione exploratum est. Commentatores Newtoni L. III. Prop. X. binas referunt observationes accuratissime institutas, alteram ex tractat. Anglicanis n. 294. alteram ex diario Eruditorum ad annos 1676, 1677, in quibus maculæ per integros dies 15 occultari, nec nisi per 12 dies adparere sunt visæ, ut adeo differentia temporum sit 3 circiter dierum. Ex hac autem temporum differentia necessario concludendum est, eiusmodi maculas non in superficie solis hæerere, sed ab ea quodam intervallo remotas

tas esse. Sit enim (F. XVII. T. III.) solis discus AEDB e tellure T visus sub angulo  $32'$ . Ducantur rectæ ET, DT solem tangentes, itemque CT ad diametrum AB normalis; erunt anguli CTD, DCB, itemque anguli ETC, ECA utrinque æquales, cum sint complementa ad unum rectum, ac continebunt

singuli  $16'$ , cum totus angulus ETD contineat  $32'$ ; proinde pars solis inconspicua DHE erit ad par-

tem conspicuam EMD, ut  $180^\circ, 32' : 179^\circ, 28' =$

$10832 : 10768$ . Si igitur maculæ in ipso solis disco hærerent, hæc eadem esset ratio temporum, quibus occultantur, & quibus adparent; quia earum motus æquabilis est, & spacia confecta in eiusmodi motu sunt ut tempora; imo quia pars conspicua solis ab inconspicua non nisi uno circiter gradu differt (ob ra-

tionem  $180^\circ, 32' : 179^\circ, 28'$ ) tempus, quo adparent maculæ, a tempore, quo occultantur, non nisi una, alterave hora differre posset; cum enim tempus revo-

lutionis solis circa axem sit 27, vel 648; fiat  $360^\circ :$

$648 = 1 : 2$  propinque. At si via maculæ non sit in superficie, sed atmosphæra solis, & circulo FGKIL eidem concentrico; manifestum est, eam ex tellure T non fore conspicuam in disco solis, nisi per arcum FOG, qui semiperipheria notabiliter minor est; quocirca etiam tempus, quo percurritur arcus FG, notabiliter minus erit tempore, quo conficitur arcus GKILF.

VIII. Verum aurea mathesis, quæ genuina clavis est aperiendæ naturæ, longius nos ducit, ut nimirum dato tempore 12 dierum, quibus maculæ solis in eius disco adparent, & tempore 15 dierum, quo occultantur, earundem a superficie solis distantia reperiatur. Sit via maculæ circulus soli concentricus FOGKIL; ita, ut per acum FOG sit conspicua, per arcum GKILF inconspicua, quoniam illius motus æquabilis est, & spacia percurfa, ut tempora, erit

GKILF: FOG = 15 : 12.

& GKIFG: FOG = 27 : 12 =  $360^\circ : 160^\circ$ . Itaque arcus FOG continebit 160 gradus, qui subducti a  $180^\circ$  seu a semiperipheria LOK relinquent summam arcuum LF + GK =  $20^\circ$ ; proin LF seorsim, vel GK =  $10^\circ$ . Porro quia angulus ETD admodum exiguus est, & tangentes ET, DT non nisi ad maximam terræ a sole distantiam concurrunt, eædem assumi possunt pro parallelis, & normalibus ad AB. Erit EF vel AF sinus arcus  $10^\circ$ , eiusque sinus versus erit ALposito radio CL = 10000000, reperitur cosinus arcus  $10^\circ$  = 9848077, qui subductus a radio dat sinum versus = 151923. Quamobrem erit CL: AL = 10000000: 151923. & CA: AL = 9848077: 151923. Ponatur iam semidiameter solis CA = 100 semidiamet. terr. fiatque 9848077: 151923 = 100: 1, 54. Quare distantia AL maculæ a superficie solis æquabit semidiametrum unam telluris, & 54 centesimas partes eiusdem, seu proxime unam ac dimidiam Semidiametrum terræ. Cæterum quoniam collatis macularum solarium observationibus intelligitur, tempora adparitionis, & occultationis non esse in omnibus æqualia, concludendum est, eas pro diversitate eorum temporum diversas a sole distantias habere; omnes tamen uno eodemque tempore motu angulari circumvolvi. KRAEFFTIUS Tom. 7. Aced. Petropol. ex omnibus iis maculis, quas annis 1728, 1729, 1730 conspexerat, unicam commemorat, cuius certus erat reditus, & quæ adparuit diebus 13, & 14 diebus latuit. Plures aliæ, quæ dimidio fere revolutionis totius tempore conspicuæ erant, ipsique adeo solis superficiei inhæserant, memorantur a KEILLIO Lect. 5. Astronom. & a Monnierio l. 5. Instit. Astron. Ex tot iis, quarum historiam texerat Scheinerus, vix fuit aliqua, quæ adparuerit duntaxat diebus 12: plures, quæ diebus  $12\frac{1}{2}$ , 13,  $13\frac{1}{2}$  visæ sunt.

IX. Maculæ circa æquatorem solarem potissimum videntur, nec fere ultra 30 gradus versus polos dicuntur discedere. Mempe, motus rotationis circa axem celerrimus est, in æquatore, utpote circulo  
ma-

6 per meridianum transit; cum igitur tota diameter

solis intra 120 transeat per meridianum, ea macula vigesimam partem diametri solaris occupavit: sive diameter solis ad diametrum maculae fuit ut 20:1. Cumque diameter solis centum diametros telluris nostrae complectatur, fiat  $20:1 = 100:5$  sive diameter maculae quinquies maior fuit diametro telluris; ac si ea fuisset corpus globosum, centies vigesies quinquies superasset totam tellurem. Verum quia macularum magnitudo versus limbos decrescit, ut supra diximus, earum craetities latitudini par non est. Nihilominus quia copia exhalationum in sole tum ex magnitudine ipsius, qua tellurem millionesies facile superat, tum ex vehementissimo intestino motu, ac fermentatione metienda est; incredibilis censei non debet indicata macularum vastitas, multo etiam minus illud, quod nebulae quaedam teste Hevelio anno 1643 mense Julio tertiam partem diametri solaris occupasse visa sint. Recte enim Scheinerus nebulas rariores a partibus vere nigricantibus distinxit, illasque secundarias, has primarias nuncupavit maculas. Atque haec quidem postremae saepe longiore tempore non conspiciebantur in sole; uti ab anno 1650 usque ad annum 1670, rursusque ab anno 1676 ad 1684 vix una, alterave penitus opaca & nigricans deprehendebatur; quamquam saepe ob nubes atmosphaerae nostrae observatio fieri nulla potest. Ab anno 1749 usque ad nostra tempora satis frequentes sunt. Verum etsi longius tempus maculis nigris careat sol; sine dubio tamen quasdam exhalationes continuo emittit, sed quae non durant longiore tempore, nec in densiora volumina semper coeunt. Scheinerus quidem, qui bis mille observationes de maculis solaribus instituit, solem a se nunquam omnino purum, & ab umbris etiam tenuioribus penitus immunem fuisse visum adfirmavit. montes quoque ignivomi nostrae telluris saepe per annos plures nullam materiam satis densam evomunt. Eiectio vi interni aestus fit, sustentatio per pressionem atmosphaerae solaris haberi potest: Etsi porro nubes no-

E e

stra

*stræ per tractus quosdam circumferantur in atmosphæra motu proprio a communi vertiginis motu distincto; tamen eiusmodi motus proprius, qui præter communem totius atmosphære solaris motum, etiam maculis competit, in tanta solis vastitate & distantia a terra satis observari non potest. Eius tamen vestigia quædam deprehenduntur in eo, quod plures maculæ in medio disci vel coalescere in unam, vel dissolvi in plures, vel evanescere, aut denique in faculas & luculas transire videantur.*

## §. CCXXV.

### LUMEN ZODIACALE.

I. *Lumen zodiacale est tractus cæli albicans, viæ lacteæ vel caudis cometarum non absimilis, qui quaternis fere horis ante solis ortum vel post eius occasum per zodiacum diffunditur; atque idcirco lumen zodiacale adpellatum est a Joanne Dominico CASSINI, qui anno 1683 primus id accuratius observavit. Hic tractus luminosus, qui ad magnam a sole distantiam versus ortum vel occasum protenditur, in cuspidem definit, ceu hastile lanceæ, eiusque pars latior solem, acutior stellam quandam fixam respicit. Eius longitudo, seu distantia verticis a sole varia est, nunquam tamen maior, quam 100, vel 103 graduum, neque minor quam 45° aut 60: latitudo baseos circa horizontem minima cernebatur 8°, maxima 20°. In variis regionibus dissitis ex defectu parallaxeos observatur ad eandem cæli partem prope stellas easdem: altitudo autem supra horizontem variatur pro differentia longitudinis locorum.*

II. Hoc lumen a sole pendere; atque a radiis ab eius atmosphæra reflexis oriri, sequentia indicia sunt: Positioni solis, & motui tam diurno, quam adparenti in ecliptica sese adcommodat: nam basis luminis soli insistit: vertex mane ascendit cum sole, eiusque altitudo crescit: vespere descendit cum sole, eiusque altitudo minuitur: qua parte propius est so-

foli, vivacius spectandum se præbet: pro diverso solis loco in ecliptica cuspis luminis diversas stellas fixas respicit, & pro diversa positione solis respectu dati loci diversum cum horizonte angulum efficit. Habet igitur hoc lumen proprietatem cuiusvis alteri lumini communem, ut a suo fonte pendeat, eoque remoto deficiat, posito ponatur; ex quo indubitato colligi videtur, id a sole pendere; nulla enim verisimilis ratio fingi potest, cur tam accurate motum sequatur solis, si ab eius radiis non proveniret, non iis quidem directis, cum ante ortum solis, & post occasum conspicuum sit; sed a reflexis in ipsa atmosphæra solis. Quapropter cum assignata huius phænomeni causa omnino vera sit; dispiciendum est, quomodo ea explicandis phænomenis sufficiat.

III. Ut ratio phænomenorum intelligatur. Sumenda est certa magnitudo, certa figura atmosphære solaris particulas habentis lumini reflectendo, aut fortassis instar phosphori emittendo aptas. In primis *magnitudo* admodum vasta esse debet, & magnitudini corporis solaris plus quam satis proportionata, ut sole infra horizontem iam multum depresso eius atmosphæra adhuc supra conum umbrosum emineat, & radios in eam incidentes ad terram reflectat, vel instar corporum phosphorescentium emitat; nam lumen zodiacale ad 100 a sole gradus facile pertingit, cum maxima elongatio veneris ab eodem non nisi 48 graduum sit. Difficile est tantam atmosphære vastitatem concedere. Verum cum ex analogia corporum ardentium, maculis solaribus, atque hoc ipso phænomeno, de quo agimus, plane constet, soli atmosphæram quandam circumfusam esse; de magnitudine eiusdem non nisi ex phænomenis iudicandum est, ut posita iam atmosphæra, quadam ratio phænomenorum explicetur, & ex ratione phænomenorum atmosphære magnitudo velut per regressum demonstrativum definiatur. Quod ea non modo interiores binos planetas, sed etiam terram aliquando involvat, ex eo quidam colligunt, quod non nunquam universum prope hæmisphærium cæle-



ste per totam noctem albescens adpareat perpetuo eiusmodi lumine; cuiusmodi noctes plures observavit Mairanus, & Boscovichius Romæ per plures annos, præsertim mense Julio anno 1759 non semel, uti supplem. Phil. Stay. T. 2. §. 460 testatur. Non nulli ad hanc magnitudinem persuadendam etiam cometarum caudas in subsidium vocant, quarum vapores in atmosphæra solis ad partes ei oppositas elevari volunt, quemadmodum nostri fumi in atmosphæra terrestri ascendunt. De his postea agemus. Nunc illud animadvertendum, tantam vastitatem non constantem necessario poni debere, cum ingentes in sole, eiusque atmosphæra mutationes contingere debeant. Dein illam atmosphæram, quanta est, tenuissimam esse, neque planetarum, quos involvit, motui quidquam sensibilibiter officere.

IV. *Figura* atmosphære solaris non tam sphæroidica, & ad polos maxime compressa, sed prope lenticularis concipi debet, cum inter distantiam utriusque cuspidis, quam hoc lumen præfert, & latitudinem luminis maxima sit differentia fere in ratione 5 ad 1. Hæc Figura tum ex vi centrifuga, quæ maxima est in æquatore, tum ex aliis fortassis causis æquilibrio extraneis oritur, ceu varia densitate, & elasticitate fluidi atmosphærici, ob quas illud circa æquatorem tantopere accumulari, & elevari debet. Denique & figura atmosphære, sicut de magnitudine diximus, ex phænomenis discenda est. Quamquam & illud animadvertendum, rationem longitudinis & latitudinis huius luminis accurate determinari haud posse, quia latitudo ipsa obliquitate, qua conspicitur, contrahi debet.

V. Si oculus spectatoris directe versus polum quemdam æquatoris solaris posset verti, lumen zodiacale instar segmenti circularis supra horizontem emergere videretur. At quoniam, is nunquam non positionem obliquam ad planum æquatoris, & atmosphære solaris habet; hinc latitudo luminis in basi supra horizontem necessario decrescit pro maiore ob-

obliquitate situs oculi, ac lumen sub forma lentis transversim conspectæ in cuspidem terminatur, magisque in longum quam latum protenditur.

VI. Ut autem hoc lumen reipsa conspici a nobis possit, præter magnitudinem figuramque atmosphaeræ solaris, requiritur, ut pars zodiaci, per quam extenditur, ab horizonte sub angulo satis magno emergat; idque pendet a positione sphaeræ. Collocetur enim sphaera armillaris, vel globus caelestis ad altitudinem poli dato loco debitam; concipiatque planum æquatoris solaris cum plano eclipticæ proxime congruere, ita, ut non nisi exiguum angulum  $7\frac{1}{2}$  gr. efficiant. Quoniam lumen zodiacale per zodiacum soli proximum diffunditur, eundem proxime cum horizonte angulum efficiet, quem efficit zodiacus soli proximus. Porro in zona temperata boreali, quam habitamus, is zodiacus circa æquinoctium vernum cum horizonte *ortivo* angulum valde exiguum: cum horizonte *occiduo* angulum satis magnum efficit. Contra circa æquinoctium autumnale zodiacus ad horizontem ortivum magis erectus, ad occidentum magis inclinatus est. Quapropter lumen zodiacale in hemisphaerio boreali consistentibus ex vaporibus in horizonte situs non satis emergit, nisi tempore verno post crepusculum vespertinum, & autumnali matutinum. Patet id totum, si principium arietis, ac dein libræ primo ad horizontem ortivum, postea occidum vertatur. MAIRANUS, qui phaenomena huius lucis maiore studio observavit, considerans inclinationem æquatoris solaris ad eclipticam, deprehendit, augeri aliquot gradibus differentiam inclinationis matutinæ in autumnno, & vespertinæ in vere ad horizontem, ita ut lumen zodiacale facilius circa æquinoctium vernum vespere, quam circa autumnale mane conspici debeat. Id quod experientiae admodum conforme est. Ex his bina intelliguntur, *primo* cur cuspis luminis circa æquinoctium vernum terminetur infra eclipticam ad Pleiades: circa æquinoctium autumnale mane supra eclipticam ad iubar leonis; id quod positio & rectificatio sphae-

ræ exhibet. *Secundo.* Quænam anni tempora apud nos aptissima sint observando huic phænomeno, nempe Vespertinum in vere, matutinum in autumnò. Raro admodum conspici id potest & vespere & mane eadem nocte, nempe tunc solum, cum id a sole plurimum protenditur, quod cassino contigit nocte inter 4 & 5 Decembris 1687; quo tempore invenit utrumque cuspidem a sole distantem 70 gradibus cum latitudine graduum 20.

VI. Incolæ zonæ torridæ, quibus satis elevatus semper & oritur, & occidit zodiacus, id lumen, si a sole satis protenditur; toto anno videre possunt & mane & vespere; uti testatur P. Franciscus NOEL missionarius in India Orientali, qui prope æquatorem versatus anno 1684 id observavit, & *crepusculum secundum* nominavit. Verisimilis coniectura est, veteres sub nomine coni, vel pyramidis in cælo conspicuæ non nisi lumen zodiacale designasse

## §. CCXXVI.

### ATMOSPHERA LUNÆ.

I. Lunam atmosphæra quadam circumdari, sed multo, ac fere millies rariore, quam sit aer noster, probatur sequentibus argumentis. Primo *ex annulo lucido*, qui in eclipsibus solaribus lunam aliquando ambit, quique circa interiorem marginem vividior est, ac fere duodecimam partem diametri solaris æquat. Hoc phænomenon anno 1605 Antuerpiæ ac Neapoli observatum fuisse refert Keplerus in l. de nova stella serpentarii. Idem alii aliis locis observarunt, quos recenset cel. FRISIUS l. 2. De Gravitate Omnium Corp. C. X. in Schol. Is annulus non videtur aliunde oriri, quam ex luce, quam particulæ atmosphære lunaris ad nos reflectunt. Non enim oritur ex radiis solis prope marginem lunæ transeuntibus & ab ipsa luna inflexis; nam eiusmodi radii versus umbram inflexi admodum pauci sunt, mul-

multi eorum dispergi debent in contrariam partem , ut adeo altitudo annuli unius pollicis ab iis haberi non possit. Neque is annulus ex luce ab atmosphæra solis reflexa provenit , ut quidam opinantur. Ob magnitudinem enim atmosphærae solaris amplior foret , si a sole oriretur : neque lunæ , sed soli esset concentricus ; quod experientia refellit.

II. Alterum argumentum pro atmosphæra lunari derivatur ex phænomenis siderum prope lunam transeuntium. Multi enim ac præstantes Astronomi & Physici in immersionibus & emersionibus siderum quasdam variationes coloris , motus , ac figuræ observarunt : alii contra nihil variationis deprehenderunt , ut refert friſius loc. cit. Quapropter ne omnia phænomena vitio instrumentorum , observatorumque , aut irregularibus refractionibus nostri aeris tribuamus sine ratione sufficiente ; statuendum videtur , atmosphæram lunæ rarissimam esse , subtilissimamque , ut sidera prope lunam transeuntia plerumque nullam variationem exhibeant : eam vero aliquando ita alterari ex quadam causâ ( uti fit in aliis atmosphæris ) ut ante & post occultationem siderum aliqua prodeat figuræ , coloris ac motus variatio. Addit Friſius : rem omnem confecit D. du Sejour in Act. Acad. Paris. ad annos 1764 , 1765 , qui collectis undique observationibus omnibus eclipsium solarium Londini , Madriti , Caleti , Holmiæ , Tolosæ aliisque in locis visarum deprehendit , non posse ipsas conciliari inter se invicem , nisi ponatur , radios solis prope marginem lunæ transeuntes inflexionem

4 subire , & accedere ad lineam , quæ a centro lunæ ad oculum spectatoris ducitur. Hæc aptavit observationibus initii , finis eclipsium , maximæ obscurationis , & distantiae cornuum &c. atque hoc modo conciliatis observationibus eodem argumento diffractionem radiorum lucis , quæ in partem contrariam fieret , reiecit , & aliquam lunæ atmosphæram evicit , quæ radios undique in gyrum refringendo ad sese cogat accedere ; ostenditque , refractionem

horizontalem lunæ non nisi 2" esse, & atmosphæram eiusdem millies fere rariorem nostro aere, in qua refractio horizontalis ad  $32\frac{1}{2}$  pertingit.

## §. CCXXVII.

### ATMOSPHERÆ ALIORUM PLANETARUM.

I. Variationes, quas in disco Saturni, Jovis, ac martisprehendimus, indicio sunt; singulos sua atmosphæra circumdatos esse. CASSINUS in saturno zonas quasdam nunc parallelas & rectas, nunc arctiores inter se, nunc aliquantum curvas, aliquando tres, aliquando unicam, ac sæpe nullam observavit. Hæ zonarum vicissitudines sine aliquo fluido, quod undique Saturnum ambit, intelligi nequeunt.

Simili Argumento HUGENIUS aliquam esse atmosphæram Jovis ex varia, & irregulari zonarum forma colligit, quæ modo magis, modo minus distant a se invicem, & modo plures, modo pauciores sunt quandoque binæ aut tres, aut quandoque etiam quinque; ut retulit Cassinus ipse in Act. Paris. anno 1735. Nec vero prætereundæ sunt maculæ, quas primum anno 1665 detexerat Cassinus, & quas numero plures amplioresque anno 1690prehendit, quando Juppiter solis propinquitate vehementius incaluerat.

III. In superficie martis pariter distingui solent maculæ & zonæ diversam magnitudinem, figuram, & locum obtinentes. In immersionibus & emersionibus stellarum ex marte similiter variationes quædam observatæ sunt. Act. Paris. 1735.

*Hæc quidem sufficere videntur, ut vi analogiæ reliquis etiam corporibus totalibus tribuatur atmosphæra quædam; in quibus eandem aliis indiciis explorandi opportunitas nondum se obtulit. In stellis quidem nebulosis radios illos, quæ ambiguntur, ab atmosphæra quædam*  
ve-

veluti solari provenire, Mairanus suspicari videtur, quæ ob diversam positionem in iisdem sæpius mutari debeat.

## §. CCXXVIII.

## CAUDÆ COMETARUM.

I. Oculos hominum præsentem cometam admirantium maxime rapit trabs lucida, seu cauda cometæ, quam post se trahit ex ea parte, unde progreditur. Si enim appendix luminosa proiicitur in partem, in quam motu proprio tendit cometa, is *barbatus* dicitur: quamquam id discrimen non attendatur semper. Aliquando caput cometæ splendore quodam, ceu capillitio illuminato circumdatur; ac tum *crinitus* audit.

II. Caudas cometarum non nisi tenuissimos vapores, & halitus esse ab eorum capite in partem soli oppositam ascendentes, dubitari vix potest. Nam perspicuum est, cometas ingente atmosphæra circumdari, & quidem longe maiore, quam quæ nucleum tegere, aut totum cometæ corpus nobis videtur efficere; hæc enim pars atmosphære ceteris quidem densior, sed multo minor est. Id omnia caudæ phænomena comprobant. Nam 1. Cometarum caudæ maxime crescunt post perihelium, ubi scilicet vicinia solis iisdem plurimum incaluerunt; ac tum caput admodum obscurum, & exiguum adparet; uti observatum est in cometa anni 1680, cuius cauda ad 50, 60, 70 gradus protendebatur, cum caput vix stellis secundæ magnitudinis par esset. 2. Cauda iacet in plano orbitæ cometæ solem secante; fitque dilutior & tenuior, quo longius recedit a capite, uti simile quidpiam in vaporibus nostri aeris contingit. 3. Cauda aliquantum inflectitur in partes, quas nucleus relinquit, ob retardationem, quam halitus patiuntur tum in ascensu, tum in motu secundum tangentem orbitæ, eo fere modo, quo lux aut flamma, quam quis gestat, in partem relictam curvatur. 4. Ex ea parte, in quam tendit cometa, cauda lucidior adparet.

Ob resistantiam enim aliquam, quam tenuissimi halitus in atmosphæra solis utcunque rara patiuntur, cauda hac parte convexa aliquantum condensatur; unde plus luminis reflectit. 5. Ob atmosphæram cometarum fit, ut quemamodum Hævelio videbatur, cometa ex pluribus nucleis compositus adpareat. Similiter P. Cysatus cometam anni 1618 in tres globos, seu partes dissectum vidit; quod quidem tum mutationi atmosphære, tum fortassis etiam vitio telescopiorum tribuendum est, quæ illis temporibus nondum ad eam perfectionem, quam nunc habent, adducta erant.

II. Si causa ascensus eorum halituum quærat, ea ex pressione & legibus atmosphære solaris maxime repetenda videtur; postea enim, quam vapores ad maiorem altitudinem, & rariorem atmosphæram iam pervenire, tamen ultra ascendent tum ob motum iam conceptum, tum ob trusionem aliorum halituum subsequens; à quibus eo facilius propelluntur, quo minus semper ob maiorem distantiam in corpus comete gravitant: & quo minorem resistantiam inveniunt. Siquis cum Keplero impulsione radiorum solarium velit adsciscere, non repugno præsertim cum in iis regionibus materia lucis multo densior, spectata subtilitate halituum, per quos ipsæ stellæ transparent, non nulli effectui præstando par videatur. Si igitur a pressione atmosphære solaris repetitur ascensus halituum, haud ægre intelligitur, cur ii in partem a sole averfam semper eleventur, nimirum directione ea, quæ gravitatis directioni opposita est, præsertim cur pars anterior comete eiusque atmosphære ingente calore æstuet, & valde rarefiat; hinc halitus in partem contrariam tendent. Quapropter situs caudæ a sole semper averfus est; ac si cometa ante solem oriatur, cauda præcedet caput: si post solem occidat, capite iam infra horizontem demerso cauda adhuc eminebit, uti observatum est in cometa anni 1744. Verum & telluris situs considerandus est; si enim nucleus comete, terra, & sol in eadem iacent recta linea, ac sol cum cometa in oppositione existat, fieri potest, ut nucleus maior caudam obteget, ceterum hæc admodum

*C. V. Atmosphæra Corporum Cælestium. 443*

dum longa sit : Si nucleus concipiatur minor , & extremum caudæ admodum latum , circa caput cometæ splendor , vel capillitium illuminatum adparebit.

III. Color , magnitudo , ac figura caudarum varia est , atque in eodem etiam cometa mutantur. Historiæ sanguineas & flammeas caudas memorant , fortassis ob partes quasdam phosphorescentes , aut accensas. In recessu a sole ii halitus condensari , atque in nucleum recidere debent ; unde minuetur magnitudo caudæ , uti in accessu ad solem crescere solet. Fuere , qui opinati sunt , cometam soli vicinum partem atmosphære solaris attrahere , indeque caudam , & comam suam augere. Sed vereor , ut ex hac causâ notabile caudæ incrementum fiat. Certe densior atmosphære solaris pars vix solem deferet. Potissima pars caudæ non nisi halitibus ipsius cometæ tribui potest ; quia per calorem solis non tantum atmosphæra eius nucleo circumfusa rarefieri , sed ingens etiam vaporum , & halituum vis sursum elevari debet. Denique quod sulci & intermixtæ in cauda umbræ provenire haud possint ab illa umbra , quam nucleus cometæ proicit , Boscovichius probat in dissertatione de cometis ; indeque infert conversionem cometarum circa axem , quam Eulerus ex diversitate lucis in diversis caudis conclusérat.

*Reliquum esset , ut de natura corporum totalium , atque imprimis cometarum , uti Tomo II. promiseram , accuratius tractarem. Verum cum exposita vi gravitatis generalis in eodem loco , atque in hoc tomo explicatis sis , quæ ad constitutionem telluris nostræ pertinent , per pauca de totalibus corporibus satis cognita & explorata sint : Et historia quoque cometarum a pluribus diligenter confecta sit , removenda est manus de tabula , ne supra iustam molem excrescat opus. Siquis principia tot rerum ac tantarum , quæ proposita a nobis ac stabilitata sunt , satis comprehenderit animo , via tuta deinceps progredi in investiganda natura , cognitioneque sua augenda , ut quidem opinor , poterit. Res enim tota maioris moliminis est , quam ut uno , alteroque anno perfectionem quis adsequatur.*

O. A. M. D. G.

A01

1453411





